

Namo tassa bhagavato arahato sammāsambuddhassa

Khuddakanikāye

Therāpadānapāḷi

(Paṭhamo bhāgo)

1. Buddhavaggo

1. Buddhaapadānaṃ

1. Tathāgataṃ jetavane vasantaṃ, apucchi vedehamunī nataṅgo;
“Sabbaññubuddhā kira nāma honti, bhavanti te hetubhi kehi vīra”.
2. Tadāha sabbaññuvaro mahesī, ānandabhaddaṃ madhurassarena;
“Ye pubbabuddhesu [sabbabuddhesu (syā.)] katādhikārā, aladdhamokkhā jinasānesu.
3. “Teneva sambodhimukhena dhīrā, ajjhāsayaenāpi mahābalena;
Paññāya tejena sutikkhapaññā, sabbaññubhāvaṃ anupāpuṇanti.
4. “Ahampi pubbabuddhesu, buddhattamabhipatthayiṃ,
Manasāyeva hutvāna, dhammarājā asaṅkhiyā.
5. “Atha buddhāpadānāni, suṇātha suddhamānasā;
Tiṃsapāramisaṃpuṇṇā, dhammarājā asaṅkhiyā.
6. “Sambodhiṃ buddhaseṭṭhānaṃ, sasāṅghe lokanāyake;
Dasāṅgulī namassitvā, sirasā abhivādayiṃ [abhivādaye (syā.)].
7. “Yāvataṃ buddhakhettesu, ratanā vijjantisāṅkhiyā;
Ākāsaṭṭhā ca bhūmaṭṭhā [bhummaṭṭhā (sī. syā.)], manasā sabbamāhariṃ.
8. “Tattha rūpiyabhūmiyaṃ, pāsādaṃ māpayiṃ ahaṃ;
Nekabhummam ratanamayaṃ, ubbidham nabhamuggataṃ.
9. “Vicittathambhaṃ sukataṃ, suvibhattaṃ mahārahaṃ;
Kanakamayasaṅghāṭaṃ, kōtacchattehi maṇḍitaṃ.
10. “Paṭhamā veḷuriyā bhūmi, vimalabbhasamā subhā;
Naḷinajalajākiṇṇā, varakañcanabhūmiyā.
11. “Pavāḷaṃsā pavāḷavaṇṇā, kāci lohitaṃ subhā;
Indagopakavaṇṇābhā, bhūmi obhāsati disā.
12. “Suvibhattā gharamukhā, niyyūhā sīhapañjarā;
Caturō vedikā jālā, gandhāveḷā manoramā.
13. “Nīlā pītā lohitaṃ, odātā suddhakāḷakā;

Kūṭāgāravārūpetā, sattaratanabhūsitā.

14. “Olokamayā padumā, vāḷavihaṅgasobhitā;
Nakkhattatārakākiṅṅā, candasūrehi [candasuriyehi (sī. syā.)] maṅḍitā.
15. “Hemajālena sañchannā, soṇṇakiṅkiṅkāyutā;
Vātavegena kūjanti, soṇṇamālā manoramā.
16. “Mañjeṭṭhakaṃ lohitakaṃ, pītakaṃ haripiṅjaraṃ;
Nānāraṅgehi sampītaṃ [saṃcittaṃ (syā.)], ussītaddhajamālinī [māliniṃ (sī.)].
17. “Na naṃ [nānā (sī. syā.)] bahūnekasatā, phalikā rajatāmayā;
Maṇimayā lohitaṅgā, masāragallamayā tathā;
Nānāsayanavicittā, saṅhakāsikasanthatā.
18. “Kampalā dukūlā cīnā, paṭṭuṇṇā paṇḍupāvurā;
Vividhattharaṇaṃ sabbaṃ, manasā paññapesahaṃ.
19. “Tāsu tāsveva bhūmīsū, ratanakūṭalaṅkatāṃ;
Maṇiverocanā ukkā, dhārayantā sutiṭṭhare.
20. “Sobhanti esikā thambhā, subhā kañcanatorāṇā;
Jambonadā sāramayā, atho rajatamayāpi ca.
21. “Nekā sandhī suvibhattā, kavāṭaggaḷacittitā;
Ubhato puṇṇaghaṭānekā, padumuppalasaṃyutā.
22. “Atīte sabbabuddhe ca, sasaṅghe lokanāyake;
Pakativaṇṇarūpena, nimminivā sasāvake.
23. “Tena dvārena pavisitvā, sabbe buddhā sasāvakā;
Sabbasoṇṇamaye pīṭhe, nisinnā ariyamaṅḍalā.
24. “Ye ca etarahi atthi, buddhā loke anuttarā;
Atīte vattamānā ca, bhavanaṃ sabbe samāharim.
25. “Paccekabuddhenekasate, sayambhū aparājite;
Atīte vattamāne ca, bhavanaṃ sabbe samāharim.
26. “Kapparukkhā bahū atthi, ye dibbā ye ca mānūsā;
Sabbāṃ dussaṃ samāhantā, acchāḍemi ticīvaraṃ.
27. “Khajjaṃ bhojjaṃ sāyanīyaṃ, sampannaṃ pānabhojanaṃ;
Maṇimaye subhe patte, saṃpūretvā adāsahaṃ.
28. “Dibbavatthasamā hutvā, maṭṭhā [maṭṭā (sī.)] cīvarasaṃyutā;
Madhurā sakkharā ceva, telā ca madhuphāṇitā.
29. “Tappitā paramannena, sabbe te ariyamaṅḍalā;
Ratanagabbhaṃ pavisitvā, kesarīva guhāsayā.
30. “Mahārahamhi sayane, sīhaseyyamakappayūṃ;

Sampajānā samuṭṭhāya, sayane [seyye (syā.)] pallaṅkamābhujum.

31. “Gocaraṃ sabbabuddhānaṃ, jhānaratisamappitā;
Aññe dhammāni desenti, aññe kīḷanti iddhiyā.
32. “Aññe abhiññā appenti, abhiññā vasibhāvitā;
Vikubbanā vikubbanti, aññenekasahassiyo.
33. “Buddhāpi buddhe pucchanti, visayaṃ sabbaññumālayaṃ;
Gambhīraṃ nipuṇaṃ ṭhānaṃ, paññāya vinibujjhare.
34. “Sāvakā buddhe pucchanti, buddhā pucchanti sāvake;
Aññamaññaṅca pucchitvā [pucchanti (sī. syā.)], aññōññaṃ byākaronti te.
35. “Buddhā paccekabuddhā ca, sāvakā paricārakā;
Evaṃ sakāya ratiyā, pāsādebhiramanti te.
36. “Chattā tiṭṭhantu ratanā, kañcanāvelapantikā;
Muttājālaparikkhittā, sabbe dhārentu [dhārenti (ka.)] matthake.
37. “Bhavantu ceḷavitānā, soṇṇatārakacittitā;
Vicittamalyavitatā, sabbe dhārentu matthake.
38. “Vitatā malyadāmehi, gandhadāmehi sobhitā;
Dussadāmaparikiṇṇā, ratanadāmabhūsitā.
39. “Pupphābhikiṇṇā sucittā, surabhogandhabhūsitā;
Gandhapañcaṅgulikatā [gandhapañcaṅgulaṃ katā (aṭṭha.)], hemacchadanachādītā.
40. “Catuddisā pokkharañño, padumuppalasanthatā;
Sovaṇṇarūpā khāyantu, padmaṃreṇurajuggatā.
41. “Pupphantu pādapā sabbe, pāsādassa samantato;
Sayaṅca pupphā muñcivā, gantvā bhavanamokirum.
42. “Sikhino tattha naccantu, dibbahaṃsā pakūjare;
Karavīkā ca gāyantu, dijasaṅghā samantato.
43. “Bheriyo sabbā vajjantu, vīṇā sabbā rasantu [ravantu (sī. syā.)] tā;
Sabbā saṅgīti vattantu, pāsādassa samantato.
44. “Yāvatā buddhakhetamhi, cakkavāḷe tato pare;
Mahantā jotisampannā, acchinnā ratanāmayā.
45. “Tiṭṭhantu soṇṇapallaṅkā, dīparukkhā jalantu te;
Bhavantu ekapajjotā, dasasahassiparamparā.
46. “Gaṇikā lāsikā ceva, naccantu accharāgaṇā;
Nānāraṅgā padissantu, pāsādassa samantato.
47. “Dumagge pabbatagge vā, sinerugirimuddhani;
Ussāpemi dhajaṃ sabbam, vicittaṃ pañcavaṇṇikaṃ.

48. “Narā nāgā ca gandhabbā, sabbe devā upentu te;
Namassantā pañjalikā, pāsādaṃ parivārayuṃ.
49. “Yaṃ kiñci kusalaṃ kammaṃ, kattabbaṃ kiriyaṃ mama;
Kāyena vācā manasā, tidase sukataṃ kataṃ.
50. “Ye sattā saññino atthi, ye ca sattā asaññino;
Kataṃ puññaphalaṃ mayhaṃ, sabbe bhāgī bhavantu te.
51. “Yesaṃ kataṃ suviditaṃ, dīnaṃ puññaphalaṃ mayā;
Ye ca tattha [tasmim (sī. ka.)] na jānanti, devā gantvā nivedayuṃ.
52. “Sabbalokamhi [sabbe lokamhi (syā. ka.)] ye sattā, jīvantāhārahetukā;
Manuññaṃ bhojanaṃ sabbaṃ [sabbe (syā.)], labhantu mama cetasā.
53. “Manasā dānaṃ mayā dīnaṃ, manasā pasādamāvahaṃ;
Pūjitaṃ sabbasambuddhā, paccekā jinasāvakā.
54. “Tena kammaṃ sukateṇa, cetanāpaṇidhīhi ca;
Jahitvā mānusaṃ dehaṃ, tāvatimsamagacchahaṃ.
55. “Dive bhava pajānāmi, devatte atha mānuse;
Aññaṃ gatiṃ na jānāmi, manasā patthanāphalaṃ.
56. “Devānaṃ adhiko homi, bhavāmi manujādhipo;
Rūpalakkhaṇasampanno, paññāya asamo bhava.
57. “Bhojanaṃ vividhaṃ seṭṭhaṃ, ratanañca anappakaṃ;
Vividhāni ca vatthāni, nabhā [nabhasā (syā.)] khippaṃ upenti maṃ.
58. “Pathabyā pabbate ceva, ākāse udake vane;
Yaṃ yaṃ hatthaṃ pasāremi, dibbā bhakkhā upenti maṃ.
59. “Pathabyā pabbate ceva, ākāse udake vane;
Yaṃ yaṃ hatthaṃ pasāremi, ratanā sabbe upenti maṃ.
60. “Pathabyā pabbate ceva, ākāse udake vane;
Yaṃ yaṃ hatthaṃ pasāremi, sabbe gandhā upenti maṃ.
61. “Pathabyā pabbate ceva, ākāse udake vane;
Yaṃ yaṃ [yattha (syā.), yaññaṃ (ka.)] hatthaṃ pasāremi, sabbe yānā upenti maṃ.
62. “Pathabyā pabbate ceva, ākāse udake vane;
Yaṃ yaṃ hatthaṃ pasāremi, sabbe mālā upenti maṃ.
63. “Pathabyā pabbate ceva, ākāse udake vane;
Yaṃ yaṃ hatthaṃ pasāremi, alankārā upenti maṃ.
64. “Pathabyā pabbate ceva, ākāse udake vane;
Yaṃ yaṃ hatthaṃ pasāremi, sabbā kaññā upenti maṃ.
65. “Pathabyā pabbate ceva, ākāse udake vane;

Yaṃ yaṃ hatthaṃ pasāremi, madhusakkharā upenti maṃ.

66. “Pathabyā pabbate ceva, ākāse udake vane;
Yaṃ yaṃ hatthaṃ pasāremi, sabbe khajjā upenti maṃ.
67. “Adhane addhika [\[addhike \(syā.\)\]](#) jane, yācake ca pathāvino;
Dadāmihaṃ [\[dadāmiha \(sī.\) dadāmi taṃ \(syā.\)\]](#) dānavaraṃ, sambodhivarapattiyā.
68. “Nādentō pabbataṃ selaṃ, gajjento bahalaṃ giriṃ;
Sadevakaṃ hāsayaṃto, buddho loke bhavāmahaṃ.
69. “Disā dasavidhā loke, yāyato natthi antakaṃ;
Tasmiṃca disābhāgamhi, buddhakhetā asaṅkhiyā.
70. “Pabhā pakittitā mayhaṃ, yamakā raṃsivāhanā;
Etthantare raṃsijālaṃ, āloko vipulo bhava.
71. “Ettake lokadhātumhi, sabbe passantu maṃ janā;
Sabbe maṃ anuvattantu, yāva brahmanivesanaṃ [\[sabbeva sumanā hontu, sabbe maṃ anuvattare \(sī. syā.\)\]](#).
72. “Visiṭṭhamadhunādena, amatabherimāhaniṃ;
Etthantare janā sabbe, suṇantu madhuraṃ giraṃ.
73. “Dhammameghena vassante, sabbe hontu anāsavā;
Yettha pacchimakā sattā, sotāpannā bhavantu te.
74. “Datvā dātabbakaṃ dānaṃ, sīlaṃ pūretvā asesato;
Nekkhammapāraṃsiṃ gantvā, patto sambodhimuttamaṃ.
75. “Paṇḍite paripucchitvā, katvā vīriyamuttamaṃ;
Khantiyā pāraṃsiṃ gantvā, patto sambodhimuttamaṃ.
76. “Katvā daḷhamadhiṭṭhānaṃ, saccapāraṃsi pūriya;
Mettāya pāraṃsiṃ gantvā, patto sambodhimuttamaṃ.
77. “Lābhālābhe sukhe dukkhe, sammāne cāvamānane [\[sammāne ca vimānane \(ka.\) sammānane vimānane \(syā.\)\]](#);
Sabbattha samako hutvā, patto sambodhimuttamaṃ.
78. “Kosajjaṃ bhayato disvā, vīriyaṃ cāpi khemato;
Āraddhavīriyā hotha, esā buddhānusāsani.
79. “Vivādaṃ bhayato disvā, avivādañca khemato;
Samaggā sakhilā hotha, esā buddhānusāsani.
80. “Pamādaṃ bhayato disvā, appamādañca khemato;
Bhāvetthaṭṭhaṅgikaṃ maggaṃ, esā buddhānusāsani.
81. “Samāgatā bahū buddhā, arahantā [\[arahanto \(syā.\)\]](#) ca sabbaso;
Sambuddhe arahante ca, vandamānā namassatha.

82. “Evaṃ acintiyā buddhā, buddhadhammā acintiyā;
Acintiye pasannānaṃ, vipāko hoti acintiyō”’.

Itthaṃ sudaṃ bhagavā attano buddhacariyaṃ sambhāvayamāno buddhāpadāniyaṃ [[buddhacariyaṃ \(sī.\) buddhacaritaṃ \(syā.\)](#)] nāma dhammapariyāyaṃ abhāsittāti.

Buddhāpadānaṃ samattaṃ.

2. Paccekabuddhaapadānaṃ

Atha paccekabuddhāpadānaṃ suṇātha –

83. “Tathāgataṃ jetavane vasantaṃ, apucchi vedehamunī nataṅgo;
‘Paccekabuddhā kira nāma honti, bhavanti te hetubhi kehi vīra’ [[dhīra \(sī.\) dhīrā \(syā.\)](#)].
84. “Tadāha sabbaññuvaro mahesī, ānandabhaddaṃ madhurassarena;
‘Ye pubbabuddhesu [[sabbabuddhesu \(syā. ka.\)](#)] katādhikārā, aladdhamokkhā jinasānesu.
85. “‘Teneva saṃvegamukhena dhīrā, vināpi buddhehi sutikkhapaññā;
Ārammaṇenāpi parittakena, paccekabodhiṃ anupāpuṇanti.
86. “‘Sabbamhi lokamhi mamaṃ ṭhapetvā, paccekabuddhehi samova natthi;
Tesaṃ imaṃ vaṇṇapadesamattaṃ, vakkhāmahaṃ sādhu mahāmunīnaṃ.
87. “‘Sayameva buddhānaṃ mahāisīnaṃ, sādhuṇi vākyāni madhūva [[madhumva \(sī.\)](#)] khuddaṃ;
Anuttaraṃ bhesajaṃ patthayantā, suṇātha sabbesu pasannacittā.
88. “‘Paccekabuddhānaṃ samāgatānaṃ, paramparaṃ byākaraṇāni yāni;
Ādīnava yañca virāgavathuṃ, yathā ca bodhiṃ anupāpuṇimsu.
89. “‘Sarāgavathūsu virāgasaññī, rattamhi lokamhi virattacittā;
Hitvā papañce jitaphanditāni [[vidiya phanditāni \(sī.\) jitabandhitāni \(ka.\)](#)], tatheva bodhiṃ
anupāpuṇimsu.
90. “‘Sabbesu bhūtesu nidhāya daṇḍaṃ, aviheṭhayaṃ aññatarampi tesam;
Mettena cittena hitānukampī, eko care khaggavisāṇakappo.
91. “‘Sabbesu bhūtesu nidhāya daṇḍaṃ, aviheṭhayaṃ aññatarampi tesam;
Na puttamiccheyya kuto sahāyaṃ, eko care khaggavisāṇakappo.
92. “‘Saṃsaggajātassa bhavanti snehā, snehanvayaṃ dukkhamidaṃ pahoti;
Ādīnavaṃ snehajaṃ pekkhamāno, eko care khaggavisāṇakappo.
93. “‘Mitte suhajje anukampamāno, hāpeti atthaṃ paṭibaddhacitto;
Etaṃ bhayaṃ santhave pekkhamāno, eko care khaggavisāṇakappo.
94. “‘Vaṃso visālova yathā visatto, puttesu dāresu ca yā apekkhā;
Vaṃse kaḷīrova asajjamāno, eko care khaggavisāṇakappo.
95. “‘Migo araññamhi yathā abaddho, yenicchakaṃ gacchati gocarāya;
Viññū naro seritaṃ pekkhamāno, eko care khaggavisāṇakappo.

96. ““Āmantanā hoti sahāyamajjhe, vāse ca [vāse (sī. syā.) suttanipātepi “ca“kāro natthi] ṭhāne gamane cārikāya;
Anabhijjhitam seritam pekkhamāno, eko care khaggavisāṇakappo.
97. ““Khidḍā ratī hoti sahāyamajjhe, puttesu pemaṃ vipulañca hoti;
Piyavippayogaṃ vijigucchamāno, eko care khaggavisāṇakappo.
98. ““Cātuddiso appaṭigho ca hoti, santussamāno itarītarena;
Parissayānaṃ sahitā achambhī, eko care khaggavisāṇakappo.
99. ““Dussaṅgahā pabbajitāpi eke, atho gahaṭṭhā gharamāvasantā;
Apposukko paraputtesu hutvā, eko care khaggavisāṇakappo.
100. ““Oropayitvā gihibyañjanāni, sañchinnapatto yathā koviḷāro;
Chetvāna vīro gihibandhanāni, eko care khaggavisāṇakappo.
101. ““Sace labhetha nipakaṃ sahāyaṃ, saddhiṃ caraṃ sādhuviḥārīdhīraṃ;
Abhibhuyya sabbāni parissayāni, careyya tenattamano saṭimā.
102. ““No ce labhetha nipakaṃ sahāyaṃ, saddhiṃ caraṃ sādhuviḥārīdhīraṃ;
Rājāva raṭṭhaṃ vijitaṃ pahāya, eko care mātaṅgaraññeva nāgo.
103. ““Addhā pasamsāma sahāyasampadaṃ, seṭṭhā samā sevitabbā sahāyā;
Ete aladdhā anavajjabhojī, eko care khaggavisāṇakappo.
104. ““Disvā suvaṇṇassa pabhassarāni, kammāraputtana suniṭṭhitāni;
Saṅghaṭṭamānāni duve bhujasmim, eko care khaggavisāṇakappo.
105. ““Evaṃ dutīyena sahā mamassa, vācābhilāpo abhisajjanā vā;
Etaṃ bhayaṃ āyatim pekkhamāno, eko care khaggavisāṇakappo.
106. ““Kāmā hi citrā madhurā manoramā, virūparūpena mathenti cittaṃ;
Ādīnavaṃ kāmagaṇesu disvā, eko care khaggavisāṇakappo.
107. ““Ītū ca gaṇḍo ca upaddavo ca, rogo ca sallañca bhayañca metaṃ;
Etaṃ bhayaṃ kāmagaṇesu disvā, eko care khaggavisāṇakappo.
108. ““Sītañca uṇhañca khudaṃ pipāsaṃ, vātātape ḍaṃsasarīsape [ḍaṃsasirimsape (sī. syā.)] ca;
Sabbānipetāni abhibbhavitvā [abhisambhavitvā (suttanipāte)], eko care khaggavisāṇakappo.
109. ““Nāgo va yūthāni vivajjayitvā, sañjātakhandho padumī uḷāro;
Yathābhirantaṃ viharaṃ araññe, eko care khaggavisāṇakappo.
110. ““Aṭṭhānataṃ saṅgaṇikāratassa, yaṃ phassaye [phussaye (syā.)] sāmayaikaṃ vimuttiṃ;
Ādiccabandhussa vaco nisamma, eko care khaggavisāṇakappo.
111. ““Diṭṭhīvisūkāni upātivatto, patto niyāmaṃ paṭiladdhamaggo;
Uppannañāṇomhi anaññaneyyo, eko care khaggavisāṇakappo.
112. ““Nillolupo nikkhuho nippipāso, nimmakkha [nimmakkho (syā.)] niddhantakasāvamoho;
Nirāsayo [nirāsāso (ka.)] sabbaloke bhavitvā, eko care khaggavisāṇakappo.

113. “Pāpaṃ sahāyaṃ parivajjayetha, anatthadassiṃ visame nivittṭhaṃ;
Sayāṃ na seve pasutaṃ pamattaṃ, eko care khaggavisāṇakappo.
114. “Bahussutaṃ dhammadharaṃ bhajetha, mittāṃ uḷāraṃ paṭibhānavantaṃ;
Aññāya atthāni vineyya kaṅkhaṃ, eko care khaggavisāṇakappo.
115. “Khiḍḍaṃ ratiṃ kāmasukhañca loke, analaṅkaritvā anapekkhamāno;
Vibhūsaṭṭhānā virato saccavādī, eko care khaggavisāṇakappo.
116. “Puttañca dāraṃ pitarañca mātaraṃ, dhanāni dhaññāni ca bandhavāni;
Hitvāna kāmāni yathodhikāni, eko care khaggavisāṇakappo.
117. “Saṅgo eso parittamettha sokhyaṃ, appassādo dukkhamevettha bhiyyo;
Gaḷo [gāho (sī.) kaṇḍo (syā.) gāḷho (ka.)] eso iti ñatvā matimā, eko care khaggavisāṇakappo.
118. “Sandālayitvāna saṃyojanāni, jālaṃva bhetvā salilambucārī;
Aggīva daḍḍhaṃ anivattamāno, eko care khaggavisāṇakappo.
119. “Okkhittacakkhū na ca pādalo, guttindriyo rakkhitamānasāno;
Anavassuto aparidayhamāno, eko care khaggavisāṇakappo.
120. “Ohārayitvā gihibyañjanāni, sañchannapatto yathā pārīchatto;
Kāsāyavatto abhinikkhamitvā, eko care khaggavisāṇakappo.
121. “Rasesu gedhaṃ akaraṃ alolo, anaññaposī sapadānacārī;
Kule kule appaṭibaddhacitto, eko care khaggavisāṇakappo.
122. “Pahāya pañcāvāraṇāni cetaso, upakkilese byapanujja sabbe;
Anissito chejja sinehadosaṃ, eko care khaggavisāṇakappo.
123. “Vipiṭṭhikatvāna sukhañca dukkhaṃ, pubbeva somanassadomanassaṃ;
Laddhānupekkhaṃ samathaṃ visuddhaṃ, eko care khaggavisāṇakappo.
124. “Āraddhavīriyo paramatthapattiyā, alīnacitto akusītavutti;
Daḷhanikkamo thāmbalūpapanno, eko care khaggavisāṇakappo.
125. “Paṭisallānaṃ jhānamariñcamāno, dhammesu niccaṃ anudhammacārī;
Ādīnavaṃ sammāsītā bhavesu, eko care khaggavisāṇakappo.
126. “Taṇhakkhayaṃ patthayamappamatto, aneḷamūgo sutavā satīmā;
Saṅkhātadhammo niyato padhānavā, eko care khaggavisāṇakappo.
127. “Sīhova saddesu asantasanto, vātova jālamhi asajjamāno;
Padumaṃva toyena alimpamāno, eko care khaggavisāṇakappo.
128. “Sīho yathā dāṭhabalī pasayha, rājā migānaṃ abhibhuyya cārī;
Sevetha pantāni senāsanāni, eko care khaggavisāṇakappo.
129. “Mettaṃ upekkhaṃ karuṇaṃ vimuttiṃ, āsevamāno muditañca kāle;
Sabbena lokena avirujjhamāno, eko care khaggavisāṇakappo.
130. “Rāgañca dosañca pahāya mohāṃ, sandālayitvāna saṃyojanāni;

Asantasam jīvitasāṅkhayamhi, eko care khaggavisāṅakappo.

131. “‘Bhajanti sevanti ca kāraṇatthā, nikkāraṇā dullabhā ajja mittā;
Attatthapaññā asucīmanussā, eko care khaggavisāṅakappo.
132. “‘Visuddhasīlā suvisuddhapaññā, samāhitā jāgariyānuyuttā;
Vipassakā dhammavisesadassī, maggaṅgabojjhaṅgagate vijaññā.
133. “‘Suññappaṇidhiñca tathānimittam [\[suññatappaṇihitañcānimittam \(sī.\)\]](#), āsevayitvā
jīnasāsanamhi;
Ye sāvakattam na vajanti dhīrā, bhavanti paccekajjinā sayambhū.
134. “‘Mahantadhammā bahudhammakāyā, cittissarā sabbadukkhoghatiṇṇā;
Udagacittā paramatthadassī, sīhopamā khaggavisāṅakappā.
135. “‘Santindriyā santamanā samādhī, paccantasattesu patippacārā [\[paccattagambhīramatappacārā \(sī.\)\]](#);
Dīpā parattha idha vijjalantā, paccekabuddhā satatam hitāme.
136. “‘Pahīnasabbāvaraṇā janindā, lokappadīpā ghanakañcanābhā;
Nissamsayam lokasudakkhiṇeyyā, paccekabuddhā satatappitāme.
137. “‘Paccekabuddhānam subhāsītāni, caranti lokamhi sadevakamhi;
Sutvā tathā ye na karonti bālā, caranti dukkhesu punappunam te.
138. “‘Paccekabuddhānam subhāsītāni, madhum yathā khuddamavassavantaṃ;
Sutvā tathā ye paṭipattiyuttā, bhavanti te saccadasā sapaññā’.
139. “‘Paccekabuddhehi jinehi bhāsītā, kathā [\[gāthā \(sī. syā.\)\]](#) uḷārā abhinikkhamitvā;
Tā sakyasīhena naruttamena, pakāsītā dhammavijānanattham.
140. “‘Lokānukampāya imāni tesam, paccekabuddhāna vikubbitāni;
Samvegasaṅgamatīvaḍḍhanattham, sayambhusīhena pakāsītāni’ ti.

Paccekabuddhāpadānam samattam.

3-1. Sāriputtattheraapadānam

Atha therāpadānam suṇātha –

141. “‘Himavantassa avidūre, lambako nāma pabbato;
Assamo sukato mayham, paṇṇasālā sumāpitā.
142. “‘Uttānakūlā nadikā, supatitthā manoramā;
Susuddhapuḷinākiṇṇā, avidūre mamassamaṃ.
143. “‘Asakkharā apabbhārā, sādu appaṭigandhikā;
Sandatī nadikā tattha, sobhayantā mamassamaṃ.
144. “‘Kumbhīlā makarā cettha, susumārā [\[sumsumārā \(sī. syā. \)\]](#) ca kacchapā;
Caranti nadiyā tattha, sobhayantā mamassamaṃ.

145. “Pāṭhīnā pāvusā macchā, balajā [vajalā (sī. syā.) jalajā (pī.)] muñjarohitā;
Vaggaḷā [vaggulā (sī.) vaggulā (syā.) maggurā (theragāthā)] papatāyantā, sobhayanti
[papatāyanti, sobhayantā (ka.)] mamassamaṃ.
146. “Ubho kūlesu nadiyā, pupphino phalino dumā;
Ubhato abhilambantā, sobhayanti [abhilambanti sobhayantā (ka.)] mamassamaṃ.
147. “Ambā sālā ca tilakā, pāṭalī sinduvārakā [sinduvārikā (bahūsu)];
Dibbagandhā sampavanti, pupphitā mama assame.
148. “Campakā saḷalā nīpā [nimbā (ka.)], nāgapunnāgaketakā;
Dibbagandhā sampavanti, pupphitā mama assame.
149. “Atimuttā asokā ca, bhaginīmālā ca pupphitā;
Aṅkolā bimbijālā [bimbajālā (ka.)] ca, pupphitā mama assame.
150. “Ketakā kandali [kadalī (syā.)] ceva, godhukā tiṇasūlikā;
Dibbagandham sampavantā, sobhayanti mamassamaṃ.
151. “Kaṇikārā kaṇṇikā ca, asanā ajjunā bahū;
Dibbagandham sampavantā, sobhayanti mamassamaṃ.
152. “Punnāgā giripunnāgā, kovīlārā ca pupphitā;
Dibbagandham sampavantā, sobhayanti mamassamaṃ.
153. “Uddhālakā ca kuṭajā, kadambā vakulā bahū;
Dibbagandham sampavantā, sobhayanti mamassamaṃ.
154. “Āḷakā isimuggā ca, kadalimātuluṅgiyo;
Gandhodakena saṃvaḍḍhā, phalāni dhārayanti te.
155. “Aññe pupphanti padumā, aññe jāyanti kesarī;
Aññe opupphā padumā, pupphitā taḷāke tadā.
156. “Gabbham gaṇhanti padumā, niddhāvanti mulāḷiyo;
Siṃghāṭipattamākiṇṇā, sobhanti taḷāke tadā.
157. “Nayitā ambagandhī ca, uttalī bandhujīvakā;
Dibbagandhā sampavanti, pupphitā taḷāke tadā.
158. “Pāṭhīnā pāvusā macchā, balajā muñjarohitā;
Saṃgulā maggurā [maṅgurā (sī. ka.)] ceva, vasanti taḷāke tadā.
159. “Kumbhīlā susumārā ca, tantigāhā ca rakkhasā;
Oguhā [ogāhā (syā.)] aḷagarā ca, vasanti taḷāke tadā.
160. “Pārevatā ravihaṃsā, cakkavākā nadīcarā;
Kokilā sukasāḷikā, upajīvanti taṃ saraṃ.
161. “Kukkuṭthakā kuḷīrakā, vane pokkharasātakā;
Dindibhā suvapotā ca, upajīvanti taṃ saraṃ.

162. “Haṃsā koñcā mayūrā ca, kokilā tambacūḷakā [[tambacūḷikā \(sī.\)](#)];
Pampakā jīvaṃjīvā ca, upajīvanti taṃ saraṃ.
163. “Kosikā poṭṭhasīsā ca, kurarā senakā bahū;
Mahākāḷā ca sakuṇā, upajīvanti taṃ saraṃ.
164. “Pasadā ca varāhā ca, camarā gaṇḍakā bahū [[vakā bheraṇḍakā bahū \(sī. syā.\)](#)];
Rohiccā sukapotā [[suttapotā \(syā.\)](#)] ca, upajīvanti taṃ saraṃ.
165. “Sīhabyagghā ca dīpī ca, acchakokataracchakā;
Tidhā pabhinnamātaṅgā, upajīvanti taṃ saraṃ.
166. “Kinnarā vānarā ceva, athopi vanakammikā;
Cetā ca luddakā ceva, upajīvanti taṃ saraṃ.
167. “Tindukāni piyālāni, madhukā kāsūmārayo [[kāsamāriyo \(syā.\)](#)];
Dhuvam phalāni dhārenti, avidūre mamassamaṃ.
168. “Kosambā [[kosumbhā \(sī. syā.\)](#)] saḷalā nimbā [[saḷalā nīpā \(sī. syā.\)](#)] panasā ambā (?),
sādupalasamāyutā;
Dhuvam phalāni dhārenti, avidūre mamassamaṃ.
169. “Harītakā āmalakā, ambajambuvibhītakā;
Kolā bhallātakā billā, phalāni dhārayanti te.
170. “Āluvā ca kaḷambā ca, biḷālītakkaḷāni ca;
Jīvāka sutakā ceva, bahukā mama assame.
171. “Assamassāvidūramhi, taḷākāsuṃ sunimmitā;
Acchodakā sītajalā, supatitthā manoramā.
172. “Padumuppalasañchannā, puṇḍarīkasamāyutā;
Mandālakehi sañchannā, dibbagandho pavāyati.
173. “Evaṃ sabbaṅgasampanne, pupphite phalite vane;
Sukate assame ramme, viharāmi ahaṃ tadā.
174. “Sīlavā vatasampanno [[vattasampanno \(syā.\)](#)], jhāyī jhānarato sadā;
Pañcābhiññābalappatto, suruci nāma tāpaso.
175. “Catuvīsasahassāni, sissā mayhaṃ upaṭṭhahu;
Sabbeva brāhmaṇā ete, jātimito yasassino.
176. “Lakkhaṇe itihāse ca, sanighaṇṭusakeṭubhe;
Padakā veyyākaraṇā, sadhamme pāramiṃ gatā.
177. “Uppātesu nimittesu, lakkhaṇesu ca kovidā;
Pathabyā bhūmantalikkhe, mama sissā susikkhitā.
178. “Appicchā nipakā ete, appāhārā alolupā;
Lābhālābhena santuṭṭhā, parivārenti maṃ sadā.

179. “Jhāyī jhānaratā dhīrā, santacittā samāhitā;
Ākiñcaññaṃ patthayantā, parivārenti maṃ sadā.
180. “Abhiññāpāramippattā, pettike gocare ratā;
Antalikkhacarā dhīrā, parivārenti maṃ sadā.
181. “Saṃvutā chasu dvāresu, aneḷā rakkhitindriyā;
Asaṃsaṭṭhā ca te dhīrā, mama sissā durāsadā.
182. “Pallaṅkena nisajjāya, ṭhānacaṅkamanena ca;
Vītināmenti te rattim, mama sissā durāsadā.
183. “Rajanīye na rajjanti, dussanīye na dussare;
Mohanīye na muyhanti, mama sissā durāsadā.
184. “Iddhim vīmaṃsamānā te, vattanti niccakālikam;
Pathaviṃ [paṭhaviṃ (sī. syā.)] te pakampenti, sārambhena durāsadā.
185. “Kīḷamānā ca te sissā, kīḷanti jhānakīḷitam;
Jambuto phalamānenti, mama sissā durāsadā.
186. “Aññe gacchanti goyānaṃ, aññe pubbavidehakaṃ [pubbavidehanaṃ (syā. ka.)];
Aññe ca uttarakuruṃ, esanāya durāsadā.
187. “Purato pesenti khāriṃ, pacchato ca vajanti te;
Catuvīsasahasseehi, chāditaṃ hoti ambaraṃ.
188. “Aggipākī anaggī ca, dantodukkhalikāpi ca;
Asmena koṭṭitā keci, pavattaphalabhojanā.
189. “Udakoroḥaṇā keci, sāyaṃ pāto sucīratā;
Toyābhisecanakarā, mama sissā durāsadā.
190. “Parūḷhakacchanakhalomā, paṅkadantā rajassirā;
Gandhitā silagandhena, mama sissā durāsadā.
191. “Pātova sannipativā, jaṭilā uggatāpanā;
Lābhālābhaṃ pakittetvā, gacchanti ambare tadā.
192. “Etesaṃ pakkamantānaṃ, mahāsaddo pavattati;
Ajinacammaṣaddena, muditā honti devatā.
193. “Disodisaṃ pakkamanti, antalikkhacarā isī;
Sake balenupatthaddhā, te gacchanti yadicchakaṃ.
194. “Pathavīkampakā ete, sabbeva nabhacārino;
Uggatejā duppasahā, sāgarova akhobhiyā.
195. “Ṭhānacaṅkamino keci, keci nesajjikā isī;
Pavattabhojanā keci, mama sissā durāsadā.
196. “Mettāvihārino ete, hitesī sabbapāṇinaṃ;

Anattukkamsakā sabbe, na te vambhenti kassaci.

197. “Sīharājāvasambhītā, gajarājāva thāmavā;
Durāsadā byagghāriva, āgacchanti mamantike.
198. “Vijjādhārā devatā ca, nāgagandhabbarakkhasā;
Kumbhaṇḍā dānavā garuḷā, upajīvanti taṃ saraṃ.
199. “Te jaṭākhāribharitā, ajinuttaravāsanā;
Antalikkhacarā sabbe, upajīvanti taṃ saraṃ.
200. “Sadānucchavikā [tadānucchavikā (syā. ka.)] ete, aññamaññaṃ sagāravā;
Catubbīsasahassānaṃ, khipitasaddo na vijjati.
201. “Pāde pādaṃ nikkhipantā, appasaddā susaṃvutā;
Upasaṅkamma sabbeva [sabbe te (syā.)], sirasā vandare mamaṃ.
202. “Tehi sissehi parivuto, santehi ca tapassibhi;
Vasāmi assame tattha, jhāyī jhānarato ahaṃ.
203. “Isīnaṃ sīlagandhena, pupphagandhena cūbhayaṃ;
Phalīnaṃ phalagandhena, gandhito hoti assamo.
204. “Rattindivaṃ na jānāmi, arati me na vijjati;
Sake sisse ovaḍanto, bhiyyo hāsaṃ labhāmahaṃ.
205. “Pupphānaṃ pupphamānānaṃ, phalānañca vipaccataṃ;
Dibbagandhā pavāyanti, sobhayantā mamassamaṃ.
206. “Samādhimhā vuṭṭhahitvā, ātāpī nipako ahaṃ;
Khāribhāraṃ gahetvāna, vanaṃ ajjhogaḥiṃ ahaṃ.
207. “Uppāte supine cāpi, lakkhaṇesu susikkhito;
Pavattamānaṃ [vattamānaṃ (ka.)] mantapadaṃ, dhārayāmi ahaṃ tadā.
208. “Anomadassī bhagavā, lokajetṭho narāsabho;
Vivekakāmo sambuddho, himavantamupāgami.
209. “Ajjhogāhetvā himavantaṃ, aggo kāruṇiko muni;
Pallaṅkaṃ ābhujitvāna, nisīdi purisuttamo.
210. “Tamaddasāhaṃ sambuddhaṃ, sappabhāsaṃ manoramaṃ;
Indīvaraṃva jalitaṃ, ādittaṃva hutāsaṃ.
211. “Jalantaṃ dīparukkhaṃva, vijjutāṃ gagaṇe yathā;
Suphullaṃ sālarājaṃva, addasaṃ lokanāyakaṃ.
212. “Ayaṃ nāgo mahāvīro, dukkhassantakaro muni;
Imaṃ dassanamāgama, sabbadukkhā pamuccare.
213. “Disvānāhaṃ devadevaṃ, lakkhaṇaṃ upadhārayiṃ;
Buddho nu kho na vā buddho, handa passāmi cakkhumaṃ.

214. “Sahassārāṇi cakkāni, dissanti caraṇuttame;
Lakkhaṇānissa disvāna, niṭṭhaṃ gacchiṃ tathāgate.
215. “Sammajjaniṃ gahetvāna, sammajjitvānaṃ tadā;
Atha pupphe samānetvā, buddhaseṭṭhaṃ apūjayiṃ.
216. “Pūjayitvāna taṃ buddhaṃ, oghatiṇṇamanāsavaṃ;
Ekamaṃ ajinaṃ katvā, namassiṃ lokanāyakaṃ.
217. “Yena ñāṇena sambuddho, viharati [viharittha (sī.), vihareti (ka.)] anāsavo;
Taṃ ñāṇaṃ kittayissāmi, suṇātha mama bhāsato.
218. ““Samuddharasimaṃ [samuddharayimaṃ (syā.)] lokaṃ, sayambhū amitodaya;
Tava dassanamāgama, kaṅkhāsotaṃ taranti te.
219. ““Tavaṃ satthā ca ketu ca, dhajo yūpo ca pāṇinaṃ;
Parāyaṇo [parāyano (syā. ka.)] patiṭṭhā ca, dīpo ca dvīpaduttamo.
220. ““Sakkā samudde udakaṃ, pametuṃ ālhakena vā;
Na tveva tava sabbaññu, ñāṇaṃ sakkā pametave.
221. ““Dhāretuṃ pathaviṃ sakkā, ṭhapetvā tulamaṇḍale;
Na tveva tava sabbaññu, ñāṇaṃ sakkā dharetave.
222. ““Ākāso minituṃ sakkā, rajjuyā aṅgulena vā;
Na tveva tava sabbaññu, ñāṇaṃ sakkā pametave.
223. ““Mahāsamudde udakaṃ, pathavī cākhilā jaṭaṃ [pathaviṃ cākhilāñjahe (syā.)];
Buddhañāṇaṃ upādāya, upamāto na yujjare.
224. ““Sadevakassa lokassa, cittaṃ yesaṃ pavattati;
Antojālīkatā [antojālagatā (pī.)] ete, tava ñāṇamhi cakkhuma.
225. ““Yena ñāṇena pattosi, kevalaṃ bodhimuttamaṃ;
Tena ñāṇena sabbaññu, maddasī paratitthiye’.
226. “Imā gāthā thavitvāna, suruci nāma tāpaso;
Ajinaṃ pattharivāna, pathaviyaṃ nisīdi so.
227. “Cullāsītisahassāni, ajjhogāḷho mahaṇṇave;
Accugato tāvadeva, girirājā pavuccati.
228. “Tāva accugato neru, āyato vitthato ca so;
Cuṇṇito aṇubhedena, koṭisatasahassaso [sahassiyō (syā. ka.)].
229. “Lakkhe ṭhapiyamānamhi, parikkhayamaṃgacchatha;
Na tveva tava sabbaññu, ñāṇaṃ sakkā pametave.
230. “Sukhumacchikena jālena, udakaṃ yo parikkhipe;
Ye keci udake pāṇā, antojālīkatā siyuṃ.
231. “Tatheva hi mahāvīra, ye keci puthutitthiyā;

Diṭṭhigahanapakkhanda [pakkhantā (sī. syā.)], parāmāsena mohitā.

232. “Tava suddhena ñāṇena, anāvaraṇadassinā;
Antojālīkatā ete, ñāṇaṃ te nātivattare.
233. “Bhagavā tamhi samaye, anomadassī mahāyaso;
Vuṭṭhahitvā samādhimhā, disaṃ olokayī jino.
234. “Anomadassimunino, nisabho nāma sāvako;
Parivuto satasahasseehi, santacittehi tādibhi.
235. “Khīṇāsavehi suddhehi, chaḷabhiññehi jhāyibhi;
Cittamaññāya buddhassa, upesi lokanāyakaṃ.
236. “Antalikkhe ṭhitā tattha, padakkhiṇamakamsu te;
Namassantā pañjalikā, otaraṃ [oruhuṃ (syā.)] buddhasantike.
237. “Anomadassī bhagavā, lokajetṭho narāsabho;
Bhikkhusaṅghe nisiditvā, sitaṃ pātukarī jino.
238. “Varuṇo nāmupaṭṭhāko, anomadassissa satthuno;
Ekamaṃsaṃ cīvaraṃ katvā, apucchi lokanāyakaṃ.
239. “‘Ko nu kho bhagavā hetu, sitakammaṃ satthuno;
Na hi buddhā ahetūhi, sitaṃ pātukaronti te’.
240. “Anomadassī bhagavā, lokajetṭho narāsabho;
Bhikkhumajjhe nisiditvā, imaṃ gāthaṃ abhāsatha.
241. “‘Yo maṃ pupphena pūjesi, ñāṇaṇcāpi anuttavi;
Tamaṃsaṃ kittayissāmi, suṇoṭha mama bhāsato.
242. “‘Buddhassa giramaññāya, sabbe devā samāgatā;
Saddhammaṃ sotukāmā te, sambuddhamupasaṅkamaṃ.
243. “‘Dasasu lokadhātūsu, devakāyā mahiddhikā;
Saddhammaṃ sotukāmā te, sambuddhamupasaṅkamaṃ.
244. “‘Hatthī assā rathā pattī, senā ca caturaṅginī;
Parivāressantimaṃ niccaṃ, buddhapūjāyidaṃ phalaṃ.
245. “‘Saṭṭhitūriyasahassāni, bheriyo samalaṅkatā;
Upaṭṭhissantimaṃ niccaṃ, buddhapūjāyidaṃ phalaṃ.
246. “‘Soḷasitthisahassāni, nāriyo samalaṅkatā;
Vicittavathābharaṇā, āmuttamaṇikuṇḍalā.
247. “‘Aḷārapamhā hasulā, susaṇṇā tanumajjhimā;
Parivāressantimaṃ niccaṃ, buddhapūjāyidaṃ phalaṃ.
248. “‘Kappasatasahassāni, devaloke ramissati;
Sahassakkhattuṃ cakkavattī, rājā raṭṭhe bhavissati.

249. “Sahassakkhattuṃ devindo, devarajjaṃ karissati;
Padesarajjaṃ vipulaṃ, gaṇanāto asaṅkhiyaṃ [asaṅkhayaṃ (syā. ka.) evamuparipi].
250. “Pacchime bhavasampatte [pacchimabhavē sampatte (sī.)], manussattaṃ gamissati;
Brāhmaṇī sārīyā nāma, dhārayissati kucchinā.
251. “Mātuyā nāmagottena, paññāyissatiyaṃ naro;
Sāriputtoti nāmena, tikkhapañño bhavissati.
252. “Asītikopi chaddetvā, pabbajissatikiñcano;
Gavesanto santipadaṃ, carissati mahiṃ imaṃ.
253. “Apparimeyye ito kappe, okkākakulasambhavo;
Gotamo nāma gottena, sathā loke bhavissati.
254. “Tassa dhammesu dāyādo, oraso dhammanimmito;
Sāriputtoti nāmena, hessati aggasāvako.
255. “Ayaṃ bhāgīrathī [bhāgīrasī (syā. ka.)] gaṅgā, himavantā pabhāvitā;
Mahāsamuddamappeti, tappayantī mahodadhiṃ [mahodadhī (?) gaṅgādīmahānadiyoti attho].
256. “Tathevāyaṃ sārīputto, sake tīsu visārado;
Paññāya pāramiṃ gantvā, tappayissati pāṇine [pāṇino (sī. syā.)].
257. “Himavantamupādāya, sāgarañca mahodadhiṃ;
Etthantare yaṃ pulinaṃ, gaṇanāto asaṅkhiyaṃ.
258. “Tampi sakkā asesena, saṅkhātuṃ gaṇanā yathā;
Na tveva sārīputtassa, paññāyanto bhavissati.
259. “Lakkhe ṭhapiyamānamhi, khīye gaṅgāya vālukā;
Na tveva sārīputtassa, paññāyanto bhavissati.
260. “Mahāsamudde ūmiyo, gaṇanāto asaṅkhiyā;
Tatheva sārīputtassa, paññāyanto na hessati.
261. “Ārādhayitvā sambuddhaṃ, gotamaṃ sakyapuṅgavaṃ;
Paññāya pāramiṃ gantvā, hessati aggasāvako.
262. “Pavattitaṃ dhammacakkaṃ, sakyaputtēna tādīnā;
Anuvattessati sammā, vassento dhammavutṭhiyo.
263. “Sabbametaṃ abhiññāya, gotamo sakyapuṅgavo;
Bhikkhusaṅghe nisīditvā, aggaṭṭhāne ṭhappessati’.
264. “Aho me sukataṃ kammaṃ, anomadassissa satthuno;
Yassāhaṃ kāraṃ [yassādhikāraṃ (syā.)] katvāna, sabbattha pāramiṃ gato.
265. “Aparimeyye kataṃ kammaṃ, phalaṃ dassesi me idha;
Sumutto saravegova, kilese jhāpayiṃ ahaṃ.
266. “Asaṅkhatāṃ gavesanto, nibbānaṃ acalaṃ padaṃ;

Vicinam titthiye sabbe, esāham saṃsariṃ bhava.

267. “Yathāpi byādhito poso, pariyeseyya osadham;
Vicineyya vanam [dhanam (syā. ka.)] sabbam, byādhito parimuttiyā.
268. “Asaṅkhatam gavesanto, nibbānam amatam padam;
Abbokiṇṇam [abbocchinnam (aṭṭha.)] pañcasatam, pabbajim isipabbajam.
269. “Jaṭābhārena bharito, ajinuttaranivāsano;
Abhiññāpāramim gantvā, brahmalokam agacchiam.
270. “Natthi bāhirake suddhi, ṭhapetvā jinasāsanam;
Ye keci buddhimā sattā, sujjhanti jinasāsane.
271. “Attakāramayam [atthakāramayam (ka.)] etam, nayidam itihītiham;
Asaṅkhatam gavesanto, kutitthe [kutittham (sī. syā.)] sañcarim aham.
272. “Yathā sārattthiko poso, kadaliṃ chetvāna phālaye;
Na tatha sāram vindeyya, sārena rittako hi so.
273. “Tatheva titthiyā loke, nānādiṭṭhī bahujjanā;
Asaṅkhatena rittāse, sārena kadali yathā.
274. “Pacchime bhavasampatte, brahmabandhu ahosaham;
Mahābhogam chaḍḍetvāna, pabbajim anagāriyam.

Paṭhamabhāṇavāram.

275. “Ajjhāyako mantadharo, tiṇṇam vedāna pārāgū;
Brāhmaṇo sañcayo [sañjāyo (sī. syā. pī.)] nāma, tassa mūle vasāmaham.
276. “Sāvako te mahāvīra, assaji nāma brāhmaṇo;
Durāsado uggatejo, piṇḍāya caratī tadā.
277. “Tamaddasāsim sappaññam, munim mone samāhitam;
Santacittam mahānāgam, suphullam padumam yathā.
278. “Disvā me cittamuppajji, sudantam suddhamānasam;
Usabham pavaram vīram, arahāyam bhavissati.
279. “Pāsādiko iriyati, abhirūpo susamvuto;
Uttame damathe danto, amatadassī bhavissati.
280. “Yamṇūnāham uttamattham, puccheyyam tuṭṭhamānasam;
So me puṭṭho kathessati, paṭipucchāmaham tadā.
281. “Piṇḍapātam [piṇḍacāram (syā.)] carantassa, pacchato agamāsaham;
Okāsam paṭimānento, pucchitum amatam padam.
282. “Vīthintare anuppattam, upagantvāna pucchaham;
‘Katham gottosi tvaṃ vīra, kassa sissosi mārisa’.

283. “So me puṭṭho viyākāsi, asambhītova kesarī;
‘Buddho loke samuppanno, tassa sissomhi āvuso’.
284. “‘Kīdisaṃ te mahāvīra, anujāta mahāyasa;
Buddhassa sāsanaṃ dhammaṃ, sādhu me kathayassu bho’.
285. “So me puṭṭho kathī sabbaṃ, gambhīraṃ nipuṇaṃ padaṃ;
Taṇhāsallassa hantāraṃ, sabbadukkhāpanūdanaṃ.
286. “‘Ye dhammā hetuppabhavā, tesam hetuṃ tathāgato āha;
Tesaṅca yo nirodho, evaṃ vādī mahāsamaṇo’.
287. “Sohaṃ vissajjite pañhe, paṭhamaṃ phalamajjhagaṃ;
Virajo vimalo āsiṃ, sutvāna jinasāsanaṃ.
288. “Sutvāna munino vākyaṃ, passivā dhammamuttamaṃ;
Pariyogāḷhasaddhammo, imaṃ gāthamabhāsahaṃ.
289. “‘Eseva dhammo yadi tāvadeva, paccabyathapadamasokaṃ;
Adiṭṭhaṃ abbatītaṃ, bahukehi kappanahutehi’.
290. “Svāhaṃ dhammaṃ gavesanto, kutitthe sañcarim ahaṃ;
So me attho anupatto, kālo me nappamajjituṃ.
291. “Tositoḥaṃ assajinā, patvāna acalaṃ padaṃ;
Sahāyakaṃ gavesanto, assamaṃ agamāsahaṃ.
292. “Dūratova mamaṃ disvā, sahāyo me susikkhito;
Iriyāpathasampanno [iriyāpathaṃ mamaṃ disvā (ka.)], idaṃ vacanamabravi.
293. “‘Pasannamukhanettosi, munibhāvova dissati;
Amatādhigato kacci, nibbānamaccutaṃ padaṃ.
294. “‘Subhānurūpo āyāsi, āneñjakārīto viya;
Dantova dantadamatho [dantovuttamadamatho (sī.) dantova danta damathe (syā.)], upasantosi
brāhmaṇa.
295. “‘Amataṃ mayādhigataṃ, sokasallāpanūdanaṃ;
Tvampi taṃ adhigacchesi [adhigacchāhi (sī.), adhigacchehi (syā.), adhigatosi (?)], gacchāma
buddhasantikaṃ’.
296. “Sādhūti so paṭissutvā, sahāyo me susikkhito;
Hatthena hatthaṃ gaṇhitvā, upagamma [upāgami (sī.), upāgama (syā.)] tavantikaṃ.
297. “Ubhopi pabbajissāma, sakyaputta tavantike;
Tava sāsanaṃāgama, viharāma anāsavā.
298. “Kolito iddhiyā seṭṭho, ahaṃ paññāya pārāgo;
Ubhova ekato hutvā, sāsanaṃ sobhayāmase.
299. “Apariyositasānkappo, kutitthe sañcarim ahaṃ;
Tava dassanamāgama, sānkappo pūrito mama.

300. “Pathaviyaṃ paṭiṭṭhāya, pupphanti samaye dumā;
Dibbagandhā sampavanti, tosentī sabbapāṇinaṃ.
301. “Tathevāhaṃ mahāvīra, sakyaputta mahāyasa;
Sāsane te paṭiṭṭhāya, samayesāmi pupphitaṃ.
302. “Vimuttipupphaṃ esanto, bhavasamsāramocanaṃ;
Vimuttipupphalābhena, tosemi sabbapāṇinaṃ.
303. “Yāvataṃ buddhakhettaṃhi, ṭhapetvāna mahāmunīṃ;
Paññāya sadiso natthi, tava puttassa cakkhuma.
304. “Suvinītā ca te sissā, parisā ca susikkhitā;
Uttame damathe dantā, parivārenti taṃ sadā.
305. “Jhāyī jhānaratā dhīrā, santacittā samāhitā;
Munī moneyyasampannā, parivārenti taṃ sadā.
306. “Appicchā nipakā dhīrā, appāhārā alolupā;
Lābhālābhena santuṭṭhā, parivārenti taṃ sadā.
307. “Āraññikā dhutaratā, jhāyino lūkhacīvarā;
Vivekābhiraṭā dhīrā, parivārenti taṃ sadā.
308. “Paṭipannā phalaṭṭhā ca, sekhā phalasamaṅgino;
Āsīsakā [āsimsakā (sī. syā.)] uttamattaṃ, parivārenti taṃ sadā.
309. “Sotāpannā ca vimalā, sakadāgāmino ca ye;
Anāgāmī ca arahā, parivārenti taṃ sadā.
310. “Satipaṭṭhānakusalā, bojjhaṅgabhāvanāratā;
Sāvakā te bahū sabbe, parivārenti taṃ sadā.
311. “Iddhipādesu kusalā, samādhībhāvanāratā;
Sammappadhānānuyuttā, parivārenti taṃ sadā.
312. “Tevijjā chaḷabhiññā ca, iddhiyā pāramiṃ gatā;
Paññāya pāramiṃ pattā, parivārenti taṃ sadā.
313. “Edisā te mahāvīra, tava sissā susikkhitā;
Durāsadā uggatejā, parivārenti taṃ sadā.
314. “Tehi sissehi parivuto, saññatehi tapassibhi;
Migarājāvasambhīto, uḷurājāva sobhasi.
315. “Pathaviyaṃ paṭiṭṭhāya, ruhanti dharaṇīruhā;
Vepullataṃ pāpuṇanti, phalañca dassayanti te.
316. “Pathavīsadiso tvaṃsi, sakyaputta mahāyasa;
Sāsane te paṭiṭṭhāya, labhanti amataṃ phalaṃ.
317. “Sindhu sarassatī ceva, nadiyo candabhāgikā;

Gaṅgā ca yamunā ceva, sarabhū ca atho mahī.

318. “Etāsaṃ sandamānānaṃ, sāgaro sampaṭicchati;
Jahanti purimaṃ nāmaṃ, sāgaroteva ñāyati.
319. “Tathevime catubbaṇṇā, pabbajitvā tavantike;
Jahanti purimaṃ nāmaṃ, buddhaputtāti ñāyare.
320. “Yathāpi cando vimalo, gacchaṃ ākāśadhātuyā;
Sabbe tāragaṇe loke, ābhāya atirocati.
321. “Tatheva tvaṃ mahāvīra, parivuto devamānuse;
Ete sabbe atikkamma, jalasi sabbadā tuvaṃ.
322. “Gambhīre uṭṭhitā ūmī, na velamativattare;
Sabbā velaṃva phusanti [sabbāva velaṃ phusanti (sī.), sabbā velaṃ paphussanti (syā.)],
sañcuṇṇā vikiranti tā.
323. “Tatheva titthiyā loke, nānādiṭṭhī bahujjanā;
Dhammaṃ vāditukāmā te, nātivattanti taṃ munīṃ.
324. “Sace ca taṃ pāpuṇanti, paṭivādehi cakkhuma;
Tavantikaṃ upāgantvā, sañcuṇṇāva bhavanti te.
325. “Yathāpi udake jātā, kumudā mandālakā bahū;
Upalimpanti [upalippanti (?)] toyena, kaddamakalalena ca.
326. “Tatheva bahukā sattā, loke jātā virūhare;
Aṭṭitā rāgadosena, kaddame kumudaṃ yathā.
327. “Yathāpi padumaṃ jalajaṃ, jalamajjhe virūhati;
Na so līmpati toyena, parisuddho hi kesarī.
328. “Tatheva tvaṃ mahāvīra, loke jāto mahāmuni;
Nopalimpasi lokena, toyena padumaṃ yathā.
329. “Yathāpi rammake māse, bahū pupphanti vārijā;
Nātikkamanti taṃ māsaṃ, samayo pupphanāya so.
330. “Tatheva tvaṃ mahāvīra, pupphito te vimuttiyā;
Sāsaṇaṃ nātivattanti, padumaṃ vārijaṃ yathā.
331. “Supupphito sālārājā, dibbagandhaṃ pavāyati;
Aññasālehi parivuto, sālārājāva sobhati.
332. “Tatheva tvaṃ mahāvīra, buddhañāṇena pupphito;
Bhikkhusaṅghaparivuto, sālārājāva sobhasi.
333. “Yathāpi selo himavā, osadho sabbapāṇinaṃ;
Nāgānaṃ asurānañca, devatānañca ālayo.
334. “Tatheva tvaṃ mahāvīra, osadho viya pāṇinaṃ;

Tevijjā chaḷabhiññā ca, iddhiyā pāramiṃ gatā.

335. “Anusiṭṭhā mahāvīra, tayā kāruṇikena te;
Ramanti dhammaratiyā, vasanti tava sāsane.
336. “Migarājā yathā siho, abhinikkhamma āsayā;
Catuddisānuviloketvā [[viloketvā \(sī. syā.\)](#)], [nuloketvā \(ka.\)](#)],
- Tikkhattuṃ abhinādati.
337. “Sabbe migā uttasanti, migarājassa gajjato;
Tathā hi jātimā eso, pasū tāseti sabbadā.
338. “Gajjato te mahāvīra, vasudhā sampakampati;
Bodhaneyyāvabujjhanti, tasanti mārakāyikā.
339. “Tasanti titthiyā sabbe, nadato te mahāmuni;
Kākā senāva vibbhantā, migaraññā yathā migā.
340. “Ye keci gaṇino loke, satthāroti pavuccare;
Paramparāgataṃ dhammaṃ, desenti parisāya te.
341. “Na hevaṃ tvaṃ mahāvīra, dhammaṃ desesi pāṇinaṃ;
Sāmaṃ saccāni bujjhitvā, kevalaṃ bodhipakkhiyaṃ.
342. “Āsayānusayaṃ ñatvā, indriyānaṃ balābalaṃ;
Bhabbābhabbe viditvāna, mahāmeghova gajjasi.
343. “Cakkavāḷapariyantā, nisinnā parisā bhava;
Nānādiṭṭhī vicinantā [[vicinentī \(syā.\)](#)], [vicinantam \(ka.\)](#)], vimaticchedanāya taṃ.
344. “Sabbesaṃ cittamaññāya, opammakusalo muni;
Ekaṃ pañhaṃ kathentova, vimatiṃ chindasi [[chindi \(syā. ka.\)](#)] pāṇinaṃ.
345. “Upatissasadiseheva, vasudhā pūritā bhava;
Sabbeva te pañjalikā, kittayum lokanāyakaṃ.
346. “Kappaṃ vā te kittayantā, nānāvaṇṇehi kittayum;
Parimetum na sakkeyyum [[na kappeyyum \(syā.\)](#)], [na pappeyyum \(ka.\)](#)], appameyyo tathāgato.
347. “Yathāsakena thāmena, kittito hi mayā jino;
Kappakoṭṭipi kittentā, evameva pakittayum.
348. “Sace hi koci devo vā, manusso vā susikkhito;
Pametum parikappeyya, vighātaṃva labheyya so.
349. “Sāsane te patiṭṭhāya, sakyaputta mahāyasa;
Paññāya pāramiṃ gantvā, viharāmi anāsavo.
350. “Titthiye sampamaddāmi, vattemi jinasāsanam;
Dhammasenāpati ajja, sakyaputtassa sāsane.

351. “Aparimeyye kataṃ kammaṃ, phalaṃ dassesi me idha;
Sukhitto saravegoṃa, kilese jhāpayī mama [jhāpayiṃ mama (syā.), jhāpayiṃ ahaṃ (ka.)].
352. “Yo koci manujo bhāraṃ, dhāreyya matthake sadā;
Bhārena dukkhito assa, bhārehi bharito tathā.
353. “Dayhamāno tihaggāhi, bhavesu saṃsariṃ ahaṃ;
Bharito bhavabhārena, giriṃ uccārito yathā.
354. “Oropito ca me bhāro, bhavā ugghāṭitā mayā;
Karaṇīyaṃ kataṃ sabbhaṃ, sakyaputtassa sāsane.
355. “Yāvataṃ buddhakhettamhi, ṭhapetvā sakyapuṅgavaṃ;
Ahaṃ aggomhi paññāya, sadiso me na vijjati.
356. “Samādhimhi sukusalo, iddhiyā pāramiṃ gato;
Icchamāno cahaṃ ajja, sahaṃ abhinimmine.
357. “Anupubbavīhārassa, vasībhūto mahāmuni;
Kathesi sāsanaṃ mayhaṃ, nirodho sayanaṃ mama.
358. “Dibbacakkhu visuddhaṃ me, samādhikusalo ahaṃ;
Sammappadhānuyutto, bojjhaṅgabhāvanārato.
359. “Sāvakena hi pattaṃ, sabbameva kataṃ mayā;
Lokaṇāthaṃ ṭhapetvāna, sadiso me na vijjati.
360. “Samāpattīnaṃ kusalo [samāpattīnayaṃ kusalo (sī.)], jhānavimokkhāna khippapaṭilābhī;
Bojjhaṅgabhāvanārato, sāvakaṅgaṇapāramigato.
361. “Sāvakaṅgaṇenapi phussa [sāvakaṅgaṇaphussa (syā.)], buddhiyā parisuttamabhāravā
[purisuttamagāravā (syā.), purisuttamabhāravā (ka.)];
Yaṃ saddhāsaṅgahitaṃ [saddhāsaṅgahitaṃ (sī.), saddhāsaṅgahitaṃ (syā.)] cittaṃ, sadā
sabrahmācārīsu.
362. “Uddhataṃ sappa, chinnavisaṇova usabho;
Nikkhattamānadappa [dabba (ka.)], upemi garugāraṇaṃ gaṇaṃ.
363. “Yadi rūpinī bhavēyya, paññā me vasumatīpi [vasumatī (sī. ka.) vasumatīnaṃ (syā.)] na
sameyya;
Anomadassissa [anomadassi (?)] bhagavato, phalametaṃ ñāṇathavanāya.
364. “Pavattitaṃ dhammacakkaṃ, sakyaputtēna tādinā;
Anuvattēmaṃ sammā, ñāṇathavanāyidaṃ phalaṃ.
365. “Mā me kadāci pāpiccho, kusīto hīnavīriyo;
Appassuto anāra [anāra (sabbattha) theragā. 987 passitabbā], sameto ahu katthaci.
366. “Bahussuto ca medhāvī, sīlesu susamāhito;
Cetosamānuyutto, api muddhani tiṭṭhatu.
367. “Taṃ vo vadāmi bhaddante, yāvantettha samāgatā;

Appicchā hotha santuṭṭhā, jhāyī jhānaratā sadā.

368. “Yamaḥaṃ paṭhamaṃ disvā, virajo vimalo ahuṃ;
So me ācariyo dhīro, assaji nāma sāvako.

369. “Tassāhaṃ vāhasā ajja, dhammasenāpatī ahuṃ;
Sabbattha pāramiṃ patvā, viharāmi anāsavo.

370. “Yo me ācariyo āsi, assaji nāma sāvako;
Yassaṃ disāyaṃ vasatī, ussīsamhi karomahaṃ.

371. “Mama kammaṃ saritvāna, gotamo sakyapuṅgavo;
Bhikkhusaṅghe nisīditvā, aggaṭṭhāne ṭhapesi maṃ.

372. [imā dve gāthāyo syāmapotthake na santi]
Kilesā jhāpitā mayhaṃ, bhavā sabbe samūhatā.

Nāgoḃa bandhanaṃ chetvā, viharāmi anāsavo.

373. “Svāgataṃ vata me āsi, buddhaseṭṭhassa santike;
Tisso vijjā anuppattā, kataṃ buddhassa sāsanaṃ [imā dve gāthāro syāmapotthake na santi].

374. “Paṭisambhidā catasso [catasso ca (sī.)], vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā sārīputto thero imā gāthāyo

Abhāsītthāti.

Sārīputtattherassāpadānaṃ paṭhamaṃ.

3-2. Mahāmoggallānattheraapadānaṃ

375. “Anomadassī bhagavā, lokajetṭho narāsabho;
Vihāsi himavantamhi, devasaṅghapurakkhato.

376. “Varuṇo nāma nāmena, nāgarājā ahaṃ tadā;
Kāmarūpī vikubbāmi, mahodadhiniṃvāsahaṃ.

377. “Saṅgaṇiyaṃ gaṇaṃ hitvā, tūriyaṃ paṭṭhapesahaṃ;
Sambuddhaṃ parivāretvā, vādesuṃ accharā tadā.

378. “Vajjamānesu tūresu, devā tūrāni [turiyesu, devā turīyāni (sī. syā.)] vajjayuṃ;
Ubhinnaṃ saddaṃ sutvāna, buddhopi sampabujjhatha.

379. “Nimantetvāna sambuddhaṃ, sakaṃ bhavanupāgamiṃ;
Āsanaṃ paññāpetvāna, kālamārocayaṃ ahaṃ.

380. “Khīṇāsavasahasseehi, parivuto lokanāyako;
Obhāsento disā sabbā, bhavanaṃ me upāgami.

381. “Upaviṭṭhaṃ mahāvīraṃ, devadevaṃ narāsabhaṃ;
Sabhikkhusaṅghaṃ tappesiṃ [santappesiṃ (syā.), tappemi (ka.)], annapānenahaṃ tadā.
382. “Anumodi mahāvīro, sayambhū aggapuggalo;
Bhikkhusaṅghe nisīditvā, imā gāthā abhāsatha.
383. “Yo so [yaṃ so (ka.)] saṅghaṃ apūjesi, buddhañca lokanāyakaṃ;
Tena cittappasādena, devalokaṃ gamissati.
384. “Sattasattatikkhattuñca, devarajjaṃ karissati;
Pathabyā rajjaṃ aṭṭhasataṃ, vasudhaṃ āvasissati.
385. “Pañcapaññāsakkhattuñca, cakkavattī bhavissati;
Bhogā asaṅkhiyā tassa, uppajjissanti tāvade.
386. “Aparimeyye ito kappe, okkākakulasambhavo;
Gotamo nāma gottena [nāmena (sī.)], satthā loke bhavissati.
387. “Nirayā so cavitvāna, manussataṃ gamissati;
Kolito nāma nāmena, brahmabandhu bhavissati.
388. “So pacchā pabbajitvāna, kusalamūlena codito;
Gotamassa bhagavato, dutiyo hessati sāvako.
389. “Āraddhavīriyo pahitatto, iddhiyā pāramiṃ gato;
Sabbāsave pariññāya, nibbāyissatināsavo’.
390. “Pāpamittopanissāya, kāmarāgavasamaṃ gato;
Mātaraṃ pitarañcāpi, ghātayaṃ duṭṭhamānaso.
391. “Yaṃ yaṃ yonupapajjāmi, nirayaṃ atha mānusaṃ;
Pāpakammasamaṅgitā, bhinnasīso marāmaṃ.
392. “Idaṃ pacchimakamaṃ mayhaṃ, carimo vattate bhavo;
Idhāpi ediso mayhaṃ, maraṇakāle bhavissati.
393. “Pavivekamanuyutto, samādhibhāvanārato;
Sabbāsave pariññāya, viharāmi anāsavo.
394. “Dharaṇimpi sugambhīraṃ, bahalaṃ duppadhaṃsiyaṃ;
Vāmaṅguṭṭhena khobheyyaṃ, iddhiyā pāramiṃ gato.
395. “Asmimānaṃ na passāmi, māno mayhaṃ na vijjati;
Sāmaṇere upādāya, garucittaṃ karomahaṃ.
396. “Aparimeyye ito kappe, yaṃ kammamabhiniharim;
Tāhaṃ bhūmimanuppatto, pattomhi āsavakkhayaṃ.
397. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ’.

Itthaṃ sudaṃ āyasmā mahāmoggallāno thero imā gāthāyo abhāsithāti.

Mahāmogallānattherassāpadānaṃ dutiyaṃ.

3-3. Mahākassapattheraapadānaṃ

398. “Padumuttarassa bhagavato, lokajeṭṭhassa tādino;
Nibbute lokanāthamhi, pūjaṃ kubbanti satthuno.
399. “Udaggacittā janatā, āmoditapamoditā;
Tesu saṃvegajātesu, pīti me udapajjatha.
400. “Ñātimitte samānetvā, idaṃ vacanamabravim;
Parinibbuto mahāvīro, handa pūjaṃ karomase.
401. “Sādhūti te paṭissutvā, bhiyyo hāsaṃ janiṃsu me;
Buddhasmiṃ lokanāthamhi, kāhāma puññaasañcayaṃ.
402. “Agghiyaṃ sukataṃ katvā, satahatthasamuggataṃ;
Diyadḍhahatthapatthaṃ, vimānaṃ nabhamuggataṃ.
403. “Katvāna hammiyaṃ tattha, tālapantīhi cittaṃ;
Sakaṃ cittaṃ pasādetvā, cetiyaṃ pūjayuttamaṃ.
404. “Aggikkhandhova jalito, kiṃsuko iva [sālarājāva (sī.)] phullito;
Indalaṭṭhīva ākāse, obhāseti catuddisā.
405. “Tattha cittaṃ pasādetvā, katvāna kusalaṃ bahuṃ;
Pubbakammaṃ saritvāna, tidasaṃ upapajjahaṃ.
406. “Sahassayuttaṃ hayavāhim, dibbayānamadhiṭṭhito;
Ubbiddhaṃ bhavanaṃ mayhaṃ, sattabhūmaṃ samuggataṃ.
407. “Kūṭāgārasahassāni, sabbasoṇṇamayā ahuṃ;
Jalanti sakatejēna, disā sabbā pabhāsayaṃ.
408. “Santi aññepi niyyūhā, lohitaṅgamayā tadā;
Tepi jotanti ābhāya, samantā caturo disā.
409. “Puññakammābhiniḍḍattā, kūṭāgārā sunimmitā;
Maṇimayāpi jotanti, disā dasa [disodisaṃ (syā.)] samantato.
410. “Tesaṃ ujjotamānānaṃ, obhāso vipulo ahu;
Sabbe deve abhibhomi, puññakammassidaṃ phalaṃ.
411. “Saṭṭhikappasahassamhi, ubbiddho nāma khattiyō;
Cāturato vijitāvī, pathaviṃ āvasiṃ ahaṃ.
412. “Tatheva bhaddake kappe, tiṃsakkhattuṃ ahosaṃ;
Sakakammābhiraddhomhi, cakkavattī mahabbalo.
413. “Sattaratanasampanno, catudīpamhi issaro;
Tatthāpi bhavanaṃ mayhaṃ, indalaṭṭhīva uggataṃ.

414. “Āyāmato catubbīsaṃ, vitthārena ca dvādasa;
Rammaṇaṃ [rammakam (sī. syā.)] nāma nagaraṃ, daḷhapākāratoraṇaṃ.
415. “Āyāmato pañcasataṃ, vitthārena tadaḍḍhakaṃ;
Ākiṇṇaṃ janakāyehi, tidasānaṃ puraṃ viya.
416. “Yathā sūcihare sūcī, pakkhittā paṇṇavīsati;
Aññaṃaṇṇaṃ paghaṭṭenti, ākiṇṇaṃ hoti laṅkataṃ [tam tadā (sī.), satatā (syā.), saṅkaraṃ (?)].
417. “Evampi nagaraṃ mayhaṃ, hatthissarathasaṅkulaṃ;
Manussehi sadākiṇṇaṃ, rammaṇaṃ nagaruttamaṃ.
418. “Tattha bhutvā pivitvā ca, puna devattanaṃ gato [punapi devataṅgato (ka.)].
Bhave pacchimake mayhaṃ, ahosi kulasampadā.
419. “Brāhmaṇṇakulasambhūto, mahāratanaśācayo;
Asītikoṭiyo hitvā, hiraññassāpi pabbajim.
420. “Paṭisambhidā catasso, vimokkhāpi ca aṭṭhime;
Chalabhiññā sacchikatā, kataṃ buddhassa sāsanaṃ”.

Itthaṃ sudam āyasmā mahākassapo thero imā gāthāyo abhāsithāti.

Mahākassapattherassāpadānaṃ tatiyaṃ.

3-4. Anuruddhattheraapadānaṃ

421. “Sumedhaṃ bhagavantāhaṃ, lokajetthaṃ narāsabhaṃ;
Vūpakaṭṭhaṃ viharantaṃ, addasaṃ lokanāyakaṃ.
422. “Upagantvāna sambuddhaṃ, sumedhaṃ lokanāyakaṃ;
Añjaliṃ paggahetvāna, buddhaseṭṭhamayācahaṃ.
423. “Anukampa mahāvīra, lokajettha narāsabha;
Padīpaṃ te padassāmi, rukkhamaḷamhi jhāyato.
424. “Adhivāsesi so dhīro, sayambhū vadataṃ varo;
Dumesu vinivijjhitaṃ, yantaṃ yojiyahaṃ tadā.
425. “Sahassavaṭṭiṃ pādāsīṃ, buddhassa lokabandhuno;
Sattāhaṃ pajjalitvāna, dīpā vūpasamiṃsu me.
426. “Tena cittappasādena, cetanāpaṇidhīhi ca;
Jahitvā mānusaṃ dehaṃ, vimānamupapajjahaṃ.
427. “Upapannassa devattaṃ, byamaṃ āsi sunimmitaṃ;
Samantato pajjalati, dīpadānassidaṃ phalaṃ.
428. “Samantā yojanasataṃ, virocesimahaṃ tadā;
Sabbe deve abhibhomi, dīpadānassidaṃ phalaṃ.

429. “Tiṃsakappāni devindo, devarajjamakārayiṃ;
Na maṃ kecītimaññanti, dīpadānassidaṃ phalaṃ.
430. “Aṭṭhavīsaticcikkhattuñca, cakkavattī ahosaṃ;
Divā rattiñca passāmi, samantā yojanaṃ tadā.
431. “Sahassalokaṃ ñāṇena, passāmi satthu sāsane;
Dibbacakkhumanuppatto, dīpadānassidaṃ phalaṃ.
432. “Sumedho nāma sambuddho, tiṃsakappasahassito;
Tassa dīpo mayā dinno, vipasannena cetasā.
433. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā anuruddho thero imā gāthāyo abhāsittḥāti.

Anuruddhattherassāpadānaṃ catutthaṃ.

3-5. Puṇṇamantāṇiputtattheraapadānaṃ

434. “Ajjhāyako mantadharo, tiṇṇaṃ vedāna pārāgū;
Purakkhatomhi sissehi, upagacchiṃ naruttamaṃ.
435. “Padumuttaro lokavidū, āhutīnaṃ paṭiggaho;
Mama kammaṃ pakittesi, saṅkhittena mahāmuni.
436. “Tāhaṃ dhammaṃ suṇitvāna, abhivādetvāna satthuno;
Añjaliṃ paggahetvāna, pakkamiṃ [pakkāmiṃ (sī. syā.)] dakkhiṇāmukho.
437. “Saṅkhittena suṇitvāna, vitthārena abhāsayaṃ [adesayaṃ (sī. syā.)];
Sabbe sissā attamaṇā, sutvāna mama bhāsato;
Sakaṃ diṭṭhiṃ vinodetvā, buddhe cittaṃ pasādayuṃ.
438. “Saṅkhittenapi desemi, vitthārena tathevahaṃ [desesiṃ vitthārenapi bhāsayaṃ (ka.)];
Abhidhammanayaññūhaṃ, kathāvatthuvissuddhiyā;
Sabbesaṃ viññāpetvāna, viharāmi anāsavo.
439. “Ito pañcasate kappe, caturo suppakāsakā;
Sattaratanasampannā, catudīpamhi issarā.
440. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā puṇṇo mantāṇiputto thero imā gāthāyo abhāsittḥāti.

Puṇṇamantāṇiputtattherassāpadānaṃ pañcamaṃ.

3-6. Upālitheraapadānaṃ

441. “Nagare haṃsavatiyā, sujāto nāma brāhmaṇo;

Asītikoṭṭinīcayo, pahūṭadhanadhaññavā.

442. “Ajjhāyako mantadharo, tiṇṇaṃ vedāna pāragū;
Lakkhaṇe itihāse ca, sadhamme pāramiṃ gato.

443. “Paribbājā ekasikhā [ekabhikkhā (ka.)], gotamā
Buddhasāvaka [sabbatthapi evameva dissati].

Carakā tāpasā ceva, caranti mahiyā tadā.

444. “Tepi maṃ parivārenti, brāhmaṇo vissuto iti;
Bahujjano maṃ pūjeti, nāhaṃ pūjemi kiñcanaṃ.

445. “Pūjārahaṃ na passāmi, mānatthaddho ahaṃ tadā;
Buddhoti vacanaṃ natthi, tāva nuppajjate jino.

446. “Accayena ahorattaṃ, padumuttaranāmako [nāyako (sī. syā.)];
Sabbhaṃ tamaṃ vinodetvā, loke uppajji cakkhumā.

447. “Vitthārike bāhujaññe, puthubhūte ca sāsane;
Upāgami tadā buddho, nagaraṃ haṃsasavhayaṃ.

448. “Pitu atthāya so buddho, dhammaṃ desesi cakkhumā;
Tena kālena parisā, samantā yojanaṃ tadā.

449. “Sammato manujānaṃ so, sunando nāma tāpaso;
Yāvata buddhāparisā, pupphehacchādayī tadā.

450. “Catusaccaṃ pakāsente, seṭṭhe ca [hetṭhā ca (ka.)] pupphamaṇḍape;
Koṭṭisatasahassānaṃ, dhammābhisamayo ahu.

451. “Sattarattindivaṃ buddho, vassetvā dhammavutṭhiyo;
Aṭṭhame divase patte, sunandaṃ kittayī jino.

452. “Devaloke manusse vā, saṃsaranto ayaṃ bhava;
Sabbesaṃ pavaro hutvā, bhavesu saṃsarissati.

453. “Kappasatasahassamhi, okkākakulasambhavo;
Gotamo nāma gottena, satthā loke bhavissati.

454. “Tassa dhammesu dāyādo, oraso dhammanimitto;
Mantāṇiputto puṇṇoti, hessati satthu sāvako.

455. “Evaṃ kittayī sambuddho, sunandaṃ tāpasaṃ tadā;
Hāsayanto janaṃ sabbhaṃ, dassayanto sakaṃ balaṃ.

456. “Katañjalī namassanti, sunandaṃ tāpasaṃ janā;
Buddhe kāraṃ karitvāna, sodhesi gatimattano.

457. “Tattha me ahu saṅkappo, sutvāna munino vacaṃ;
Ahampi kāraṃ kassāmi, yathā passāmi gotamaṃ.

458. “Evāhaṃ cintayitvāna, kiriyāṃ cintayim̐ mama;
Kyāhaṃ kammaṃ ācarāmi, puññakkhette anuttare.
459. “Ayañca pāṭhiko bhikkhu, sabbapāṭhissa sāsane;
Vinaye agganikkhitto, taṃ ṭhānaṃ patthaye ahaṃ.
460. “Idaṃ me amitaṃ bhogaṃ, akkhobhaṃ sāgarūpamaṃ;
Tena bhogena buddhassa, ārāmaṃ māpaye ahaṃ.
461. “Sobhanaṃ nāma ārāmaṃ, nagarassa puratthato;
Kiṇitvā [kītvā (sī.), kitvā (ka.)] satahassena, saṅghārāmaṃ amāpayim̐.
462. “Kūṭāgāre ca pāsāde, maṇḍape hammiye guhā;
Caṅkame sukate katvā, saṅghārāmaṃ amāpayim̐.
463. “Jantāgharaṃ aggisālaṃ, atho udakamāḷakaṃ;
Nhānagharaṃ māpayitvā, bhikkhusaṅghassadāsahaṃ.
464. “Āsandiyo pīṭhake ca, paribhoge ca bhājane;
Ārāmikañca bhesajjaṃ, sabbametaṃ adāsahaṃ.
465. “Ārakkhaṃ paṭṭhapetvāna, pākāraṃ kārayim̐ dalhaṃ;
Mā naṃ koci viheṭhesi, santacittāna tādinaṃ.
466. “Satahassenāvāsaṃ [āvāsaṃ satahassena (sī.), āvāse satahasse (syā.)], saṅghārāme
amāpayim̐;
Vepullaṃ taṃ māpayitvā [vepullataṃ pāpayitvā (sī.)], sambuddhaṃ upanāmayim̐.
467. “Niṭṭhāpito mayārāmo, sampaṭiccha tuvaṃ muni;
Niyyādessāmi taṃ vīra [te vīra (sī.), taṃ dhīra (syā.)], adhivāsehi cakkhuma.
468. “Padumuttaro lokavidū, āhutaṃ paṭiggaho;
Mama saṅkappamaññāya, adhivāsesi nāyako.
469. “Adhivāsanamaññāya, sabbaññussa mahesino;
Bhojanaṃ paṭiyādetvā, kālamārocayim̐ ahaṃ.
470. “Ārocitamhi kālamhi, padumuttaranāyako;
Khīṇāsavasahasseehi, ārāmaṃ me upāgami.
471. “Nisinnaṃ kālamaññāya, annapānena tappayim̐;
Bhuttāvim̐ kālamaññāya, idaṃ vacanamabravim̐.
472. “Kīto satahassena, tattakeneva kārito;
Sobhano nāma ārāmo, sampaṭiccha tuvaṃ muni.
473. “Iminārāmadānena, cetanāpaṇidhīhi ca;
Bhave nibbattamānohaṃ, labhāmi mama patthitaṃ.
474. “Paṭiggahetvā sambuddho, saṅghārāmaṃ sumāpitaṃ;
Bhikkhusaṅghe nisīditvā, idaṃ vacanamabravi.

475. “Yo so buddhassa pādāsi, saṅghārāmaṃ sumāpitaṃ;
Tamahaṃ kittayissāmi, suṇātha mama bhāsato.
476. “Hatthī assā rathā pattī, senā ca caturaṅginī;
Parivāressantimaṃ niccaṃ, saṅghārāmassidaṃ phalaṃ.
477. “Saṭṭhi tūrasahassāni [[turiyasahassāni \(sī. syā.\)](#)], bheriyo samalaṅkatā;
Parivāressantimaṃ niccaṃ, saṅghārāmassidaṃ phalaṃ.
478. “Chalāsītisahassāni, nāriyo samalaṅkatā;
Vicittavatthābharaṇā, āmuttamaṇikuṇḍalā.
479. “Aḷārapamhā hasulā, susaṅṅā tanumajjhimā;
Parivāressantimaṃ niccaṃ, saṅghārāmassidaṃ phalaṃ.
480. “Timsakappasahassāni, devaloke ramissati;
Sahassakkhattuṃ devindo, devarajjaṃ karissati.
481. “Devarājena pattabbaṃ, sabbaṃ paṭilabhissati;
Anūnabhogo hutvāna, devarajjaṃ karissati.
482. “Sahassakkhattuṃ cakkavattī, rājā raṭṭhe bhavissati;
Pathabyā rajjaṃ vipulaṃ, gaṇanāto asaṅkhiyaṃ.
483. “Kappasatasahassamhi, okkākakulasambhavo;
Gotamo nāma gottena, sathā loke bhavissati.
484. “Tassa dhammesu dāyādo, oraso dhammanimmito;
Upāli nāma nāmena, hessati satthu sāvako.
485. “Vinaye pāramiṃ patvā, ṭhānāṭhāne ca kovido;
Jinasānaṃ dhārento, viharissatināsavo.
486. “Sabbametaṃ abhiññāya, gotamo sakyapuṅgavo;
Bhikkhusaṅghe nisīditvā, etadagge ṭhapessati.
487. “Aparimeyyupādāya, patthemī tava sāsanaṃ;
So me attho anupatto, sabbasaṃyojanakkhayo.
488. “Yathā sūlāvuto poso, rājadaṇḍena tājḅito;
Sūle sātaṃ avindanto, parimuttiṃva icchati.
489. “Tathevāhaṃ mahāvīra, bhavadaṇḍena tājḅito;
Kammaṣūlāvuto santo, pipāsāvedanaṭṭito.
490. “Bhave sātaṃ na vindāmi, ḍayhanto tīhi aggibhi;
Parimuttiṃ gavesāmi, yathāpi rājadaṇḍito.
491. “Yathā visādo puriso, visena paripīḅito;
Agadaṃ so gaveseyya, visaghātāyupālanam [[visaghātāyupāyanam \(syā. ka.\)](#)].
492. “Gavesamāno passeyya, agadaṃ visaghātakaṃ;

Taṃ pivitvā sukhī assa, visamhā parimuttiyā.

493. “Tathevāhaṃ mahāvīra, yathā visahato naro;
Sampīlito avijjāya, saddhammāgadamesahaṃ.
494. “Dhammāgadam gavesanto, addakkhiṃ sakyasāsanam;
Aggaṃ sabbosadhānaṃ taṃ, sabbasallavinodanam.
495. “Dhammosadhaṃ pivitvāna, visaṃ sabbaṃ samūhaniṃ;
Ajarāmaram sītībhāvaṃ, nibbānaṃ phassayiṃ ahaṃ.
496. “Yathā bhūtaṭṭito poso, bhūtaggāhena pīlito;
Bhūtavejjaṃ gaveseyya, bhūtasmaṃ parimuttiyā.
497. “Gavesamāno passeyya, bhūtavijjāsu kovidaṃ;
Tassa so vihane bhūtaṃ, samūlañca vināsaye.
498. “Tathevāhaṃ mahāvīra, tamaggāhena pīlito;
Ñāṇālokaṃ gavesāmi, tamato parimuttiyā.
499. “Athaddasaṃ sakyamuniṃ, kilesatamasodhanam;
So me tamaṃ vinodesi, bhūtavejjo va bhūtaṃ.
500. “Samsārasotaṃ sañchindim, taṇhāsotaṃ nivārayim;
Bhavaṃ ugghāṭayim sabbaṃ, bhūtavejjo va mūlato.
501. “Garuḷo yathā opatati, pannagaṃ bhakkhamattano;
Samantā yojanasataṃ, vikkhobheti mahāsaram.
502. “Pannagaṃ so gahetvāna, adhosīsaṃ viheṭṭhayam;
Ādāya so pakkamati, yena kāmaṃ vihaṅgamo.
503. “Tathevāhaṃ mahāvīra, yathāpi garuḷo balī;
Asaṅkhataṃ gavesanto, dose vikkhālayim ahaṃ.
504. “Diṭṭho ahaṃ dhammavaram, santipadamanuttaram;
Ādāya viharāmetaṃ, garuḷo pannagaṃ yathā.
505. “Āsāvati nāma latā, jātā cittalatāvane;
Tassā vassasahassena, ekaṃ nibbattate phalaṃ.
506. “Taṃ devā payirupāsanti, tāvadūraphale sati;
Devānaṃ sā piyā evaṃ, āsāvati latuttamā.
507. “Satasahassupādāya, tāhaṃ paricare muni;
Sāyaṃ pātaṃ namassāmi, devā āsāvatiṃ yathā.
508. “Avañjhā pārīcariyā, amoghā ca namassanā;
Dūrāgatampi maṃ santaṃ, khaṇoyam na virādhayi.
509. “Paṭisandhiṃ na passāmi, vicinanto bhava ahaṃ;
Nirūpadhi vippamutto [[vippayutto \(ka.\)](#)], upasanto carāmaṃ.

510. “Yathāpi padumaṃ nāma, sūriyamaṃsena pupphati;
Tathevāhaṃ mahāvīra, buddhamaṃsena pupphito.
511. “Yathā balākayonimhi, na vijjati pumo [pumā (sī. syā.)] sadā;
Meghesu gajjamānesu, gabbhaṃ gaṇhanti tā sadā.
512. “Ciraṃpi gabbhaṃ dhārenti, yāva megho na gajjati;
Bhārato parimuccanti, yadā megho pavassati.
513. “Padumuttarabuddhassa, dhammameghena gajjato;
Saddena dhammameghassa, dhammagabbhaṃ agaṇhahaṃ.
514. Satasahassupādāya, puñṇagabbhaṃ dharemaṃ;
Nappamuccāmi bhārato, dhammamegho na gajjati.
515. “Yadā tuvaṃ sakyamuni, ramme kapilavatthave;
Gajjasi dhammameghena, bhārato parimuccahaṃ.
516. “Suñṇataṃ animittaṅca, tathāppaṇihitampi ca;
Caturō ca phale sabbe, dhammevaṃ vijāyayim [vijāyayim (ka.) balākānaṃ vijāyanūpamāya
saṃsandetvā attho vedītabbo] ahaṃ.

Dutiyabhāṇavāraṃ.

517. “Aparimeyyupādāya, patthemī tava sāsanaṃ;
So me attho anupatto, santīpadamanuttaraṃ.
518. “Vinaye pāraṃiṃ patto, yathāpi pāṭhiko isi;
Na me samasamo atthi, dhāremī sāsanaṃ ahaṃ.
519. “Vinaye khandhake cāpi, tikacchede ca pañcake [pañcame (sī.)];
Ettha me vimatī natthi, akkhare byañjanepi vā.
520. “Niggahe paṭīkamme ca, ṭhānāṭhāne ca kovido;
Osāraṇe vuṭṭhāpane, sabbattha pāraṃiṃ gato.
521. “Vinaye khandhake vāpi, nikkhipitvā padaṃ ahaṃ;
Ubhato viniveṭhetvā, rasato osareyyahaṃ.
522. “Niruttiyā sukusalo, atthānatthe ca kovido;
Anañṇātaṃ mayā natthi, ekaggo satthu sāsane.
523. “Rūpadakkho [rūparakkho (?) milindapaṇho dhammanagarādhikāre passitabbaṃ] ahaṃ ajja,
sakyaputtassa sāsane;
Kaṅkhaṃ sabbaṃ vinodemi, chindāmi sabbasaṃsayamaṃ.
524. “Padaṃ anupadañcāpi, akkharañcāpi byañjanaṃ;
Nidāne pariyoṣāne, sabbattha kovido ahaṃ.
525. “Yathāpi rājā balavā, niggaṇhitvā parantape;
Vijjīnitvāna saṅgāmaṃ, nagaraṃ tattha māpaye.

526. “Pākāraṃ parikhañcāpi, esikaṃ dvārakoṭṭhakaṃ;
Aṭṭālake ca vividhe, kāraye nagare bahū.
527. “Siṅghāṭakaṃ caccarañca, suvibhattantarāpaṇaṃ;
Kārayeyya sabhaṃ tattha, atthānatthavinicchayaṃ.
528. “Nigghātatthaṃ amittānaṃ, chiddāchiddaṅca jānituṃ;
Balakāyassa rakkhāya, senāpaccaṃ ṭhapeti [thapesi (ka.)] so.
529. “Ārakkhatthāya bhaṇḍassa, nidhānakusalaṃ naraṃ;
Mā me bhaṇḍaṃ vinassīti, bhaṇḍarakkhaṃ ṭhapeti so.
530. “Mamatto [māmako (sī.), samaggo (syā.)]
Hoti yo rañño, vuddhiṃ yassa ca icchati.

Tassādhikaraṇaṃ deti, mittassa paṭipajjituṃ.
531. “Uppātesu nimittesu, lakkhaṇesu ca kovidaṃ;
Ajjhāyakaṃ mantadharaṃ, porohicca ṭhapeti so.
532. “Etehaṅgehi sampanno, khattiyoti pavuccati;
Sadā rakkhanti rājānaṃ, cakkavākova dukkhitāṃ.
533. “Tatheva tvaṃ mahāvīra, hatāmittova khattiyō;
Sadevakassa lokassa, dhammarājāti vuccati.
534. “Titthiye nihanitvāna [nīharitvāna (syā. ka.)], mārañcāpi sasenakaṃ;
Tamandhakāraṃ vidhamitvā, dhammanagaraṃ amāpayi.
535. “Sīlaṃ pākāraṃ tattha, ñāṇaṃ te dvārakoṭṭhakaṃ;
Saddhā te esikā vīra, dvārapālo ca saṃvaro.
536. “Satipaṭṭhānaṃaṭṭālaṃ, paññā te caccaraṃ mune;
Iddhipādaṅca siṅghāṭaṃ, dhammavīthi sumāpitā.
537. “Suttantaṃ abhidhammañca, vinayañcāpi kevalaṃ;
Navaṅgaṃ buddhavacanaṃ, esā dhammasabhā tava.
538. “Suññataṃ animittañca, vihārañcappaṇihitaṃ;
Āneñjañca nirodho ca, esā dhammakuṭī tava.
539. “Paññāya aggo nikkhitto [agganikkhitto (sī.)], paṭibhāne ca kovido;
Sāriputtoti nāmena, dhammasenāpatī tava.
540. “Cutūpapātakusalo, iddhiyā pāraṃ gato;
Kolito nāma nāmena, porohicco tavaṃ mune.
541. “Porāṇakavaṃsadharo, uggatejo durāsado;
Dhutavādīguṇenaggo, akkhadasso tavaṃ mune.
542. “Bahussuto dhammadharo, sabbapāṭhī ca sāsane;
Ānando nāma nāmena, dhammārakkho [dhammarakkho (syā.)] tavaṃ mune.

543. “Ete sabbe atikkamma, pamesi bhagavā mamaṃ;
Vinicchayaṃ me pādāsi, vinaye viññudesitaṃ.
544. “Yo koci vinaye pañhaṃ, pucchati buddhasāvako;
Tattha me cintanā natthi, taññevatthaṃ kathemaṃ.
545. “Yāvataṃ buddhakhettamhi, ṭhapetvā taṃ mahāmuni;
Vinaye mādiso natthi, kuto bhiyyo bhavissati.
546. “Bhikkhusaṅghe nisīditvā, evaṃ gajjati gotamo;
Upālissa samo natthi, vinaye khandhakesu ca.
547. “Yāvataṃ buddhabhaṇitaṃ, navaṅgaṃ satthusāsaṇaṃ;
Vinayogadhaṃ taṃ [vinayogadhitam (sī. aṭṭha.), vinaye kathitam (syā.)] sabbaṃ,

Vinayamūlapassino [vinayaṃ mūlanti passato (sī.)].

548. “Mama kammaṃ saritvāna, gotamo sakyapuṅgavo;
Bhikkhusaṅghe nisīditvā, etadagge ṭhapesi maṃ.
549. “Satasahassupādāya, imaṃ ṭhānaṃ apatthayiṃ;
So me attho anupatto, vinaye pāramiṃ gato.
550. “Sakyānaṃ nandijanano, kappako āsahaṃ pure;
Vijahitvāna taṃ jātiṃ, putto jāto mahesino.
551. “Ito dutiyake kappe, añjaso nāma khattiyo;
Anantatejo amitayaso, bhūmipālo mahaddhano.
552. “Tassa rañño ahaṃ putto, candano nāma khattiyo;
Jātimadenupatthaddho, yasabhogamadena ca.
553. “Nāgasatasahassāni, sabbālaṅkārahūsitā;
Tidhāpabhinnā mātāṅgā, parivārenti maṃ sadā.
554. “Sabalehi paretohaṃ, uyyānaṃ gantukāmaṃ;
Āruyha sirikaṃ nāgaṃ, nagarā nikkhamiṃ tadā.
555. “Caraṇena ca sampanno, guttadvāro susaṃvuto;
Devalo nāma sambuddho, āgacchi purato mama.
556. “Pesetvā sirikaṃ nāgaṃ, buddhaṃ āsādayiṃ tadā;
Tato sañjātakopo so [jātakopova (syā.)], nāgo nuddharate padaṃ.
557. “Nāgaṃ ruṇṇamanaṃ [ruṭṭhamaṃ (pī. aṭṭha.), duṭṭhamaṃ (sī. aṭṭha.), ruddhapadaṃ (?)]
disvā, buddhe kodhaṃ akāsahaṃ;
Vihesayitvā sambuddhaṃ, uyyānaṃ agamāsahaṃ.
558. “Sātaṃ tattha na vindāmi, siro pajjalito yathā;
Pariḷāhena ḍayhāmi, macchova baḷisādako.
559. “Sasāgarantā pathavī, ādittā viya hoti me;

Pitu santikupāgama, idaṃ vacanamabravim.

560. “Āsīvisaṃva kupitaṃ, aggikkhandhaṃva āgataṃ;
Mattamaṃva kuñjaraṃ dantiṃ, yaṃ sayambhumasādayim.
561. “Āsādito mayā buddho, ghorō uggatapo jino;
Purā sabbe vinassāma, khamāpessāma taṃ munim.
562. “No ce taṃ nijjhāpessāma, attadantaṃ samāhitaṃ;
Orena sattadivasā, raṭṭhaṃ me vidhamissati.
563. “Sumekhala kosiyo ca, siggavo cāpi sattako [sattuko (sī.)];
Āsādayitvā isayo, duggatā te saraṭṭhakā.
564. “Yadā kuppanti isayo, saññatā brahmacārino;
Sadevakaṃ vināsenti, sasāgaraṃ sapabbataṃ.
565. “Tiyojanasahassamhi, purise sannipātayim;
Accayaṃ desanattāya, sayambhuṃ upasaṅkamim.
566. “Allavatthā allasirā, sabbeva pañjalīkatā;
Buddhassa pāde nipatitvā, idaṃ vacanamabravuṃ [mabravim (ka.)].
567. “Khamassu tvaṃ mahāvīra, abhiyācati taṃ jano;
Pariḷāhaṃ vinodehi, mā no raṭṭhaṃ vināsaya.
568. “Sadevamānusā sabbe, sadānavā sarakkhasā;
Ayomayena kuṭena, siraṃ bhindeyyu me sadā.
569. “Dake [udake (sī. syā.)] aggi na saṅṭhāti, bījaṃ sele na rūhati;
Agade kimi na saṅṭhāti, kopo buddhe na jāyati.
570. “Yathā ca bhūmi acalā, appameyyo ca sāgaro;
Anantako ca ākāso, evaṃ buddhā akhobhiyā.
571. “Sadā khantā mahāvīrā, khamitā ca tapassino;
Khantānaṃ khamitānañca, gamanaṃ taṃ [vo (syā.)] na vijjati.
572. “Idaṃ vatvāna sambuddho, pariḷāhaṃ vinodayaṃ;
Mahājanassa purato, nabhaṃ abbhuggami tadā.
573. “Tena kammenaṃ vīra, hīnattaṃ ajjhupāgato;
Samatikkamma taṃ jātīṃ, pāvīsiṃ abhayaṃ puraṃ.
574. “Tadāpi maṃ mahāvīra, ḍayhamānaṃ susaṅṭhitaṃ;
Pariḷāhaṃ vinodesi, sayambhuñca khamāpayim.
575. “Ajjāpi maṃ mahāvīra, ḍayhamānaṃ tihaggibhi;
Nibbāpesi tayo aggī, sītībhāvañca pāpayim [pāpayī (sī.)].
576. Yesaṃ sotāvadhānatthi, suṇātha mama bhāsato;
Atthaṃ tumhaṃ pavakkhāmi, yathā diṭṭhaṃ padaṃ mama.

577. “Sayambhuṃ taṃ vimānetvā, santacittaṃ samāhitaṃ;
Tena kammenaṃ aṃja, jātomhi nīcayoniyaṃ.
578. “Mā vo khaṇaṃ virādhetha, khaṇātītā hi socare;
Sadatthe vāyameyyātha, khaṇo vo paṭipādito.
579. “Ekaccānañca vamaṇaṃ, ekaccānaṃ virecanaṃ;
Visaṃ halāhalaṃ eke, ekaccānañca osadhaṃ.
580. “Vamaṇaṃ paṭipannānaṃ, phalaṭṭhānaṃ virecanaṃ;
Osadhaṃ phalaṭṭhānaṃ, puññakkhettaṃ gavesinaṃ.
581. “Sāsanena viruddhānaṃ, visaṃ halāhalaṃ yathā;
Āsīso diṭṭhaviṇṇo [daṭṭhaviṇṇo (syā. aṭṭha.)], evaṃ jhāpeti taṃ naraṃ.
582. “Sakīṃ pītaṃ halāhalaṃ, uparundhati jīvitaṃ;
Sāsanena virujjhivā, kappakoṭimhi ḍayhati.
583. “Khantiyā avihimsāya, mettacittavatāya ca;
Sadevakaṃ so tāraṇi, tasmā te avirādhiyā [avirodhiyo (sī.), te avirodhiyā (syā.)].
584. “Lābhālābhe na sajjanti, sammānanavimānane;
Pathavīsadisā buddhā, tasmā te na virādhiyā [te na virodhiyā (sī. syā.)].
585. “Devadatte ca vadhake, core aṅgulimālake;
Rāhule dhanapāle ca, sabbesaṃ samako muni.
586. “Etesaṃ paṭiḅho natthi, rāgomesaṃ na vijjati;
Sabbesaṃ samako buddho, vadhakassorasassa ca.
587. “Panthe disvāna kāsāvaṃ, chaḍḍitaṃ mīḷhamakkhitaṃ;
Sirasmiṃ aṅjaliṃ katvā, vanditabbaṃ isiddhajaṃ.
588. “Abbhatītā ca ye buddhā, vattamānā anāgatā;
Dhajeṇaṇena sujjhanti, tasmā ete namassiyā.
589. “Sattukappaṃ suvinayaṃ, dhāremi hadayenaṃ;
Namassamāno vinayaṃ, viharissāmi sabbadā.
590. “Vinayo āsāyo mayhaṃ, vinayo ṭhānacaṅkamaṃ;
Kappemi vinaye vāsaṃ, vinayo mama gocaro.
591. “Vinaye pāramippatto, samathe cāpi kovido;
Upāli taṃ mahāvīra, pāde vandati satthuno.
592. “So ahaṃ vicarissāmi, gāmā gāmaṃ purā puraṃ;
Namassamāno sambuddhaṃ, dhammassa ca sudhammataṃ.
593. “Kilesā jhāpitā mayhaṃ, bhavā sabbe samūhatā;
Sabbāsavā parikkhīṇā, natthi dāni punabbhavo.
594. “Svāgataṃ vata me āsi, buddhaseṭṭhassa santike;

Tisso vijjā anuppattā, kataṃ buddhassa sāsanaṃ.

595. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā upāli thero imā gāthāyo abhāsithāti.

Upālittherassāpadānaṃ chaṭṭhaṃ.

3-7. Aññāsikoṇḍaññattheraapadānaṃ

596. “Padumuttarasambuddhaṃ, lokajeṭṭhaṃ vināyakaṃ;
Buddhabhūmimanuppattaṃ, paṭhamaṃ addasaṃ ahaṃ.
597. “Yāvataṃ bodhiyā mūle, yakkhā sabbe samāgatā;
Sambuddhaṃ parivāretvā, vandanti pañjalīkatā.
598. “Sabbe devā tuṭṭhamaṇā, ākāse sañcaranti te;
Buddho ayaṃ anuppatto, andhakāratamonudo.
599. “Tesaṃ hāsaparetānaṃ, mahānādo avattatha;
Kilese jhāpayissāma, sammāsambuddhasāsane.
600. “Devānaṃ giramaññāya, vācāsabhimudīrihaṃ;
Haṭṭho haṭṭhena cittaṇa, ādibhikkhamadāsahaṃ.
601. “Mama saṅkappamaññāya, sathā loke anuttaro;
Devasaṅghe nisīditvā, imā gāthā abhāsatha.
602. “Sattāhaṃ abhinikkamma, bodhiṃ ajjhagamaṃ ahaṃ;
Idaṃ me paṭhamaṃ bhattaṃ, brahmacārissa yāpanaṃ.
603. “Tusitā hi idhāgantvā, yo me bhikkhaṃ upānaya;
Tamaṃ kittayissāmi, suṇoṭha mama bhāsato.
604. “Tiṃsakappasahasāni [[tiṃsamatte kappasagasse \(syā. ka.\)](#)], devarajjaṃ karissati;
Sabbe deve abhibhotvā, tidivaṃ āvasissati.
605. “Devalokā cavitvāna, manussattaṃ gamissati;
Sahasadhā cakkavattī, tatha rajjaṃ karissati.
606. “Kappasatasahasamhi, okkākakulasambhavo;
Gotamo nāma gottena, sathā loke bhavissati.
607. “Tidasā so cavitvāna, manussattaṃ gamissati;
Agārā pabbajitvāna, chabbassāni vasissati.
608. “Tato sattamaṃ vasse, buddho saccaṃ kathessati;
Koṇḍañño nāma nāmena, paṭhamaṃ sacchikāhiti’.
609. “Nikkhantenānupabbajim, padhānaṃ sukataṃ mayā;

Kilese jhāpanatthāya, pabbajim anagāriyaṃ.

610. “Abhigantvāna sabbaññū, buddho loke sadevake;
Isināme migāraññe [iminā me mahāraññaṃ (syā.), iminā me migāraññaṃ (ka.)],
amatabherimāhani.

611. “So dāni patto amatam, santipadamanuttaram;
Sabbāsave pariññāya, viharāmi anāsavo.

612. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā aññāsikoṇḍaṇṇo [aññātaṅḍaṇṇo (sī.), aññā koṇḍaṇṇo (syā.)] thero imā

Gāthāyo abhāsithāti.

Aññāsikoṇḍaṇṇattherassāpadānaṃ sattamaṃ.

3-8. Piṇḍolabhāradvājattheraapadānaṃ

613. “Padumuttaro nāma jino, sayambhū aggapuggalo;
Purato himavantassa, cittakūṭe vasī tadā.

614. “Abhītarūpo tatthāsiṃ, migarājā catukkamo;
Tassa saddaṃ suṇitvāna, vikkhambhanti bahujjanā.

615. “Suphullaṃ padumaṃ gayha, upagacchiṃ narāsabhaṃ;
Vuṭṭhitassa samādhimhā, buddhassa abhiropayim.

616. “Cātuddisaṃ namassitvā, buddhaseṭṭhaṃ naruttamaṃ;
Sakaṃ cittaṃ pasādetvā, sīhanādaṃ nadiṃ ahaṃ [tadā (syā.)].

617. “Padumuttaro lokavidū, āhutiṇaṃ paṭiggaho;
Sakāsane nisīditvā, imā gāthā abhāsatha.

618. “Buddhassa giramaññāya, sabbe devā samāgatā;
Āgato vadataṃ seṭṭho, dhammaṃ sossāma taṃ mayaṃ.

619. “Tesaṃ hāsaparetānaṃ, purato lokanāyako;
Mama saddaṃ [kammaṃ (?)] pakittesi, dīghadassī mahāmuni”.

620. “Yenidaṃ padumaṃ dinnam, sīhanādo ca nādito;
Tamaṃ kittayissāmi, suṇātha mama bhāsato.

621. “Ito aṭṭhamake kappe, cakkavattī bhavissati;
Sattaratanasampanno catudīpamhi issaro.

622. “Kārayissati issariyaṃ [issaraṃ (syā. ka.)], mahiyā catusaṭṭhiyā;
Padumo nāma nāmena, cakkavattī mahabbalo.

623. “Kappasatasahassamhi, okkākakulasambhavo;

Gotamo nāma gottena, sathā loke bhavissati.

624. ‘Pakāsīte pāvācane, brahmabandhu bhavissati;
Brahmaññā abhinikkhamma, pabbajissati tāvade’.
625. ‘‘Padhānapahitatto so, upasanto nirūpadhi;
Sabbāsave pariññāya, nibbāyissatināsavo.
626. ‘‘Vijane pantaseyyamhi, vāḷamigasamākule;
Sabbāsave pariññāya, nibbāyissatināsavo.
627. ‘‘Paṭisambhidā catasso, vimokkhāpi ca aṭṭhime;
Chaḷabhiññā sacchikatā, katam buddhassa sāsanaṃ’’.

Ittham sudam āyasmā piṇḍolabhāradvājo thero imā gāthāyo abhāsithāti.

Piṇḍolabhāradvājattherassāpadānaṃ aṭṭhamam.

3-9. Khadiravaniyarevatattheraapadānaṃ

628. ‘‘Gaṅgā bhāgīrathī nāma, himavantā pabhāvitā;
Kutitthe nāviko āsiṃ, orime ca tariṃ [orimaṃ ca tare (syā.)] ahaṃ.
629. ‘‘Padumuttaro nāyako, sambuddho dvīpaduttamo;
Vasī satasahashehi, gaṅgātīramupāgato [pubbe mayhaṃ sutam āsi,§‘‘padumuttaranāyako;
vasīsatasahashehi, gaṅgāsotaṃ tarissati’’; (sī.)].
630. ‘‘Bahū nāvā samānetvā, vaḍḍhakīhi [cammakehi (ka.)] susaṅkhatam;
Nāvāya [nāvānaṃ (ka.)] chadanaṃ katvā, paṭimāniṃ narāsabhaṃ.
631. ‘‘Āgantvāna ca sambuddho, ārūhi tañca nāvakaṃ;
Vārimajjhe ṭhito sathā, imā gāthā abhāsatha.
632. ‘‘Yo so tāresi sambuddham, saṅghañcāpi anāsavaṃ;
Tena cittappasādena, devaloke ramissati.
633. ‘‘Nibbattissati te byamhaṃ, sukataṃ nāvasaṅṭhitam;
Ākāse pupphachadanaṃ, dhārayissati sabbadā.
634. ‘‘Aṭṭhapaññāsakappamhi, tāraṃ [tāraṇo (syā.)] nāma khattiyo;
Cāturanto vijitāvī, cakkavattī bhavissati.
635. ‘‘Sattapaññāsakappamhi, cammako [campako (sī.), cambako (syā.)] nāma khattiyo;
Uggacchantova sūriyo, jotissati mahabbalo.
636. ‘‘Kappasatasahasamhi, okkākakulasambhavo;
Gotamo nāma gottena, sathā loke bhavissati.
637. ‘‘Tidasā so cavitvāna, manussattaṃ gamissati;
Revato nāma nāmena, brahmabandhu bhavissati.

638. “‘Agārā nikkhamitvāna, sukkamūlena codito;
Gotamassa bhagavato, sāsane pabbajissati.
639. “‘So pacchā pabbajitvāna, yuttayogo vipassako;
Sabbāsave pariññāya, nibbāyissatināsavo’.
640. “‘Vīriyaṃ [viriyam (sī. syā.)] me dhuradhorayaṃ, yogakkhemādhivāhanaṃ;
Dhāremi antimaṃ dehaṃ, sammāsambuddhasāsane.
641. “‘Satasahassee kataṃ kammaṃ, phalaṃ dassesi me idha;
Sumutto saravegova, kilese jhāpayī mama.
642. “‘Tato maṃ vananirataṃ, disvā lokantagū muni;
Vanavāsibhikkhūnaggaṃ, paññāpesi mahāmati.
643. “‘Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ’.

Itthaṃ sudaṃ āyasmā khadiravaniyo revato thero imā gāthāyo abhāsithāti.

Khadiravaniyarevatattherassāpadānaṃ navamaṃ.

3-10. Ānandattheraapadānaṃ

644. “‘Ārāmadvārā nikkhamma, padumuttaro mahāmuni;
Vassento amataṃ vuṭṭhiṃ, nibbāpesi mahājanaṃ.
645. “‘Satasahassee te dhīrā, chaḷabhiññā mahiddhikā;
Parivārenti sambuddhaṃ, chāyāva anapāyinī [anupāyinī (syā. ka.)].
646. “‘Hatthikkhandhagato āsiṃ, setacchattaṃ varuttamaṃ;
Sucārurūpaṃ disvāna, vitti me udapajjatha.
647. “‘Oruyha hatthikkhandhamhā, upagacchiṃ narāsabhaṃ;
Ratanāmayachattaṃ me, buddhaseṭṭhassa dhārayiṃ.
648. “‘Mama saṅkappamaññāya, padumuttaro mahāisi;
Taṃ kathaṃ ṭhapayitvāna, imā gāthā abhāsatha.
649. “‘Yo so chattamadhāresi, soṇṇālaṅkārahūsitaṃ;
Tamaṃ kittayissāmi, suṇoṭha mama bhāsato.
650. “‘‘Ito gantvā ayaṃ poso, tusitaṃ āvasissati;
Anubhossati sampattiṃ, accharāhi purakkhato.
651. “‘‘Catuttimsatikkhattuñca, devarajjaṃ karissati;
Balādhipo aṭṭhasataṃ, vasudhaṃ āvasissati.
652. “‘‘Aṭṭhapaññāsakkhattuñca, cakkavattī bhavissati;
Padesarajjaṃ vipulaṃ, mahiyā kārayissati.

653. “‘Kappasatasahassamhi, okkākakulasambhavo;
Gotamo nāma gottena, satthā loke bhavissati.
654. “‘Sakyānaṃ kulaketussa, ñātibandhu bhavissati;
Ānando nāma nāmena, upaṭṭhāko mahesino.
655. “‘Ātāpī nipako cāpi, bāhusacce sukovido;
Nivātavutti atthaddho, sabbapāṭhī bhavissati.
656. “‘Padhānapahitatto so, upasanto nirūpadhi;
Sabbāsava pariññāya, nibbāyissatināsavo.
657. “‘Santi āraññakā nāgā, kuñjarā satṭhihāyanā;
Tidhāpabhinnā mātaṅgā, īsādantā urūḷhavā.
658. “‘Anekasatasahassā, paṇḍitāpi mahiddhikā;
Sabbe te buddhanāgassa, na hontu paṇidhimhi te’ [na honti parivimbhitā (syā.), na honti paṇidhimhi te (ka.)].
659. “‘Ādiyāme namassāmi, majjhime atha pacchime;
Pasannacitto sumano, buddhaseṭṭhaṃ upaṭṭhahim.
660. “‘Ātāpī nipako cāpi, sampajāno patissato;
Sotāpattiphalaṃ patto, sekhabhūmīsu kovido.
661. “‘Satasahassito kappe, yaṃ kammamabhinīharim;
Tāhaṃ bhūmīmanuppatto, ṭhitā saddhammācalā [ṭhito saddhammācalo (sī.), ṭhitā saddhā mahapphalā (syā.)].
662. “‘Svāgataṃ vata me āsi, buddhaseṭṭhassa santike;
Tisso vijjā anuppattā, kataṃ buddhassa sāsanaṃ.
663. “‘Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ’.

Itthaṃ sudaṃ āyasmā ānando thero imā gāthāyo abhāsithāti.

Ānandattherassāpadānaṃ dasamaṃ.

Tassuddānaṃ –

Buddho paccekabuddho ca, sārīputto ca kolito;
Kassapo anuruddho ca, puṇṇatthero upāli ca.

Aññāsikoṇḍañño piṇḍolo, revatānandapaṇḍito;
Chasatāni ca paññāsa, gāthāyo sabbapiṇḍitā.

Apadāne buddhavaggo paṭhamo.

2. Sīhāsaniyavaggo

1. Sīhāsanadāyakaṭṭheraapadānaṃ

1. “Nibbute lokanāthamhi, siddhatthe dvipaduttame [dipaduttame (sī. syā.)];
Vitthārike pāvācane, bāhujaññamhi sāsane.
2. “Pasannacitto sumano, sīhāsanamakāsahaṃ;
Sīhāsaṇaṃ karitvāna, pādapīṭhamakāsahaṃ.
3. “Sīhāsane ca vassante, gharaṃ tattha akāsahaṃ;
Tena cittappasādena, tusitaṃ upapajjahaṃ.
4. “Āyāmena catubbīsa, yojanaṃ āsi [yojanāsimsu (syā. ka.)] tāvade;
Vimānaṃ sukataṃ mayhaṃ, vitthārena catuddasa.
5. “Sataṃ [satta (syā.)] kaññāsahassāni, parivārenti maṃ sadā;
Soṇṇamayañca pallaṅkaṃ, byamhe āsi sunimmitaṃ.
6. “Hatthiyānaṃ assayānaṃ, dibbayānaṃ upaṭṭhitaṃ;
Pāsādā sivikā ceva, nibbattanti yadicchakaṃ.
7. “Maṇimayā ca pallaṅkā, aññe sāramayā bahū;
Nībbattanti mamaṃ sabbe, sīhāsanassidaṃ phalaṃ.
8. “Soṇṇamayā rūpimayā, phalikāveḷuriyāmayā;
Pādukā abhirūhāmi, pādapīṭhassidaṃ phalaṃ.
9. “Catunnavutito [catunnavute ito (sī. syā.)] kappe, yaṃ kammakariṃ tadā;
Duggatiṃ nābhijānāmi, puññakammassidaṃ phalaṃ.
10. “Tesattatimhito kappe, indanāmā tayo janā;
Dvesattatimhito kappe, tayo sumananāmakā.
11. “Samasattatito kappe, tayo varuṇanāmakā;
Sattaratanasampannā, catudīpamhi issarā.
12. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā sīhāsanadāyako thero imā gāthāyo abhāsittāti.

Sīhāsanadāyakaṭṭherassāpadānaṃ paṭhamaṃ.

2. Ekattambhikaṭṭheraapadānaṃ

13. “Siddhatthassa bhagavato, mahāpūgagaṇo ahu;
Saraṇaṃ gatā ca te buddhaṃ, saddahanti tathāgataṃ.
14. “Sabbe saṅgama mantevā, māḷaṃ kubbanti satthuno;
Ekattambhaṃ alabhantā, vicinanti brahāvane.
15. “Teḥaṃ araññe disvāna, upagamma gaṇaṃ tadā;

Añjalim paggahetvāna, paripucchim gāṇaṃ ahaṃ.

16. “Te me puṭṭhā viyākamsu, sīlavanto upāsakā;
Māḷaṃ mayamaṃ kattukāmā, ekatthambho na labbhati.
17. “Ekatthambhaṃ mamaṃ detha, ahaṃ dassāmi satthuno;
Āharissāmaḥaṃ thambhaṃ, appossukkā bhavantu te [bhavantu vo (sī.), bhavātha vo (?)].
18. “Te me thambhaṃ pavecchimsu, pasannā tuṭṭhamānasā;
Tato paṇinivattitvā, agamaṃsu sakaṃ gharaṃ.
19. “Aciraṃ gate pūgagaṇe, thambhaṃ ahāsahaṃ tadā;
Haṭṭho haṭṭhena cittena, paṭhamaṃ ussapesahaṃ.
20. “Tena cittappasādena, vimānaṃ upapajjahaṃ;
Ubbiddhaṃ bhavanaṃ mayhaṃ, sattabhūmaṃ [satabhūmaṃ (sī. ka.)] samuggataṃ.
21. “Vajjamānāsu bherīsu, paricāremahaṃ sadā;
Pañcapaññāsakappamhi, rājā āsiṃ yasodharo.
22. “Tatthāpi bhavanaṃ mayhaṃ, sattabhūmaṃ samuggataṃ;
Kūṭāgāraravūpetamaṃ, ekatthambhaṃ manoramamaṃ.
23. “Ekavīsatikappamhi, udeno nāma khattiyo;
Tatrāpi bhavanaṃ mayhaṃ, sattabhūmaṃ samuggataṃ.
24. “Yaṃ yaṃ yonupapajjāmi, devattaṃ atha mānusaṃ;
Anubhomi sukhaṃ sabbaṃ [sabbametaṃ (syā.)], ekatthambhassidaṃ phalaṃ.
25. “Catunnavutito kappe, yaṃ thambhamadadaṃ tadā;
Duggatiṃ nābhijānāmi, ekatthambhassidaṃ phalaṃ.
26. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā ekatthambhiko thero imā gāthāyo abhāsithāti.

Ekatthambhikattherassāpadānaṃ dutiyaṃ.

3. Nandattheraapadānaṃ

27. “Padumuttarassa bhagavato, lokajetṭhassa tādino;
Vatthaṃ khomaṃ mayā dinnamaṃ, sayambhussa mahesino.
28. “Tamaṃ me buddho viyākāsi, jalajuttaranāmako;
‘Iminā vatthadānena, hemavaṇṇo bhavissasi.
29. “‘Dve sampattī anubhotvā, kusalamūlehi codito;
Gotamassa bhagavato, kaniṭṭho tvaṃ bhavissasi.
30. “‘Rāgaratto sukhasīlo, kāmesu gedhamāyuto;

Buddhena codito santo, tadā [tato (syā.)] tvaṃ pabbajissasi.

31. “Pabbajitvāna tvaṃ tattha, kusalamūlena codito;
Sabbāsave pariññāya, nibbāyissasināsavo’.
32. “Satta [sata (syā.)] kappasahassamhi, caturo ceḷanāmakā;
Satṭhi kappasahassamhi, upacelā catujjanā.
33. “Pañca kappasahassamhi, ceḷāva caturo janā;
Sattaratanasampannā, catudīpamhi issarā.
34. “Paṭisambhidā catasso, vimokkhāpi ca aṭṭhime;
Chalābhīññā sacchikatā, kataṃ buddhassa sāsanaṃ’.

Itthaṃ sudaṃ āyasmā nando thero imā gāthāyo abhāsithāti.

Nandattherassāpadānaṃ tatiyaṃ.

4. Cūḷapanthakattheraapadānaṃ

35. “Padumuttaro nāma jino, āhutīnaṃ paṭiggaho;
Gaṇamhā vūpakaṭṭho so, himavante vasī tadā.
36. “Ahampi himavantamhi, vasāmi assame tadā;
Acirāgataṃ mahāvīraṃ, upesiṃ lokanāyakaṃ.
37. “Pupphacchattaṃ gahetvāna, upagacchiṃ narāsabhaṃ;
Samādhiṃ samāpajantaṃ, antarāyamakāsahaṃ.
38. “Ubho hatthehi paggayha, pupphacchattaṃ adāsahaṃ;
Paṭiggahesi bhagavā, padumuttaro mahāmuni.
39. “Sabbe devā attamanā, himavantaṃ upenti te;
Sādhukāraṃ pavattesuṃ, anumodissati cakkhumā.
40. “Idaṃ vatvāna te devā, upagacchuṃ naruttamaṃ;
Ākāse dhārayantassa [dhārayantaṃ me (ka), dhārayato me (?)], padumacchattamuttamaṃ.
41. “Satapattachattaṃ paggayha, adāsi tāpaso mama;
‘Tamahaṃ kittayissāmi, suṇātha mama bhāsato.
42. “Pañcavīsatikappāni, devarajjaṃ karissati;
Catuttiṃsatikkhattuñca, cakkavattī bhavissati.
43. “Yaṃ yaṃ yoniṃ saṃsarati, devattaṃ atha mānusaṃ;
Abbhokāse patiṭṭhantaṃ, padumaṃ dhārayissati’.
44. “Kappasatasahassamhi, okkākakulasambhavo;
Gotamo nāma gottena [nāmena (sī. ka.)], sathā loke bhavissati.
45. “Pakāsīte pāvacane, manussattaṃ labhissati;

Manomayamhi kāyamhi, uttamo so bhavissati.

46. “‘Dve bhātaro bhavissanti, ubhopi panthakavhayā;
Anubhotvā uttamatthaṃ, jotayissanti sāsanaṃ’.
47. “‘Sohaṃ aṭṭhārasavasso [so aṭṭhārasavassoḥaṃ (syā.)], pabbajim anagāriyaṃ;
Visesāhaṃ na vindāmi, sakyaputtassa sāsane.
48. “‘Dandhā mayhaṃ gatī āsi, paribhūto pure ahuṃ [ahaṃ (syā.)];
Bhātā ca maṃ paṇāmesi, gaccha dāni sakaṃ gharaṃ.
49. “‘Sohaṃ paṇāmito santo, saṅghārāmassa koṭṭhake;
Dummano tattha aṭṭhāsim, sāmaññasim apekkhavā.
50. “‘Bhagavā tattha [athettha satthā (sī. syā.)] āgacchi, sīsaṃ mayhaṃ parāmasi;
Bāhāya maṃ gahetvāna, saṅghārāmaṃ pavesayi.
51. “‘Anukampāya me satthā, adāsi pādapuñchaṃ;
Evaṃ suddhaṃ adhiṭṭhehi, ekamantamadhiṭṭhahaṃ.
52. “‘Hatthehi tamahaṃ gayha, sariṃ kokanadaṃ ahaṃ;
Tattha cittaṃ vimucci me, arahattaṃ apāpuṇim.
53. “‘Manomayesu kāyesu, sabbattha pāramiṃ gato;
Sabbāsava pariññāya, viharāmi anāsavo.
54. “‘Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ’.

Itthaṃ sudaṃ āyasmā cūḷapanthako [cullapanthako (sī. syā.)] thero imā gāthāyo abhāsithāti.

Cūḷapanthakattherassāpadānaṃ catutthaṃ.

5. Pilindavacchattheraapadānaṃ

55. “‘Nibbute lokanāthamhi, sumedhe aggapuggale;
Pasannacitto sumano, thūpapūjaṃ akāsahaṃ.
56. “‘Ye ca khīṇāsavā tattha, chaḷabhiññā mahiddhikā;
Tehaṃ tattha samānetvā, saṅghabhattaṃ akāsahaṃ.
57. “‘Sumedhassa bhagavato, upaṭṭhāko tadā ahu;
Sumedho nāma nāmena, anumodittha so tadā.
58. “‘Tena cittappasādena, vimānaṃ upapajjahaṃ;
Chaḷāsītisahassāni, accharāyo ramimsu me.
59. “‘Mameva anuvattanti, sabbakāmehi tā sadā;
Aññe deve abhibhomi, puññakammassidaṃ phalaṃ.
60. “‘Pañcavīsaticappamhi, varuṇo nāma khattiyo;

Visuddhabhojano [susuddhabhojano (sī.)] āsiṃ, cakkavattī ahaṃ tadā.

61. “Na te bījaṃ pavapanti, napi nīyanti naṅgalā;
Akaṭṭhapākimaṃ sālīṃ, paribhuñjanti mānusa.
62. “Tattha rajjaṃ karitvāna, devattaṃ puna gacchahaṃ;
Tadāpi edisā mayhaṃ, nibbattā bhogasampadā.
63. “Na maṃ mittā amittā vā, hiṃsanti sabbapāṇino;
Sabbesampi piyo homi, puññakammassidaṃ phalaṃ.
64. “Tiṃsakappasahassamhi, yaṃ dānamadadiṃ tadā;
Duggatiṃ nābhijānāmi, gandhālepassidaṃ phalaṃ.
65. “Imasmiṃ bhaddake kappe, eko āsiṃ janādhipo;
Mahānubhāvo rājāhaṃ [rājīsi (syā. ka.)], cakkavattī mahabbalo.
66. “Sohaṃ pañcasu sīlesu, ṭhapetvā janataṃ bahuṃ;
Pāpetvā sugatiṃyeva, devatānaṃ piyo ahuṃ.
67. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā pilindavaccho [pilindivaccho (sī.)] thero imā gāthāyo abhāsittḥāti.

Pilindavacchattherassāpadānaṃ pañcamamaṃ.

6. Rāhulattheraapadānaṃ

68. “Padumuttarassa bhagavato, lokajeṭṭhassa tādino;
Sattabhūmamhi pāsāde, ādāsaṃ santhariṃ ahaṃ.
69. “Khīṇāsavasahasseehi, parikiṇṇo mahāmuni;
Upāgami gandhakuṭiṃ, dvipadindo [dīpadindo (sī. syā.)] narāsabho.
70. “Virocento [virocayam (syā.)] gandhakuṭiṃ, devadevo narāsabho;
Bhikkhusaṅghe ṭhito satthā, imā gāthā abhāsatha.
71. “Yenāyaṃ jotitā seyyā, ādāsova susanthato;
Tamaṃ kittayissāmi, suṇātha mama bhāsato.
72. “Soṇṇamayā rūpimayā, atho veḷuriyāmayā;
Nibbattissanti pāsādā, ye keci manaso piyā.
73. “Catusaṭṭhikkhattuṃ devindo, devarajjaṃ karissati;
Sahassakkhattuṃ cakkavattī, bhavissati anantarā.
74. “Ekavīsatikappamhi, vimalo nāma khattiyo;
Cāturanto vijitāvī, cakkavattī bhavissati.
75. “Nagaraṃ reṇuvatī nāma, iṭṭhakāhi sumāpitaṃ;

Āyāmato tīṇi satam, caturassasamāyutam.

76. “Sudassano nāma pāsādo, vissakammena māpito [[visukammenaṣmāpito \(ka.\)](#), [vissakammena nimmito \(sī.\)](#)];
Kūṭāgāravārūpeto, sattaratanabhūsito.
77. “Dasasaddāvivittam tam [[avivittam \(sī.\)](#)], vijjādharaśamākulam;
Sudassanaṃva nagaram, devatānam bhavissati.
78. “Pabhā niggacchate tassa, uggacchanteva sūriye;
Virocessati tam niccam, samantā aṭṭhayaḷjanam.
79. “Kappasatasahassamhi, okkākakulasambhavo;
Gotamo nāma gottena, sathā loke bhavissati.
80. “Tusitā so cavitvāna, sukkamūlena codito;
Gotamassa bhagavato, atraḷo so bhavissati.
81. “Sace vaseyya [[sacā’vaseyya \(?\)](#)] agāram, cakkavattī bhaveyya so;
Aṭṭhānametaḷ yam tāḷī, agāre ratimajjhagā.
82. “Nikkhamitvā agāramhā, pabbajissati subbato;
Rāhulo nāma nāmena, arahā so bhavissati’.
83. “Kikīva aṇḷam rakkheyya, cāmarī viya vāladhiḷ;
Nipako sīlasampanno, mamaḷ rakkhi mahāmuni [[evam rakkhiḷ mahāmuni \(sī. ka.\)](#), [mamaḷ dakkhi mahāmuni \(syā.\)](#)].
84. “Tassāham dhammamaññāya, vihāsiḷ sāsane rato;
Sabbāsave pariññāya, viharāmi anāsavo.
85. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataḷ buddhassa sāsanaḷ’.

Ittham sudaḷ āyasmā rāhulo thero imā gāthāyo abhāsithāti.

Rāhulatherassāpadānam chaṭṭham.

7. Upasenavaṅgantaputtattheraapadānam

86. “Padumuttaram bhagavantam, lokajettaḷ narāsabham;
Pabbhāramhi nisīdantaḷ, upagacchiḷ naruttamaḷ.
87. “Kaṇikārapuppham [[kaṇikāram pupphitam \(sī. syā.\)](#)] disvā, vaṇṭe chetvānahaḷ tadā;
Alaṅkaritvā chattamhi, buddhassa abhiropayim.
88. “Piṇḷapātāṇca pādāsiḷ, paramannaḷ subhojanaḷ;
Buddhena navame tattha, samaṇe aṭṭha bhojayim.
89. “Anumodi mahāvīro, sayambhū aggapuggalo;
Iminā chattadānena, paramannaḷpavecchanā.

90. “Tena cittappasādena, sampattimanubhossasi;
Chattimsakkhattuṃ devindo, devarajjaṃ karissati.
91. “Ekavīsaticcikkhattuñca, cakkavattī bhavissati;
Padesarajjaṃ vipulaṃ, gaṇanāto asaṅkhiyaṃ.
92. “Satasahassito kappe, okkākakulasambhavo;
Gotamo nāma gottena, sathā loke bhavissati [yaṃ vadanti sumedhoti, bhūripaññaṃ
sumedhasaṃ; kappeto satasahasse, esa buddho bhavissati; (ka.)].
93. “Sāsane dibbamānamhi, manussattaṃ gamissati;
Tassa dhammesu dāyādo, oraso dhammanimmito.
94. “Upasenoti nāmena, hessati satthu sāvako;
[idaṃ pādadvayaṃ theragāthāaṭṭhakathāyameva dissati] Samantapāsādikattā, aggaṭṭhāne
ṭhapessati

[idaṃ pādadvayaṃ theragāthāaṭṭhakathāyameva dissati].

95. “Carimaṃ vattate mayhaṃ, bhavā sabbe samūhatā;
Dhāremi antimāṃ dehaṃ, jetvā māraṃ savāhanaṃ [savāhinaṃ (?)].
96. “Paṭisambhidā catasso, vimokkhāpi ca aṭṭhime;
Chalābhiniñā sacchikatā, kataṃ buddhassa sāsanaṃ”.

Itthaṃ sudaṃ āyasmā upaseno vaṅgantaputto thero imā gāthāyo abhāsithāti.

Upasenavaṅgantaputtattherassāpadānaṃ sattamaṃ.

Tatīyabhāṇavāraṃ.

8. Raṭṭhapālattheraapadānaṃ

97. “Padumuttarassa bhagavato, lokajetṭhassa tādino;
Varanāgo mayā dinno, īsādanto urūlhavā.
98. “Setacchatto pasobhito, sakappano sahatthipo;
Agghāpetvāna taṃ sabbāṃ, saṅghārāmaṃ akārayiṃ.
99. “Catupaññāsasahassāni, pāsāde kārayiṃ ahaṃ;
Mahoghadānaṃ [mahābhattaṃ (sī.), mahoghañca (ka.), mahādānaṃ (?)] karitvāna,
niyyādesiṃ mahesino.
100. “Anumodi mahāvīro, sayambhū aggapuggalo;
Sabbe jane hāsayingto, desesi amataṃ padaṃ.
101. “Taṃ me buddho viyākāsi, jalajuttaranāmako;
Bhikkhusaṅghe nisīditvā, imā gāthā abhāsatha.
102. “Catupaññāsasahassāni, pāsāde kārayī ayaṃ;
Kathayissāmi vipākaṃ, suṇoṭha mama bhāsato.

103. “‘Aṭṭhārasasahassāni, kūṭāgārā bhavissare;
Byamhuttamamhi nibbattā, sabbasonṇamayā ca te.
104. “‘Paññāsakkhattuṃ devindo, devarajjaṃ karissati;
Aṭṭhapaññāsakkhattuñca, cakkavattī bhavissati.
105. “‘Kappasatasahassamhi, okkākakulasambhavo;
Gotamo nāma gottena, satthā loke bhavissati.
106. “‘Devalokā cavitvāna, sukkamūlena codito;
Aḍḍhe kule mahābhoge, nibbattissati tāvade.
107. “‘So pacchā pabbajitvāna, sukkamūlena codito;
Raṭṭhapāloti nāmena, hessati satthu sāvako.
108. “‘Padhānapahitatto so, upasanto nirūpadhi;
Sabbāsava pariññāya, nibbāyissatināsavo’.
109. “‘Uṭṭhāya abhinikkhamma, jahitā bhogasampadā;
Kheḷapiṇḍeva bhogamhi, pemaṃ mayhaṃ na vijjati.
110. “‘Vīriyaṃ me dhuradhorayaṃ, yogakkhemādhivāhanaṃ;
Dhāremi antimaṃ dehaṃ, sammāsambuddhasāsane.
111. “‘Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ’.
- Itthaṃ sudama āyasmā raṭṭhapālo thero imā gāthāyo abhāsithāti.

Raṭṭhapālattherassāpadānaṃ aṭṭhamaṃ.

9. Sopākattheraapadānaṃ

112. “‘Pabbhāraṃ sodhayantassa [sevyantassa (sī. ka.)], vipine pabbatuttame;
Siddhattho nāma bhagavā, āgacchi mama santikaṃ.
113. “‘Buddhaṃ upagataṃ disvā, lokajetṭhassa tādino;
Santharaṃ santharivāna [paññapētvāna (syā. aṭṭha)], pupphāsanaamadāsahaṃ.
114. “‘Pupphāsane nisīditvā, siddhattho lokanāyako;
Mamañca gatimaññāya, aniccatamudāhari.
115. “‘Aniccā vata saṅkhārā, uppādavayadhammino;
Uppajjitvā nirujjhanti, tesam vūpasamo sukho’.
116. “‘Idaṃ vatvāna sabbaññū, lokajetṭho narāsabho;
Nabhaṃ abbhuggami vīro, haṃsarājāva ambare.
117. “‘Sakaṃ diṭṭhiṃ jahitvāna, bhāvayāniccasaññahaṃ;
Ekāhaṃ bhāvayitvāna, tattha kālaṃ kato ahaṃ.

118. “Dve sampattī anubhotvā, sukkamūlena codito;
Pacchime bhave sampatte, sapākayonupāgamim.
119. “Agārā abhinikkhamma, pabbajim anagāriyam;
Jātiyā sattavassohaṃ, arahattamaṃpāpuṇim.
120. “Āraddhavīriyo pahitatto, sīlesu susamāhito;
Tosetvāna mahānāgaṃ, alatthaṃ upasampadaṃ.
121. “Catunnavutito kappe, yaṃ kammamaṃkarim tadā;
Duggatiṃ nābhijānāmi, pupphadānassidaṃ phalaṃ.
122. “Catunnavutito kappe, yaṃ saññaṃ bhāvayim tadā;
Taṃ saññaṃ bhāvayantassa, patto me āsavakkhayo.
123. “Paṭisambhidā catasso, vimokkhāpi ca aṭṭhime;
Chaḷabhiñña sacchikatā, kataṃ buddhassa sāsanaṃ”.

Itthaṃ sudaṃ āyasmā sopāko thero imā gāthāyo abhāsittāti.

Sopākattherassāpadānaṃ navamaṃ.

10. Sumaṅgalattheraapadānaṃ

124. “Āhutiṃ yiṭṭhukāmoḥaṃ, paṭiyādetvāna bhojanaṃ;
Brāhmaṇe paṭimānento, visāle māḷake ṭhito.
125. “Athaddasāsim sambuddhaṃ, piyadassim mahāyasaṃ;
Sabbalokavinetāraṃ, sayambhuṃ aggapuggalaṃ.
126. “Bhagavantaṃ jutimantaṃ, sāvakehi purakkhataṃ;
Ādiccamiva rocantaṃ, rathiyam paṭipannakaṃ.
127. “Añjaliṃ paggahetvāna, sakaṃ cittaṃ pasādayim;
Manasāva nimantesim, ‘āgacchatu mahāmuni’.
128. “Mama saṅkappamaññāya, satthā loke anuttaro;
Khīṇāsavasahashehi, mama dvāraṃ upāgami.
129. “Namo te purisājañña, namo te purisuttama;
Pāsādaṃ abhirūhitvā, sīhāsane nisīdataṃ [nisīda tvam (sī.)].
130. “Danto dantaparivāro, tiṇṇo tārayataṃ varo;
Pāsādaṃ abhirūhitvā, nisīdi pavarāsane.
131. “Yaṃ me atthi sake gehe, āmisam paccupaṭṭhitaṃ;
Tāhaṃ buddhassa pādāsim, pasanno sehi pāṇibhi.
132. “Pasannacitto sumano, vedajāto katañjali;
Buddhaseṭṭhaṃ namassāmi, aho buddhassuḷāratā.

133. “Aṭṭhannaṃ payirūpāsataṃ, bhuñjaṃ khīṇāsavā bahū;
Tuyheveso ānubhāvo, saraṇaṃ taṃ upemaṃ.
134. “Piyadassī ca bhagavā, lokajetṭho narāsabho;
Bhikkhusaṅghe nisīditvā, imā gāthā abhāsatha.
135. “Yo so saṅghaṃ abhojesi, ujubhūtaṃ samāhitaṃ;
Tathāgatañca sambuddhaṃ, suṇātha mama bhāsato.
136. “Sattavīsaticchattum so, devarajjaṃ karissati;
Sakakammābhiraddho so, devaloke ramissati.
137. “Dasa aṭṭha cakkhattum [dasañcaṭṭhakkhattum (sī.), dasa caṭṭhakkhattum (syā.)] so,
cakkavattī bhavissati;
Pathabyā rajjaṃ pañcasataṃ, vasudhaṃ āvasissati’.
138. “Araññavanamoggayha, kānanaṃ byagghasevitaṃ;
Padhānaṃ padahitvāna, kilesā jhāpitā mayā.
139. “Aṭṭhārase kappasate, yaṃ dānamadadiṃ tadā;
Duggatiṃ nābhijānāmi, bhattadānassidaṃ phalaṃ.
140. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ’.

Itthaṃ sudaṃ āyasmā sumaṅgalo thero imā gāthāyo abhāsithāti.

Sumaṅgalattherassāpadānaṃ dasamaṃ.

Tassuddānaṃ –

Sīhāsani ekathambhī, nando ca cūḷapanthako;
Pilindarāhulo ceva, vaṅganto raṭṭhapālako.

Sopāko maṅgalo ceva, daseva dutiye vagge;
Satañca aṭṭhatimṣa ca, gāthā cettha pakāsītā.

Sīhāsaniyavaggo dutiyo.

3. Subhūtivaggo

1. Subhūtittheraapadānaṃ

1. “Himavantassāvidūre, nisabho nāma pabbato;
Assamo sukato mayhaṃ, paṇṇasālā sumāpitā.
2. “Kosiyo nāma nāmena, jaṭilo uggatāpano;
Ekākiyo [ekākiko (ka.)] adutiyo, vasāmi nisabhe tadā.
3. “Phalaṃ mūlañca paṇṇaṇca, na bhuñjāmi ahaṃ tadā;
Pavattaṃva supātāhaṃ [pavattapaṇḍupattāni (sī.)], upajīvāmi tāvade.

4. “Nāhaṃ kopemi ājīvaṃ, cājamānopi jīvitam;
Ārādhemi sakaṃ cittaṃ, vivajjemi anesanaṃ.
5. “Rāgūpasamhitam cittaṃ, yadā uppajjate mama;
Sayaṃva paccavekkhāmi, ekaggo taṃ damemaṃ.
6. “Rajjase rajjanīye ca, dussanīye ca dussase;
Muyhase mohanīye ca, nikkhamassu vanā tuvaṃ.
7. “Visuddhānaṃ ayaṃ vāso, nimmalānaṃ tapassinaṃ;
Mā kho visuddhaṃ dūsesi, nikkhamassu vanā tuvaṃ.
8. “Agāriko bhavitvāna, yadā puttaṃ [[sadāyuttaṃ \(sī.\)](#), [yadāyuttaṃ \(syā.\)](#)], labhissasi;
Ubhopi mā virādhesi, nikkhamassu vanā tuvaṃ.
9. “Chavālātaṃ yathā kaṭṭhaṃ, na kvaci kiccakāraṃ;
Neva gāme araṅṅe vā, na hi taṃ kaṭṭhasammaṃtaṃ.
10. “Chavālātūpamo tvaṃsi, na gihī nāpi saññato;
Ubhato muttako ajja, nikkhamassu vanā tuvaṃ.
11. “Siyā nu kho tava etaṃ, ko pajānāti te idaṃ;
Saddhādhuraṃ vahisi [[saddhādhuraṃ jahasi \(sī.\)](#), [sīghaṃ dhuraṃ vahisi \(syā.\)](#)] me,
kosajjabahulāya ca.
12. “Jigucchissanti taṃ viññū, asuciṃ nāgariko yathā;
Ākaḍḍhitvāna isayo, codayissanti taṃ sadā.
13. “Taṃ viññū pavadissanti, samatikkantasāsanam;
Saṃvāsaṃ alabhanto hi, kathaṃ jīvihisi [[jīvissasi \(sī.\)](#)] tuvaṃ.
14. “Tidhāpabhinnaṃ mātaṅgaṃ, kuñjaraṃ saṭṭhihāyanaṃ;
Balī nāgo upagantvā, yūthā nīharate gajaṃ.
15. “Yūthā vinissaṭo santo, sukhaṃ sātaṃ na vindati;
Dukkhito vimano hoti, pajjhāyanto pavedhati.
16. “Tatheva jaṭilā tampi, nīharissanti dummatim;
Tehi tvaṃ nissaṭo santo, sukhaṃ sātaṃ na lacchasi.
17. “Divā vā yadi vā rattim, sokasallasamappito;
Ḍayhasi pariḷāhena, gajo yūthāva nissaṭo.
18. “Jātarūpaṃ yathā kūṭaṃ, neva jhāyati [[yāyati \(syā.\)](#)] katthaci;
Tathā silavihīno tvaṃ, na jhāyissasi [[yārissati \(syā.\)](#)] katthaci.
19. “Agāraṃ vasamānopi, kathaṃ jīvihisi tuvaṃ;
Mattikaṃ pettikañcāpi, natthi te nihitaṃ dhanam.
20. “Sayaṃ kammaṃ karitvāna, gatte sedaṃ pamocayaṃ;
Evaṃ jīvihisi gehe, sādhu te taṃ na ruccati.

21. “‘Evāhaṃ tattha vāremi, saṅkilesagataṃ manañ;
Nānādhammakathaṃ katvā, pāpā cittaṃ nivārayiṃ’.
22. “‘Evaṃ me viharantassa, appamādavihārino;
Tiṃsavassasahassāni, vipine me atikkamuṃ.
23. “‘Appamādarataṃ disvā, uttamatthaṃ gavesakaṃ;
Padumuttarasambuddho, āgacchi mama santikaṃ.
24. “‘Timbarūsakavaṇṇābho, appameyyo anūpamo;
Rūpenāsadiso buddho, ākāse caṅkamī tadā.
25. “‘Suphullo sālārājāva, vijjūvabbhaghanantare;
Ñānenāsadiso buddho, ākāse caṅkamī tadā.
26. “‘Sīharājā vasambhīto [chambhito (ka.)],
Gajarājāva dappito [dammito (ka.)].

Lāsito [abhīto (syā.)] byaggharājāva, ākāse caṅkamī tadā.
27. “‘Siṅgīnikkhasavaṇṇābho, khadiraṅgārasannibho;
Maṇi yathā jotiraso, ākāse caṅkamī tadā.
28. “‘Visuddhakelāsanibho, puṇṇamāyeva candimā;
Majjhantikeva [majjhantikeva (sabbattha)] sūriyo, ākāse caṅkamī tadā.
29. “‘Disvā nabhe caṅkamantaṃ, evaṃ cintesahaṃ tadā;
‘Devo nu kho ayaṃ satto, udāhu manujo ayaṃ.
30. “‘Na me suto vā diṭṭho vā, mahiyā ediso naro;
Api mantapadaṃ atthi, ayaṃ satthā bhavissati’.
31. “‘Evāhaṃ cintayitvāna, sakaṃ cittaṃ pasādayiṃ;
Nānāpupphaṅca gandhaṅca, sannipātesahaṃ [sannipātetvāhaṃ (sī.)] tadā.
32. “‘Pupphāsaṇaṃ paññapetvā, sādhuṇṇaṃ manoramaṃ;
Narasārathinaṃ aggamaṃ, idaṃ vacanamabravīṃ.
33. “‘‘Idaṃ me āsaṇaṃ vīra, paññattaṃ tavanucchavaṃ;
Hāsayingto mamaṃ cittaṃ, nisīda kusumāsane’.
34. “‘Nisīdi tattha bhagavā, asambhītova [achambhitova (ka.)] kesarī;
Sattarattindivaṃ buddho, pavare kusumāsane.
35. “‘Namassamāno aṭṭhāsīṃ, sattarattindivaṃ ahaṃ;
Vuṭṭhahitvā samādhimhā, satthā loke anuttaro;
Mama kammaṃ pakittento, idaṃ vacanamabravi.
36. “‘‘Bhāvehi buddhānussatiṃ, bhāvanānamanuttaraṃ;
Imaṃ satīṃ bhāvayitvā, pūrayissasi māsaṃ.
37. “‘‘Tiṃsakappasahassāni, devaloke ramissasi;

- Asītkkhattum devindo, devarajjam karissasi;
Sahassakkhattum cakkavattī, rājā raṭṭhe bhavissasi.
38. “Padesarajjam vipulam, gaṇanāto asaṅkhiyam;
Anubhossasi tam sabbam, buddhānussatiyā phalam.
39. “Bhavābhavē saṃsaranto, mahābhogaṃ labhissasi;
Bhoge te ūnatā natthi, buddhānussatiyā phalam.
40. “Kappasatasahassamhi, okkākakulasambhavo;
Gotamo nāma gottena, satthā loke bhavissati.
41. “Asītkoṭiṃ chaḍḍetvā, dāse kammakare bahū;
Gotamassa bhagavato, sāsane pabbajissasi.
42. “Ārādhayitvā sambuddham, gotamaṃ sakyapuṅgavam;
Subhūti nāma nāmena, hessati satthu sāvako.
43. “Bhikkhusaṅghe nisīditvā, dakkhiṇeyyaguṇamhi tam;
Tathāraṇavihāre ca, dvīsu agge ṭhappessati’.
44. “Idam vatvāna sambuddho, jalajuttamanāmakō;
Nabham abbhuggamī vīro, haṃsarājāva ambare.
45. “Sāsito lokanāthēna, namassitvā tathāgataṃ;
Sadā bhāvemī mudito, buddhānussatimuttamaṃ.
46. “Tena kammena sukatenā, cetanāpaṇidhīhi ca;
Jahitvā mānusaṃ deham, tāvatimsaṃ agacchamaṃ.
47. “Asītkkhattum devindo, devarajjamakārayiṃ;
Sahassakkhattum rājā ca, cakkavattī ahasamaṃ.
48. “Padesarajjam vipulam, gaṇanāto asaṅkhiyam;
Anubhomī susampattiṃ, buddhānussatiyā phalam.
49. “Bhavābhavē saṃsaranto, mahābhogaṃ labhāmamaṃ;
Bhoge me ūnatā natthi, buddhānussatiyā phalam.
50. “Satasahassito kappe, yaṃ kammamakariṃ tadā;
Duggatiṃ nābhijānāmi, buddhānussatiyā phalam.
51. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ’.

Ittham sudaṃ āyasmā subhūti thero imā gāthāyo abhāsithāti.

Subhūtittherassāpadānaṃ paṭhamaṃ.

2. Upavānattheraapadānaṃ

52. “Padumuttaro nāma jino, sabbadhammāna pāragū;
Jalitivā aggikkhandhova, sambuddho parinibbuto.
53. “Mahājanā samāgama, pūjayitvā tathāgataṃ;
Citaṃ katvāna sukataṃ, sarīraṃ abhiropayum.
54. “Sarīrakiccaṃ katvāna, dhātuṃ tattha samānayum;
Sadevamānusā sabbe, buddhathūpaṃ akaṃsu te.
55. “Paṭhamā kañcanaṃmayā, dutiyāsi mañimayā;
Tatiyā rūpiyaṃmayā, catutthī phalikāmayā.
56. “Tathā [tattha (syā. ka.)] pañcamiyā bhūmi [nemi (sī.)], lohitaṅgamayā ahu;
Chaṭṭhā masāragallassa, sabbaratanamayūpari.
57. “Jaṅghā mañimayā āsi, vedikā ratanamayā;
Sabbasoṇṇamayo thūpo, uddhaṃ yojanamuggato.
58. “Devā tattha samāgantvā, ekato mantayum tadā;
Mayampi thūpaṃ kassāma, lokanāthassa tādino.
59. “Dhātu āveṇikā natthi, sarīraṃ ekapiṇḍitaṃ;
Imamhi buddhathūpamhi, kassāma kañcukaṃ mayam.
60. “Devā sattahi ratnehi [sattaratanehi (sī.)], aññaṃ vaḍḍhesu yojanaṃ;
Thūpo dviyojanubbedho, timiraṃ byapahanti so.
61. “Nāgā tattha samāgantvā, ekato mantayum tadā;
Manussā ceva devā ca, buddhathūpaṃ akaṃsu te.
62. “Mā no pamattā assumha [assumhā (sī. syā.), āsimhā (?)], appamattā sadevakā;
Mayampi thūpaṃ kassāma, lokanāthassa tādino.
63. “Indanīlaṃ mahānīlaṃ, atho jotirasaṃ mañim;
Ekato sannipātetvā, buddhathūpaṃ achādayum.
64. “Sabbam mañimayam āsi, tāvatā buddhacetiyaṃ;
Tiyojanasamubbiddham [tīṇi yojanamubbiddham (sī. ka.)], ālokakaraṇam tadā.
65. “Garuḷā ca samāgantvā, ekato mantayum tadā;
Manussā devā nāgā ca, buddhathūpaṃ akaṃsu te.
66. “Mā no pamattā assumha, appamattā sadevakā;
Mayampi thūpaṃ kassāma, lokanāthassa tādino’.
67. “Sabbam mañimayam thūpaṃ, akarum te ca kañcukaṃ [sabbamañimayam thūpe,
akaruttarakañcukaṃ (sī.)];
Yojanaṃ tepi vaḍḍhesum, āyataṃ buddhacetiyaṃ.
68. “Catuyojanamubbiddho, buddhathūpo virocati;
Obhāseti disā sabbā, sataraṃsīva uggato.

69. “Kumbhaṇḍā ca samāgantvā, ekato mantayum tadā;
Manussā ceva devā ca, nāgā ca garuḷā tathā.
Paccekaṃ buddhaseṭṭhassa, akaṃsu thūpamuttamaṃ.
70. “‘Mā no pamattā assumha, appamattā sadevakā;
Mayampi thūpaṃ kassāma, lokanāthassa tādino;
Ratanehi chādessāma, āyataṃ buddhacetiyaṃ’.
71. “‘Yojanaṃ tepi vaḍḍhesum, āyataṃ buddhacetiyaṃ;
Pañcayojanamubbiddho, thūpo obhāsate tadā.
72. “‘Yakkhā tattha samāgantvā, ekato mantayum tadā;
Manussā devā nāgā ca, garuḷā kumbhaaṇḍakā.
73. “‘Paccekaṃ buddhaseṭṭhassa, akaṃsu thūpamuttamaṃ;
‘Mā no pamattā assumha, appamattā sadevakā.
74. “‘Mayampi thūpaṃ kassāma, lokanāthassa tādino;
Phalikāhi chādessāma, āyataṃ buddhacetiyaṃ’.
75. “‘Yojanaṃ tepi vaḍḍhesum, āyataṃ buddhacetiyaṃ;
Cha yojanāni ubbiddho, thūpo obhāsate tadā.
76. “‘Gandhabbā ca samāgantvā, ekato mantayum tadā;
‘Manujā devatā nāgā, garuḷā kumbhayakkhakā.
77. “‘Sabbekaṃsu buddhathūpaṃ, mayamettha akārakā;
Mayampi thūpaṃ kassāma, lokanāthassa tādino’.
78. “‘Vediyo satta katvāna, chattamāropayimsu te;
Sabbasoṇṇamayaṃ thūpaṃ, gandhabbā kārayum tadā.
79. “‘Sattayojanamubbiddho, thūpo obhāsate tadā;
Rattindivā na ñāyanti, āloko hoti [ālokā honti (syā. ka.)] sabbadā.
80. “‘Abhibhonti na tassābhā, candasūrā satārakā;
Samantā yojanasate, padīpopi na pajjali.
81. “‘Tena kālena ye keci, thūpaṃ pūjenti mānusā;
Na te thūpamāruhanti, ambare ukkhipanti te.
82. “‘Devehi ṭhapito yakkho, abhisammatanāmako;
Dhajaṃ vā pupphadāmaṃ vā, abhiropeti uttari.
83. “‘Na te passanti taṃ yakkhaṃ, dāmaṃ passanti gacchato;
Evaṃ passitvā gacchantā, sabbe gacchanti suggaṭṭim.
84. “‘Viruddhā [visaddhā (sī.)] ye pāvacane, pasannā ye ca sāsane;
Pāṭiheraṃ daṭṭhukāmā, thūpaṃ pūjenti mānusā.
85. “‘Nagare haṃsavatiyā, ahoṣiṃ bhatako [varako (syā. ka.)] tadā;
Āmoditaṃ janaṃ disvā, evaṃ cintesahaṃ tadā.

86. ““Uḷāro bhagavā heso, yassa dhātudharedisaṃ;
Imā ca janatā tuṭṭhā, kāraṃ kubbāṃ na tappare [[kubbantanappakaṃ \(sī.\)](#)].
87. ““Ahampi kāraṃ kassāmi, lokanāthassa tādino;
Tassa dhammesu dāyādo, bhavissāmi anāgate’.
88. ““Sudhotāṃ rajakenāhaṃ, uttareyyapaṭaṃ mama;
Veḷagge ālagetvāna, dhajaṃ ukkhipimambare.
89. ““Abhisammatako gayha, ambarehāsi me dhajaṃ;
Vāteritaṃ dhajaṃ disvā, bhiyyo hāsaṃ janesahaṃ.
90. ““Tattha cittaṃ pasādetvā, samaṇaṃ upasaṅkamaṃ;
Taṃ bhikkhuṃ abhivādetvā, vipākaṃ pucchahaṃ dhaje.
91. ““So me kathesi ānanda, pītisaṅjananaṃ mama;
‘Tassa dhajassa vipākaṃ, anubhossasi sabbadā.
92. ““Hatthī assā rathā pattī, senā ca caturaṅginī;
Parivāressanti taṃ niccaṃ, dhajadānassidaṃ phalaṃ.
93. ““Saṭṭhitūriyasahassāni, bheriyo samalaṅkatā;
Parivāressanti taṃ niccaṃ, dhajadānassidaṃ phalaṃ.
94. ““Chaḷāsītisahassāni, nāriyo samalaṅkatā;
Vicittavathābharaṇā, āmuttamaṇikuṇḍalā.
95. ““Aḷārapamhā hasulā, susaṅṅā tanumajjhimā;
Parivāressanti taṃ niccaṃ, dhajadānassidaṃ phalaṃ.
96. ““Tiṃsakappasahassāni, devaloke ramissasi;
Asītikkhattuṃ devindo, devarajjaṃ karissasi.
97. ““Sahassakkhattuṃ rājā ca, cakkavattī bhavissasi;
Padesarajjaṃ vipulaṃ, gaṇanāto asaṅkhiyaṃ.
98. ““Kappasatasahassamhi, okkākakulasambhavo;
Gotamo nāma gottena, sathā loke bhavissati.
99. ““Devalokā cavitvāna, sukkamūlena codito;
Puññakammaṃ saṃyutto, brahmabandhu bhavissasi.
100. ““Asītikotiṃ chaḍḍetvā, dāse kammakare bahū;
Gotamassa bhagavato, sāsane pabbajissasi.
101. ““Ārādhayitvā sambuddhaṃ, gotamaṃ sakyapuṅgavaṃ;
Upavānoti nāmena, hessasi satthu sāvako’.
102. ““Satasahasse kataṃ kammaṃ, phalaṃ dassesi me idha;
Sumutto saravegova kilese jhāpayī mama.
103. ““Cakkavattissa santassa, catudīpissarassa me;

Tiyojanāni samantā, ussīsanti dhajā sadā.

104. “Satasahassito kappe, yaṃ kammamakariṃ tadā;
Duggatiṃ nābhijānāmi, dhajadānassidaṃ phalaṃ.
105. “Paṭisambhidā catasso, vimokkhāpi ca aṭṭhime;
Chalabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā upavāno thero imā gāthāyo abhāsittāti.

Upavānattherassāpadānaṃ dutiyaṃ.

3. Tisaraṇagamaniyattheraapadānaṃ

106. “Nagare candavatiyā [bandhumatiyā (aṭṭha.)], mātuupaṭṭhāko [mātupaṭṭhāyako (sī.),
mātupaṭṭhānako (syā.)] ahuṃ;
Andhā mātā pitā mayhaṃ, te posemi ahaṃ tadā.
107. “Rahogato nisīditvā, evaṃ cintesahaṃ tadā;
Posento mātāpitaro, pabbajjaṃ na labhāmahaṃ.
108. “Mahandhakārapihitā [tamandhakārapihitā (syā.)], tividhaggīhi ḍayhare;
Etādise bhava [bhaye (sī.)] jāte, natthi koci vināyako.
109. “Buddho loke samuppanno, dippati [dibbati (ka.)] [jinasāsanam (sī.)] dāni sāsanaṃ;
Sakkā uddharitum attā, puññakāmena jantunā.
110. “Uggayha tīṇi saraṇe, paripuṇṇāni gopayim;
Tena kammena sukatena, paṭimokkhāmi duggatiṃ.
111. “Nisabho nāma samaṇo, buddhassa aggasāvako;
Tamahaṃ upagantvāna, saraṇagamaṇaṃ gahim.
112. “Vassasatasahassāni, āyu vijjati tāvade;
Tāvata saraṇagamaṇaṃ, paripuṇṇaṃ agopayim.
113. “Carime vattamānamhi, saraṇaṃ taṃ anussarim;
Tena kammena sukatena, tāvatimsaṃ agacchahaṃ.
114. “Devalokagato santo, puññakammasamāhito;
Yaṃ desaṃ [yaṃ yaṃ desaṃ (syā.)] upapajjāmi [upagacchāmi (sī.)], aṭṭha hetū labhāmahaṃ.
115. “Disāsu pūjito homi, tikkhapañño bhavāmahaṃ;
Sabbe devānūvattanti, amitabhogaṃ labhāmahaṃ.
116. “Suvaṇṇavaṇṇo sabbattha, paṭikanto bhavāmahaṃ;
Mittānaṃ acalo homi, yaso abbhuggato mamaṃ.
117. “Asītikkhattu devindo, devarajjamakārayim;
Dibbasukhaṃ anubhaviṃ, accharāhi purakkhato.

118. “Pañcasattatikkhattuñca, cakkavattī ahosahaṃ;
Padesarajjaṃ vipulaṃ, gaṇanāto asaṅkhiyaṃ.
119. “Pacchime bhava sampatte, puññakammasamāhito;
Pure sāvattiyaṃ jāto, mahāsāle suaḍḍhake.
120. “Nagarā nikkhamitvāna, dārakehi purakkhato;
Hasakhiḍḍasamaṅgīthaṃ [sāhaṃ khiḍḍasamaṅgī (syā.)], saṅghārāmaṃ upāgamiṃ.
121. “Tatthaddasāsiṃ [tatthaddasāhaṃ (ka.)] samaṇaṃ, vipparamuttaṃ nirūpadhiṃ;
So me dhammadesesi, saraṇaṅca adāsi me.
122. “Sohaṃ sutvāna saraṇaṃ, saraṇaṃ me anussariṃ;
Ekāsane nisīditvā, arahattamaṃpāpuṇiṃ.
123. “Jātiyā sattame vasse, arahattamaṃpāpuṇiṃ;
Upasampādayi buddho, guṇamaññāya cakkhumā.
124. “Aparimeyye ito kappe, saraṇāni agacchahaṃ;
Tato me sukataṃ kammaṃ, phalaṃ dassesi me idha.
125. “Sugopitaṃ me saraṇaṃ, mānaṃ suppaṇīhitaṃ;
Anubhotvā yaṃ sabbhaṃ, pattomhi acalaṃ padaṃ.
126. “Yesaṃ sotāvadhānatthi, suṇoṭha mama bhāsato;
Ahaṃ [atthaṃ (syā.)] vo kathayissāmi, sāmaṃ diṭṭhaṃ padaṃ mama.
127. “Buddho loka samuppanno, vattate jinasānaṃ;
Amatā vādītā bherī, sokasallavinodanā.
128. “Yathāsakena thāmena, puññakkhette anuttare;
Adhikāraṃ kareyyātha, passayissatha nibbutiṃ.
129. “Paggayha tīṇi saraṇe, pañcasīlāni gopiya;
Buddhe cittaṃ pasādetvā, dukkhassantaṃ karissatha.
130. “Sammā dhammaṃ bhāvetvāna [mamopamaṃ karitvāna (sī. syā.)], sīlāni parigopiya;
Aciraṃ arahattaṃ vo, sabbepi pāpuṇissatha.
131. “Tevijjo iddhipattomhi, cetopariyakovido;
Sāvako te mahāvīra, saraṇo [caraṇe (sī. syā.)] vandati satthuno’.
132. “Aparimeyye ito kappe, saraṇaṃ buddhassa gacchahaṃ;
Duggatiṃ nābhijānāmi, saraṇaṃ gamane phalaṃ.
133. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ’.

Itthaṃ sudaṃ āyasmā tisaraṇagamaniyo thero imā gāthāyo abhāsithāti.

Tisaraṇagamaniyattherassāpadānaṃ tatiyaṃ.

4. Pañcasīlasamādāniyattheraapadānaṃ

134. “Nagare candavatiyā, bhatako āsahaṃ tadā;
Parakammāyane yutto, pabbajjaṃ na labhāmaṃ.
135. “Mahandhakārapihitā, tividhaggīhi dayhare;
Kena nu kho upāyena, viṣaṃyutto bhava ahaṃ.
136. “Deyyadhammo ca me natthi, varāko bhatako ahaṃ;
Yaṃnūnāhaṃ pañcasīlaṃ, rakkheyyaṃ paripūrayaṃ.
137. “Anomadassissa munino, nisabho nāma sāvako;
Tamaṃ upasaṅkamma, pañcasikkhāpadaggahiṃ.
138. “Vassasatasahassāni, āyu vijjati tāvade;
Tāvata pañcasīlāni, paripuṇṇāni gopayiṃ.
139. “Maccukāle ca sampatte, devā assāsayanti maṃ;
‘Ratho sahasayutto te, mārisāyaṃ [mārisassa (ka.)] upaṭṭhito’.
140. “Vattante carime citte, mama sīlaṃ anussariṃ;
Tena kammena sukatena, tāvatimsaṃ agacchahaṃ.
141. “Tiṃsakkhattuñca devindo, devarajjamakārayiṃ;
Dibbasukhaṃ [dibbaṃ sukhaṃ (sī.)] anubhaviṃ, accharāhi purakkhato.
142. “Pañcasattatikkhattuñca, cakkavattī ahasahaṃ;
Padesarajjaṃ vipulaṃ, gaṇanāto asaṅkhiyaṃ.
143. “Devalokā cavitvāna, sukkamūlena codito;
Pure vesāliyaṃ jāto, mahāsāle suaḍḍhake.
144. “Vassūpanāyike kāle, dippante [dibbanti (ka.)] jinasāsane;
Mātā ca me pitā ceva, pañcasikkhāpadaggahaṃ.
145. “Saha sutvānaṃ sīlaṃ, mama sīlaṃ anussariṃ;
Ekāsane nisīditvā, arahattamaṃpūṇiṃ.
146. “Jātiyā pañcavassena, arahattamaṃpūṇiṃ;
Upasampādayi buddho, guṇamaññāya cakkhumā.
147. “Paripuṇṇāni gopetvā, pañcasikkhāpadānaṃ;
Aparimeyye ito kappe, vinipātaṃ na gacchahaṃ.
148. “Svāhaṃ yasamanubhaviṃ, tesāṃ sīlāna vāhasā;
Kappaḷḷampi kittento, kittaye ekadesakaṃ.
149. “Pañcasīlāni gopetvā, tayo hetū labhāmaṃ;
Dīghāyuko mahābhogo, tikkhapañño bhavāmaṃ.
150. “Saṃkittento ca [pakittentova (sī.), pakittente ca (syā.)] sabbesaṃ, abhimattañca porisaṃ;
Bhavābhava saṃsaritvā, ete ṭhāne labhāmaṃ.

151. “Aparimeyyasīlesu, vattantā jinasāvakā;
Bhavesu yadi rajjeyyūṃ, vipāko kīdiso bhava.
152. “Suciṇṇaṃ me pañcasīlaṃ, bhatakena tapassinā [[vipassinā \(sī.\)](#)];
Tena sīlenahaṃ ajja, mocayim̐ sabbabandhanā.
153. “Aparimeyye ito kappe, pañcasīlāni gopayim̐;
Duggatiṃ nābhijānāmi, pañcasīlānidaṃ phalaṃ.
154. “Paṭisambhidā catasso, vimokkhāpi ca aṭṭhime;
Chaḷabhiñṇā sacchikatā, kataṃ buddhassa sāsanaṃ”.

Itthaṃ sudaṃ āyasmā pañcasīlasamādāniyo thero imā gāthāyo abhāsittthāti.

Pañcasīlasamādāniyattherassāpadānaṃ catutthaṃ.

5. Annasaṃsāvakattheraapadānaṃ

155. “Suvaṇṇavaṇṇaṃ sambuddhaṃ, gacchantaṃ antarāpaṇe;
Kaṇṇanagghiyasaṃkāsāṃ, bāttimsavaralakkhaṇaṃ.
156. “Siddhatthaṃ lokapajjotaṃ, appameyyaṃ anopamaṃ;
Alatthaṃ paramaṃ pītiṃ, disvā dantaṃ jutindharaṃ.
157. “Sambuddhaṃ abhināmetvā, bhojayim̐ taṃ mahāmunim̐;
Mahākāruṇiko loke [[nātho \(sī.\)](#)], anumodi mamaṃ tadā.
158. “Tasmiṃ mahākāruṇike, paramassāsakārake;
Buddhe cittaṃ pasādetvā, kappāṃ saggamhi modahaṃ.
159. “Catunnavutito kappe, yaṃ dānamadadiṃ tadā;
Duggatiṃ nābhijānāmi, bhikkhādānassidaṃ phalaṃ.
160. “Paṭisambhidā catasso, vimokkhāpi ca aṭṭhime;
Chaḷabhiñṇā sacchikatā, kataṃ buddhassa sāsanaṃ”.

Itthaṃ sudaṃ āyasmā annasaṃsāvako thero imā gāthāyo abhāsittthāti.

Annasaṃsāvakattherassāpadānaṃ pañcamaṃ.

6. Dhūpadāyakattheraapadānaṃ

161. “Siddhatthassa bhagavato, lokajettthassa tādino;
Kuṭidhūpaṃ mayā dinnāṃ, vippasannena cetasā.
162. Yaṃ yaṃ yonupapajjāmi, devattaṃ atha mānusaṃ;
Sabbesampi piyo homi, dhūpadānassidaṃ phalaṃ.
163. “Catunnavutito kappe, yaṃ dhūpamadadiṃ tadā [[yaṃ dhūpanamadāsahaṃ \(ka.\)](#)];
Duggatiṃ nābhijānāmi, dhūpadānassidaṃ phalaṃ.

164. “Paṭisambhidā catasso, vimokkhāpi ca aṭṭhime;
Chaḷabhiñṇā sacchikatā, kataṃ buddhassa sāsanaṃ”.

Itthaṃ sudaṃ āyasmā dhūpadāyako thero imā gāthāyo abhāsittḥāti.

Dhūpadāyakattherassāpadānaṃ chaṭṭhaṃ.

7. Pulinapūjakattheraapadānaṃ

165. “Vipassissa bhagavato, bodhiyā pādaputtame;
Purāṇapulinaṃ hitvā [chaḍḍetvā (sī. syā.)], suddhapulinaṃākirim.
166. “Ekanavutito kappe, yaṃ pulinamadāsahaṃ;
Duggatiṃ nābhijānāmi, pulinadānassidaṃ phalaṃ.
167. “Timsatime [tipaññāse (sī. syā.)] ito kappe, rājā āsiṃ janādhibhū;
Mahāpulinanāmena, cakkavattī mahabbalo.
168. “Paṭisambhidā catasso, vimokkhāpi ca aṭṭhime;
Chaḷabhiñṇā sacchikatā, kataṃ buddhassa sāsanaṃ”.

Itthaṃ sudaṃ āyasmā pulinapūjako thero imā gāthāyo abhāsittḥāti.

Pulinapūjakattherassāpadānaṃ sattamaṃ.

8. Uttiyattheraapadānaṃ

169. “Candabhāgānadītīre, susumāro ahaṃ tadā;
Sagocarappasutohaṃ [sabhojanapasutāhaṃ (syā. ka.)], nadītittḥaṃ agacchahaṃ.
170. “Siddhattho tamhi samaye, sayambhū aggapuggalo;
Nadiṃ taritukāmo so, nadītittḥaṃ upāgami.
171. “Upāgate ca [upāgatamhi (syā. ka.)] sambuddhe, ahampi tatthupāgamiṃ;
Upagantvāna sambuddhaṃ, imaṃ vācaṃ udīrayim.
172. “Abhirūha mahāvīra, tāressāmi ahaṃ tuvaṃ;
Pettikaṃ visayaṃ mayhaṃ, anukampa mahāmuni’.
173. “Mama uggajjanaṃ sutvā, abhirūhi mahāmuni;
Haṭṭho haṭṭhena cittena, tāresiṃ lokanāyakaṃ.
174. “Nadiyā pārime tīre, siddhattho lokanāyako;
Assāsesi mamaṃ tattha, amataṃ pāpuṇissasi.
175. “Tamhā kāyā cavitvāna, devalokaṃ āgacchahaṃ;
Dibbasukhaṃ anubhaviṃ, accharāhi purakkhato.
176. “Sattakkhattuñca devindo, devarajjamakāsahaṃ;
Tīṇikkhattuṃ cakkavattī, mahiyā issaro ahuṃ.

177. “Vivekamanuyuttohaṃ, nipako ca susaṃvuto;
Dhāremi antimaṃ dehaṃ, sammāsambuddhasāsane.
178. “Catunnavutito kappe, tāresim̐ yaṃ narāsabhaṃ;
Duggatiṃ nābhijānāmi, taraṇāya idaṃ phalaṃ.
179. “Paṭisambhidā catasso, vimokkhāpi ca aṭṭhime;
Chalābhiñṇā sacchikatā, kataṃ buddhassa sāsanaṃ”.

Itthaṃ sudaṃ āyasmā uttiyo [uttiriyo (sī.)] thero imā gāthāyo abhāsithāti.

Uttiyattherassāpadānaṃ aṭṭhamam̐.

9. Ekañjalikattheraapadānaṃ

180. “Suvaṇṇavaṇṇaṃ sambuddhaṃ, gacchantaṃ antarāpaṇe;
Vipassiṃ sathavāhaggaṃ, naravaraṃ vināyakaṃ.
181. “Adantadamaṇaṃ tādiṃ, mahāvādiṃ mahāmatim̐;
Disvā pasanno sumano, ekañjalimakāsahaṃ.
182. “Ekanavutito kappe, yamañjaliṃ kariṃ [yaṃ añjalimakariṃ (syā.), añjalimakariṃ (ka.)] tadā;
Duggatiṃ nābhijānāmi, añjalissa idaṃ phalaṃ.
183. “Paṭisambhidā catasso, vimokkhāpi ca aṭṭhime;
Chalābhiñṇā sacchikatā, kataṃ buddhassa sāsanaṃ”.

Itthaṃ sudaṃ āyasmā ekañjaliko thero imā gāthāyo abhāsithāti.

Ekañjalikattherassāpadānaṃ navamam̐.

10. Khomadāyakattheraapadānaṃ

184. “Nagare bandhumatiyā, ahosiṃ vāṇijo tadā;
Teneva dāraṃ posemi, ropemi bījasampadaṃ.
185. “Rathiyam̐ paṭipannassa, vipassissa mahesino;
Ekaṃ khomaṃ mayā dinnam̐, kusalathāya satthuno.
186. “Ekanavutito kappe, yaṃ khomamadadiṃ tadā;
Duggatiṃ nābhijānāmi, khomadānassidaṃ phalaṃ.
187. “Sattarase [sattavīse (sī. syā.)] ito kappe, eko sindhavasandhano;
Sattaratanasampanno, catudīpamhi issaro.
188. “Paṭisambhidā catasso, vimokkhāpi ca aṭṭhime;
Chalābhiñṇā sacchikatā, kataṃ buddhassa sāsanaṃ”.

Itthaṃ sudaṃ āyasmā khomadāyako thero imā gāthāyo abhāsithāti.

Khomadāyakattherassāpadānaṃ dasamam̐.

Tassuddānaṃ –

Susūti upavāno ca, saraṇo sīlagāhako;
Annasamsāvako khomadāyī ca, daseva tatiye gaṇe;

Añjalī khomadāyī ca, daseva tatiye gaṇe;
Pañcālīsītisatāṃ vuttā, gāthāyo sabbapiṇḍitā.

Subhūtivaggo tatiyo.

Catutthabhāṇavāraṃ.

4. Kuṇḍadhānavaggo

1. Kuṇḍadhānattheraapadānaṃ

1. “Sattāhaṃ paṭisallīnaṃ, sayambhuṃ aggapuggalaṃ;
Pasannacitto sumano, buddhaseṭṭhaṃ upaṭṭhahiṃ.
2. “Vuṭṭhitaṃ kālamaññāya, padumuttaraṃ mahāmuniṃ;
Mahantiṃ kadalīkaṇṇiṃ, gahetvā upagacchahaṃ.
3. “Paṭiggahetvā [paṭiggahesi (syā. ka.)] bhagavā, sabbaññū [taṃ phalaṃ (sī.)] lokanāyako;
Mama cittaṃ pasādentō, paribhuñji mahāmuni.
4. “Paribhuñjivā sambuddho, satthavāho anuttaro;
Sakāsane nisīditvā, imā gāthā abhāsatha.
5. “‘Ye ca santi samitāro [ye vasanti sametāro (sī.)], yakkhā imamhi pabbate;
Araññe bhūtabhabyāni [bhūtagaṇā sabbe (syā.)], suṇantu vacanaṃ mama’.
6. “Yo so buddhaṃ upaṭṭhāsi, migarājāṃva kesariṃ [migarājāva kesarī (sī.)];
Tamaḥaṃ kittayissāmi, suṇātha mama bhāsato.
7. “‘Ekādasāṅcakkhattuṃ, so [soyamekādasakkhattuṃ (sī.)] devarājā bhavissati;
Catutiṃsatikkhattuñca, cakkavattī bhavissati.
8. “‘Kappasatasahassamhi, okkākakulasambhavo;
Gotamo nāma gottena, satthā loke bhavissati.
9. “‘Akkosivāna samaṇe, sīlavante anāsave;
Pāpakammavipākena, nāmadheyyaṃ labhissati [bhavissati (ka.)].
10. “‘Tassa dhammesu dāyādo, oraso dhammanimmito;
Kuṇḍadhānoti nāmena, sāvako so bhavissati’.
11. “Pavivekamanuyutto, jhāyī jhānarato ahaṃ;
Tosayitvāna satthāraṃ, viharāmi anāsavo.
12. “Sāvakehi [sāvakagehi (sī.)] parivuto, bhikkhusaṅghapurakkhato;
Bhikkhusaṅghe nisīditvā, salākaṃ gāhayī jino.

13. “Ekamsaṃ cīvaraṃ katvā, vanditvā lokanāyakaṃ;
Vadamaṃ varassa purato, paṭhamaṃ aggahesahaṃ.
14. “Tena kammaṃ bhagavā, dasasahassīkampaṃ;
Bhikkhusaṅghe nisīditvā, aggaṭṭhāne ṭhapesi maṃ.
15. “Vīriyaṃ me dhuradhorayaṃ, yogakkhemādhivāhanaṃ;
Dhāremi antimaṃ dehaṃ, sammāsambuddhasāsane.
16. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā kuṇḍadhāno thero imā gāthāyo abhāsithāti.

Kuṇḍadhānattherassāpadānaṃ paṭhamaṃ.

2. Sāgatattheraapadānaṃ

17. “Sobhito nāma nāmena, ahosiṃ brāhmaṇo tadā;
Purakkhato sasissehi, āramaṃ agamāsahaṃ.
18. “Bhagavā tamhi samaye, bhikkhusaṅghapurakkhato;
Āramadvārā nikkhamma, aṭṭhāsi purisuttamo.
19. “Tamaddasāsiṃ sambuddhaṃ, dantaṃ dantapurakkhataṃ;
Sakaṃ cittaṃ pasādetvā, santhaviṃ lokanāyakaṃ.
20. “Ye keci pādapā sabbe, mahiyā te virūhare;
Buddhimanto tathā sattā, ruhanti jinasāsane.
21. “Sattavāhosi sappañño, mahesi bahuke jane;
Vipathā uddharitvāna, pathaṃ ācikkhase tuvaṃ.
22. “Danto dantaparikiṇṇo [purakkhato (syā.)], jhāyī jhānaratehi ca;
Ātāpi pahitattehi, upasantehi tādibhi.
23. “Alaṅkato parisāhi, puññaññehi sobhati;
Pabhā niddhāvate tuyhaṃ, sūriyodayane yathā.
24. “Pasannacittaṃ disvāna, mahesī padumuttaro;
Bhikkhusaṅghe ṭhito sathā, imā gāthā abhāsatha.
25. “Yo so hāsaṃ janetvāna, mamaṃ kittesi brāhmaṇo;
Kappānaṃ satasahassaṃ, devaloke ramissati.
26. “Tusitā hi cavitvāna, sukkamūlena codito;
Gotamassa bhagavato, sāsane pabbajissati.
27. “Tena kammaṃ sukatenā, arahattaṃ [tuṭṭhahaṭṭhaṃ (syā. ka.)] labhissati;
Sāgato nāma nāmena, hessati sattu sāvako’.

28. “Pabbajitvāna kāyena, pāpakammaṃ vivajjayiṃ;
Vacīduccaritaṃ hitvā, ājīvaṃ parisodhayiṃ.
29. “Evaṃ viharamānohaṃ, tejodhātūsu kovido;
Sabbāsava pariññāya, viharāmi anāsavo.
30. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sāgato thero imā gāthāyo abhāsithāti.

Sāgatattherassāpadānaṃ dutiyaṃ.

3. Mahākaccānattheraapadānaṃ

31. “Padumuttaranāthassa, padumaṃ nāma cetiyaṃ;
Silāsanaṃ [sīhāsanaṃ (ka.)] kārayitvā, suvaṇṇenābhilepayiṃ.
32. “Ratanāmayachattañca, paggayha vāḷabījanaṃ [vāḷabījanī (sī. syā.)];
Buddhassa abhiropesiṃ, lokabandhusa tādino.
33. “Yāvata devatā bhummā [bhūmā (ka.)], sabbe sannipatuṃ tadā;
Ratanāmayachattānaṃ, vipākaṃ kathayissati.
34. “Tañca sabbam suñissāma, kathayantassa satthuno;
Bhiyyo hāsaṃ janeyyāma, sammāsambuddhasāsane.
35. “Hemāsane nisīditvā, sayambhū aggapuggalo;
Bhikkhusaṅghapariyūḷho [paribbūḷho (sī.)], imā gāthā abhāsatha.
36. “Yenidaṃ āsanaṃ dinnaṃ, sovaṇṇaṃ ratanāmayam;
Tamaḥam kittayissāmi, suñātha mama bhāsato.
37. “Tiṃsakappāni devindo, devarajjaṃ karissati;
Samantā yojanasataṃ, ābhāyābhibhavissati.
38. “Manussalokamāgantvā, cakkavattī bhavissati;
Pabhassaroti nāmena, uggatejo bhavissati.
39. “Divā vā yadi vā rattiṃ, sataraṃsīva uggato;
Samantā aṭṭharatanaṃ, ujjotissati khattiyo.
40. “Kappasatasahassamhi, okkākakulasambhavo;
Gotamo nāma gottena, sathā loke bhavissati.
41. “Tusitā hi cavityāna, sukkamūlena codito;
Kaccāno nāma nāmena, brahmabandhu bhavissati.
42. “So pacchā pabbajitvāna, arahā hessatināsavo;
Gotamo lokapajjoto, aggaṭṭhāne ṭhapessati.
43. “Saṃkhittapucchitaṃ [saṃkhittaṃ pucchitaṃ (syā. ka.)] pañhaṃ, vitthārena kathessati;
Kathayanto ca taṃ pañhaṃ, ajjhāsayaṃ [ajjhāsam (sī.), abbhāsam (ka.)] pūrayissati’.

44. “Aḍḍhe kule abhijāto, brāhmaṇo mantapāragū;
Ohāya dhanadhaññāni, pabbajim anagāriyaṃ.
45. “Saṃkhittenapi pucchante, vitthārena kathemahaṃ;
Ajjhāsayaṃ tesam pūremi, tosemi dvipaduttamaṃ.
46. “Tosito me mahāvīro, sayambhū aggapuggalo;
Bhikkhusaṅghe nisīditvā, etadagge ṭhapesi maṃ.
47. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā mahākaccāno thero imā gāthāyo abhāsithāti.

Mahākaccānattherassāpadānaṃ tatiyaṃ.

4. Kāḷudāyittheraapadānaṃ

48. “Padumuttarabuddhassa, lokajetṭhassa tādino;
Addhānaṃ paṭipannassa, carato cārikaṃ tadā.
49. “Suphullaṃ padumaṃ gayha, uppalaṃ mallikañcahaṃ;
Paramannaṃ gahetvāna, adāsimaṃ satthuno ahaṃ.
50. “Paribhuñji mahāvīro, paramannaṃ subhojanaṃ;
Taṅca pupphaṃ gahetvāna, janassa sampadassayi.
51. “Itthaṃ kantaṃ [kantayidaṃ (syā.)], piyaṃ loke, jalajaṃ pupphamuttamaṃ;
Sudukkaraṃ kataṃ tena, yo me pupphaṃ adāsidaṃ.
52. “Yo pupphamabhiropesi, paramannañcadāsi me;
Tamaṃ kittayissāmi, suṅātha mama bhāsato.
53. “Dasa aṭṭha cakkhattuṃ [dasa caṭṭhakkhattuṃ (sī.), dasamaṭṭhakkhattuṃ (syā.)] so,
devarajjaṃ karissati;
Uppalaṃ padumañcāpi, mallikañca taduttari.
54. “Assa puññavipākena, dibbagandhasamāyutaṃ;
Ākāse chadanaṃ katvā, dhārayissati tāvade.
55. “Pañcavīsaticchattuñca, cakkavattī bhavissati;
Pathabyā rajjaṃ pañcasataṃ, vasudhaṃ āvasissati.
56. “Kappasatasahassamhi, okkākakulasambhavo;
Gotamo nāma gottena [nāmena (sī. syā. ka.)], satthā loke bhavissati.
57. “Sakakammābhiraddho so, sukkamūlena codito;
Sakyānaṃ nandijanano, ñātibandhu bhavissati.
58. “So pacchā pabbajitvāna, sukkamūlena codito;
Sabbāsava pariññāya, nibbāyissatināsavo.
59. “Paṭisambhidamanuppattaṃ, katakiccamañāsavaṃ;
Gotamo lokabandhu taṃ [so (sī.)], etadagge ṭhapesati.

60. “Padhānapahitatto so, upasanto nirūpadhi;
Udāyī nāma nāmena, hessati satthu sāvako’.
61. “Rāgo doso ca moho ca, māno makkho ca dhaṃsito;
Sabbāsave pariññāya, viharāmi anāsavo.
62. “Tosayiñcāpi sambuddhaṃ, ātāpī nipako ahaṃ;
Pasādito [pamodito (sī.)] ca sambuddho, etadagge ṭhapesi maṃ.
63. “Paṭisambhidā catasso...pe... kataṃ buddhassa sāsanaṃ’’.
Itthaṃ sudamañ āyasmā kāludāyī thero imā gāthāyo abhāsithāti;

Kāludāyītherassāpadānaṃ catutthaṃ.

5. Mogharājattheraapadānaṃ

64. “Atthadassī tu bhagavā, sayambhū aparājito;
Bhikkhusaṅghaparibyūḷho, rathiyaṃ paṭipajjatha.
65. “Sissehi samparivuto, gharamhā abhinikkhamiṃ;
Nikkhamitvānaṃ tattha, addasaṃ lokanāyakaṃ.
66. “Abhivādiya sambuddhaṃ, sire katvāna añjaliṃ;
Sakaṃ cittaṃ pasādetvā, santhaviṃ lokanāyakaṃ.
67. “Yāvatā rūpino sattā, arūpī vā asaññino;
Sabbe te tava ñāṇamhi, anto honti samogadhā.
68. “Sukhumacchikajālana, udakaṃ yo parikkhipe;
Ye keci udake pāṇā, antojāle bhavanti te.
69. “Yesañca cetanā atthi, rūpino ca arūpino;
Sabbe te tava ñāṇamhi, anto honti samogadhā.
70. “Samuddharasimaṃ lokaṃ, andhakārasamākulaṃ;
Tava dhammaṃ suṇitvāna, kaṅkhāsotaṃ taranti te.
71. “Avijjānivute loke, andhakārena otthaṭe;
Tava ñāṇamhi jotante, andhakārā padhaṃsitā.
72. “Tavaṃ cakkhūsi sabbesaṃ, mahātamapanūdano;
Tava dhammaṃ suṇitvāna, nibbāyati bahujjano.
73. “Puṭakaṃ pūrayitvāna [pīṭharaṃ (sī.), putaraṃ (syā.)], madhukhuddamaneḷakaṃ;
Ubho hatthehi paggayha, upanesiṃ mahesino.
74. “Paṭiggaṇhi mahāvīro, sahatthena mahā isī;
Bhuñjitvā tañca sabbaññū, vehāsaṃ nabhamuggami.
75. “Antalikkhe ṭhito satthā, atthadassī narāsabho;
Mama cittaṃ pasādentō, imā gāthā abhāsatha.

76. “Yenidaṃ thavitaṃ ñāṇaṃ, buddhaseṭṭho ca thomito;
Tena cittappasādena, duggatiṃ so na gacchati.
77. “Catuddasañcakkhattuṃ [catusaṭṭhiñca (syā.)] so, devarajjaṃ karissati;
Pathabyā rajjaṃ aṭṭhasataṃ, vasudhaṃ āvasissati.
78. “Pañceva satakkhattuñca [atha pañcasatakkhattuṃ (sī.)], cakkavattī bhavissati;
Padesarajjaṃ asankheyyaṃ, mahiyā kārayissati.
79. “Ajjhāyako mantadharo, tiṇṇaṃ vedāna pāragū;
Gotamassa bhagavato, sāsane pabbajissati.
80. “Gambhīraṃ nipuṇaṃ atthaṃ, ñāṇena vicinissati;
Mogharājāti nāmena, hessati satthu sāvako.
81. “Tīhi vijjāhi sampannaṃ, katakiccamaṇāsavaṃ;
Gotamo satthavāhaggo, etadagge ṭhapessati’.
82. “Hitvā mānusaṃ yogaṃ, chetvāna bhavabandhanaṃ;
Sabbāsava pariññāya, viharāmi anāsavo.
83. “Paṭisambhidā catasso...pe... kataṃ buddhassa sāsanaṃ’’.
Itthaṃ sudama āyasmā mogharājo thero imā gāthāyo abhāsittāti;

Mogharājattherassāpadānaṃ pañcamaṃ.

6. Adhimuttattheraapadānaṃ

84. “Nibbute lokanāthamhi, atthadassīnaruttame;
Upaṭṭhahiṃ bhikkhusaṅghaṃ, vipasanna cetasā.
85. “Nimantetvā bhikkhusaṅghaṃ [saṃgharataṇaṃ (sī. syā.)], ujubhūtaṃ samāhitaṃ;
Ucchunā maṇḍapaṃ katvā, bhojesiṃ saṅghamuttamaṃ.
86. “Yaṃ yaṃ yonupapajjāmi, devattaṃ atha mānusaṃ;
Sabbe satte abhibhomi [atibhomi (sī. ka.)], puññakammaṃsidaṃ phalaṃ.
87. “Aṭṭhārase kappasate, yaṃ dānamadadiṃ tadā;
Duggatiṃ nābhijānāmi, ucchudānassidaṃ phalaṃ.
88. “Paṭisambhidā catasso...pe... kataṃ buddhassa sāsanaṃ’’.
Itthaṃ sudama āyasmā adhimutto thero imā gāthāyo abhāsittāti;

Adhimuttattherassāpadānaṃ chaṭṭhaṃ.

7. Lasuṇadāyakaṭṭheraapadānaṃ

89. “Himavantassāvidūre, tāpaso āsahaṃ tadā;
Lasuṇaṃ upajjivāmi, lasuṇaṃ mayhabhojanaṃ.
90. “Khāriyo pūrayitvāna, saṅghārāmagacchahaṃ;

Haṭṭho haṭṭhena cittena, saṅghassa lasuṇaṃ adaṃ.

91. “Vipassissa naraggassa, sāsane niratassahaṃ;
Saṅghassa lasuṇaṃ datvā, kappam saggaṃhi modahaṃ.
92. “Ekanavutito kappe, lasuṇaṃ yamadaṃ tadā;
Duggatiṃ nābhijānāmi, lasuṇassa idaṃ phalaṃ.
93. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā lasuṇadāyako thero imā gāthāyo abhāsithāti;

Lasuṇadāyakattherassāpadānaṃ sattamaṃ.

8. Āyāgadāyakattheraapadānaṃ

94. “Nibbute lokanāthamhi, sikhimhi vadataṃ vare;
Haṭṭho haṭṭhena cittena, avandiṃ thūpamuttamaṃ.
95. “Vaḍḍhakīhi kathāpetvā, mūlaṃ datvānaṃ tadā;
Haṭṭho haṭṭhena cittena, āyāgaṃ kārapesaṃ.
96. “Aṭṭha kappāni devesu, abbokiṇṇaṃ [abbocchinnam (sī.)] vasiṃ ahaṃ;
Avasesesu kappesu, vokiṇṇaṃ saṃsariṃ ahaṃ.
97. “Kāye viṣaṃ na kamati, satthāni na ca hanti me;
Udakehaṃ na miyyāmi, āyāgassa idaṃ phalaṃ.
98. “Yadicchāmi ahaṃ vassaṃ, mahāmegho pavassati;
Devāpi me vasaṃ enti, puññakammassidaṃ phalaṃ.
99. “Sattaratanasampanno, tisakkhattuṃ ahasaṃ;
Na maṃ kecāvajānanti, puññakammassidaṃ phalaṃ.
100. “Ekattiṃse ito kappe, āyāgaṃ yamakārayiṃ;
Duggatiṃ nābhijānāmi, āyāgassa idaṃ phalaṃ.
101. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā āyāgadāyako thero imā gāthāyo abhāsithāti.

Āyāgadāyakattherassāpadānaṃ aṭṭhamaṃ.

9. Dhammacakkikattheraapadānaṃ

102. “Siddhatthassa bhagavato, sīhāsanassa sammukhā;
Dhammacakkaṃ me ṭhapitaṃ, sukataṃ viññuvaṇṇitaṃ.
103. “Cāruvaṇṇova sobhāmi, sayoggabalavāhano;
Parivārenti maṃ niccaṃ, anuyantā bahuḷjanā.
104. “Saṭṭhitūriyasahashehi, paricāremaṃ sadā;
Parivārena sobhāmi, puññakammassidaṃ phalaṃ.

105. “Catunnavutito kappe, yaṃ cakkamaṃ ṭhapaṃ ahaṃ;
Duggatiṃ nābhijānāmi, dhammacakkassidaṃ phalaṃ.
106. “Ito ekādase kappe, aṭṭhāsiṃsu janādhipā;
Sahassarājanāmena, cakkavattī mahabbalā.
107. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā dhammacakkiko thero imā gāthāyo abhāsithāti.

Dhammacakkikattherassāpadānaṃ navamaṃ.

10. Kapparukkiyattheraapadānaṃ

108. “Siddhatthassa bhagavato, thūpaseṭṭhassa sammukhā;
Vicittadusse lagetvā [laggetvā (sī. syā.)], kapparukkhaṃ ṭhapesahaṃ.
109. “Yaṃ yaṃ yonupapajjāmi, devattaṃ atha mānusaṃ;
Sobhayanto mama dvāraṃ, kapparukkho patiṭṭhati.
110. “Ahañca parisā ceva, ye keci mama vassitā [nissitā (sī.)];
Tamhā dussaṃ gahetvāna, nivāsema mayaṃ sadā [tadā (syā.)].
111. “Catunnavutito kappe, yaṃ rukkhaṃ ṭhapaṃ ahaṃ;
Duggatiṃ nābhijānāmi, kapparukkhasidaṃ phalaṃ.
112. “Ito ca sattame kappe, suceḷā aṭṭha khattiyā;
Sattaratanasampannā, cakkavattī mahabbalā.
113. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kapparukkhiyo thero imā gāthāyo abhāsithāti.

Kapparukkiyattherassāpadānaṃ dasamaṃ.

Kuṇḍadhānavaggo catuttho.

Tassuddānaṃ –

Kuṇḍasāgatakaccānā, udāyī mogharājako;
Adhimutto lasuṇado, āyāgī dhammacakkiko;
Kapparukkhi ca dasamo, gāthā dvayadasasataṃ [gāthāyo dvādasasataṃ (sī.)].

5. Upālivaggo

1. Bhāgineyyupālittheraapadānaṃ

1. “Khīṇāsavasahashehi, parivuto [pareto (ka. aṭṭha)] lokanāyako;
Vivekamanuyutto so, gacchate paṭisallitum.
2. “Ajīnena nivatthoṃ, tidaṇḍaparidhārako;
Bhikkhusaṅghaparibyūḷhaṃ, addasaṃ lokanāyakaṃ.

3. “Ekamsaṃ ajinaṃ katvā, sire katvāna añjaliṃ;
Sambuddhaṃ abhivādetvā, santhaviṃ lokanāyakaṃ.
4. “Yathāṇḍajā ca saṃsedā, opapātī jalābujā;
Kākāḍipakkhino sabbe, antalikkhacarā sadā.
5. “Ye keci pāṇabhūtatti, saññino vā asaññino;
Sabbe te tava ñāṇamhi, anto honti samogadhā.
6. “Gandhā ca pabbateyyā ye, himavantanaguttame;
Sabbe te tava sīlamhi, kalāyapi na yujjare.
7. “Mohandhakārapakkhando, ayaṃ loko sadevako;
Tava ñāṇamhi jotante, andhakārā vidhaṃsitā.
8. “Yathā atthaṅgate sūriye, honti sattā tamogatā;
Evaṃ buddhe anuppanne, hoti loko tamogato.
9. “Yathodayanto ādicco, vinodeti tamaṃ sadā;
Tatveva tvaṃ buddhaseṭṭha, viddhaṃsesi tamaṃ sadā.
10. “Padhānapahitattosi, buddho loko sadevake;
Tava kammābhiraddhena, tosesi janataṃ bahuṃ.
11. “Taṃ sabbaṃ anumoditvā, padumuttaro mahāmuni;
Nabhaṃ abbhuggamī dhīro, haṃsarājāva ambare.
12. “Abbhuggantvāna sambuddho, mahesi padumuttaro;
Antalikkhe ṭhito satthā, imā gāthā abhāsatha.
13. “Yenidaṃ thavitaṃ ñāṇaṃ, opammehi samāyutaṃ;
Tamaṃ kittayissāmi, suṇātha mama bhāsato.
14. “Aṭṭhārasaṅca khattuṃ so, devarājā bhavissati;
Pathabyā rajjaṃ tisataṃ, vasudhaṃ āvasissati.
15. “Pañcavīsaticchattuṃca, cakkavattī bhavissati;
Padesarajjaṃ vipulaṃ, gaṇanāto asaṅkhiyaṃ.
16. “Kappasatasahassamhi, okkākakulasambhavo;
Gotamo nāma gottena, satthā loko bhavissati.
17. “Tusitā hi cavitvāna, sukkamūlena codito;
Hīnova jātiyā santo, upāli nāma hessati.
18. “So pacchā pabbajitvāna, virājetvāna pāpakaṃ;
Sabbāsava pariññāya, nibbāyissatināsavo.
19. “Tuṭṭho ca gotamo buddho, sakyaputto mahāyaso;
Vinayādhigataṃ tassa, etadagge ṭhapessati’.
20. “Saddhāyāhaṃ pabbajito, katakicco anāsavo;

Sabbāsave pariññāya, viharāmi anāsavo.

21. “Bhagavā cānukampī maṃ, vinayehaṃ visārado;
Sakakammābhiraddho ca, viharāmi anāsavo.
22. “Saṃvuto pātimokkhamhi, indriyesu ca pañcasu;
Dhāremi vinayaṃ sabbamaṃ, kevalaṃ ratanākaraṃ [ratanaggharaṃ (ka.)].
23. “Mamañca guṇamaññāya, satthā loke anuttaro;
Bhikkhusaṅghe nisīditvā, etadagge ṭhapesi maṃ.
24. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā upālithero imā gāthāyo abhāsittḥāti.

Bhāgineyyupālittherassāpadānaṃ paṭhamamaṃ.

2. Soṇakoḷivisattheraapadānaṃ

25. “Anomadassissa munino, lokajeṭṭhassa tādino;
Sudhāya lepanaṃ katvā, caṅkamaṃ kārayiṃ ahaṃ.
26. “Nānāvaṇehi pupphehi, caṅkamaṃ santhariṃ ahaṃ;
Ākāse vitānaṃ katvā, bhojayiṃ buddhamuttamaṃ.
27. “Añjaliṃ paggahetvāna, abhivādetvāna subbatamaṃ [pupphakaṃ (ka.)];
Dīghasālaṃ bhagavato, niyyādesimahaṃ tadā.
28. “Mama saṅkappamaññāya, satthā loke anuttaro;
Paṭiggahesi bhagavā, anukampāya cakkhumā.
29. “Paṭiggahetvāna sambuddho, dakkhiṇeyyo sadevake;
Bhikkhusaṅghe nisīditvā, imā gāthā abhāsatha.
30. “Yo so haṭṭhena cittena, dīghasālaṃ adāsi [akāsi (sī.)] me;
Tamaḥaṃ kittayissāmi, suṇātha mama bhāsato.
31. “Imassa maccukālamhi, puññakammasamaṅgino;
Sahassayuttassaratho, upaṭṭhissati tāvade.
32. “Tena yānenayaṃ poso, devalokaṃ gamissati;
Anumodissare devā, sampatte kusalabbhave [kusale bhave (sī. syā.)].
33. “Mahārahaṃ byamaṃ seṭṭhaṃ, ratanamattikalepanaṃ;
Kūṭāgāravarūpetamaṃ, byamaṃ ajjhāvasissati.
34. “Tiṃsakappasahassāni, devaloke ramissati;
Pañcavīsati kappāni, devarājā bhavissati.
35. “Sattasattatikkhattuñca, cakkavattī bhavissati;

Yasodharasanāmā [yasedharā samānā (sī.)] te, sabbepe ekanāmakā.

36. “Dve sampattī anubhotvā, vaḍḍhetvā [cinitvā (syā.)] puññaṣaṅcayam;
Aṭṭhavīsatikappamhi, cakkavattī bhavissati.
37. “Tatrāpi byamhaṃ pavaram, vissakammena māpitaṃ;
Dasasaddāvivittaṃ taṃ, puramajjhāvasissati.
38. “Aparimeyye ito kappe, bhūmipālo mahiddhiko;
Okkāko nāma nāmena, rājā raṭṭhe bhavissati.
39. “Soḷasitthisahassānaṃ, sabbāsaṃ pavarā ca sā [pavarāva yā (syā.), pavarā piyā (?)];
Abhijātā khattiyānī, nava putte janessati.
40. “Nava putte janetvāna, khattiyānī marissati;
Taruṇī ca piyā kaññā, mahesittaṃ karissati.
41. “Okkākaṃ tosayitvāna, varaṃ kaññā labhissati;
Varaṃ laddhāna sā kaññā, putte pabbājayissati.
42. “Pabbājītā ca te sabbe, gamissantī naguttamaṃ;
Jātibhedabhayā sabbe, bhaginihi vasissare [saṃvasissare (sī.)].
43. “Ekā ca kaññā byādhihi, bhavissati parikkhatā [purakkhatā (syā. ka.)];
Mā no jāti pabhijjīti, nikhaṇissanti khattiyā.
44. “Khattiyō nīharitvāna, tāya saddhiṃ vasissati;
Bhavissati tadā bhedo, okkākakulasambhavo.
45. “Tesaṃ pajā bhavissantī, koliyā nāma jātiyā;
Tattha mānusakaṃ bhogaṃ, anubhossatinappakaṃ.
46. “Tamhā kāyā cavitvāna, devalokaṃ gamissati;
Tatrāpi pavaram byamhaṃ, labhissati manoramaṃ.
47. “Devalokā cavitvāna, sukkamūlena codito;
Āgantvāna manussattaṃ, soṇo nāma bhavissati.
48. “Āraddhavīriyo pahitatto, padahaṃ satthu sāsane;
Sabbāsave pariññāya, nibbāyissatināsavo.
49. “Anantadassī bhagavā, gotamo sakyapuṅgavo;
Visesaññū mahāvīro, aggaṭṭhāne ṭhapessati’.
50. “Vuṭṭhamhi deve caturaṅgulamhi, tiṇe anileritaṅgaṇamhi;
Ṭhatvāna yogassa payuttatādino, tatottariṃ pāramatā na vijjati.
51. “Uttame damathe danto, cittaṃ me supaññitaṃ;
Bhāro me ohito sabbo, nibbutomhi anāsavo.
52. “Aṅgīraso mahānāgo, abhijātova kesarī;
Bhikkhusaṅghe nisīditvā, etadagge ṭhapesi maṃ.

53. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā soṇo koḷiviso [koḷiyavesso (sī. syā.), koṭikaṇṇo (ka.)] thero imā gāthāyo abhāsithāti.

Soṇakoḷivisattherassāpadānaṃ dutiyaṃ.

3. Kāḷigodhāputtabhaddiyattheraapadānaṃ

54. “Padumuttarasambuddhaṃ, mettacittaṃ mahāmuniṃ;
Upeti janatā sabbā, sabbalokagganāyakaṃ.
55. “Sattukañca baddhakañca [vatthaṃ senāsanañceva (sī.), sattukañca padakañca (sī. aṭṭha.),
sattukañca pavākañca (syā.)], āmiṣaṃ pānabhojanaṃ;
Dadanti satthuno sabbe, puññakkhette anuttare.
56. “Ahampi dānaṃ dassāmi, devadevassa tādino;
Buddhaseṭṭhaṃ nimantetvā, saṅghampi ca anuttaraṃ.
57. “Uyyojitā mayā cete, nimantesuṃ tathāgataṃ;
Kevalaṃ bhikkhusaṅghaṃ, puññakkhattaṃ anuttaraṃ.
58. “Satasahassapallaṅkaṃ, sovaṇṇaṃ gonakatthataṃ;
Tūlikāpaṭalikāya, khomakappāsikehi ca;
Mahārahaṃ paññāpayiṃ, āsanaṃ buddhayuttakaṃ.
59. “Padumuttaro lokavidū, devadevo narāsabho;
Bhikkhusaṅghapariyūḷho, mama dvāramupāgami.
60. “Paccuggantvāna sambuddhaṃ, lokanāthaṃ yasassinaṃ;
Pasannacitto sumano, abhināmayiṃ saṅgharaṃ [sakaṃ gharaṃ (sī.)].
61. “Bhikkhūnaṃ satasahassaṃ, buddhañca lokanāyakaṃ;
Pasannacitto sumano, paramannena tappayiṃ.
62. “Padumuttaro lokavidū, āhutaṃ paṭiggaho;
Bhikkhusaṅghe nisīditvā, imā gāthā abhāsatha.
63. “Yenidaṃ āsanaṃ dinnāṃ, sovaṇṇaṃ gonakatthataṃ;
Tamaḥaṃ kittayissāmi, suṇātha mama bhāsato.
64. “Catusattikkhattuṃ so, devarajjaṃ karissati;
Anubhossati sampattiṃ, accharāhi purakkhato.
65. “Padesarajjaṃ sahassaṃ, vasudhaṃ āvasissati;
Ekapaññāsakkhattuñca, cakkavattī bhavissati.
66. “Sabbāsu bhavayonīsu, uccākulī [uccākule (ka.)] bhavissati;
So ca pacchā pabbajitvā, sukkamūlena codito;
Bhaddiyo nāma nāmena, hessati satthu sāvako.
67. “Vivekamanuyuttomhi, pantasenaniṅgahaṃ;
Phalañcādhigataṃ sabbhaṃ, cattaklesomhi ajjahaṃ.

68. “‘Mama sabbam [kammaṃ (?)] abhiññāya, sabbaññū lokanāyako;
Bhikkhusaṅghe nisīditvā, etadagge ṭhapesi maṃ’.
69. “‘Paṭisambhidā catasso...pe... kataṃ buddhassa sāsanaṃ’”.
Itthaṃ sudam āyasmā bhaddiyo kāḷigodhāya putto thero imā gāthāyo abhāsithāti.

Bhaddiyassa kāḷigodhāya puttatherassāpadānaṃ tatiyaṃ.

4. Sanniṭṭhāpakattheraapadānaṃ

70. “‘Araññe kuṭikaṃ katvā, vasāmi pabbatantare;
Lābhālābhena santuṭṭho, yasena ayasena ca.
71. “‘Padumuttaro lokavidū, āhutaṃ paṭiggaho;
Vasīsatasahasseehi [bhikkhusatasahasseehi (syā.)], āgacchi mama santikaṃ.
72. “‘Upāgataṃ mahānāgaṃ [mahāvīraṃ (sī.)], jalajuttamanāmakam;
Tiṇsantharaṃ [tiṇattharaṃ (ka.)] paññāpetvā, adāsimaṃ satthuno ahaṃ.
73. “‘Pasannacitto sumano, āmaṇḍaṃ pānīyañcahaṃ;
Adāsimaṃ ujubhūtaṃ, vipasannena cetasa.
74. “‘Satasahasseehi kappe [satasahasseehi ito kappe (sī.)], yaṃ dānamadadiṃ tadā;
Duggatiṃ nābhijānāmi, āmaṇḍassa idaṃ phalaṃ.
75. “‘Ekatālīsakappamhi, eko āsimaṃ arindamo;
Sattaratanasampanno, cakkavattī mahabbalo.
76. “‘Paṭisambhidā catasso...pe... kataṃ buddhassa sāsanaṃ’”.
Itthaṃ sudam āyasmā sanniṭṭhāpako [sanniṭṭhāpako (sī.)] thero imā gāthāyo abhāsithāti.

Sanniṭṭhāpakattherassāpadānaṃ catutthaṃ.

5. Pañcahatthiyattheraapadānaṃ

77. “‘Sumedho nāma sambuddho, gacchate antarāpaṇe;
Okkhittacakkhu [khittacakkhu (ka. sī. ka.)] mitabhāṇī, satimā saṃvutindriyo.
78. “‘Pañca uppalatthāni, āveḷatthaṃ ahaṃsu me;
Tena buddhaṃ apūjesimaṃ, pasanno sehi pāṇibhi.
79. “‘Āropitā ca te pupphā, chadanaṃ assu satthuno;
Samādhiṃsu [saṃsāvīṃsu (sī.)] mahānāgaṃ, sissā ācariyaṃ yathā.
80. “‘Timsakappasahasamhi, yaṃ pupphamabhiropayimaṃ;
Duggatiṃ nābhijānāmi, buddhapūjāyidaṃ phalaṃ.
81. “‘Ito vīsakappasate, ahesuṃ pañca khattiyā;
Hatthiyā nāma nāmena, cakkavattī mahabbalā.
82. “‘Paṭisambhidā catasso...pe... kataṃ buddhassa sāsanaṃ’”.

Itthaṃ sudam āyasmā pañchatthiyo thero imā gāthāyo abhāsithāti.

Pañchatthiyattherassāpadānaṃ pañcamaṃ.

6. Padumacchadaniyattheraapadānaṃ

83. “Nibbutte lokanāthamhi, vipassimhaggapuggale;
Suphullapadumaṃ gayha, citamāropayim ahaṃ.
84. “Āropite ca citake, vehāsaṃ nabhamuggami;
Ākāse chadanaṃ [ākāsacchadanaṃ (sī.)] katvā, citakamhi adhārayi.
85. “Ekanavutito kappe, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalaṃ.
86. “Sattatālīsito kappe, padumissaranāmako;
Cāturanto vijitāvī, cakkavattī mahabbalo.
87. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā padumacchadaniyo thero imā gāthāyo abhāsithāti;

Padumacchadaniyattherassāpadānaṃ chaṭṭhaṃ.

7. Sayanadāyakattheraapadānaṃ

88. “Siddhatthassa bhagavato, mettacittassa tādino;
Sayanaggaṃ mayā dīnaṃ, dussabhaṇḍehi [dussabhaṇḍena (syā.)] atthataṃ.
89. “Paṭiggahesi bhagavā, kappiyaṃ sayanāsaṃ;
Uṭṭhāya sayanā [āsanā (sī.)] tamhā, vehāsaṃ uggamī jino.
90. “Catunnavutito kappe, yaṃ sayanamadāsahaṃ;
Duggatiṃ nābhijānāmi, sayanassa idaṃ phalaṃ.
91. “Ekapaññāsito kappe, varako [varuṇo (sī. syā.)] devasavhayo;
Sattaratanasampanno, cakkavattī mahabbalo.
92. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā sayanadāyako thero imā gāthāyo abhāsithāti.

Sayanadāyakattherassāpadānaṃ sattamaṃ.

8. Caṅkamanadāyakattheraapadānaṃ

93. “Atthadassissa munino, lokajetṭhassa tādino;
Iṭṭhakāhi cinitvāna, caṅkamaṃ kārayim ahaṃ.
94. “Uccato pañcaratanaṃ, caṅkamaṃ sādhumāpitaṃ;
Āyāmato hatthasataṃ, bhāvanīyyaṃ manoramaṃ.
95. “Paṭiggahesi bhagavā, atthadassī naruttamo;

Hatthena pulinaṃ gayha, imā gāthā abhāsatha.

96. “‘Iminā pulinadānena, caṅkamaṃ sukatena ca;
Sattaratanasampannaṃ, pulinaṃ anubhossati.
97. “‘Tīṇi kappāni devesu, devarajjaṃ karissati;
Anubhossati sampattiṃ, accharāhi purakkhato.
98. “‘Manussalokamāgantvā, rājā raṭṭhe bhavissati;
Tikkhattuṃ cakkavattī ca, mahiyā so bhavissati’.
99. “‘Aṭṭhārase kappasate, yaṃ kammamakariṃ tadā;
Duggatiṃ nābhijānāmi, caṅkamassa idaṃ phalaṃ.
100. “‘Paṭisambhidā catasso...pe... kataṃ buddhassa sāsanaṃ’’.
Itthaṃ sudaṃ āyasmā caṅkamanadāyako thero imā gāthāyo abhāsithāti.

Caṅkamanadāyakattherassāpadānaṃ aṭṭhamamaṃ.

9. Subhaddattheraapadānaṃ

101. “‘Padumuttaro lokavidū, āhutīnaṃ paṭiggaho;
Janataṃ uddharitvāna, nibbāyati mahāyaso.
102. “‘Nibbāyante ca sambuddhe, dasasahassi kampaṭṭha;
Janakāyo mahā āsi, devā sannipatuṃ tadā.
103. “‘Candanaṃ pūrayitvāna, tagarāmālikāhi ca;
Haṭṭho haṭṭhena cittaṃ, āropayim [\[ālepesim \(sī.\), āropesim \(syā.\)\]](#) naruttamaṃ.
104. “‘Mama saṅkappamaññāya, satthā loke anuttaro;
Nipannakova sambuddho, imā gāthā abhāsatha.
105. “‘Yo me pacchimake kāle, gandhamālena [\[gandhamallena \(syā. ka.\) napuṃsakekattaṃ manasikātabbaṃ\]](#) chādayi;
Tamaṃ kittayissāmi, suṇātha mama bhāsato.
106. “‘Ito cuto ayaṃ poso, tusitakāyaṃ gamissati;
Tattha rajjaṃ karitvāna, nimmānaṃ so gamissati.
107. “‘Eteneva upāyena, datvā mālaṃ [\[malyaṃ \(sī.\), mallaṃ \(syā. ka.\)\]](#) varuttamaṃ;
Sakakammābhiraddho so, sampattiṃ anubhossati.
108. “‘Punāpi tusite kāye, nibbattissatiyaṃ naro;
Tamaṃ kāyā cavitvāna, manussattaṃ gamissati.
109. “‘Sakyaputto mahānāgo, aggo loke sadevake;
Bodhayitvā bahū satte, nibbāyissati cakkhumā.
110. “‘Tadā sopagato santo, sukkamūlena codito;
Upasaṅkamma sambuddhaṃ, pañhaṃ pucchissati tadā.

111. “‘Hāsaitvāna sambuddho, sabbaññū lokanāyako;
Puññakammaṃ pariññāya, saccāni vivarissati.
112. “‘Āraddho ca ayaṃ pañho, tuṭṭho ekaggamānaso;
Satthāraṃ abhivādetvā, pabbajjaṃ yācayissati.
113. “‘Pasannamānasam disvā, sakakammena tositam;
Pabbājessati so buddho, aggamaggassa kovido.
114. “‘Vāyāmitvānayaṃ poso, sammāsambuddhasāsane;
Sabbāsava pariññāya, nibbāyissatināsavo’.

Pañcamabhāṇavāraṃ.

115. “‘Pubbakammena saṃyutto, ekaggo susamāhito;
Buddhassa oraso putto, dhammajomhi sunimmito.
116. “‘Dhammarājaṃ upagamma, apucchim pañhamuttamaṃ;
Kathayanto ca me pañhaṃ, dhammasotaṃ upānayaī.
117. “‘Tassāhaṃ dhammamaññāya, vihāsim sāsane rato;
Sabbāsava pariññāya, viharāmi anāsavo.
118. “‘Satasahassito kappe, jalajuttamanāyako;
Nibbāyi anupādāno, dīpova telasaṅkhayā.
119. “‘Sattayojanikaṃ āsi, thūpañca ratanāmayaṃ;
Dhajaṃ tattha apūjesim, sabbabhaddaṃ manoramaṃ.
120. “‘Kassapassa ca buddhassa, tisso nāmaggasāvako;
Putto me oraso āsi, dāyādo jinasāsane.
121. “‘Tassa hīnena manasā, vācaṃ bhāsim abhaddakaṃ;
Tena kammavipākena, pacchā me āsi bhaddakaṃ [[pacchime addasaṃ jinaṃ \(sī.\)](#)].
122. “‘Upavattane sālavane, pacchime sayane muni;
Pabbājesi mahāvīro, hito kāruṅiko jino.
123. “‘Ajjeva dāni pabbajjā, ajjeva upasampadā;
Ajjeva parinibbānaṃ, sammukhā dvipaduttame.
124. “‘Paṭisambhidā catasso...pe... kataṃ buddhassa sāsanaṃ’’.
Itthaṃ sudam āyasmā subhaddo thero imā gāthāyo abhāsithāti.

Subhaddattherassāpadānaṃ navamaṃ.

10. Cundattheraapadānaṃ

125. “‘Siddhatthassa bhagavato, lokajetṭhassa tādino;
Agghiyaṃ kārayitvāna, jātipupphehi chādayim.

126. “Niṭṭhāpetvāna taṃ pupphaṃ, buddhassa upanāmayiṃ;
Pupphāvasesaṃ paggayha, buddhassa abhiropayim.
127. “Kañcanagghiyasaṅkāsaṃ, buddhaṃ lokagganāyakaṃ;
Pasannacitto sumano, pupphagghiyamupānayim.
128. “Vitiṇṇakaṅkho sambuddho, tiṇṇoghehi purakkhato;
Bhikkhusaṅghe nisīditvā, imā gāthā abhāsatha.
129. “Dibbagandhaṃ pavāyantaṃ, yo me pupphagghiyaṃ adā;
Tamaḥaṃ kittayissāmi, suṇātha mama bhāsato.
130. “Ito cuto ayaṃ poso, devasaṅghapurakkhato;
Jātipupphehi parikiṇṇo, devalokaṃ gamissati.
131. “Ubbiddhaṃ bhavanaṃ tassa, sovaṇṇaṅca maṇīmayam;
Byamaṃ pātubhavissati, puñṇakammappabhāvitaṃ.
132. “Catusattatikkhattuṃ so, devarajjaṃ karissati;
Anubhossati sampattim, accharāhi purakkhato.
133. “Pathabyā rajjaṃ tisataṃ, vasudhaṃ āvasissati;
Pañcasattatikkhattuṅca, cakkavattī bhavissati.
134. “Dujjayo nāma nāmena, hessati manujādhipo;
Anubhotvāna taṃ puñṇaṃ, sakakammaṃ apassito [[sakakammūpasamhito \(syā.\)](#)].
135. “Vinipātaṃ agantvāna, manussattaṃ gamissati;
Hiraññaṃ tassa [[hiraññassa ca \(sī. ka.\)](#)] nicitaṃ, koṭṭisatamanappakaṃ.
136. “Nibbattissati yonimhi, brāhmaṇe so bhavissati;
Vaṅgantassa suto dhīmā, sāriyā oraso piyo.
137. “So ca pacchā pabbajitvā, aṅgīrasassa sāsane;
Cūlacundoti [[cūlacundoti \(sī.\)](#)] nāmena, hessati satthu sāvako.
138. “Sāmaṇerova so santo, khīṇāsavo bhavissati;
Sabbāsava pariññāya, nibbāyissatināsavo’.
139. “Upaṭṭhahiṃ mahāvīraṃ, añṇe ca pesale bahū;
Bhātaraṃ me cupaṭṭhāsiṃ, uttamathassa pattiya.
140. “Bhātaraṃ me upaṭṭhitvā, dhātuṃ pattamhi ohiya [[opiya \(sī.\)](#), [ociya \(syā.\)](#)];
Sambuddhaṃ upanāmesim, lokajeṭṭhaṃ narāsabhaṃ.
141. “Ubho hatthehi paggayha, buddho loke sadevake;
Sandassayanto taṃ dhātuṃ, kittayi aggasāvakaṃ.
142. “Cittaṅca suvimuttaṃ me, saddhā mayhaṃ patiṭṭhitā;
Sabbāsava pariññāya, viharāmi anāsavo.
143. “Paṭisambhidānuppattā, vimokkhāpi ca phassitā [[paṭisambhidā catasso](#), [vimokkhāpi ca](#)

aṭṭhime (syā.);

Chalabhiñṇā sacchikatā, kataṃ buddhassa sāsanaṃ’.

Itthaṃ sudam āyasmā cundo thero imā gāthāyo abhāsithāti.

Cundattherassāpadānaṃ dasamaṃ.

Upālivaggo pañcamaṃ.

Tassuddānaṃ –

Upāli soṇo bhaddiyo, sannitṭhāpakahatthiyo;

Chadanaṃ seyyacaṅkamaṃ, subhaddo cundasavhayo;

Gāthāsataṃ satālīsaṃ [ca tālīsaṃ (sī. syā.)], catasso ca taduttari.

6. Bījanivaggo

1. Vidhūpanadāyakaṭṭheraapadānaṃ

1. “Padumuttarabuddhassa, lokajetṭhassa tādino;
Bījanikā [vījanikā (sī. syā.)] mayā dinnā, dvipadindassa tādino.
2. “Sakaṃ cittaṃ pasādetvā, paggahetvāna añjalim;
Sambuddhamabhivādetvā, pakkamim uttarāmukho.
3. “Bījanim paggahetvāna, satthā lokaggaṇāyako [loke anuttaro (sī.)];
Bhikkhusaṅghe ṭhito santo, imā gāthā abhāsatha.
4. ““Iminā bījanidānena, cittassa paṇidhīhi [cetanāpaṇidhīhi (aññattha)] ca;
Kappānaṃ satahassaṃ, vinipātaṃ na gacchatī’.
5. “Āraddhavīriyo pahitatto, cetoguṇasamāhito;
Jātiyā sattavassohaṃ, arahattaṃ apāpuṇim.
6. “Saṭṭhikappasahassamhi, bījamānasanāmakā;
Soḷasāsimsu rājāno, cakkavattī mahabbalā.
7. “Paṭisambhidā catasso, vimokkhāpi ca aṭṭhime;
Chalabhiñṇā sacchikatā, kataṃ buddhassa sāsanaṃ’.

Itthaṃ sudam āyasmā vidhūpanadāyako thero imā gāthāyo abhāsithāti.

Vidhūpanadāyakaṭṭherassāpadānaṃ paṭhamaṃ.

2. Sataraṃsiththeraapadānaṃ

8. “Ubbiddhaṃ selamāruyha, nisīdi purisuttamo;
Pabbatassāvidūramhi, brāhmaṇo mantapāragū.
9. “Upaviṭṭhaṃ mahāvīraṃ, devadevaṃ narāsabhaṃ;

Añjalim paggahetvāna, santhaviṃ lokanāyakaṃ.

10. “‘Esa buddho mahāvīro, varadhammappakāsako;
Jalati aggikhandhova, bhikkhusaṅghapurakkhato.
11. “‘Mahāsamuddova‘kkhubbho [*’kkhobho (sī. syā.)*], aṇṇavova duruttaro;
Migarājāvasambhīto [*chambhito (ka.)*], dhammaṃ deseti cakkhumā’.
12. “‘Mama saṅkappamaññāya, padumuttaranāyako;
Bhikkhusaṅghe ṭhito satthā, imā gāthā abhāsatha.
13. “‘Yenāyaṃ [*yenāhaṃ (ka.)*] añjalī dinno, buddhaseṭṭho ca thomito;
Tiṃsakappasahassāni, devarajjaṃ karissati.
14. “‘Kappasatasahassamhi, aṅgīrasasanāmako;
Vivaṭṭacchaddo [*vivatthacchaddo (sī.)*] sambuddho, uppajjissati tāvade.
15. “‘Tassa dhammesu dāyādo, oraso dhammanimmito;
Sataraṃsīti nāmena, arahā so bhavissati’.
16. “‘Jātiyā sattavassohaṃ, pabbajim anagāriyaṃ;
Sataraṃsimhi nāmena, pabhā niddhāvate mama.
17. “‘Maṇḍape rukkhāmūle vā, jhāyī jhānarato ahaṃ;
Dhāremi antimāṃ dehaṃ, sammāsambuddhasāsane.
18. “‘Saṭṭhikappasahassamhi, caturo rāmanāmakā;
Sattaratanasampannā, cakkavattī mahabbalā.
19. “‘Paṭisambhidā catasso...pe... kataṃ buddhassa sāsanaṃ’’.
Itthaṃ sudaṃ āyasmā sataraṃsi thero imā gāthāyo abhāsithāti.

Sataraṃsitherasāpadānaṃ dutiyaṃ.

3. Sayanadāyakattheraapadānaṃ

20. “‘Padumuttarabuddhassa, sabbalokānukampino;
Sayanaṃ tassa pādāsim, vipasannena cetasā.
21. “‘Tena sayanadānena, sukhetto bījasampadā;
Bhogā nibbattare tassa, sayanassa idaṃ phalaṃ.
22. “‘Ākāse seyyaṃ kappemi, dhāremi pathaviṃ imaṃ;
Pānesu me issariyaṃ, sayanassa idaṃ phalaṃ.
23. “‘Pañcakappasahassamhi, aṭṭha āsuṃ mahātejā [*mahāvarā (sī.), mahāvīrā (syā.)*];
Catuttiṃse kappasate, caturo ca mahabbalā.
24. “‘Paṭisambhidā catasso...pe... kataṃ buddhassa sāsanaṃ’’.
Itthaṃ sudaṃ āyasmā sayanadāyako thero imā gāthāyo abhāsithāti.

Sayanadāyakattherassāpadānaṃ tatiyaṃ.

4. Gandhodakiyattheraapadānaṃ

25. “Padumuttarabuddhassa, mahābodhimaho ahu;
Vicittaṃ ghaṭamādāya, gandhodakamadāsahaṃ.
26. “Nhānakāle ca bodhiyā, mahāmegho pavassatha;
Ninnādo ca mahā āsi, asaniyā phalantiyā.
27. “Tenevāsanivegena, tattha kālaṅkato [kālakato (sī. syā.)] ahaṃ [ahum (sī.)];
Devaloke ʘhito santo, imā gāthā abhāsahaṃ.
28. ““Aho buddho aho dhammo, aho no satthusampadā;
Kaḷevaram [kalebaram (sī.)] me patitaṃ, devaloke ramāmaṃ.
29. ““Ubbiddhaṃ bhavanaṃ mayhaṃ, satabhūmaṃ samuggataṃ;
Kaṅṅāsatasahassāni, parivārenti maṃ sadā.
30. ““Ābādhā me na vijjanti, soko mayhaṃ na vijjati;
Pariḷahaṃ na passāmi, puṅṅakammassidaṃ phalaṃ.
31. ““Aṭṭhavāse kappasate, rājā saṃvasito ahuṃ;
Sattaratanasampanno, cakkavattī mahabbalo’.
32. “Paṭisambhidā catasso...pe... kataṃ buddhassa sāsanaṃ’’.
Itthaṃ sudaṃ āyasmā gandhodakiyo thero imā gāthāyo abhāsithāti.

Gandhodakiyattherassāpadānaṃ catutthaṃ.

5. Opavayhattheraapadānaṃ

33. “Padumuttarabuddhassa, ājānīyamadāsahaṃ;
Niyādetvāna sambuddhe [sambuddhaṃ (sī. ka.)], agamāsiṃ sakaṃ gharaṃ.
34. “Devalo nāma nāmena, satthuno aggasāvako;
Varadhammassa dāyādo, āgacchi mama santikaṃ.
35. “Sapattabhāro bhagavā, ājāneyyo na kappati;
Tava saṅkappamaṅṅāya, adhivāsesi cakkhumā.
36. “Agghāpetvā vātajavaṃ, sindhavaṃ sīghavāhanaṃ;
Padumuttarabuddhassa, khamaṇīyamadāsahaṃ.
37. “Yaṃ yaṃ yonupapajjāmi, devattaṃ atha mānusaṃ [deve ca mānuse bhave (sī. ka.)];
Khamaṇīyaṃ vātajavaṃ, cittaṃ nibbattate [ājānīyā vātajavā, vittī nibbattare (syā.), khamaṇīyā
vātajavā, cittaṃ nibbattare (sī.)] mama.
38. “Lābhaṃ tesāṃ suladdhaṃva, ye labhantupasampadaṃ;
Punapī payirupāseyyaṃ, buddho loke sace bhave.

39. “Aṭṭhavīsaticcattamaṃ, rājā āsiṃ mahabbalo;
Cāturanto vijitāvī, jambusaṇḍassa [jambudīpassa (syā.), jambumaṇḍassa (ka.)] jambuissaro.
40. “Idaṃ pacchimakamaṃ mayhaṃ, carimo vattate bhavo;
Pattosmi acalaṃ ṭhānaṃ, hitvā jayaparājayaṃ.
41. “Catuṭṭhasasahassamhi, mahātejosi khattiyo;
Sataratanasampanno, cakkavattī mahabbalo.
42. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā opavayho thero imā gāthāyo abhāsithāti.

Opavayhattherassāpadānaṃ pañcamaṃ.

6. Saparivārāsanattheraapadānaṃ

43. “Padumuttarabuddhassa, piṇḍapātaṃ adāsahaṃ;
Gantvā kiliṭṭhakaṃ ṭhānaṃ [taṃ bhojanaṭṭhānaṃ (sī.)], mallikāhi parikkhitaṃ [parikkhipiṃ (sī.)].
44. “Tamhāsanamhi āsīno, buddho lokagganāyako;
Akittayi piṇḍapātaṃ, ujubhūto samāhito.
45. “Yathāpi bhaddake khetto, bījaṃ appampi ropitaṃ;
Sammā dhāraṃ pavecchante, phalaṃ toseti kassakaṃ.
46. “Tathevāyaṃ piṇḍapāto, sukhetto ropito tayā;
Bhave nibbattamānamhi, phalaṃ te [nibbattamānaṃ hi, phalato (sī.)] tosayissati [tappayissati (ka.)].
47. “Idaṃ vatvāna sambuddho, jalaṃuttamanāmakko;
Piṇḍapātaṃ gahetvāna, pakkāmi uttarāmukho.
48. “Saṃvuto pātimokkhasmiṃ, indriyesu ca pañcasu;
Pavivekamanuyutto, viharāmi anāsavo.
49. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā saparivārāsano thero imā gāthāyo abhāsithāti.

Saparivārāsanattherassāpadānaṃ chaṭṭhaṃ.

7. Pañcadīpakattheraapadānaṃ

50. “Padumuttarabuddhassa, sabbabhūtānukampino;
Saddahitvāna [susaṇṭhahitvā (sī.)] saddhamme, ujudiṭṭhi ahasahaṃ.
51. “Padīpadānaṃ pādāsiṃ, parivāretvāna bodhiyaṃ;
Saddahanto padīpāni, akariṃ tāvade ahaṃ.
52. “Yaṃ yaṃ yonupapajjāmi, devattaṃ atha mānusaṃ;
Ākāse ukkaṃ dhārenti, dīpadānassidaṃ phalaṃ.

53. “Tirokuṭṭaṃ tiroselamaṃ, samatiggayha pabbataṃ;
Samantā yojanasataṃ, dassanaṃ anubhomamaṃ.
54. “Tena kammāvasesena, pattomhi āsavakkhayaṃ;
Dhāremi antimaṃ dehaṃ, dvipadindassa sāsane.
55. “Catuttiṃse kappasate, satacakkhusanāmakā;
Rājāhesuṃ mahātejā, cakkavattī mahabbalā.
56. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pañcadīpako thero imā gāthāyo abhāsithāti.

Pañcadīpakattherassāpadānaṃ sattamaṃ.

8. Dhajadāyakattheraapadānaṃ

57. “Padumuttarabuddhassa, bodhiyā pādaputtame;
Haṭṭho haṭṭhena cittena, dhajamāropayimā ahaṃ.
58. “Patitapattāni gaṇhitvā, bahiddhā chaḍḍayimā ahaṃ;
Antosuddhaṃ bahisuddhaṃ, adhimuttamanāsavaṃ.
59. “Sammukhā viya sambuddhaṃ, avandiṃ bodhimuttamaṃ;
Padumuttaro lokavidū, āhutīnaṃ paṭiggaho.
60. “Bhikkhusaṅghe ṭhito satthā, imā gāthā abhāsatha;
““Iminā dhajadānena, upaṭṭhānena cūbhayaṃ.
61. “Kappānaṃ satasahassaṃ, duggatiṃ so na gacchati;
Devesu devasobhayaṃ, anubhossatinappakaṃ.
62. ““Anekasatakkhattuñca, rājā raṭṭhe bhavissati;
Uggato nāma nāmena, cakkavattī bhavissati.
63. ““Sampattiṃ anubhotvāna, sukkamūlena codito;
Gotamassa bhagavato, sāsanebhiramissati’.
64. “Padhānapahitattomhi, upasanto nirūpadhi;
Dhāremi antimaṃ dehaṃ, sammāsambuddhasāsane.
65. “Ekapaññāsasahasase, kappe uggatasavhayo [savhayā (syā.)];
Paññāsasatasahasase, khattiyō meghasavhayo [khattiyā khemasavhayā (syā.)].
66. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā dhajadāyako thero imā gāthāyo abhāsithāti.

Dhajadāyakattherassāpadānaṃ aṭṭhamaṃ.

9. Padumattheraapadānaṃ

67. “Catusaccaṃ pakāsento, varadhammappavattako;

Vassate [vasseti (?)] amataṃ vuṭṭhiṃ, nibbāpento mahājanaṃ.

68. “Sadhajaṃ [sadaṇḍaṃ (sī.)] padumaṃ gayha, aḍḍhakose ṭhito ahaṃ;
Padumuttaramunissa, pahaṭṭho ukkhipimambare.
69. “Āgacchante ca padume, abbhuto āsi tāvade;
Mama saṅkappamaññāya, paggaṇhi vadataṃ varo.
70. “Karasetṭhena paggayha, jalajaṃ pupphamuttamaṃ;
Bhikkhusaṅghe ṭhito satthā, imā gāthā abhāsatha.
71. ““Yenidaṃ padumaṃ khittaṃ, sabbaññumhi vināyake [sabbaññutamanāyake (syā. ka.)];
Tamaḥaṃ kittayissāmi, suṇātha mama bhāsato.
72. ““Tiṃsakappāni devindo, devarajjaṃ karissati;
Pathabyā rajjaṃ sattasataṃ, vasudhaṃ āvasissati.
73. ““Tattha pattaṃ gaṇetvāna, cakkavattī bhavissati;
Ākāsato pupphavuṭṭhi, abhivassissatī tadā.
74. ““Kappasatasahassamhi, okkākakulasambhavo;
Gotamo nāma nāmena, satthā loke bhavissati.
75. ““Tassa dhammesu dāyādo, oraso dhammanimmito;
Sabbāsave pariññāya, nibbāyissatināsavo’.
76. “Nikkhamitvāna kucchimhā, sampajāno patissato;
Jātiyā pañcavassohaṃ, arahattaṃ apāpuṇiṃ.
77. “Paṭisambhidā catasso...pe... kataṃ buddhassa sāsaṇaṃ’”.
Itthaṃ sudaṃ āyasmā padumo thero imā gāthāyo abhāsithāti.

Padumattherassāpadānaṃ navamaṃ.

10. Asanabodhiyattheraapadānaṃ

78. “Jātiyā sattavassohaṃ, addasaṃ lokanāyakaṃ;
Pasannacitto sumano, upagacchiṃ naruttamaṃ.
79. “Tissassāhaṃ bhagavato, lokajetṭhassa tādino;
Haṭṭho haṭṭhena cittena, ropayiṃ bodhimuttamaṃ.
80. “Asano nāmadheyyena, dharaṇīruhapādapo;
Pañcavasse paricarīṃ, asanaṃ bodhimuttamaṃ.
81. “Pupphitaṃ pādapaṃ disvā, abbhutaṃ lomahaṃsaṇaṃ;
Sakaṃ kammaṃ pakittento, buddhaseṭṭhaṃ upāgamiṃ.
82. “Tisso tadā so sambuddho, sayambhū aggapuggalo;
Bhikkhusaṅghe nisīditvā, imā gāthā abhāsatha.

83. “Yenāyaṃ ropitā bodhi, buddhapūjā ca sakkatā;
Tamahaṃ kittayissāmi, suṇātha mama bhāsato.
84. “Tiṃsakappāni devesu, devarajjaṃ karissati;
Catusaṭṭhi cakkhattuṃ so, cakkavattī bhavissati.
85. “Tusitā hi cavitvāna, sukkamūlena codito;
Dve sampattī anubhotvā, manussatte ramissati.
86. “Padhānapahitatto so, upasanto nirūpadhi;
Sabbāsava pariññāya, nibbāyissatināsavo’.
87. “Vivekamanuyuttohaṃ, upasanto nirūpadhi;
Nāgo va bandhanaṃ chetvā, viharāmi anāsavo.
88. “Dvenavute ito kappe, bodhiṃ ropesahaṃ tadā;
Duggatiṃ nābhijānāmi, bodhiropassidaṃ phalaṃ.
89. “Catusattatito kappe, daṇḍasenoti vissuto;
Sattaratanasampanno, cakkavattī tadā ahuṃ.
90. “Tesattatimhito kappe, sattāhesuṃ mahīpatī;
Samantanemināmena, rājāno cakkavattino.
91. “Paṇṇavīsati to kappe, puṇṇako nāma khattiyo;
Sattaratanasampanno, cakkavattī mahabbalo.
92. “Paṭisambhidā catasso...pe... kataṃ buddhassa sāsanaṃ’.
Itthaṃ sudaṃ āyasmā asanabodhiyo thero imā gāthāyo abhāsithāti.

Asanabodhiyattherassāpadānaṃ dasamaṃ.

Bījanivaggo chaṭṭho.

Tassuddānaṃ –

Bījanī sataraṃsī ca, sayanodakivāhiyo;
Parivāro padīpañca, dhajo padumapūjako;
Bodhi ca dasamo vutto, gāthā dvenavuti tathā.

7. Sakacintaniyavaggo

1. Sakacintaniyattheraapadānaṃ

1. “Pavanaṃ kānanaṃ disvā, appasaddamannāvilam;
Isīnaṃ anuciṇṇaṃva, āhutīnaṃ paṭiggahaṃ.
2. “Thūpaṃ katvāna pulinaṃ [veḷunā (aṭṭha.), veḷinaṃ (syā.)], nānāpupphaṃ samokiriṃ;
Sammukhā viya sambuddhaṃ, nimmitaṃ abhivandahaṃ.
3. “Sattaratanasampanno, rājā raṭṭhamhi issaro;

Sakakammābhiraddhoḥaṃ, pupphapūjāyidaṃ [thūpapūjāyidaṃ (sī.)] phalaṃ.

4. “Ekanavutito kappe, yaṃ pupphamabhiropayim;
Duggatiṃ nābhijānāmi, pupphapūjāyidaṃ [thūpapūjāyidaṃ (sī.)] phalaṃ.
5. “Asītikappenantayaso, cakkavattī ahosahaṃ;
Sattaratanasampanno, catudīpamhi issaro.
6. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā sakacintaniyo thero imā gāthāyo abhāsithāti.

Sakacintaniyattherassāpadānaṃ paṭhamaṃ.

2. Avopupphiyattheraapadānaṃ

7. “Vihārā abhinikkamma, abbhuṭṭhahiya [abbhuṭṭhāsi ca (syā. ka.)] caṅkame;
Catusaccaṃ pakāsanto, deseti [desento (syā. ka.)] amataṃ padaṃ.
8. “Sikhissa giramaññāya, buddhaseṭṭhassa tādino;
Nānāpupphaṃ gahetvāna, ākāsamhi samokiriṃ.
9. “Tena kammena dvīpadinda, lokajetṭha narāsabha;
Pattomhi acalaṃ ṭhānaṃ, hitvā jayaparājayaṃ.
10. “Ekattiṃse ito kappe, yaṃ pupphamabhiropayim;
Duggatiṃ nābhijānāmi, pupphapūjāyidaṃ phalaṃ.
11. “Ito vīsaticappamhi, sumedho nāma khattiyo;
Sattaratanasampanno, cakkavattī mahabbalo.
12. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā avopupphiyo thero imā gāthāyo abhāsithāti.

Avopupphiyattherassāpadānaṃ dutiyaṃ.

3. Paccāgamaniyattheraapadānaṃ

13. “Sindhuyā nadiyā tīre, cakkavāko ahaṃ tadā;
Suddhasevālabhakkhoḥaṃ, pāpesu ca susaṅñato.
14. “Addasaṃ virajaṃ buddhaṃ, gacchantaṃ anilañjase;
Tuṇḍena sālaṃ paggayha, vipassissābhiropayim.
15. “Yassa saddhā tathāgate, acalā supatiṭṭhitā;
Tena cittappasādena, duggatiṃ so na gacchati.
16. “Svāgataṃ vata me āsi, buddhaseṭṭhassa santike;
Vihaṅgamaṃ santena, subījaṃ ropitaṃ mayā.

17. “Ekanavutito kappe, yaṃ pupphamabhiropayim;
Duggatiṃ nābhijānāmi, buddhapūjāyidaṃ [pupphapūjāyidaṃ (sī.)] phalaṃ.
18. “Sucārudassanā nāma, aṭṭhete ekanāmakā;
Kappe sattarase āsuṃ, cakkavattī mahabbalā.
19. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā paccāgamaniyo thero imā gāthāyo abhāsithāti.

Paccāgamaniyattherassāpadānaṃ tatiyaṃ.

4. Parappasādakattheraapadānaṃ

20. “Usabhaṃ pavaraṃ vīraṃ, mahesiṃ vijitāvinaṃ;
Suvaṇṇavaṇṇaṃ sambuddhaṃ, ko disvā nappasīdati.
21. “Himavāvāparimeyyo, sāgarova duruttaro;
Tattheva jhānaṃ buddhassa, ko disvā nappasīdati.
22. “Vasudhā yathāppameyyā, cittā vanavaṭṭasakā;
Tattheva silaṃ buddhassa, ko disvā nappasīdati.
23. “Anilañjasāsankhubho [anilajova asaṅkhobho (sī.)], yathākāso asaṅkhiyo;
Tattheva ñāṇaṃ buddhassa, ko disvā nappasīdati.
24. “Imāhi catugāthāhi, brāhmaṇo senasavhayo;
Buddhaseṭṭhaṃ thavitvāna, siddhatthaṃ aparājitam.
25. “Catunnavutikappāni, duggatiṃ nupapajjatha;
Sugatiṃ sukhasampattiṃ [sugatīsu susumpattiṃ (sī. syā.)], anubhosimanappakaṃ.
26. “Catunnavutito kappe, thavitvā lokanāyakaṃ;
Duggatiṃ nābhijānāmi, thomanāya [thomanassa (syā.)] idaṃ phalaṃ.
27. “Cātuddasamhi kappamhi, caturo āsumuggatā;
Sattaratanasampannā, cakkavattī mahabbalā.
28. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā parappasādako thero imā gāthāyo abhāsithāti.

Parappasādakattherassāpadānaṃ catutthaṃ.

5. Bhisadāyakattheraapadānaṃ

29. “Vessabhū nāma nāmena, isīnaṃ tatiyo ahu;
Kānaṃ vanamogayha, vihāsi purisuttamo.
30. “Bhisamuḷālaṃ gaṇhitvā, agamaṃ buddhasantikaṃ;
Taṅca buddhassa pādasiṃ, pasanno sehi pāṇibhi.
31. “Karena ca parāmaṭṭho, vessabhūvarabuddhinā;

Sukhāhaṃ nābhijānāmi, samaṃ tena kutottariṃ.

32. “Carimo vattate mayhaṃ, bhavā sabbe samūhatā;
Hatthināgena santena, kusalaṃ ropitaṃ mayā [nāgoṃ bandhanaṃ chetvā, viharāmi anāsavo (syā.)].
33. “Ekattiṃse ito kappe, yaṃ kammamakariṃ tadā;
Duggatiṃ nābhijānāmi, bhisadānassidaṃ phalaṃ.
34. “Samodhānā ca rājāno, soḷasa manujādhipā;
Kappamhi cuddase [terase (sī. syā.)] āsuṃ, cakkavattī mahabbalā.
35. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā bhisadāyako thero imā gāthāyo abhāsithāti.

Bhisadāyakattherassāpadānaṃ pañcamam.

6. Sucintitatheraapadānaṃ

36. “Giriduggacaro āsiṃ, abhijātova kesarī;
Migasaṅghaṃ vadhitvāna, jīvāmi pabbatantare.
37. “Atthadassī tu bhagavā, sabbaññū vadataṃ varo;
Mamuddharitukāmo so, āgacchi pabbatuttamaṃ.
38. “Pasadañca migam hantvā, bhakkhituṃ samupāgamiṃ;
Bhagavā tamhi samaye, bhikkhamāno [sikkhācāro (syā.)] upāgami.
39. “Varamaṃsāni paggayha, adāsiṃ tassa satthuno;
Anumodi mahāvīro, nibbāpento mamaṃ tadā.
40. “Tena cittappasādena, giriduggaṃ pavisiṃ ahaṃ;
Pītiṃ uppādayitvāna, tattha kālaṅkato ahaṃ.
41. “Etena maṃsadānena, cittassa paṇidhīhi ca;
Pannarase kappasate, devaloke ramiṃ ahaṃ.
42. “Avasesesu kappesu, kusalaṃ cintitaṃ [nīcītaṃ (sī.), karitaṃ (syā.)] mayā;
Teneva maṃsadānena, buddhānussaraṇena ca.
43. “Aṭṭhattiṃsamhi kappamhi, aṭṭha dīghāyunāmakā;
Saṭṭhimhito kappasate, duve varuṇānāmakā [saraṇānāmakā (syā.)].
44. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sucintito thero imā gāthāyo abhāsithāti.

Sucintitatherassāpadānaṃ chaṭṭham.

7. Vatthadāyakattheraapadānaṃ

45. “Pakkhijāto tadā āsiṃ, supaṇṇo garuḷādhipo;

Addasaṃ virajaṃ buddhaṃ, gacchantaṃ gandhamādanaṃ.

46. “Jahitvā garuḷavaṇṇaṃ, māṇavakaṃ adhārayiṃ;
Ekaṃ vatthaṃ mayā dinnaṃ, dvipadindassa tādino.
47. “Tañca dussaṃ paṭiggayha, buddho lokagganāyako;
Antalikkhe ṭhito satthā, imā gāthā abhāsatha.
48. “‘Iminā vatthadānena, cittassa paṇidhīhi ca;
Pahāya garuḷaṃ yoniṃ, devaloke ramissati’.
49. “Atthadassī tu bhagavā, lokajettho narāsabho;
Vatthadānaṃ pasaṃsitvā, pakkāmi uttarāmukho.
50. “Bhave nibbattamānamhi, honti me vatthasampadā;
Ākāse chadanaṃ hoti, vatthadānassidaṃ phalaṃ.
51. “Aruṇavā [aruṇakā (sī.), aruṇasā (syā.)] satta janā, cakkavattī mahabbalā;
Chattiṃsatimhi āsiṃsu, kappamhi manujādhipā.
52. “Paṭisambhidā catasso...pe... kataṃ buddhassa sāsaṇaṃ”.
Itthaṃ sudama āyasmā vatthadāyako thero imā gāthāyo abhāsithāti.

Vatthadāyakattherassāpadānaṃ sattamaṃ.

8. Ambadāyakattheraapadānaṃ

53. “Anomadassī bhagavā, nisinno pabbatantare;
Mettāya aphari loke, appamāṇe nirūpadhi.
54. “Kapi ahaṃ tadā āsiṃ, himavante naguttame;
Disvā anomadassiṃ taṃ [anomaṃ amitaṃ (sī.), anomamadhitāṃ (syā.)], buddhe cittaṃ
pasādayiṃ.
55. “Avidūre himavantassa, ambāsuṃ phalino tadā;
Tato pakkaṃ gahetvāna, ambaṃ samadhukaṃ adaṃ.
56. “Taṃ me buddho viyākāsi, anomadassī mahāmuni;
Iminā madhudānena, ambadānena cūbhayaṃ.
57. “Sattapaññāsakappamhi, devaloke ramissati;
Avasesesu kappesu, vokiṇṇaṃ saṃsarissati.
58. “Khepetvā pāpakaṃ kammaṃ, paripakkāya buddhiyā;
Vinipātamaḡantvāna, kilese jhāpayissati.
59. “Damena uttamenāhaṃ, damitomhi mahesinā;
Pattomhi acalaṃ ṭhānaṃ, hitvā jayaparājayaṃ.
60. “Sattasattatikappasate, ambaṭṭhajasanaṃmakā;
Catuddasa te rājāno, cakkavattī mahabbalā.

61. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ambadāyako thero imā gāthāyo abhāsithāti.

Ambadāyakattherassāpadānaṃ aṭṭhamaṃ.

9. Sumanattheraapadānaṃ

62. “Sumano nāma nāmena, mālākāro ahaṃ tadā;
Addasaṃ virajaṃ buddhaṃ, lokāhutipaṭiggahaṃ.
63. “Ubho hatthehi paggayha, sumanaṃ pupphamuttamaṃ;
Buddhassa abhiropesiṃ, sikhino lokabandhuno.
64. “Imāya pupphapūjāya, cetanāpaṇidhīhi ca;
Duggatiṃ nābhijānāmi, buddhapūjāyidaṃ phalaṃ.
65. “Ekattiṃse ito kappe, yaṃ pupphamabhiropayiṃ;
Duggatiṃ nābhijānāmi, buddhapūjāyidaṃ [pupphapūjāyidaṃ (sī.)] phalaṃ.
66. “Chabbīsatiṃhi kappamhi, cattārosuṃ mahāyasā;
Sattaratanasampannā, rājāno cakkavattino.
67. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sumano thero imā gāthāyo abhāsithāti.

Sumanattherassāpadānaṃ navamaṃ.

10. Pupphacaṅkoṭiyattheraapadānaṃ

68. “Abhītarūpaṃ sīhaṃva, garuḷaggaṃva pakkhinaṃ;
Byagghūsabhaṃva pavaram, abhijātaṃva kesariṃ.
69. “Sikhiṃ tilokasaraṇaṃ, anejaṃ aparājitaṃ;
Nisinaṃ samaṇānaggaṃ, bhikkhusaṅghapurakkhataṃ.
70. “Caṅkoṭake [caṅkoṭake (sī.)] ṭhapetvāna, anojaṃ pupphamuttamaṃ;
Saha caṅkoṭakeneva, buddhaseṭṭhaṃ samokiriṃ.
71. “Tena cittappasādena, dvipadinda narāsabha;
Pattomhi acalaṃ thānaṃ, hitvā jayaparājayaṃ.
72. “Ekattiṃse ito kappe, yaṃ kammamakariṃ tadā;
Duggatiṃ nābhijānāmi, buddhapūjāyidaṃ phalaṃ.
73. “Sampuṇṇe tiṃsakappamhi, devabhūṭisanāmakā;
Sattaratanasampannā, pañcāsuṃ cakkavattino.
74. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pupphacaṅkoṭiyo thero imā gāthāyo abhāsithāti.

Pupphacaṅkoṭiyattherassāpadānaṃ dasamaṃ.

Sakacintaniyavaggo sattamo.

Tassuddānaṃ –

Sakacintī avopupphī, sapaccāgamanena ca;
Parappasādī bhisado, sucinti vatthadāyako.

Ambadāyī ca sumano, pupphacaṅkoṭakīpi ca;
Gāthekasattati vuttā, gaṇitā atthadassibhi.

8. Nāgasamālavaggo

1. Nāgasamālattheraapadānaṃ

1. “Apāṭaliṃ ahaṃ pupphaṃ, ujjhitaṃ sumahāpathe;
Thūpamhi abhiropesiṃ, sikhino lokabandhuno.
2. “Ekattiṃse ito kappe, yaṃ kammamakarim tadā;
Duggatiṃ nābhijānāmi, thūpapūjāyidaṃ phalaṃ.
3. “Ito pannarase kappe, bhūmiyo [pupphiyo (syā.)] nāma khattiyo;
Sattaratanasampanno, cakkavattī mahabbalo.
4. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā nāgasamālo thero imā gāthāyo abhāsithāti.

Nāgasamālattherassāpadānaṃ paṭhamaṃ.

2. Padasaññakattheraapadānaṃ

5. “Akkantañca padaṃ disvā, tissassādiccabandhuno;
Haṭṭho haṭṭhena cittena, pade cittaṃ pasādayiṃ.
6. “Dvenavute ito kappe, yaṃ saññamalabhiṃ tadā;
Duggatiṃ nābhijānāmi, padasaññāyidaṃ phalaṃ.
7. “Ito sattamake kappe, sumedho nāma khattiyo;
Sattaratanasampanno, cakkavatī mahabbalo.
8. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā padasaññako thero imā gāthāyo abhāsithāti.

Padasaññakattherassāpadānaṃ dutiyaṃ.

3. Buddhasaññakattheraapadānaṃ

9. “Dumagge paṃsukūlikaṃ, laggaṃ disvāna satthuno;
Tato tamañjaliṃ katvā, paṃsukūlaṃ avandahaṃ.

10. “Dvenavute ito kappe, yaṃ kammamakariṃ tadā;
Duggatiṃ nābhijānāmi, buddhasaññāyidaṃ phalaṃ.
11. “Ito catutthake kappe, dumasārosi khattiyo;
Cāturanto vijitāvī, cakkavattī mahabbalo.
12. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā buddhasaññaako thero imā gāthāyo abhāsithāti.

Buddhasaññaakattherassāpadānaṃ tatiyaṃ.

4. Bhisāluvadāyakattheraapadānaṃ

13. “Kānanaṃ vanamogayha, vasāmi vipine ahaṃ;
Vipassiṃ addasaṃ buddhaṃ, āhutiṇaṃ paṭiggahaṃ.
14. “Bhisāluvañca pādāsīṃ, udakaṃ hatthadhovanaṃ;
Vanditvā sirasā pāde, pakkāmi uttarāmukho.
15. “Ekanavutito kappe, bhisāluvamadaṃ tadā;
Duggatiṃ nābhijānāmi, puññaakammassidaṃ phalaṃ.
16. “Ito tatiyake kappe, bhisasammatakhattiyo;
Sattaratanasampanno, cakkavattī mahabbalo.
17. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā bhisāluvadāyako thero imā gāthāyo abhāsithāti.

Bhisāluvadāyakattherassāpadānaṃ catutthaṃ.

Chaṭṭhabhāṇavāraṃ.

5. Ekasaññaakattheraapadānaṃ

18. “Khaṇḍo nāmāsi nāmena, vipassissaggasāvako;
Ekā bhikkhā mayā dinnā, lokāhutipaṭiggāhe.
19. “Tena cittappasādena, dvipadinda narāsabha;
Duggatiṃ nābhijānāmi, ekabhikkhāyidaṃ phalaṃ.
20. “Cattālīsamhito kappe, varuṇo nāma khattiyo;
Sattaratanasampanno, cakkavattī mahabbalo.
21. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ekasaññaako thero imā gāthāyo abhāsithāti.

Ekasaññaakattherassāpadānaṃ pañcamaṃ.

6. Tiṇasantharadāyakattheraapadānaṃ

22. “Himavantassāvidūre, mahājātassaro ahu;

Satapattehi sañchanno, nānāsakuṇamālayo.

23. “Tamhi nhatvā ca pitvā [pītvā (sī. syā.)] ca, avidūre vasāmahaṃ;
Addasaṃ samaṇānaggaṃ, gacchantāṃ anilañjase.
24. “Mama saṅkappamaññāya, satthā loke anuttaro;
Abbhato oruhitvāna, bhūmiyaṃṭhāsi tāvade.
25. “Visāṇena [lāyanena (syā.)] tiṇaṃ gayha, nisīdanamadāsahaṃ;
Nisīdi bhagavā tattha, tisso lokaggaṇāyako.
26. “Sakaṃ cittaṃ pasādetvā, avandi lokanāyakaṃ;
Paṭikuṭiko [ukkuṭiko (syā. ka.)] apasakkiṃ, nijjhāyanto mahāmunīṃ.
27. “Tena cittappasādena, nimmānaṃ upapajjahaṃ;
Duggatiṃ nābhijānāmi, santharassa idaṃ phalaṃ.
28. “Ito dutiyake kappe, miga [mitta (syā.)] sammatakhattiyo;
Sattaratanasampanno, cakkavattī mahabbalo.
29. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tiṇasantharadāyako thero imā gāthāyo abhāsithāti.

Tiṇasantharadāyakattherassāpadānaṃ chaṭṭhaṃ.

7. Sūcidāyakattheraapadānaṃ

30. “Tiṃsakappasahassamhi, sambuddho lokanāyako;
Sumedho nāma nāmena, bāttiṃsavaralakkhaṇo.
31. “Tassa kañcanaṇṇassa, dvipadindassa tādino;
Pañca sūcī mayā dinnā, sibbanatthāya cīvamaṃ.
32. “Teneva sūcidānena, nipuṇatthavipassakaṃ;
Tikkhaṃ lahuñca phāsuñca, ñāṇaṃ me udapajjatha.
33. “Kilesā jhāpitā mayhaṃ, bhavā sabbe samūhatā;
Dhāremi antimaṃ dehaṃ, sammāsambuddhasāsane.
34. “Dvipadādhipatī nāma, rājāno caturo ahuṃ;
Sattaratanasampannā, cakkavattī mahabbalā.
35. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sūcidāyako thero imā gāthāyo abhāsithāti.

Sūcidāyakattherassāpadānaṃ sattamaṃ.

8. Pāṭalipupphiyattheraapadānaṃ

36. “Suvaṇṇavaṇṇaṃ sambuddhaṃ, gacchantāṃ antarāpaṇe;
Kañcanagghiyasaṅkāsaṃ, bāttiṃsavaralakkhaṇaṃ.

37. “Seṭṭhiputto tadā āsiṃ, sukhumālo sukhedhito;
Ucchaṅge pāṭalipupphaṃ, katvāna [katvā taṃ (sī. syā.)] abhisamharim.
38. “Haṭṭho haṭṭhena cittena, pupphehi abhipūjayim;
Tissaṃ lokaviduṃ nāthaṃ, naradevaṃ namassahaṃ.
39. “Dvenavute ito kappe, yaṃ kammamakariṃ tadā;
Duggatiṃ nābhijānāmi, pupphapūjāyidaṃ phalaṃ.
40. “Ito tesaṭṭhikappamhi, abhisammatanāmako;
Sattaratanasampanno, cakkavattī mahabbalo.
41. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pāṭalipupphiyo thero imā gāthāyo abhāsithāti.

Pāṭalipupphiyattherassāpadānaṃ aṭṭhamaṃ.

9. Ṭhitañjaliyattheraapadānaṃ

42. “Migaluddo pure āsiṃ, araññe kānane ahaṃ;
Tattha addasaṃ [tathaddasāsiṃ (sī. syā.)] sambuddhaṃ, bāttimsavaralakkhaṇaṃ.
43. “Tatthāhaṃ añjaliṃ katvā, pakkāmiṃ pācināmukho;
Avidūre nisinnassa, niyake paṇṇasanthare.
44. “Tato me asanīpāto, matthake nipatī tadā;
Sohaṃ maraṇakālamhi, akāsiṃ punarañjaliṃ.
45. “Dvenavute ito kappe, añjaliṃ akariṃ tadā;
Duggatiṃ nābhijānāmi, añjalissa idaṃ phalaṃ.
46. “Catupaṇṇāsakappamhi, migaketusanāmako;
Sattaratanasampanno, cakkavattī mahabbalo.
47. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ṭhitañjaliyo thero imā gāthāyo abhāsithāti.

Ṭhitañjaliyattherassāpadānaṃ navamaṃ.

10. Tipadumiyattheraapadānaṃ

48. “Padumuttaro nāma jino, sabbadhammāna pāragū;
Danto dantaparivuto, nagarā nikkhamī tadā.
49. “Nagare haṃsavatiyaṃ, ahosiṃ mālika tadā;
Yaṃ tattha uttamaṃ toṇi, padmapupphāni [uttamaṃ pupphaṃ, tīṇi pupphāni (sī.)] aggahiṃ.
50. “Addasaṃ virajaṃ buddhaṃ, paṭimaggantarāpaṇe;
Saha [sohaṃ (sī.)] disvāna sambuddhaṃ, evaṃ cintesahaṃ tadā.
51. “Kiṃ me imehi pupphehi, rañño upanitehi me;

Gāmaṃ vā gāmakhettam vā, sahasam vā labheyyaṃ.

52. “Adantadamaṃ vīraṃ, sabbasattasukhāvahaṃ;
Lokaṇāthaṃ pūjayitvā, lacchāmi amataṃ dhaṃ.
53. “Evāhaṃ cintayitvāna, sakaṃ cittaṃ pasādayiṃ;
Tīṇi lohitake gayha, ākāse ukkhipiṃ tadā.
54. “Mayā ukkhittamattamhi, ākāse patthariṃsu te;
Dhāriṃsu matthake tattha, uddhaṃvaṇṭā adhomukhā.
55. “Ye keci manujā disvā, ukkuṭṭhiṃ sampavattayum;
Devatā antalikkhamhi, sādhuḥkāraṃ pavattayum.
56. “Accheraṃ loke uppannaṃ, buddhaseṭṭhassa vāhasā;
Sabbe dhammaṃ suṇissāma, pupphānaṃ vāhasā mayaṃ.
57. “Padumuttaro lokavidū, āhutiṇaṃ paṭiggaho;
Vīthiyaṇhi ṭhito santo, imā gāthā abhāsatha.
58. “Yo so buddhaṃ apūjesi, rattapadmehi [[rattapadumehi \(sī. syā.\)](#)] māṇavo;
Tamaṃ kittaṃsuṇissāmi, suṇātha mama bhāsato.
59. “Tiṃsakappasahassāni, devaloke ramissati;
Tiṃsakappāni [[tiṃsakkhattuṇca \(syā.\)](#)] devindo, devarajjaṃ karissati.
60. “Mahāvītthārikaṃ nāma, byamaṃ hessati tāvade;
Tiyojanasatubbiddhaṃ, diyaḍḍhasatavittathaṃ.
61. “Cattārisatasahassāni, niyyūhā ca sumāpitā;
Kūṭāgāravarūpetā, mahāsayanamaṇḍitā.
62. “Koṭṭisatasahassīyo, parivāressanti accharā;
Kusalā naccagītassa, vāditepi padakkhiṇā.
63. “Etādise byamhavare, nārīgaṇasamākule;
Vassissati pupphavasso, dibbo [[pada \(ka.\)](#)] lohitako sadā.
64. “Bhittikhīle nāgadante, dvārabāhāya toraṇe;
Cakkamattā lohitakā, olambissanti tāvade.
65. “Pattena pattasañchane, antobyamhavare imaṃ;
Attharivā pārupitvā, tuvaṭṭissanti tāvade.
66. “Bhavanaṃ parivāretvā, samantā satayojane;
Tepi padmā [[te visuddhā \(sī. syā.\)](#)] lohitakā, dibbagandhaṃ pavāyare.
67. “Pañcasattatikkhattuṇca, cakkavattī bhavissati;
Padesarajjaṃ vipulaṃ, gaṇanāto asaṅkhiyaṃ.
68. “Sampattiyo duve bhutvā, anīti anupaddavo;
Sampatte pariyoṣāne, nibbānaṃ pāpuṇissati’ [[phassayissati \(sī.\), passayissati \(ka.\)](#)].

69. “Suditt̄ho vata me buddho, vāṇijjaṃ supayojitaṃ;
Padmāni tīṇi pūjetvā, anubhosim̄ tisampadā [anubhūyanti sampadā (ka.)].
70. “Ajja me dhammappattassa, vip̄pamuttassa sabbaso;
Supupphitaṃ lohitaṃ, dhārayissati matthake.
71. “Mama kammaṃ kathentassa, padumuttarasatthuno;
Satapāṇasahassānaṃ, dhammābhisamayo ahu.
72. “Satasahassito kappe, yaṃ buddhamabhipūjayaṃ;
Duggatiṃ nābhijānāmi, tipadumānidaṃ phalaṃ.
73. “Kilesā jhāpitā mayhaṃ, bhavā sabbe samūhatā;
Sabbāsavā parikkhīṇā, natthi dāni punabbhavo.
74. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tipadumiyo thero imā gāthāyo abhāsitt̄hāti.

Tipadumiyattherassāpadānaṃ dasamaṃ.

Nāgasamālavaggo aṭṭhamo.

Tassuddānaṃ –

Nāgasamālo padasaññī, saññakāluvadāyako;
Ekasaññī tiṇasanthāro, sūcipāṭalipupphiyo;
Ṭhitañjalī tipadumī, gāthāyo pañcasattati.

9. Timiravaggo

1. Timirapupphiyattheraapadānaṃ

1. “Candabhāgānadīt̄re, anusotaṃ vajāmahaṃ;
Nisinnaṃ samaṇaṃ disvā, vippasannamanāvilaṃ.
2. “Tattha cittaṃ pasādetvā [pasādesim̄ (syā.)], evaṃ cintesahaṃ tadā;
Tārayissati tiṇṇoyaṃ, dantoyaṃ damayissati.
3. “Assāsissati assattho, santo ca samayissati;
Mocayissati mutto ca, nibbāpessati nibbuto.
4. “Evāhaṃ cintayitvāna, siddhatthassa mahesino;
Gahetvā timirapupphaṃ, matthake okiriṃ ahaṃ [tadā (syā.)].
5. “Añjaliṃ paggahetvāna, katvā ca naṃ padakkhiṇaṃ;
Vanditvā satthuno pāde, pakkāmiṃ aparaṃ disaṃ.
6. “Aciraṃ gatamattaṃ maṃ, mīgarājā viheṭṭhayi;
Papātamanugacchanta, tattheva papatiṃ ahaṃ.
7. “Catunnavutito kappe, yaṃ pupphamabhiropayaṃ;

Duggatiṃ nābhijānāmi, pupphapūjāyidaṃ [buddhapūjāyidaṃ (sī. syā.)] phalaṃ.

8. “Chappaññāsamhi kappamhi, sattevāsuṃ mahāyasā [mahārahā (syā. ka.)];
Sattaratanasampannā, cakkavattī mahabbalā.
9. “Paṭisambhidā catasso, vimokkhāpi ca aṭṭhime;
Chalabhiññā sacchikatā, kataṃ buddhassa sāsanaṃ”.

Itthaṃ sudamā āyasmā timirapupphiyo thero imā gāthāyo abhāsithāti.

Timirapupphiyattherassāpadānaṃ paṭhamam.

2. Gatasaññakattheraapadānaṃ

10. “Jātiyā sattavassohaṃ, pabbajim anagāriyaṃ;
Avandiṃ satthuno pāde, vippasannena cetasā.
 11. “Sattanaṅgalakīpupphe, ākāse ukkhipim ahaṃ;
Tissaṃ buddhaṃ samuddissa, anantaguṇasāgaraṃ.
 12. “Sugatānugataṃ maggaṃ, pūjetvā haṭṭhamānaso;
Añjaliṅca [añjalissa (ka.)] tadākāsim, pasanno sehi pāṇibhi.
 13. “Dvenavute ito kappe, yaṃ kammamakariṃ tadā;
Duggatiṃ nābhijānāmi, buddhapūjāyidaṃ phalaṃ.
 14. “Ito aṭṭhamake kappe, tayo aggisikhā ahu;
Sattaratanasampannā, cakkavattī mahabbalā.
 15. “Paṭisambhidā catasso...pe... kataṃ buddhassa sāsanaṃ”.
- Itthaṃ sudamā āyasmā gatasaññako thero imā gāthāyo abhāsithāti.

Gatasaññakattherassāpadānaṃ dutiyaṃ.

3. Nipannañjalikattheraapadānaṃ

16. “Rukkhamūle nisinnohaṃ, byādhito paramena ca;
Paramakāruññapattomhi, araññe kānane ahaṃ.
17. “Anukampaṃ upādāya, tisso satthā upesi maṃ;
Sohaṃ nipannako santo, sire katvāna añjalim.
18. “Pasannacitto sumano, sabbasattānamuttamaṃ;
Sambuddhaṃ abhivādetvā, tattha kālaṅkato ahaṃ.
19. “Dvenavute ito kappe, yaṃ vandim purisuttamaṃ;
Duggatiṃ nābhijānāmi, vandanāya idaṃ phalaṃ.
20. “Ito pañcamake kappe, pañcevāsuṃ mahāsikhā;
Sattaratanasampannā, cakkavattī mahabbalā.

21. “Paṭisambhidā catasso...pe... kataṃ buddhassa sāsanaṃ”.
Itthaṃ sudamañ āyasmā nipannañjaliko thero imā gāthāyo abhāsithāti.

Nipannañjalikattherassāpadānaṃ tatiyaṃ.

4. Adhopupphiyattheraapadānaṃ

22. “Abhibhū nāma so bhikkhu, sikhino aggasāvako;
Mahānubhāvo teviḷḷo, himavantaṃ upāgami.
23. “Ahampi himavantamhi, ramaṇīyassame isi;
Vasāmi appamaññāsu, iddhīsu ca tadā vasī.
24. “Pakkhijāto viyākāse, pabbataṃ adhvattayim [abhipatthayim (syā.), abhimatthayim (ka.),
adhivatthayinti pabbatassa upari gacchintiattho];
Adhopupphaṃ gahetvāna, āgacchim [agacchim (ka.)] pabbataṃ aham.
25. “Satta pupphāni gaṇhitvā, matthake okirim aham;
Ālokite [ālokito (syā.)] ca vīrena, pakkāmiṃ pācināmukho.
26. “Āvāsaṃ abhisambhosim, patvāna assamaṃ aham;
Khāribhāraṃ gahetvāna, pāyāsim [pāvisim (sī.)] pabbatantaram.
27. “Ajagara maṃ pīlesi, ghorarūpo mahabbalo;
Pubbakammaṃ saritvāna, tattha kālaṅkato aham.
28. “Ekattimse ito kappe, yaṃ pupphamabhiropayim;
Duggatim nābhijānāmi, pupphapūjāyidaṃ phalaṃ.
29. “Paṭisambhidā catasso...pe... kataṃ buddhassa sāsanaṃ”.
Itthaṃ sudamañ āyasmā adhopupphiyo thero imā gāthāyo abhāsithāti.

Adhopupphiyattherassāpadānaṃ catutthaṃ.

5. Raṃsisaññakattheraapadānaṃ

30. “Pabbate himavantamhi, vāsaṃ kappesahaṃ pure;
Ajinuttaravāsohaṃ, vasāmi pabbatantare.
31. “Suvaṇṇavaṇṇaṃ sambuddhaṃ, sataraṃsimva bhāṇumaṃ;
Vanantaragataṃ disvā, sālārājaṃva pupphitaṃ.
32. “Raṃsyā [raṃse (syā. ka.)] cittaṃ pasādetvā, vipassissa mahesino;
Paggayha añjaliṃ vandim, sirasā ukkuṭi [sirasā ukkuṭiko (syā.), sirasukkuṭiko (ka.)] aham.
33. “Ekanavutito kappe, yaṃ kammamakariṃ tadā;
Duggatim nābhijānāmi, raṃsisaññāyidaṃ phalaṃ.
34. “Paṭisambhidā catasso...pe... kataṃ buddhassa sāsanaṃ”.
Itthaṃ sudamañ āyasmā raṃsisaññako thero imā gāthāyo abhāsithāti.

Raṃsisaññakattherassāpadānaṃ pañcamamaṃ.

6. Dutiyaraṃsisaññakattheraapadānaṃ

35. “Pabbate himavantamhi, vākacīradharo ahaṃ;
Caṅkamañca samārūlho, nisīdiṃ pācināmukho.
36. “Pabbate sugataṃ disvā, phussaṃ jhānataṃ tadā;
Añjaliṃ paggahetvāna, raṃsyā cittaṃ pasādayiṃ.
37. “Dvenavute ito kappe, yaṃ saññamalabhiṃ tadā;
Duggatiṃ nābhijānāmi, raṃsisaññāyidaṃ phalaṃ.
38. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā raṃsisaññako thero imā gāthāyo abhāsithāti.

Dutiyaraṃsisaññakattherassāpadānaṃ chaṭṭhamaṃ.

7. Phaladāyakattheraapadānaṃ

39. “Pabbate himavantamhi, kharājīnadharo ahaṃ;
Phussaṃ jinavaraṃ disvā, phalahattho phalaṃ adamaṃ.
40. “Yamahaṃ phalamadāsiṃ, vippasannena cetasā;
Bhave nibbattamānamhi, phalaṃ nibbattate mama.
41. “Dvenavute ito kappe, yaṃ phalaṃ adadiṃ ahaṃ;
Duggatiṃ nābhijānāmi, phaladānassidaṃ phalaṃ.
42. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā phaladāyako thero imā gāthāyo abhāsithāti.

Phaladāyakattherassāpadānaṃ sattamaṃ.

8. Saddasaññakattheraapadānaṃ

43. “Pabbate himavantamhi, vasāmi paṇṇasanthare;
Phussassa dhammaṃ bhaṇato, sadde cittaṃ pasādayiṃ.
44. “Dvenavute ito kappe, yaṃ kammamakariṃ tadā;
Duggatiṃ nābhijānāmi, puññakammassidaṃ phalaṃ.
45. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā saddasaññako thero imā gāthāyo abhāsithāti.

Saddasaññakattherassāpadānaṃ aṭṭhamaṃ.

9. Bodhisīcakattheraapadānaṃ

46. “Vipassissa bhagavato, mahābodhimaho ahu;
Pabbajjupagato santo, upagacchiṃ ahaṃ tadā.

47. “Kusumodakamādāya, bodhiyā okiriṃ ahaṃ;
Mocayissati no mutto, nibbāpessati nibbuto.
48. “Ekanavutito kappe, yaṃ bodhimabhisiñcayim;
Duggatiṃ nābhijānāmi, bodhisiñcāyidaṃ phalaṃ.
49. “Tettiṃse vattamānamhi, kappe āsuṃ janādhipā;
Udakasecanā nāma, aṭṭhete cakkavattino.
50. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā bodhisiñcako thero imā gāthāyo abhāsithāti.

Bodhisiñcakattherassāpadānaṃ navamaṃ.

10. Padumapupphiyattheraapadānaṃ

51. “Pokkharavanaṃ pavitṭho, bhañjanto padumānihaṃ;
Tatthaddasaṃ phussaṃ buddhaṃ [addasaṃ phussasambuddhaṃ (sī. syā.)],
bāttiṃsavaralakkhaṇaṃ.
52. “Padumapupphaṃ gahetvāna, ākāse ukkhipiṃ ahaṃ;
Pāpakammaṃ saritvāna, pabbajiṃ anagāriyaṃ.
53. “Pabbajitvāna kāyena, manasā saṃvutena ca;
Vacīduccaritaṃ hitvā, ājīvaṃ parisodhayim.
54. “Dvenavute ito kappe, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalaṃ.
55. “Padumābhāsānāmā ca, aṭṭhārasa mahīpatī;
Aṭṭhārasesu kappesu, aṭṭhatālīsamāsisuṃ.
56. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā padumapupphiyo thero imā gāthāyo abhāsithāti;

Padumapupphiyattherassāpadānaṃ dasamaṃ.

Timiravaggo navamo.

Tassuddānaṃ –

Timiranaṅgalīpuppha, nippannañjaliko adho;
Dve raṃsisaññī phalado, saddasaññī ca secako;
Padmapupphī ca gāthāyo, chappaññāsa pakittitā.

10. Sudhāvaggo

1. Sudhāpiṇḍiyattheraapadānaṃ

1. “Pūjārahe pūjayato, buddhe yadi va sāvake;
Papañcasamatikkante, tiṇṇasokapariddave.

2. “Te tādise pūjayato, nibbute akutobhaye;
Na sakkā puññaṃ saṅkhātum, imettamapi [idammattanti (sī.), imetthamapi (ka.)] kenaci.
3. “Catunnamapi dīpānaṃ, issaraṃ yodha kāraye;
Ekissā pūjanāyetaṃ, kamaṃ nāgghati soḷasiṃ.
4. “Siddhatthassa naraggassa, cetiye phalitantare;
Sudhāpiṇḍo mayā dinno, vippasannena cetasā.
5. “Catunnavutito kappe, yaṃ kammamakariṃ tadā;
Duggatiṃ nābhijānāmi, paṭisaṅkhārassidaṃ phalaṃ.
6. “Ito tiṃsatikappamhi, paṭisaṅkhārasavhayā;
Sattaratanasampannā, terasa cakkavattino.
7. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā sudhāpiṇḍiyo thero imā gāthāyo abhāsithāti.

Sudhāpiṇḍiyattherassāpadānaṃ paṭhamam.

2. Sucintikattheraapadānaṃ

8. “Tissassa lokanāthassa, suddhapīṭhamadāsahaṃ;
Haṭṭho haṭṭhena cittena, buddhassādiccabandhuno.
9. “Aṭṭhārase [aṭṭhatimse (sī. syā.)] ito kappe, rājā āsiṃ mahāruci;
Bhogo ca vipulo āsi, sayanañca anappakaṃ.
10. “Pīṭhaṃ buddhassa datvāna, vippasannena cetasā;
Anubhomi sakaṃ kammaṃ, pubbe sukataṃmattano.
11. “Dvenavute ito kappe, yaṃ pīṭhamadadiṃ tadā;
Duggatiṃ nābhijānāmi, pīṭhadānassidaṃ phalaṃ.
12. “Aṭṭhatimse ito kappe, tayo te cakkavattino;
Ruci uparuci ceva, mahāruci tatiyako.
13. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sucintiko thero imā gāthāyo abhāsithāti.

Sucintikattherassāpadānaṃ dutiyam.

3. Aḍḍhadussakatttheraapadānaṃ

14. “Tissassāhaṃ bhagavato, upaḍḍhadussamadāsahaṃ;
Paramakāpaññapattomhi [paramakāruññapattomhi (syā. ka.)], duggatena [duggandhena (sī.)]
samappito.
15. “Upaḍḍhadussaṃ datvāna, kappam saggaṃ modahaṃ;

Avasesesu kappesu, kusalaṃ kāritaṃ mayā.

16. “Dvenavute ito kappe, yaṃ dussamadadiṃ tadā;
Duggatiṃ nābhijānāmi, dussadānassidaṃ phalaṃ.
17. “Ekūnapaññāsakappamhi [ekapaññāsakappamhi (syā.)], rājāno cakkavattino;
Samantacchadanā nāma, bāttiṃsāsūṃ [khattiyāsūṃ (syā. ka.)] janādhipā.
18. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā aḍḍhaceḷako thero imā gāthāyo abhāsithāti.

Aḍḍhaceḷakattherassāpadānaṃ tatiyaṃ.

4. Sūcidāyakaṭṭheraapadānaṃ

19. “Kammārohaṃ pure āsiṃ, bandhumāyaṃ puruttame;
Sūcidānaṃ mayā dinnaṃ, vipassissa mahesino.
20. “Vajiraggasamaṃ ñāṇaṃ, hoti kammena tādisaṃ;
Virāgomhi vimuttomhi [vibhavomhi vibhatomhi (ka.)], pattomhi āsavakkhayaṃ.
21. “Atīte ca bhava sabbe, vattamāne canāgate [atītā ca bhavā sabbe, vattamānā ca’ nāgatā (syā. ka.)];
Ñāṇena viciniṃ sabbaṃ, sūcidānassidaṃ phalaṃ.
22. “Ekanavutito kappe, sattāsūṃ vajiravhayā;
Sattaratanasampannā, cakkavattī mahabbalā.
23. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sūcidāyako thero imā gāthāyo abhāsithāti.

Sūcidāyakaṭṭherassāpadānaṃ catutthaṃ.

5. Gandhamāliyattheraapadānaṃ

24. “Siddhatthassa bhagavato, gandhathūpaṃ akāsahaṃ;
Sumanehi paṭicchannaṃ, buddhānucchavikaṃ kataṃ.
25. “Kañcanagghiyasaṅkāsāṃ, buddhaṃ lokagganāyakaṃ;
Indivaraṃva jalitaṃ, ādittaṃva hutāsanaṃ.
26. “Byagghūsabhaṃva pavaraṃ, abhijātaṃva kesariṃ;
Nisinnaṃ samañānaggaṃ, bhikkhusaṅghapurakkhataṃ.
27. “Vanditvā satthuno pāde, pakkāmiṃ uttarāmukho;
Catunnavutito kappe, gandhamālaṃ yato adamaṃ.
28. “Buddhe katassa kārassa, phalenāhaṃ visesato;
Duggatiṃ nābhijānāmi, buddhapūjāyidaṃ phalaṃ.
29. “Cattārīsamhi ekūne, kappe āsiṃsu soḷasa;

Devagandhasanāmā te, rājāno cakkavattino.

30. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā gandhamāliyo thero imā gāthāyo abhāsittḥāti.

Gandhamāliyattherassāpadānaṃ pañcamamaṃ.

6. Tipupphiyattheraapadānaṃ

31. “Migaluddo pure āsiṃ, araññe kānane ahaṃ [brahā (syā.)];
Pāṭaliṃ haritaṃ disvā, tīṇi pupphāni okiriṃ.
32. “Patitapattāni [sattapattāni (sī.), satapattāni (ka.), sukkhapaṇṇāni (syā.)] gaṇhitvā, bahi
chaḍḍesahaṃ tadā;
Antosuddhaṃ bahisuddhaṃ, suvimuttaṃ anāsavaṃ.
33. “Sammukhā viya sambuddhaṃ, vipassiṃ lokanāyakaṃ;
Pāṭaliṃ abhivādetvā, tattha kālaṅkato ahaṃ.
34. “Ekanavutito kappe, yaṃ bodhimabhipūjayiṃ;
Duggatiṃ nābhijānāmi, bodhipūjāyidaṃ phalaṃ.
35. “Samantapāsādikā nāma, terasāsimsu rājino;
Ito tettiṃsakappamhi [tiṃsatikappamhi (syā.)], cakkavattī mahabbalā.
36. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tipupphiyo thero imā gāthāyo abhāsittḥāti.

Tipupphiyattherassāpadānaṃ chaṭṭhaṃ.

7. Madhupiṇḍikattheraapadānaṃ

37. “Vipine [vivane (syā. aṭṭha.)] kānane disvā, appasadde nirākule;
Siddhatthaṃ isinaṃ seṭṭhaṃ, āhutīnaṃ paṭiggahaṃ.
38. “Nibbutattaṃ [nibbutaggaṃ (ka.), nibbūtikaṃ (syā.)] mahānāgaṃ, nisabhājāniyaṃ yathā;
Osadhiṃva virocantaṃ, devasaṅghanamassitaṃ.
39. “Vitti mamāhu tāvade [vitti me pāhunā tāva (sī. syā.)], ñāṇaṃ uppajji tāvade;
Vuṭṭhitassa samādhimhā, madhuṃ datvāna satthuno.
40. “Vanditvā satthuno pāde, pakkāmiṃ pācināmukho;
Catuttiṃsamhi kappamhi, rājā āsiṃ sudassano.
41. “Madhu bhisehi savati, bhojanamhi ca tāvade;
Madhuvassaṃ pavassittha, pubbakammassidaṃ phalaṃ.
42. “Catunnavutito kappe, yaṃ madhuṃ adadiṃ tadā;
Duggatiṃ nābhijānāmi, madhudānassidaṃ phalaṃ.
43. “Catuttiṃse ito kappe, cattāro te sudassanā;

Sattaratanasampannā, cakkavattī mahabbalā.

44. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā madhupiṇḍiko thero imā gāthāyo abhāsithāti.

Madhupiṇḍikattherassāpadānaṃ sattamaṃ.

8. Senāsanadāyakaṭṭheraapadānaṃ

45. “Siddhatthassa bhagavato, adāsiṃ paṇṇasantharaṃ;
Samantā upahāraṇca, kusumaṃ okiriṃ ahaṃ.
46. “Pāsādevaṃ guṇaṃ rammaṃ [pāsāde ca guhaṃ rammaṃ (syā.)], anubhomi mahārahaṃ;
Mahagghāni ca pupphāni, sayanebhisavanti me.
47. “Sayanehaṃ tuvaṭṭāmi, vicitte pupphasanthate;
Pupphavuṭṭhi ca sayane, abhivassati tāvade.
48. “Catunnavutito kappe, adāsiṃ paṇṇasantharaṃ;
Duggatiṃ nābhijānāmi, santharassa idaṃ phalaṃ.
49. “Tiṇasantharakā nāma, sattete cakkavattino;
Ito te pañcame kappe, uppajjiṃsu janādhipā.
50. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā senāsanadāyako thero imā gāthāyo abhāsithāti.

Senāsanadāyakaṭṭherassāpadānaṃ aṭṭhamaṃ.

9. Veyyāvaccakaṭṭheraapadānaṃ

51. “Vipassissa bhagavato, mahāpūgagaṇo ahu;
Veyyāvaccakaro āsiṃ, sabbakiccesu vāvaṭo [byāvaṭo (sī. syā.)].
52. “Deyyadhammo ca me natthi, sugatassa mahesino;
Avandiṃ satthuno pāde, vippasannena cetasā.
53. “Ekanavutito kappe, veyyāvaccamaṃ akāsahaṃ;
Duggatiṃ nābhijānāmi, veyyāvaccassidaṃ phalaṃ.
54. “Ito ca aṭṭhame kappe, rājā āsiṃ sucintito;
Sattaratanasampanno, cakkavattī mahabbalo.
55. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā veyyāvaccako thero imā gāthāyo abhāsithāti.

Veyyāvaccakaṭṭherassāpadānaṃ navamaṃ.

10. Buddhupaṭṭhākaṭṭheraapadānaṃ

56. “Vipassissa bhagavato, ahoṣiṃ saṅkhadhammako;

Niccupaṭṭhānāyuttomhi, sugatassa mahesino.

57. “Upaṭṭhānaphalaṃ passa, lokanāthassa tādino;
Saṭṭhitūriyasahassāni, parivārenti maṃ sadā.
58. “Ekanavutito kappe, upaṭṭhahiṃ mahāsiṃ;
Duggatiṃ nābhijānāmi, upaṭṭhānassidaṃ phalaṃ.
59. “Catuvīse [catunavute (syā.)] ito kappe, mahānigghosanāmakā;
Soḷasāsimsu rājāno, cakkavattī mahabbalā.
60. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā buddhupaṭṭhāko thero imā gāthāyo abhāsithāti.

Buddhupaṭṭhākattherassāpadānaṃ dasamaṃ.

Sudhāvaggo dasamo.

Tassuddānaṃ –

Sudhā sucinti ceḷaṅca, sūcī ca gandhamāliyo;
Tipupphiyo madhusenā, veyyāvacco cupaṭṭhako;
Samasaṭṭhi ca gāthāyo, asmiṃ vagge pakittitā.

Atha vagguddānaṃ –

Buddhavaggo hi paṭhamo, sīhāsani subhūti ca;
Kuṇḍadhāno upāli ca, bījanisakacinti ca.
Nāgasamālo timiro, sudhāvaggena te dasa;
Catuddasasatā gāthā, pañcapaññāsameva ca.

Buddhavaggadasakaṃ.

Paṭhamasatakaṃ samattaṃ.

11. Bhikkhadāyivaggo

1. Bhikkhadāyakattheraapadānaṃ

1. “Suvaṇṇavaṇṇaṃ sambuddhaṃ, āhutīnaṃ paṭiggahaṃ;
Pavarā [pavanā (syā.)] abhinikkhantaṃ, vanā nibbanamāgataṃ [vānā nibbānamāgataṃ (syā.)].
2. “Kaṭacchubhikkhaṃ pādāsiṃ, siddhatthassa mahesino;
Paññāya upasantassa, mahāvīrassa tādino.
3. “Padenānupadāyantaṃ [padenānupadāyanto (sī. syā.)], nibbāpente mahājanaṃ;
Uḷārā vitti me jātā, buddhe ādiccabandhuno [vitti me pāhunā tāva, buddhassādiccabandhuno (syā.)].
4. “Catunnavutito kappe, yaṃ dānamadadiṃ tadā;

Duggatiṃ nābhijānāmi, bhikkhādānassidaṃ phalaṃ.

5. “Sattāsītimhito kappe, mahāreṇu sanāmakā;
Sattaratanasampannā, sattete cakkavattino.
6. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā bhikkhadāyako thero imā gāthāyo abhāsithāti.

Bhikkhadāyakattherassāpadānaṃ paṭhamaṃ.

2. Nāṇasaññikattheraapadānaṃ

7. “Suvaṇṇavaṇṇaṃ sambuddhaṃ, nisabhājāniyaṃ yathā;
Tidhāpabhinnaṃ mātaṅgaṃ, kuṅjaraṃva mahesinaṃ.
 8. “Obhāsentāṃ disā sabbā, uḷurājaṃva pūritaṃ;
Rathiyaṃ paṭipajjantaṃ, lokajetthaṃ apassahaṃ.
 9. “Nāṇe cittaṃ pasādetvā, paggahetvāna añjaliṃ;
Pasannacitto sumano, siddhatthamabhivādayiṃ.
 10. “Catunnavutito kappe, yaṃ kammamakariṃ tadā;
Duggatiṃ nābhijānāmi, nāṇasaññāyidaṃ phalaṃ.
 11. “Tesattatimhito kappe, soḷasāsuṃ naruttamā;
Sattaratanasampannā, cakkavattī mahabbalā.
 12. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā nāṇasaññiko thero imā gāthāyo abhāsithāti.

Nāṇasaññikattherassāpadānaṃ dutiyaṃ.

3. Uppalahatthiyattheraapadānaṃ

13. “Tivarāyaṃ nivāsīhaṃ, ahosiṃ māliko tadā;
Addasaṃ virajaṃ buddhaṃ, siddhatthaṃ lokapūjitaṃ [lokanāyakaṃ (sī.)].
14. “Pasannacitto sumano, pupphahatthamadāsahaṃ;
Yattha yatthupapajjāmi, tassa kammaṃ vāhasā.
15. “Anubhomi phalaṃ iṭṭhaṃ, pubbe sukataṃmattano;
Parikkhitto sumallehi, pupphadānassidaṃ phalaṃ.
16. “Catunnavutito kappe, yaṃ pupphamabhiropayim;
Duggatiṃ nābhijānāmi, pupphapūjāyidaṃ [buddhapūjāyidaṃ (sī.)] phalaṃ.
17. “Catunnavutupādāya, ṭhapetvā vattamānakaṃ;
Pañcarājasatā tattha, najjasamasanāmakā [najjupamasanāmakā (sī. syā.)].

18. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā uppalahatthiyo thero imā gāthāyo abhāsithāti.

Uppalahatthiyattherassāpadānaṃ tatiyaṃ.

4. Padapūjakattheraapadānaṃ

19. “Siddhatthassa bhagavato, jātipupphamadāsahaṃ;
Pādesu satta pupphāni, hāsenokiritāni me.
20. “Tena kammenaṃ aḷḷa, abhibhomi narāmare;
Dhāremi antimaṃ dehaṃ, sammāsambuddhasāsane.
21. “Catunnavutito kappe, yaṃ pupphamabhiropayaṃ;
Duggatiṃ nābhijānāmi, pupphapūjāyidaṃ phalaṃ.
22. “Samantagandhanāmāsum, terasa cakkavattino;
Ito pañcamake kappe, cāturantā janādhipā.
23. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā padapūjako thero imā gāthāyo abhāsithāti.

Padapūjakattherassāpadānaṃ catutthaṃ.

5. Muṭṭhipupphiyattheraapadānaṃ

24. “Sudassanoti nāmena, mālākāro ahaṃ tadā;
Addasaṃ virajaṃ buddhaṃ, lokajetthaṃ narāsabhaṃ.
25. “Jātipupphaṃ gahetvāna, pūjayaṃ padumuttaraṃ;
Visuddhacakkhu sumano, dibbacakkhuṃ samajjhagaṃ.
26. “Etissā pupphapūjāya, cittassa paṇidhīhi ca;
Kappānaṃ satasahassaṃ, duggatiṃ nupapajjahaṃ.
27. “Soḷasāsimsu rājāno, devuttarasanāmakā;
Chattiṃsamhi ito kappe, cakkavattī mahabbalā.
28. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā muṭṭhipupphiyō thero imā gāthāyo abhāsithāti.

Muṭṭhipupphiyattherassāpadānaṃ pañcamam.

6. Udaḷḷapūjakattheraapadānaṃ

29. “Suvaṇṇavaṇṇaṃ sambuddhaṃ, gacchantaṃ anilañjase;
Ghatāsanaṃva jalitaṃ, ādittaṃva hutāsanaṃ.
30. “Pāṇinā udaḷḷaṃ gayha, ākāse ukkhipiṃ ahaṃ;
Sampaṭicchī mahāvīro, buddho kāruṇiko isi [mayi (syā.)].

31. “Antalikkhe ðhito satthā, padumuttaranāmako;
Mama saṅkappamaññāya, imaṃ gātham abhāsatha.
32. “Iminā dakadānena, pītiuppādanena ca;
Kappasatasahassampi, duggatiṃ nupapajjati’ [nupapajjasi (ka.)].
33. “Tena kamma dvipadinda, lokajettha narāsabha;
Pattomhi acalaṃ ðhānaṃ, hitvā jayaparājayaṃ.
34. “Sahassarājanāmena, tayo te cakkavattino;
Pañcasatthikappasate, cāturantā janādhipā.
35. “Paṭisambhidā catasso...pe... kataṃ buddhassa sāsanaṃ’’.
Itthaṃ sudaṃ āyasmā udakapūjako thero imā gāthāyo abhāsithāti.

Udakupūjakattherassāpadānaṃ chaṭṭhaṃ.

7. Naḷamāliyattheraapadānaṃ

36. “Padumuttarabuddhassa, lokajetthassa tādino;
Tiṇatthare nisinnassa, upasantassa tādino.
37. “Naḷamālaṃ gahetvāna, bandhitvā [bījivā (ka.)] bījanim ahaṃ;
Buddhassa upanāmesim, dvipadindassa tādino.
38. “Paṭiggahetvā sabbaññū, bījanim lokanāyako;
Mama saṅkappamaññāya, imaṃ gātham abhāsatha.
39. “Yathā me kāyo nibbāti, pariḷāho na vijjati;
Tattheva tividhaggīhi, cittaṃ tava vimuccatu’.
40. “Sabbe devā samāgacchuṃ, ye keci vananissitā;
Sossāma buddhavacanaṃ, hāsayantañca dāyakaṃ.
41. “Nisinno bhagavā tattha, devasaṅghapurakkhato;
Dāyakaṃ sampahaṃsento, imā gāthā abhāsatha.
42. “Iminā bījanidānena, cittassa paṇidhīhi ca;
Subbato nāma nāmena, cakkavattī bhavissati.
43. “Tena kammāvasesena, sukkamūlena codito;
Māluto nāma nāmena, cakkavattī bhavissati’.
44. “Iminā bījanidānena, sammānavipulena ca;
Kappasatasahassampi, duggatiṃ nupapajjati.
45. “Timsakappasahasamhi, subbatā aṭṭhatimsa te;
Ekūnatimsasahasase, aṭṭha mālutanāmakā.
46. “Paṭisambhidā catasso...pe... kataṃ buddhassa sāsanaṃ’’.
Itthaṃ sudaṃ āyasmā naḷamāliyo thero imā gāthāyo abhāsithāti.

Naḷamāliyattherassāpadānaṃ sattamaṃ.

Sattamabhāṇavāraṃ.

8. Āsanupaṭṭhāhakattheraapadānaṃ

47. “Kānanaṃ vanamogayha, appasaddaṃ nirākulaṃ;
Sīhāsaṇaṃ mayā dinnāṃ, atthadassissa tādino.
48. “Mālāhatthaṃ gahetvāna, katvā ca naṃ padakkhiṇaṃ;
Sattāraṃ payirupāsivā, pakkāmiṃ uttarāmukho.
49. “Tena kamma dvīpadinda, lokajēṭṭha narāsabha;
Sannibbāpemi [sandiṭṭhāpemi (ka.)] attānaṃ, bhavā sabbe samūhatā.
50. “Aṭṭhārasakappasate, yaṃ dānamadadiṃ tadā;
Duggatiṃ nābhijānāmi, sīhāsanassidaṃ phalaṃ.
51. “Ito sattakappasate, sannibbāpaka [sanniṭṭho nāma (ka.)] khattiyo;
Sattaratanasampanno, cakkavattī mahabbalo.
52. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā āsanupaṭṭhāhako thero imā gāthāyo abhāsithāti.

Āsanupaṭṭhāhakattherassāpadānaṃ aṭṭhamāṃ.

9. Biḷalidāyakattheraapadānaṃ

53. “Himavantassāvidūre, vasāmi paṇṇasanthare;
Ghāsesu gedhamāpanno, seyyasīlo cahaṃ [seyasīlovahaṃ (syā. ka.)] tadā.
54. “Khaṇantālu [khaṇamālu (syā.)] kalambāni, biḷalitakkalāni ca;
Kolaṃ bhallātaṃ billaṃ, āhatvā paṭiyāditaṃ.
55. “Padumuttaro lokavidū, āhutiṇaṃ paṭiggaho;
Mama saṅkappamaññāya, āgacchi mama santikaṃ.
56. “Upāgataṃ mahānāgaṃ, devadevaṃ narāsabhaṃ;
Biḷāliṃ paggahetvāna, pattamhi okiriṃ ahaṃ.
57. “Paribhuñji mahāvīro, tosayanto mamaṃ tadā;
Paribhuñjitvāna sabbaññū, imaṃ gāthaṃ abhāsatha.
58. “Sakaṃ cittaṃ pasādetvā, biḷāliṃ me adā tuvaṃ;
Kappānaṃ satahassaṃ, duggatiṃ nupapajjasi’.
59. “Carimaṃ vattate mayhaṃ, bhavā sabbe samūhatā;
Dhāremi antimaṃ dehaṃ, sammāsambuddhasāsane.
60. “Catupaññāsito kappe, sumekhaliyasavhayo;
Sattaratanasampanno, cakkavattī mahabbalo.

61. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā biḷālidāyako thero imā gāthāyo abhāsithāti.

Biḷālidāyakattherassāpadānaṃ navamaṃ.

10. Reṇupūjakattheraapadānaṃ

62. “Suvaṇṇavaṇṇaṃ sambuddhaṃ, sataraṃsiṃva bhāṇumaṃ;
Obhāsentaṃ disā sabbā, uḷurājaṃva pūritaṃ.

63. “Purakkhataṃ sāvakehi, sāgareheva medaniṃ;
Nāgaṃ paggayha reṇūhi, vipassissābhiropayiṃ.

64. “Ekanavutito kappe, yaṃ reṇumabhiropayiṃ;
Duggatiṃ nābhijānāmi, buddhapūjāyidaṃ phalaṃ.

65. “Paṇṇatālīsito kappe, reṇu nāmāsi khattiyo;
Sattaratanasampanno, cakkavattī mahabbalo.

66. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā reṇupūjako thero imā gāthāyo abhāsithāti.

Reṇupūjakattherassāpadānaṃ dasamaṃ.

Bhikkhadāyivaggo ekādasamo.

Tassuddānaṃ –

Bhikkhadāyī ñāṇasaññī, hatthiyo padapūjako;
Mutṭhipupphī udakado, naḷamāli upaṭṭhako;
Biḷālidāyī reṇu ca, gāthāyo cha ca saṭṭhi ca.

12. Mahāparivāravaggo

1. Mahāparivārakattheraapadānaṃ

1. “Vipassī nāma bhagavā, lokajetṭho narāsabho;
Aṭṭhasaṭṭhisahasseehi, pāvisi bandhumaṃ tadā.

2. “Nagarā abhinikkhamma, agamaṃ dīpacetiyaṃ;
Addasaṃ virajaṃ buddhaṃ, āhutaṃ paṭiggahaṃ.

3. “Cullāsītisahassāni, yakkhā mayhaṃ upantike;
Upaṭṭhahanti sakkaccaṃ [maṃ niccaṃ (ka.)], indaṃva tidasā gaṇā.

4. “Bhavanā abhinikkhamma, dussaṃ paggayhahaṃ tadā;
Sirasā abhivādesiṃ, tañcādāsiṃ mahesino.

5. “Aho buddho aho dhammo, aho no satthu sampadā;
Buddhassa ānubhāvena, vasudhāyaṃ pakampatha.

6. “Tañca acchariyaṃ disvā, abbhutaṃ lomahaṃsanaṃ;
Buddhe cittaṃ pasādemī, dvīpadindamhi tādine.
7. “Sohaṃ cittaṃ pasādetvā, dussaṃ datvāna satthuno;
Saraṇañca upāgacchiṃ, sāmacco saparijjaṇo.
8. “Ekanavutito kappe, yaṃ kammamakariṃ tadā;
Duggatiṃ nābhijānāmi, buddhapūjāyidaṃ phalaṃ.
9. “Ito pannarase kappe, soḷasāsuṃ suvāhanā [[soḷasāsimsu vāhano \(syā.\)](#)];
Sattaratanasampannā, cakkavattī mahabbalā.
10. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā mahāparivāraṅko thero imā gāthāyo abhāsithāti.

Mahāparivārattherassāpadānaṃ paṭhamam.

2. Sumaṅgalattheraapadānaṃ

11. “Atthadassī jinavaro, lokajetṭho narāsabho;
Vihārā abhinikkhamma, taḷākaṃ upasaṅkami.
12. “Nhatvā pitvā ca sambuddho, uttaritvekaṭṭhāro;
Aṭṭhāsi bhagavā tattha, vilokento disodisaṃ.
13. “Bhavane upaviṭṭhoḥaṃ, addasaṃ lokanāyakaṃ;
Haṭṭho haṭṭhena cittaṇa, apphoṭesiṃ ahaṃ tadā.
14. “Sataraṃsiṃva jotantaṃ, pabhāsantaṃva kañcanaṃ [[iminā pādadvayena purimapādadvayassa purato bhavitabbaṃ](#)];
Naccagīte payuttoḥaṃ, pañcaṅgatūriyamhi ca.
15. “Yaṃ yaṃ yonupapajjāmi, devattaṃ atha mānusaṃ;
Sabbe satte abhibhomi, vipulo hoti me yaso [[ayañca gāthā pariggahetigāthāya anantameva thātum yuttā](#)].
16. “Namo te purisājañña, namo te purisuttama;
Attānaṃ tosayitvāna, pare tosesi tvaṃ muni.
17. “Pariggahe [[pariggayha \(sī.\)](#), [pariggahitvā \(syā.\)](#), [pariggahena \(ka.\)](#)] nisīditvā, hāsaṃ katvāna
subbate;
Upaṭṭhahitvā sambuddhaṃ, tusitaṃ upapajjahaṃ.
18. “Soḷaseto kappasate, dvinavaekacintitā;
Sattaratanasampannā, cakkavattī mahabbalā.
19. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sumaṅgalo thero imā gāthāyo abhāsithāti.

Sumaṅgalattherassāpadānaṃ dutiyaṃ.

3. Saraṇagamaniyattheraapadānaṃ

20. “Ubhinnaṃ devarājūnaṃ, saṅgāmo samupaṭṭhito;
Ahosi samupabyūḷho [samupabbūḷho (sī.)], mahāghoso avattatha [pavattatha (sī.)].
21. “Padumuttaro lokavidū, āhutaṃ paṭiggaho;
Antalikkhe ṭhito satthā, saṃvejesi mahājanaṃ.
22. “Sabbe devā attamaṇā, nikkhattakavacāvudhā;
Sambuddhaṃ abhivādetvā, ekaggāsimsu tāvade.
23. “Mayhaṃ [amhaṃ (sī.)] saṅkappamaññāya, vācāsabhimudīrayi;
Anukampako lokavidū, nibbāpesi mahājanaṃ.
24. “Paduṭṭhacitto manujo, ekapāṇaṃ viheṭṭhayaṃ;
Tena cittappadosena, apāyaṃ upapajjati.
25. “Saṅgāmasīse nāgoṇa, bahū pāṇe viheṭṭhayaṃ;
Nibbāpetha sakaṃ cittaṃ, mā haññittho punappaṇaṃ.
26. “Dvinnampi yakkharājūnaṃ, senā sā vimhitā ahu [senāyo vimhitā ahū (sī.), senāpi samitā ahu (syā.)];
Saraṇaṅca upāgacchum, lokajeṭṭhaṃ sutādinaṃ.
27. “Saññāpetvāna janataṃ, padamuddhari [uddhari pana (sī. syā.)] cakkhumā;
Pekkhamaṇova devehi, pakkāmi uttarāmukho.
28. “Paṭṭhamaṃ saraṇaṃ gacchiṃ, dvipadindassa tādino;
Kappānaṃ satahassaṃ, duggatiṃ nupapajjahaṃ.
29. “Mahādubbināma ca, soḷasāsuṃ rathesabhā;
Tiṃsakappasahassamhi, rājāno cakkavattino.
30. “Paṭisambhidā catasso...pe... kataṃ buddhassa sāsaṇaṃ”.
Itthaṃ sudaṃ āyasmā saraṇagamaniyo thero imā gāthāyo abhāsītthāti.

Saraṇagamaniyattherassāpadānaṃ tatiyaṃ.

4. Ekāsaniyattheraapadānaṃ

31. “Varuṇo nāma nāmena, devarājā ahaṃ tadā;
Upaṭṭhahesiṃ sambuddhaṃ, sayoggabalavāhanaṃ.
32. “Nibbute lokanāthamhi, atthadassīnaruttame;
Tūriyaṃ sabbamādāya, agamaṃ bodhimuttamaṃ.
33. “Vāditeṇa ca naccena, sammatāḷasamāhito;
Sammukhā viya sambuddhaṃ, upaṭṭhiṃ bodhimuttamaṃ.

34. “Upaṭṭhahitvā taṃ bodhiṃ, dharaṇīruhapādapam;
Pallaṅkaṃ ābhujitvāna, tattha kālaṅkato ahaṃ.
35. “Sakakammābhiraḍḍhoham, pasanno bodhimuttame;
Tena cittappasādena, nimmānaṃ upapajjaham.
36. “Saṭṭhitūriyasahassāni, parivārenti maṃ sadā;
Manussesu ca devesu, vattamānaṃ bhavābhava.
37. “Tividhaggī nibbutā mayham, bhavā sabbe samūhatā;
Dhāremi antīmaṃ deham, sammāsambuddhasāsane [ayañca gāthā paṭisambhidā
catassetigāthāya ekasambandhā bhavitam yuttā].
38. “Subāhū nāma nāmena, catuttiṃsāsu khattiyā;
Sattaratanasampannā, pañcakappasate ito.
39. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā ekāsaniyo thero imā gāthāyo abhāsītthāti.

Ekāsaniyattherassāpadānaṃ catuttham.

5. Suvāṇṇapupphiyattheraapadānaṃ

40. “Vipassī nāma bhagavā, lokajeṭṭho narāsabho;
Nisīno janakāyassa, desesi amataṃ padaṃ.
41. “Tassāham dhammaṃ sutvāna, dvīpadindassa tādino;
Soṇṇapupphāni cattāri, buddhassa abhiropayim.
42. “Suvāṇṇacchadanaṃ āsi, yāvataṃ parisā tadā;
Buddhābhā ca suvaṇṇābhā, āloko vipulo ahu.
43. “Udaggacitto sumano, vedajāto katañjalī;
Vittisañjanano tesam, diṭṭhadhammasukhāvaho.
44. “Āyācitvāna sambuddham, vanditvāna ca subbatam;
Pāmojjaṃ janayitvāna, sakaṃ bhavanupāgamim.
45. “Bhavane upaviṭṭhoham, buddhaseṭṭham anussarim;
Tena cittappasādena, tusitaṃ upapajjaham.
46. “Ekanavutito kappe, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalam.
47. “Soḷasāsimsu rājāno, nemisammatanāmakā;
Tetālīse ito kappe, cakkavattī mahabbalā.
48. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā suvaṇṇapupphiyo thero imā gāthāyo abhāsītthāti.

Suvaṇṇapupphiyattherassāpadānaṃ pañcamam.

6. Citakapūjakattheraapadānaṃ

49. “Vasāmi rājāyatane, sāmacco saparijjano;
Parinibbute bhagavati, sikhino lokabandhuno.
50. “Pasannacitto sumano, citakaṃ agamāsahaṃ;
Tūriyaṃ tattha vādetvā, gandhamālaṃ samokiriṃ.
51. “Cītamhi pūjaṃ katvāna, vanditvā citakaṃ ahaṃ;
Pasannacitto sumano, sakaṃ bhavanupāgamiṃ.
52. “Bhavane upaviṭṭhoḥaṃ, citapūjaṃ anussariṃ;
Tena kammena dvipadinda, lokajetṭha narāsabha.
53. “Anubhotvāna sampattiṃ, devesu mānusesu ca;
Pattomhi acalaṃ ṭhānaṃ, hitvā jayaparājayaṃ.
54. “Ekattiṃse ito kappe, yaṃ pupphamabhiropayiṃ;
Duggatiṃ nābhijānāmi, citapūjāyidaṃ phalaṃ.
55. “Ekūnatiṃsakappamhi, ito soḷasa rājāno;
Uggatā nāma nāmena, cakkavattī mahabbalā.
56. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā citakapūjako thero imā gāthāyo abhāsithāti.

Citakapūjakattherassāpadānaṃ chaṭṭhaṃ.

7. Buddhasaññakattheraapadānaṃ

57. “Yadā vipassī lokaggo, āyusaṅkhāramossaji;
Pathavī sampakampittha, medanī jalamekhalā.
58. “Otataṃ vitthataṃ [otataṃ vitataṃ (syā.)] mayhaṃ, suvicittavaṭṭamsakaṃ [sucidittaṃ
papañcakaṃ (syā.)];
Bhavanampi pakampittha, buddhassa āyusaṅkhaye.
59. “Tāso mayhaṃ samuppanno, bhavane sampakampite;
Uppādo [uppāto (?)] nu kimatthāya, āloko vipulo ahu.
60. “Vessavaṇo idhāgamma, nibbāpesi mahājanaṃ;
Pāṇabhūte [pāṇabhutaṃ (syā.), pāṇabhūnaṃ (sī. ka.)] bhayaṃ natthi, ekaggā hotha samvutā
[sagāravā (syā.)].
61. “Aho buddho aho dhammo, aho no satthu sampadā;
Yasmīṃ uppajjamānamhi, pathavī [paṭhavī (sī. syā.)] sampakampati.
62. “Buddhānubhāvaṃ kittetvā, kappam saggamhi modahaṃ;
Avasesesu kappesu, kusalaṃ caritaṃ [karitaṃ (sī. syā.), kāritaṃ (ka.)] mayā.
63. “Ekanavutito kappe, yaṃ saññamalabhiṃ tadā;
Duggatiṃ nābhijānāmi, buddhasaññāyidaṃ phalaṃ.

64. “Ito cuddasakappamhi, rājā āsiṃ patāpavā;
Samito nāma nāmena, cakkavattī mahabbalo.
65. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā buddhasaññaako thero imā gāthāyo abhāsithāti.

Buddhasaññaakattherassāpadānaṃ sattamaṃ.

8. Maggasaññaakattheraapadānaṃ

66. “Padumuttarabuddhassa, sāvakā vanacārino;
Vippanaṭṭhā brahāraññe, andhāva anusuyyare [anusuyare (sī.)].
67. “Anussaritvā sambuddhaṃ, padumuttaranāyakaṃ;
Tassa te munino puttā, vippanaṭṭhā mahāvane.
68. “Bhavanā oruhitvāna, agamiṃ bhikkhusantikaṃ;
Tesaṃ maggañca ācikkhiṃ, bhojanañca adāsahaṃ.
69. “Tena kamma dvīpadinda, lokajēṭṭha narāsabha;
Jātiyā sattavassohaṃ, arahattamaṃpūṇiṃ.
70. “Sacakkhū nāma nāmena, dvādasa cakkavattino;
Sattaratanasampannā, pañcakappasate ito.
71. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā maggasaññaako thero imā gāthāyo abhāsithāti.

Maggasaññaakattherassāpadānaṃ aṭṭhamaṃ.

9. Paccupaṭṭhānasaññaakattheraapadānaṃ

72. “Atthadassimhi sugate, nibbute samanantarā;
Yakkhayoniṃ upapajjiṃ, yasaṃ patto cahaṃ tadā.
73. “Dulladdhaṃ vata me āsi, duppabhātaṃ duruṭṭhitaṃ;
Yaṃ me bhoge vijjamāne, parinibbāyi cakkhumā.
74. “Mama saṅkappamaññāya, sāgaro nāma sāvako;
Mamuddharitukāmo so, āgacchi mama santikaṃ.
75. “Kiṃ nu socasi mā bhāyi, cara dhammaṃ sumedhasa;
Anupadinnā buddhena, sabbesaṃ bījasampadā.
76. “So ce pūjeyya sambuddhaṃ, tiṭṭhantaṃ lokanāyakaṃ;
Dhātuṃ sāsapamattampi, nibbutassāpi pūjaye.
77. “Same cittappasādami, samaṃ puññaṃ mahaggataṃ;
Tasmā thūpaṃ karitvāna, pūjehi jinadhātuyo.
78. “Sāgarassa vaco sutvā, buddhathūpaṃ akāsahaṃ;

Pañcavasse paricarim, munino thūpamuttamaṃ.

79. “Tena kamma dvipadinda, lokajettha narāsabha;
Sampattim anubhotvāna, arahattamapāpuṇim.
80. “Bhūripañña ca cattāro, sattakappasate ito;
Sattaratanasampannā, cakkavattī mahabbalā.
81. “Paṭisambhidā catasso...pe... kamaṃ buddhassa sāsanaṃ”.
Itthaṃ sudaṃ āyasmā paccupaṭṭhānasaññaako thero imā gāthāyo abhāsithāti.

Paccupaṭṭhānasaññakattherassāpadānaṃ navamaṃ.

10. Jātipūjakattheraapadānaṃ

82. “Jāyantassa vipassissa, āloko vipulo ahu;
Pathavī ca pakampittha, sasāgarā sapabbatā.
83. “Nemittā ca viyākaṃsu, buddho loke bhavissati;
Aggo ca sabbasattānaṃ, janataṃ uddharissati.
84. “Nemittānaṃ suṇitvāna, jātipūjamakāsahaṃ;
Edisā pūjanā natthi, yādisā jātipūjanā.
85. “Saṅkharitvāna [saṃharitvāna (sī. syā.), saṅkaritvāna (ka.)]
Kusalaṃ, sakaṃ cittaṃ pasādayim.

Jātipūjaṃ karitvāna, tattha kālaṅkato ahaṃ.

86. “Yaṃ yaṃ yonupapajjāmi, devattaṃ atha mānusaṃ;
Sabbe satte abhibhomi, jātipūjāyidaṃ phalaṃ.
87. “Dhātiyo maṃ upaṭṭhanti, mama cittavasānugā;
Na tā sakkonti kopetaṃ, jātipūjāyidaṃ phalaṃ.
88. “Ekanavutito kappe, yaṃ pūjamakarim tadā;
Duggatiṃ nābhijānāmi, jātipūjāyidaṃ phalaṃ.
89. “Supāricariyā nāma, catuttiṃsa janādhipā;
Ito tatiyakappamhi, cakkavattī mahabbalā.
90. “Paṭisambhidā catasso...pe... kamaṃ buddhassa sāsanaṃ”.
Itthaṃ sudaṃ āyasmā jātipūjako thero imā gāthāyo abhāsithāti.

Jātipūjakattherassāpadānaṃ dasamaṃ.

Mahāparivāravaggo dvādasamo.

Tassuddānaṃ –

Parivārasumaṅgalā, saraṇāsanaupphiyā;

Citapūjī buddhasaññī, maggupaṭṭhānajatīnā;
Gāthāyo navuti vuttā, gaṇitāyo vibhāvīhi.

13. Sereyyavaggo

1. Sereyyakattheraapadānaṃ

1. “Ajjhāyako mantadharo, tiṇṇaṃ vedāna pāragū;
Abbhokāse ṭhito santo, addasaṃ lokanāyakaṃ.
2. “Sīhaṃ yathā vanacaraṃ, byaggharājaṃva nittasaṃ;
Tidhāpabhinnamātaṅgaṃ, kuñjaraṃva mahesinaṃ.
3. “Sereyyakaṃ gahetvāna, ākāse ukkhipiṃ [nikkhipiṃ (ka.)] ahaṃ;
Buddhassa ānubhāvena, parivārenti sabbaso [sabbato (sī.).]
4. “Adhiṭṭhahi mahāvīro, sabbaññū lokanāyako;
Samantā pupphacchadanā, okiriṃsu narāsabhaṃ.
5. “Tato sā pupphakañcukā, antovaṇṭā bahimukhā;
Sattāhaṃ chadanaṃ katvā, tato antaradhāyatha.
6. “Tañca acchariyaṃ disvā, abbhutaṃ lomahaṃsanaṃ;
Buddhe cittaṃ pasādesiṃ, sugate lokanāyake.
7. “Tena cittappasādena, sukkamūlena codito;
Kappānaṃ satasahassaṃ, duggatiṃ nupapajjahaṃ.
8. “Pannarasasahassamhi, kappānaṃ pañcavīsati;
Vītamalā [cittamālā (sī.), vilāmālā (syā.)] samānā ca, cakkavattī mahabbalā.
9. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudama āyasmā sereyyako thero imā gāthāyo abhāsittthāti.

Sereyyakattherassāpadānaṃ paṭhamaṃ.

2. Pupphathūpiyattheraapadānaṃ

10. “Himavantassāvidūre, kukkuro nāma [kukkuṭo nāma (sī.)] pabbato;
Vemajjhe tassa vasati, brāhmaṇo mantapāragū.
11. “Pañca sissasahassāni, parivārenti maṃ sadā;
Pubbuṭṭhāyī ca te āsum, mantesu ca visāradā.
12. “Buddho loke samuppanno, taṃ vijānātha no bhavaṃ;
Asītibyañjanānassa, bāttiṃsavalarakkhaṇā.
13. “Byāmapabho jinavaro, ādiccova virocati;
Sissānaṃ vacanaṃ sutvā, brāhmaṇo mantapāragū.

14. “Assamā abhinikkhamma, disaṃ pucchati sissake [brāhmaṇo (syā.)];
Yamhi dese mahāvīro, vasati lokanāyako.
15. “Tāhaṃ disaṃ namassissaṃ, jinaṃ appaṭipuggalaṃ;
Udaggacitto sumano, pūjesiṃ taṃ tathāgataṃ.
16. “Ethā sissā gamissāma, dakkhissāma tathāgataṃ;
Vanditvā satthuno pāde, sossāma jinasāsanam.
17. “Ekāhaṃ abhinikkhamma, byādhiṃ paṭilabhiṃ ahaṃ;
Byādhiṇā pīlito santo, sālaṃ vāsayaṭṭhaṃ gamiṃ.
18. “Sabbe sisse samānetvā, apucchim te tathāgataṃ;
Kīdisaṃ lokanāthassa, guṇaṃ paramabuddhino.
19. “Te me puṭṭhā viyākaṃsu, yathā dassāvino tathā;
Sakkaccaṃ buddhaseṭṭhaṃ taṃ, desesaṃ [dassesuṃ (sī. syā.)] mama sammukhā.
20. “Tesāhaṃ vacanaṃ sutvā, sakaṃ cittaṃ pasādayiṃ;
Pupphehi thūpaṃ katvāna, tattha kālaṅkato ahaṃ.
21. “Te me sarīraṃ jhāpetvā, agamaṃ buddhasantikaṃ;
Añjaliṃ paggahetvāna, satthāramabhivādayuṃ.
22. “Pupphehi thūpaṃ katvāna, sugatassa mahesino;
Kappānaṃ satahassaṃ, duggatiṃ nupapajjahaṃ.
23. “Cattālīsahassamhi, kappe soḷasa khattiyā;
Nāmenaggisamā nāma, cakkavattī mahabbalā.
24. “Vīsakappasahassamhi, rājāno cakkavattino;
Ghatāsanāsanāmāva, aṭṭhattiṃsa mahīpatī.
25. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā pupphathūpiyo thero imā gāthāyo abhāsittāti.

Pupphathūpiyattherassāpadānaṃ dutiyaṃ.

3. Pāyasadāyakaṭṭharaapadānaṃ

26. Suvaṇṇavaṇṇaṃ ...pe... purakkhataṃ-evaṃ dutiyantavasena sī. syā. potthakesu dissati>
“suvaṇṇavaṇṇo sambuddho, bāttiṃsavaralakkhaṇo;
Pavanā [padhāno (ka.)] abhinikkhanto, bhikkhusaṅghapurakkhato [suvaṇṇavaṇṇaṃ ...pe...
purakkhataṃ-evaṃ dutiyantavasena sī. syā. potthakesu dissati].
27. “Mahaccā [sahattā (syā. ka.)] kaṃsapātiyā, vaḍḍhetvā pāyasaṃ [pāyāsaṃ (syā. ka.)] ahaṃ;
Āhutiṃ yitthukāmo so, upanesiṃ baliṃ ahaṃ.
28. “Bhagavā tamhi samaye, lokajettho narāsabho;
Caṅkamaṃ susamārūḷho, ambare anilāyane.
29. “Taṅca acchariyaṃ disvā, abbhutaṃ lomahaṃsanam;

Ṭhapyaitvā kamsapātiṃ, vipassim̃ abhivādayim̃.

30. “Tuvaṃ devosi [buddhosi (syā.)] sabbaññū, sadeve sahamānuse;
Anukampaṃ upādāya, paṭigaṇha mahāmuni.
31. “Paṭiggahesi bhagavā, sabbaññū lokanāyako;
Mama saṅkappamaññāya, satthā loke mahāmuni [anuttaro (syā.)].
32. “Ekanavutito kappe, yaṃ dānamadadiṃ tadā;
Duggatiṃ nābhijānāmi, pāyasassa [pāyāsassa (syā. ka.)] idaṃ phalaṃ.
33. “Ekatālīsito kappe, buddho nāmāsi khattiyo;
Sattaratanasampanno, cakkavattī mahabbalo.
34. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pāyasadāyako [pāyāsadāyako (syā. ka.)] thero imā gāthāyo abhāsittthāti.

Pāyasadāyakattherassāpadānaṃ tatiyaṃ.

4. Gandhodakiyattheraapadānaṃ

35. “Nisajja pāsādavare, vipassim̃ addasaṃ jinaṃ;
Kakudhaṃ vilasantaṃva, sabbaññuṃ tamanāsakaṃ [sabbaññuttamanāyakaṃ (syā.),
sabbaññutamanāsavaṃ (ka.)].
36. “Pāsādassāvidūre ca, gacchati lokanāyako;
Pabhā niddhāvate tassa, yathā ca sataraṃsino.
37. “Gandhodakañca paggayha, buddhaseṭṭhaṃ samokiriṃ;
Tena cittappasādena, tattha kālaṅkato ahaṃ.
38. “Ekanavutito kappe, yaṃ gandhodakamākiriṃ;
Duggatiṃ nābhijānāmi, buddhapūjāyidaṃ phalaṃ.
39. “Ekattim̃se ito kappe, sugandho nāma khattiyo;
Sattaratanasampanno, cakkavattī mahabbalo.
40. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā gandhodakiyo thero imā gāthāyo abhāsittthāti.

Gandhodakiyattherassāpadānaṃ catutthaṃ.

5. Sammukhāthavikattheraapadānaṃ

41. “Jāyamāne vipassimhi, nimittaṃ byākarim̃ ahaṃ;
‘Nibbāpayiṅca [nibbāpayam̃ ca (sī. syā.), nibbāpayanto (?)] janataṃ, buddho loke bhavissati.
42. “Yasmiṅca jāyamānasmiṃ, dasasahassi kampati;
So dāni bhagavā satthā, dhammaṃ deseti cakkhumā.
43. “Yasmiṅca jāyamānasmiṃ, āloko vipulo ahu;

So dāni bhagavā satthā, dhammaṃ deseti cakkhumā.

44. “‘Yasmiñca jāyamānasmim, saritāyo na sandayuṃ [[sandisuṃ \(sī. syā.\)](#)];
So dāni bhagavā satthā, dhammaṃ deseti cakkhumā.
45. “‘Yasmiñca jāyamānasmim, avīcaggi na pajjali;
So dāni bhagavā satthā, dhammaṃ deseti cakkhumā.
46. “‘Yasmiñca jāyamānasmim, pakkhisāṅgho na saṃcari;
So dāni bhagavā satthā, dhammaṃ deseti cakkhumā.
47. “‘Yasmiñca jāyamānasmim, vātakkhandho na vāyati;
So dāni bhagavā satthā, dhammaṃ deseti cakkhumā.
48. “‘Yasmiñca jāyamānasmim, sabbaratanāni jotayuṃ [[jotisuṃ \(sī. syā.\)](#)];
So dāni bhagavā satthā, dhammaṃ deseti cakkhumā.
49. “‘Yasmiñca jāyamānasmim, sattāsuṃ padavikkamā;
So dāni bhagavā satthā, dhammaṃ deseti cakkhumā.
50. “‘Jātamatto ca sambuddho, disā sabbā vilokayi;
Vācāsabhimudīresi, esā buddhāna dhammatā’.
51. “‘Saṃvejyitvā janataṃ, thavitvā lokanāyakaṃ;
Sambuddhaṃ abhivādetvā, pakkāmiṃ pācināmukho.
52. “‘Ekanavutito kappe, yaṃ buddhamabhithomayiṃ;
Duggatiṃ nābhijānāmi, thomanāya idaṃ phalaṃ.
53. “‘Ito navutikappamhi, sammukhāthavikavhaya;
Sattaratanasampanno, cakkavattī mahabbalo.
54. “‘Pathavīdubhi nāma [[duddasi nāma \(ka.\)](#)], ekūnanavutimhito;
Sattaratanasampanno, cakkavattī mahabbalo.
55. “‘Aṭṭhāsītīmhito kappe, obhāso nāma khattiyo;
Sattaratanasampanno, cakkavattī mahabbalo.
56. “‘Sattāsītīmhito kappe, saritacchedanavhaya;
Sattaratanasampanno, cakkavattī mahabbalo.
57. “‘Agginibbāpano nāma, kappānaṃ chaḷasītiyā;
Sattaratanasampanno, cakkavattī mahabbalo.
58. “‘Gatipacchedano nāma, kappānaṃ pañcasītiyā;
Sattaratanasampanno, cakkavattī mahabbalo.
59. “‘Rājā vātasamo nāma, kappānaṃ cullasītiyā;
Sattaratanasampanno, cakkavattī mahabbalo.
60. “‘Ratanapajjalo nāma, kappānaṃ teasītiyā;
Sattaratanasampanno, cakkavattī mahabbalo.

61. “Padavikkamano nāma, kappānaṃ dveasītiyā;
Sattaratanasampanno, cakkavattī mahabbalo.
62. “Rājā vilokano nāma, kappānaṃ ekasītiyā;
Sattaratanasampanno, cakkavattī mahabbalo.
63. “Girasāroti nāmena, kappesītimhi khattiyo;
Sattaratanasampanno, cakkavattī mahabbalo.
64. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sammukhāthaviko thero imā gāthāyo abhāsithāti.

Sammukhāthavikattherassāpadānaṃ pañcamam.

6. Kusumāsaniyattheraapadānaṃ

65. “Nagare dhaññavatiyā, ahosiṃ brāhmaṇo tadā;
Lakkhaṇe itihāse ca, sanighaṇḍusakeṭubhe.
66. “Padako veyyākaraṇo, nimittakovido ahaṃ;
Mante ca sisse vācesim, tiṇṇaṃ vedāna pāragū.
67. “Pañca uppalahatthāni, piṭṭhiyaṃ ṭhapitāni me;
Āhutiṃ yiṭṭhukāmohaṃ, pītumātusamāgame.
68. “Tadā vipassī bhagavā, bhikkhusaṅghapurakkhato;
Obhāsento disā sabbā, āgacchati narāsabho.
69. “Āsanaṃ paññapetvāna, nimantetvā mahāmuniṃ;
Santharivāna taṃ pupphaṃ, abhinesim sakaṃ gharaṃ.
70. “Yaṃ me atthi sake gehe, āmisam paccupaṭṭhitam;
Tāham buddhassa pādāsīm, pasanno sehi pāṇibhi.
71. “Bhuttāvim kālamaññāya, pupphahatthamadāsahaṃ;
Anumoditvāna sabbaññū, pakkāmi uttarāmukho.
72. “Ekanavutito kappe, yaṃ pupphamadadiṃ tadā;
Duggatiṃ nābhijānāmi, pupphadānassidaṃ phalaṃ.
73. “Anantaram ito kappe, rājāhuṃ varadassano;
Sattaratanasampanno, cakkavattī mahabbalo.
74. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kusumāsaniyo thero imā gāthāyo abhāsithāti.

Kusumāsaniyattherassāpadānaṃ chaṭṭham.

7. Phaladāyakattheraapadānaṃ

75. “Ajjhāyako mantadharo, tiṇṇaṃ vedāna pāragū;

Himavantassāvidūre, vasāmi assame ahaṃ.

76. “Aggihuttañca me atthi, puṇḍarīkaphalāni ca;
Puṭake nikkhipitvāna, dumagge laggitaṃ mayā.
77. “Padumuttaro lokavidū, āhutaṃ paṭiggaho;
Mamuddharitukāmo so, bhikkhanto mamupāgami.
78. “Pasannacitto sumano, phalaṃ buddhassadāsahaṃ;
Vittisañjanano mayhaṃ, diṭṭhadhammasukhāvaho.
79. “Suvaṇṇavaṇṇo sambuddho, āhutaṃ paṭiggaho;
Antalikkhe ṭhito satthā, imaṃ gāthaṃ abhāsatha.
80. ““Iminā phaladānena, cetanāpaṇidhīhi ca;
Kappānaṃ satahassaṃ, duggatiṃ nupapajjasi’.
81. “Teneva sukkamūlena, anubhotvāna sampadā;
Pattomhi acalaṃ ṭhānaṃ, hitvā jayaparājayaṃ.
82. “Ito sattasate kappe, rājā āsiṃ sumaṅgalo;
Sattaratanasampanno cakkavattī mahabbalo.
83. “Paṭisambhidā catasso...pe... kataṃ buddhassa sāsanaṃ’’.
Itthaṃ sudaṃ āyasmā phaladāyako thero imā gāthāyo abhāsithāti.

Phaladāyakattherassāpadānaṃ sattamaṃ.

8. Ñāṇasaññikattheraapadānaṃ

84. “Pabbate himavantamhi, vasāmi pabbatantare;
Pulinaṃ sobhanaṃ disvā, buddhaseṭṭhaṃ anussariṃ.
85. “Ñāṇe upanidhā natthi, saṅkhāraṃ [saṅgāmaṃ (sī. syā.), saṅkhātaṃ (theragāthā aṭṭha.)] natthi
satthuno;
Sabbadhammaṃ abhiññāya, ñāṇena adhimuccati.
86. “Namo te purisājañña, namo te purisuttama;
Ñāṇena te samo natthi, yāvataṃ ñāṇamuttamaṃ.
87. “Ñāṇe cittaṃ pasādetvā, kappāṃ saggamhi modahaṃ;
Avasesesu kappesu, kusalaṃ caritaṃ [karitaṃ (sī. syā.), kiriyaṃ (ka.)] mayā.
88. “Ekanavutito kappe, yaṃ saññamalabhiṃ tadā;
Duggatiṃ nābhijānāmi, ñāṇasaññāyidaṃ phalaṃ.
89. “Ito sattatikappamhi [tesattatikappe (sī. syā.)], eko pulinapupphiyo;
Sattaratanasampanno, cakkavattī mahabbalo.
90. “Paṭisambhidā catasso...pe... kataṃ buddhassa sāsanaṃ’’.
Itthaṃ sudaṃ āyasmā ñāṇasaññiko thero imā gāthāyo abhāsithāti.

Ñāṇasaññikattherassāpadānaṃ aṭṭhamāṃ.

9. Gaṇṭhipupphiyattheraapadānaṃ

91. “Suvaṇṇavaṇṇo sambuddho, vipassī dakkhiṇāraho;
Purakkhato sāvakehi, āramā abhinikkhami.
92. “Disvānaḥaṃ buddhaseṭṭhaṃ, sabbaññuṃ tamanāsakaṃ;
Pasannacitto sumano, gaṇṭhipupphaṃ [[gatamaggam \(syā. ka.\)](#)] apūjayiṃ.
93. “Tena cittappasādena, dvipadindassa tādino;
Haṭṭho haṭṭhena cittena, puna vandiṃ tathāgataṃ.
94. “Ekanavutito kappe, yaṃ pupphaṃ abhiropayim;
Duggatiṃ nābhijānāmi, buddhapūjāyidaṃ phalaṃ.
95. “Ekatalīsito kappe, caraṇo nāma khattiyo;
Sattaratanasampanno, cakkavattī mahabbalo.
96. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā gaṇṭhipupphiyō [[gandhapupphiyō \(syā. ka.\)](#)] thero imā gāthāyo abhāsittāti.

Gaṇṭhipupphiyattherassāpadānaṃ navamaṃ.

10. Padumapūjakattheraapadānaṃ

97. “Himavantassāvidūre, gotamo nāma pabbato;
Nānārukkhehi sañchanno, mahābhūtagaṇālayo.
98. “Vemajjhamhi ca tassāsi, assamo abhinimmitto;
Purakkhato sasissehi, vasāmi assame ahaṃ.
99. “Āyantu me sissagaṇā, padumaṃ āharantu me;
Buddhapūjaṃ karissāmi, dvipadindassa tādino.
100. “Evanti te paṭissutvā, padumaṃ āharimṣu me;
Tathā nimittaṃ katvāhaṃ, buddhassa abhiropayim.
101. “Sisse tadā samānetvā, sādhuḥkaṃ anusāsahaṃ;
Mā kho tumhe pamajjittha, appamādo sukhāvaho.
102. “Evaṃ samanūsāsivā, te sisse vacanakkhame;
Appamādaguṇe yutto, tadā kālaṅkato ahaṃ.
103. “Ekanavutito kappe, yaṃ pupphaṃ abhiropayim;
Duggatiṃ nābhijānāmi, buddhapūjāyidaṃ phalaṃ.
104. “Ekapaññāsakappamhi, rājā āsiṃ jaluttamo;
Sattaratanasampanno, cakkavattī mahabbalo.
105. “Paṭisambhidā catasso...pe... kataṃ buddhassa sāsanaṃ”.

Itthaṃ sudaṃ āyasmā padumapūjako thero imā gāthāyo abhāsithāti;

Padumapūjakattherassāpadānaṃ dasamaṃ.

Sereyyavaggo terasamo.

Tassuddānaṃ –

Sereyyako pupphathūpi, pāyaso gandhathomako;
Āsani phalasaññī ca, gaṇṭhipadumapupphiyo;
Pañcuttarasatā gāthā, gaṇitā atthadassibhi.

14. Sobhitavaggo

1. Sobhitattheraapadānaṃ

1. “Padumuttaro nāma jino, lokajettho narāsabho;
Mahato janakāyassa, deseti amataṃ padaṃ.
2. “Tassāhaṃ vacanaṃ sutvā, vācāsabhimudīritaṃ [[vācāsabhimudīrayiṃ \(?\)](#)];
Añjaliṃ paggahetvāna, ekaggo āsahaṃ tadā.
3. “Yathā samuddo udadhīnamaggo, nerū nagānaṃ pavaro siluccayo;
Tattheva ye cittavasena vattare, na buddhañāṇassa kalaṃ upenti te.
4. “Dhammavidhiṃ [[dhamme vidhiṃ \(sī.\)](#)] ṭhapetvāna, buddho kāruṇiko isi;
Bhikkhusaṅghe nisīditvā, imā gāthā abhāsatha.
5. “Yo so ñāṇaṃ pakittesi, buddhamhi lokanāyake;
Kappānaṃ satasahassaṃ, duggatiṃ na gamissati.
6. ““Kilese jhāpayitvāna, ekaggo susamāhito;
Sobhito nāma nāmena, hessati satthu sāvako”.
7. “Paññāse kappasahassee, sattevāsuṃ yasuggatā [[samuggatā \(syā.\)](#)];
Sattaratanasampannā, cakkavattī mahabbalā.
8. “Kilesā jhāpitā mayhaṃ, bhavā sabbe samūhatā;
Tisso vijjā anuppattā, kataṃ buddhassa sāsanaṃ.
9. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā sobhito thero imā gāthāyo abhāsithāti.

Sobhitattherassāpadānaṃ paṭhamaṃ.

2. Sudassanattheraapadānaṃ

10. “Vinatā nadiyā [[vitthatāyā nadiyā \(syā.\)](#)] tīre, pilakkhu [[pilakkho \(sī. theragāthā aṭṭha.\)](#)]

phalito ahu;
Tāhaṃ rukkhamaṃ gavesanto, addasaṃ lokanāyakamaṃ.

11. “Ketakamaṃ pupphitaṃ disvā, vaṇṭe chetvānaṃ tadā;
Buddhassa abhiropesiṃ, sikhino lokabandhuno.
12. “Yena ñāṇena pattosi, accutaṃ amataṃ padaṃ;
Taṃ ñāṇamaṃ abhipūjemi, buddhaseṭṭha mahāmuni.
13. “Ñāṇamhi pūjamaṃ katvāna, pilakkhumaddasaṃ ahaṃ;
Paṭiladdhomhi taṃ paññaṃ [taṃ saññaṃ (syā.), taṃ puññaṃ (ka.)], ñāṇapūjāyidaṃ phalaṃ.
14. “Ekattiṃse ito kappe, yaṃ pupphamaṃ abhiropayaṃ;
Duggatiṃ nābhijānāmi, ñāṇapūjāyidaṃ phalaṃ.
15. “Ito terasakappamhi, dvādasāsuṃ phaluggatā;
Sattaratanasampannā, cakkavattī mahapphalā.
16. “Paṭisambhidā catasso...pe... kataṃ buddhassa sāsanamaṃ”.
Itthaṃ sudamaṃ āyasmā sudassano thero imā gāthāyo abhāsithāti.

Sudassanattherassāpadānaṃ dutiyaṃ.

3. Candanapūjanakatteraapadānaṃ

17. “Candabhāgānadītīre, ahoṣiṃ kinnaro tadā;
Pupphabhakkho caṃhaṃ āsiṃ, pupphānivasano tathā [pupphānaṃ vasano ahaṃ (syā.)].
18. “Atthadassī tu bhagavā, lokajeṭṭho narāsabho;
Vipinaggena niyyāsi, haṃsarājāva ambare.
19. “Namo te purisājañña, cittaṃ te suvisodhitaṃ;
Pasannamukhavaṇṇosi, vippasannamukhindriyo.
20. “Orohitvāna ākāśā, bhūripañño sumedhaso;
Saṅghātiṃ pattharivāna, pallaṅkena upāvisi.
21. “Vilīnaṃ candanādāya, agamāsiṃ jinantikaṃ;
Pasannacitto sumano, buddhassa abhiropayaṃ.
22. “Abhivādetvāna sambuddhaṃ, lokajeṭṭhaṃ narāsabhaṃ;
Pāmojjaṃ janayitvāna, pakkāmiṃ uttarāmukho.
23. “Aṭṭhārase kappasate, candanaṃ yaṃ apūjayaṃ;
Duggatiṃ nābhijānāmi, buddhapūjāyidaṃ phalaṃ.
24. “Catuddase kappasate, ito āsiṃsu te tayo;
Rohaṇī nāma [rohitā nāma (sī.), rohiṇī nāma (syā.)] nāmena, cakkavattī mahabbalā.
25. “Paṭisambhidā catasso...pe... kataṃ buddhassa sāsanamaṃ”.
Itthaṃ sudamaṃ āyasmā candanapūjanako thero imā gāthāyo abhāsithāti;

Candanapūjanakattherassāpadānaṃ tatiyaṃ.

Aṭṭhamabhāṇavāraṃ.

4. Pupphacchadaniyattheraapadānaṃ

26. “Sunando nāma nāmena, brāhmaṇo mantapāragū;
Ajjhāyako yācayogo, vājapeyyaṃ ayājayi.
27. “Padumuttaro lokavidū, aggo kāruṇiko isi;
Janataṃ anukampanto, ambare caṅkamī tadā.
28. “Caṅkamitvāna sambuddho, sabbaññū lokanāyako;
Mettāya aphari satte, appamāṇe [appamāṇaṃ (sī. syā.)] nirūpadhi.
29. “Vaṇṭe chetvāna pupphāni, brāhmaṇo mantapāragū;
Sabbe sisse samānetvā, ākāse ukkhipāpayi.
30. “Yāvataṃ nagaraṃ āsi, pupphānaṃ chadanaṃ tadā;
Buddhassa ānubhāvena, sattāhaṃ na vigacchatha.
31. “Teneva sukkamūlena, anubhotvāna sampadā;
Sabbāsava pariññāya, tiṇṇo loke visattikaṃ.
32. “Ekārāse kappasate, pañcatimsāsu khattiyā;
Ambaraṃsasanāmā te, cakkavattī mahabbalā.
33. “Paṭisambhidā catasso...pe... kataṃ buddhassa sāsanaṃ”.
Itthaṃ sudamaṃ āyasmā pupphacchadaniyo thero imā gāthāyo abhāsithāti.

Pupphacchadaniyattherassāpadānaṃ catutthaṃ.

5. Rahosaññakattheraapadānaṃ

34. “Himavantassāvidūre, vasabho nāma pabbato;
Tasmiṃ pabbatapādamaṃhi, assamo āsi māpito.
35. “Tīṇi sissasahassāni, vācesim brāhmaṇo [brāhmaṇe (sī.)] tadā;
Saṃharitvāna [saṃsāvitvāna (syā.)] te sisse, ekamantaṃ upāvisim.
36. “Ekamantaṃ nisīditvā, brāhmaṇo mantapāragū;
Buddhavedaṃ gavesanto [pavesanto (ka.)], ñāṇe cittaṃ pasādayim.
37. “Tattha cittaṃ pasādetvā, nisīdim paṇṇasanthare;
Pallaṅkaṃ ābhujitvāna, tattha kālaṅkato ahaṃ.
38. “Ekattimse ito kappe, yaṃ saññamalabhim tadā;
Duggatiṃ nābhijānāmi, ñāṇasaññāyidaṃ phalaṃ.
39. “Sattavīsaticappamhi, rājā siridharo ahu;
Sattaratanasampanno, cakkavattī mahabbalo.

40. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā rahosaññaṅko thero imā gāthāyo abhāsithāti.

Rahosaññaṅkattherassāpadānaṃ pañcamaṃ.

6. Campakapupphiyattheraapadānaṃ

41. “Kaṇikāraṃva jotantaṃ, nisinnaṃ pabbatantare;
Obhāsentaṃ disā sabbā, osadhiṃ viya tāraṃ [osadhī viya tārakā (ka.)].
42. “Tayo māṇavakā āsuṃ, sake sippe susikkhitā;
Khāribhāraṃ gahetvāna, anventi mama pacchato.
43. “Puṭake satta pupphāni, nikkhittāni tapassinā;
Gahetvā tāni ñāṇamhi, vessabhussābhiropayim.
44. “Ekattiṃse ito kappe, yaṃ pupphamabhiropayim;
Duggatiṃ nābhijānāmi, ñāṇapūjāyidaṃ phalaṃ.
45. “Ekūnatiṃsakappamhi, vipulābha [vihātābhā (syā.)] sanāmakō;
Sattaratanasampanno, cakkavattī [rājā hosi (ka.)] mahabbalo.
46. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā campakapupphiyo thero imā gāthāyo abhāsithāti;

Campakapupphiyattherassāpadānaṃ chaṭṭhaṃ.

7. Atthasandassakattheraapadānaṃ

47. “Visālamāle āsīno, addasaṃ lokanāyakaṃ;
Khīṇāsavaṃ balappattaṃ, bhikkhusaṅghapurakkhataṃ.
48. “Satasahassā tevijjā, chaḷabhiññā mahiddhikā;
Parivārenti sambuddhaṃ, ko disvā nappasīdati.
49. “Ñāṇe upanidhā yassa, na vijjati sadevake;
Anantañāṇaṃ sambuddhaṃ, ko disvā nappasīdati.
50. “Dhammakāyaṅca dīpentaṃ, kevalaṃ ratanākaraṃ;
Vikappetaṃ [vikopetaṃ (sī. syā.)] na sakkonti, ko disvā nappasīdati.
51. “Imāhi tīhi gāthāhi, nāradovhayavacchalo [saragacchiyo (sī.), puragacchiyo (syā.)];
Padumuttaraṃ thavitvāna, sambuddhaṃ aparājitaṃ.
52. “Tena cittappasādena, buddhasanthavanena ca;
Kappānaṃ satasahassaṃ, duggatiṃ, nupapajjahaṃ.
53. “Ito tiṃsakappasate, sumitto nāma khattiyo;
Sattaratanasampanno, cakkavattī mahabbalo.
54. “Paṭisambhidā catasso...pe... kataṃ buddhassa sāsanaṃ”.

Ittham sudam āyasmā atthasandassako thero imā gāthāyo abhāsithāti.

Atthasandassakattherassāpadānaṃ sattamaṃ.

8. Ekapasādaniyattheraapadānaṃ

55. “Nārado iti me nāmaṃ [nārado iti nāmena (syā. ka.) upari tevīsatiṃmavagge pana chaṭṭhāpadāne “me nāmaṃ“ icceva dissati], kesavo iti maṃ vidū; Kusalākusalaṃ esaṃ, agamaṃ buddhasantikaṃ.
56. “Mettacitto kārūṇiko, atthadassī mahāmuni; Assāsayanto satte so, dhammaṃ deseti cakkhumā.
57. “Sakaṃ cittaṃ pasādetvā, sire katvāna añjaliṃ; Satthāraṃ abhivādetvā, pakkāmiṃ pācināmukho.
58. “Sattarase kappasate, rājā āsi mahīpati; Amittatāpano nāma, cakkavattī mahabbalo.
59. “Paṭisambhidā catasso...pe... kataṃ buddhassa sāsanaṃ”. Ittham sudam āyasmā ekapasādaniyo thero imā gāthāyo abhāsithāti.

Ekapasādaniyattherassāpadānaṃ aṭṭhamaṃ.

9. Sālapupphadāyakittheraapadānaṃ

60. “Migarājā tadā āsiṃ, abhijāto sukesarī; Giriduggaṃ gavesanto, addasaṃ lokanāyakaṃ.
61. “Ayaṃ nu kho mahāvīro, nibbāpeti mahājanaṃ; Yaṃnūnāhaṃ upāseyyaṃ, devadevaṃ narāsabhaṃ.
62. “Sākaṃ sālassa bhañjitvā, sakosaṃ pupphamāhariṃ; Upagantvāna sambuddhaṃ, adāsiṃ pupphamuttamaṃ.
63. “Ekanavutito kappe, yaṃ pupphamabhiropayim; Duggatiṃ nābhijānāmi, pupphadānassidaṃ phalaṃ.
64. “Ito ca navame kappe, virocanasanāmakā; Tayo āsiṃsu rājāno, cakkavattī mahabbalā.
65. “Paṭisambhidā catasso...pe... kataṃ buddhassa sāsanaṃ”. Ittham sudam āyasmā sālapupphadāyako thero imā gāthāyo abhāsithāti.

Sālapupphadāyakittherassāpadānaṃ navamaṃ.

10. Piyālaphaladāyakittheraapadānaṃ

66. “Pārāvato [parodhako (syā.)] tadā āsiṃ, paraṃ anuparodhako; Pabbhāre seyyaṃ kappemi, avidūre sikhisatthuno.

67. “Sāyaṃ pātañca passāmi, buddhaṃ lokagganāyakaṃ;
Deyyadhammo ca me natthi, dvipadindassa tādino.
68. “Piyālaphalamādāya, agamaṃ buddhasantikaṃ;
Paṭiggahesi bhagavā, lokajeṭṭho narāsabho.
69. “Tato paraṃ upādāya, paricāriṃ vināyakaṃ;
Tena cittappasādena, tattha kālaṅkato ahaṃ.
70. “Ekattiṃse ito kappe, yaṃ phalaṃ adadiṃ ahaṃ;
Duggatiṃ nābhijānāmi, phaladānassidaṃ phalaṃ.
71. “Itto pannarase kappe, tayo āsuṃ piyālino;
Sattaratanasampannā, cakkavattī mahabbalā.
72. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā piyālaphaladāyako therō imā gāthāyo abhāsittḥāti.

Piyālaphaladāyakattherassāpadānaṃ dasamaṃ.

Sobhitavaggo cuddasamo.

Tassuddānaṃ –

Sobhitasudassano ca, candano pupphachadano;
Raho campakapupphī ca, atthasandassakena ca.

Ekapasādi [ekaraṃsi (syā.)] sāladdo, dasamo phaladāyako;
Gāthāyo sattati dve ca, gaṇitāyo vibhāvibhi.

15. Chattavaggo

1. Atichattiyattheraapadānaṃ

1. “Parinibbute bhagavati, atthadassīnaruttame;
Chattāticchattam [chattādhichattam (sī.)] kāretvā, thūpamhi abhiropayim.
2. “Kālena kālamāgantvā, namassim lokanāyakaṃ [satthu cetiyam (sī.)];
Pupphacchadanaṃ katvāna, chattamhi abhiropayim.
3. “Sattarase kappasate, devarajjamakārayim;
Manussattam na gacchāmi, thūpapūjāyidaṃ phalaṃ.
4. “Paṭisambhidā catasso, vimokkhāpi ca aṭṭhime;
Chalabhiññā sacchikatā, kataṃ buddhassa sāsanaṃ”.

Itthaṃ sudamā āyasmā atichattiyo [adhichattiyo (sī. syā.)] therō imā gāthāyo abhāsittḥāti.

Atichattiyattherassāpadānaṃ paṭhamam.

2. Thambhāropakattheraapadānaṃ

5. “Nibbutē lokanāthamhi, dhammadassīnarāsabhe;
Āropesiṃ dhajattambhaṃ, buddhasēṭṭhassa cetiye.
6. “Nisseṇiṃ māpayitvāna, thūpaseṭṭhaṃ samāruhiṃ;
Jātipupphaṃ gahetvāna, thūpamhi abhiropayiṃ.
7. “Aho buddho aho dhammo, aho no satthu sampadā;
Duggatiṃ nābhijānāmi, thūpapūjāyidaṃ phalaṃ.
8. “Catunnavutito kappe, thūpasīkhasanāmakā;
Soḷasāsimsu rājāno, cakkavattī mahabbalā.
9. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā thambhāropako thero imā gāthāyo abhāsithāti.

Thambhāropakattherassāpadānaṃ dutiyaṃ.

3. Vedikārakattheraapadānaṃ

10. “Nibbutē lokanāthamhi, piyadassīnaruttame;
Pasannacitto sumano, muttāvedimakāsahaṃ.
11. “Maṇīhi parivāretvā, akāsiṃ vedimuttamaṃ;
Vedikāya mahaṃ katvā, tattha kālaṅkato ahaṃ.
12. “Yaṃ yaṃ yonupapajjāmi, devattaṃ atha mānusaṃ;
Maṇī dhārenti ākāse, puññakammassidaṃ phalaṃ.
13. “Soḷasito kappasate, maṇippabhāsanāmakā;
Chattiṃsāsimsu [bāttiṃsāsimsu (sī. syā.)] rājāno, cakkavattī mahabbalā.
14. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā vedikārako thero imā gāthāyo abhāsithāti.

Vedikārakattherassāpadānaṃ tatiyaṃ.

4. Saparivāriyattheraapadānaṃ

15. “Padumuttaro nāma jino, lokajēṭṭho narāsabho;
Jalitvā aggikkhandhova, sambuddho parinibbuto.
16. “Nibbutē ca mahāvīre, thūpo vitthāriko ahu;
Dūratova [ahorattaṃ (sī.), thūpadattaṃ (syā.)] upaṭṭhenti, dhātugehavaruttame.
17. “Pasannacitto sumano, akaṃ candanavedikaṃ;
Dissati thūpakhandho ca [dīyati dhūmakkhandho ca (sī.), dīyati dhūpagandho ca (syā.)],
thūpānucchaviko tadā.
18. “Bhave nibbattamānamhi, devatte atha mānuse;

Omattaṃ me na passāmi, pubbakammassidaṃ phalaṃ.

19. “Pañcadasakappasate, ito aṭṭha janā ahuṃ;
Sabbe samattanāmā te, cakkavattī mahabbalā.
20. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā saparivāriyo thero imā gāthāyo abhāsithāti.

Saparivāriyattherassāpadānaṃ catutthaṃ.

5. Umāpupphiyattheraapadānaṃ

21. “Nibbute lokamahite [lokanāthamhi (sī.)], āhutīnaṃ paṭiggahe;
Siddhatthamhi bhagavati, mahāthūpamaho ahu.
22. “Mahe pavattamānamhi, siddhatthassa mahesino;
Umāpupphaṃ [ummāpupphaṃ (sabbattha)] gahetvāna, thūpamhi abhiropayim.
23. “Catunnavutito kappe, yaṃ pupphamabhiropayim;
Duggatiṃ nābhijānāmi, thūpapūjāyidaṃ [pupphapūjāyidaṃ (syā.), buddhapūjāyidaṃ (ka.)]
phalaṃ.
24. “Ito ca navame kappe, somadevasanāmakā;
Pañcāsītisu rājāno, cakkavattī mahabbalā.
25. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā umāpupphiyo thero imā gāthāyo abhāsithāti.

Umāpupphiyattherassāpadānaṃ pañcamaṃ.

6. Anulepadāyakattheraapadānaṃ

26. “Anomadassīmunino, bodhivedimakāsahaṃ;
Sudhāya piṇḍaṃ datvāna, pāṇikammaṃ akāsahaṃ.
27. “Disvā taṃ sukataṃ kammaṃ, anomadassī naruttamo;
Bhikkhusaṅghe ṭhito satthā, imaṃ gāthaṃ abhāsatha.
28. ““Iminā sudhakammena, cetanāpaṇidhīhi ca;
Sampattiṃ anubhotvāna, dukkhassantaṃ karissati’.
29. “Pasannamukhavaṇṇomhi, ekaggo susamāhito;
Dhāremi antimaṃ dehaṃ, sammāsambuddhasāsane.
30. “Ito kappasate āsiṃ, paripuṇṇe anūnake [paripuṇṇo anūnako (syā.)];
Rājā sabbaghano nāma, cakkavattī mahabbalo.
31. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā anulepadāyako thero imā gāthāyo abhāsithāti.

Anulepadāyakattherassāpadānaṃ chaṭṭhaṃ.

7. Maggadāyakaṭṭheraapadānaṃ

32. “Uttaritvāna nadikaṃ, vanaṃ gacchati cakkhumā;
Tamaddasāsiṃ sambuddhaṃ, siddhatthaṃ varalakkhaṇaṃ.
33. “Kudāla [kuddāla (sī. syā.)] piṭakamādāya, samaṃ katvāna taṃ pathaṃ;
Sattāhāraṃ abhivādetvā, sakaṃ cittaṃ pasādayiṃ.
34. “Catunnavutito kappe, yaṃ kammamakariṃ tadā;
Duggatiṃ nābhijānāmi, maggadānassidaṃ phalaṃ.
35. “Sattapaññāsakappamhi, eko āsiṃ janādhipo;
Nāmena suppubuddhoti, nāyako so narissaro.
36. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā maggadāyako thero imā gāthāyo abhāsithāti.

Maggadāyakaṭṭherassāpadānaṃ sattamaṃ.

8. Phalakaḍḍāyakaṭṭheraapadānaṃ

37. “Yānakāro pure āsiṃ, dārukamme susikkhito;
Candanaṃ phalakaṃ katvā, adāsiṃ lokabandhuno.
38. “Pabhāsati idaṃ byamaṃ, suvaṇṇassa sunimmitaṃ;
Hatthiyānaṃ assayānaṃ, dibbayānaṃ upaṭṭhitaṃ.
39. “Pāsādā sivikā ceva, nibbattanti yadicchakaṃ;
Akkhubbhaṃ [akkhobhaṃ (sī.)] ratanaṃ mayhaṃ, phalakassa idaṃ phalaṃ.
40. “Ekanavutito kappe, phalakaṃ yamaṃ dadim;
Duggatiṃ nābhijānāmi, phalakassa idaṃ phalaṃ.
41. “Sattapaññāsakappamhi, caturo nimmitāvhayā;
Sattaratanasampannā, cakkavattī mahabbalā.
42. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā phalakaḍḍāyako thero imā gāthāyo abhāsithāti.

Phalakaḍḍāyakaṭṭherassāpadānaṃ aṭṭhamaṃ.

9. Vaṭṭasakiyatṭheraapadānaṃ

43. “Sumedho nāma nāmena, sayambhū aparājito;
Vivekamanubrūhanto, ajjhogahi mahāvanaṃ.
44. “Saḷalaṃ pupphitaṃ disvā, ganthitvāna [bandhitvāna (sī.)] vaṭṭasakaṃ;
Buddhassa abhiropesiṃ, sammukhā lokanāyakaṃ.
45. “Tiṃsakappasahassamhi, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalaṃ.

46. “Ūnavīse kappasate, soḷasāsuṃ sunimmitā;
Sattaratanasampannā, cakkavattī mahabbalā.
47. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā vaṭṭasakīyo thero imā gāthāyo abhāsītthāti.

Vaṭṭasakīyattherassāpadānaṃ navamaṃ.

10. Pallaṅkadāyakattheraapadānaṃ

48. “Sumedhassa bhagavato, lokajettḥassa tādino;
Pallaṅko hi mayā dinno, sauttarasapacchado.
49. “Sattaratanasampanno, pallaṅko āsi so tadā;
Mama saṅkappamaññāya, nibbattati sadā mama.
50. “Timsakappasahassamhi, pallaṅkamadadiṃ tadā;
Duggatiṃ nābhijānāmi, pallaṅkassa idaṃ phalaṃ.
51. “Vīsakappasahassamhi, suvaṇṇābhā tayo janā;
Sattaratanasampannā, cakkavattī mahabbalā.
52. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pallaṅkadāyako thero imā gāthāyo abhāsītthāti.

Pallaṅkadāyakattherassāpadānaṃ dasamaṃ.

Chattavaggo pannarasamo.

Tassuddānaṃ –

Chattaṃ thambho ca vedi ca, parivārumapupphiyo;
Anulepo ca maggo ca, phalako ca vaṭṭasako;
Pallaṅkadāyī ca gāthāyo, chappaññāsa pakittitāti.

16. Bandhujīvakaṃvago

1. Bandhujīvakaṃvatheraapadānaṃ

1. “Candaṃva vimalaṃ suddhaṃ, vipasannamanāvilam;
Nandībhavaparikkhīṇaṃ, tiṇṇaṃ loke visattikaṃ.
2. “Nibbāpayantaṃ janataṃ, tiṇṇaṃ [disvā (?)] tārayataṃ vamaṃ [tārayataṃ munim (syā.)];
Munim vanamhi jhāyantaṃ [vanasmim jhāyamānaṃ taṃ (sī. syā.)], ekaggaṃ susamāhitaṃ.
3. “Bandhujīvakaṃvaphāni, lagetvā suttakenahaṃ;
Buddhassa abhiropayim, sikhino lokabandhuno.
4. “Ekattimse ito kappe, yaṃ kammamakariṃ tadā;
Duggatiṃ nābhijānāmi, buddhapūjāyidaṃ phalaṃ.

5. “Ito sattamake kappe, manujindo mahāyaso;
Samantacakkhu nāmāsi, cakkavattī mahabbalo.
6. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā bandhujīvako thero imā gāthāyo abhāsithāti.

Bandhujīvakattherassāpadānaṃ paṭhamaṃ.

2. Tambapupphiyattheraapadānaṃ

7. “Parakammāyane yutto, aparādhaṃ akāsahaṃ;
Vanantaṃ abhidhāvissaṃ, bhayaverasamappito.
 8. “Pupphitaṃ pādaṃ disvā, piṇḍibandhaṃ sunimmitaṃ;
Tambapupphaṃ gahetvāna, bodhiyaṃ okiriṃ ahaṃ.
 9. “Sammajjitvāna taṃ bodhiṃ, pāṭaliṃ pādaputtamaṃ;
Pallaṅkaṃ ābhujitvāna, bodhimūle upāvisiṃ.
 10. “Gatamaggaṃ gavesantā, āgacchuṃ mama santikaṃ;
Te ca disvānaṃ tattha, āvajjiṃ bodhimuttamaṃ.
 11. “Vanditvāna ahaṃ bodhiṃ, vipprasanna cetasā;
Anekataḷe papatiṃ, giridugge bhayānake.
 12. “Ekanavutito kappe, yaṃ pupphamabhiropayiṃ;
Duggatiṃ nābhijānāmi, bodhipūjāyidaṃ phalaṃ.
 13. “Ito ca tatiye kappe, rājā susaṅgato ahaṃ [samthusito ahuṃ (sī.)];
Sattaratanasampanno, cakkavattī mahabbalo.
 14. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā tambapupphiyo thero imā gāthāyo abhāsithāti.

Tambapupphiyattherassāpadānaṃ dutiyaṃ.

3. Vīthisammajjakattheraapadānaṃ

15. “Udentā sataṃsiṃva, pītaraṃsiṃva [sitaraṃsiṃva (sī. syā.)] bhāṇumaṃ;
Pannarase yathā candaṃ, niyyantaṃ lokanāyakaṃ.
16. “Aṭṭhasaṭṭhisahassāni, sabbe khīṇāsavā ahuṃ;
Parivāriṃsu sambuddhaṃ, dvipadindaṃ narāsabhaṃ.
17. “Sammajjitvāna taṃ vīthiṃ, niyyante lokanāyake;
Ussāpesiṃ dhajaṃ tattha, vipprasanna cetasā.
18. “Ekanavutito kappe, yaṃ dhajaṃ abhiropayiṃ;
Duggatiṃ nābhijānāmi, dhajadānassidaṃ phalaṃ.

19. “Ito catutthake kappe, rājāhosim mahabbalo;
Sabbākārena sampanno, sudhajo iti vissuto.
20. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā vīthisammajjako thero imā gāthāyo abhāsittāti.

Vīthisammajjakattherassāpadānaṃ tatiyaṃ.

4. Kakkārupupphapūjakattheraapadānaṃ

21. “Devaputto ahaṃ santo, pūjayim sikhināyakaṃ;
Kakkārupupphaṃ paggayha, buddhassa abhiropayim.
22. “Ekattimse ito kappe, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalaṃ.
23. “Ito ca navame kappe, rājā sattuttamo ahuṃ;
Sattaratanasampanno, cakkavattī mahabbalo.
24. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā kakkārupupphapūjako thero imā gāthāyo abhāsittāti.

Kakkārupupphapūjakattherassāpadānaṃ catutthaṃ.

5. Mandāravapupphapūjakattheraapadānaṃ

25. “Devaputto ahaṃ santo, pūjayim sikhināyakaṃ;
Mandāravena pupphena, buddhassa abhiropayim.
26. “Sattāhaṃ chadanaṃ āsi, dibbaṃ mālaṃ tathāgate;
Sabbe janā samāgantvā, namassimsu tathāgataṃ.
27. “Ekattimse ito kappe, yaṃ pupphamabhipūjayim;
Duggatiṃ nābhijānāmi, buddhapūjāyidaṃ phalaṃ.
28. “Ito ca dasame kappe, rājāhosim jutindharo;
Sattaratanasampanno, cakkavattī mahabbalo.
29. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā mandāravapupphapūjako thero imā gāthāyo abhāsittāti.

Mandāravapupphapūjakattherassāpadānaṃ pañcamaṃ.

6. Kadambapupphiyattheraapadānaṃ

30. “Himavantassāvidūre, kukkuṭo nāma pabbato;
Tamhi pabbatapādami, satta buddhā vasanti te.
31. “Kadambaṃ pupphitaṃ disvā, dīparājaṃva uggataṃ;
Ubho hatthehi paggayha, satta buddhe samokirim.

32. “Catunnavutito kappe, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalaṃ.
33. “Dvenavute ito kappe, sattāsuṃ pupphanāmakā;
Sattaratanasampannā, cakkavattī mahabbalā.
34. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kadambapupphiyo thero imā gāthāyo abhāsithāti;

Kadambapupphiyattherassāpadānaṃ chaṭṭhaṃ.

7. Tiṇasūlakattheraapadānaṃ

35. “Himavantassāvidūre, bhūtagaṇo nāma pabbato;
Vasateko jino tattha, sayambhū lokanissaṭo.
36. “Tiṇasūlaṃ gahetvāna, buddhassa abhiropayim;
Ekūnasatasahassaṃ, kappaṃ na vinipātiko.
37. “Ito ekādase kappe, ekosim dharanīruho;
Sattaratanasampanno, cakkavattī mahabbalo.
38. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tiṇasūlako thero imā gāthāyo abhāsithāti.

Tiṇasūlakattherassāpadānaṃ sattamaṃ.

8. Nāgapupphiyattheraapadānaṃ

39. “Suvaccho nāma nāmena, brāhmaṇo mantapāragū;
Purakkhato sasissehi, vasate pabbatantare.
40. “Padumuttaro nāma jino, āhutiṇaṃ paṭiggaho;
Mamuddharitukāmo so, āgacchi mama santikaṃ.
41. “Vehāsamhi caṅkamati, dhūpāyati jalate tathā;
Hāsaṃ mamaṃ viditvāna, pakkāmi pācināmukho.
42. “Taṅca acchariyaṃ disvā, abbhutaṃ lomahaṃsanam;
Nāgapupphaṃ gahetvāna, gatamaggamhi okiriṃ.
43. “Satasahassito kappe, yaṃ pupphaṃ okiriṃ ahaṃ;
Tena cittappasādena, duggatiṃ nupapajjahaṃ.
44. “Ekattimse kappasate [ekattimse ito kamme (syā.)], rājā āsi mahāraho;
Sattaratanasampanno, cakkavattī mahabbalo.
45. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā nāgapupphiyo thero imā gāthāyo abhāsithāti.

Nāgapupphiyattherassāpadānaṃ aṭṭhamaṃ.

9. Punnāgapupphiyattheraapadānaṃ

46. “Kānanāṃ vanamogayha, vasāmi luddako ahaṃ;
Punnāgaṃ pupphitaṃ dīsvā, buddhaseṭṭhaṃ anussariṃ.
47. “Taṃ pupphaṃ ocinitvāna, sugandhaṃ gandhitaṃ subhaṃ;
Thūpaṃ karitvā puline, buddhassa abhiropayiṃ.
48. “Dvenavute ito kappe, yaṃ pupphamabhipūjayiṃ;
Duggatiṃ nābhijānāmi, buddhapūjayidaṃ phalaṃ.
49. “Ekamhi navute kappe, eko āsiṃ tamonudo;
Sattaratanasampanno, cakkavattī mahabbalo.
50. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā punnāgapupphiyo thero imā gāthāyo abhāsithāti.

Punnāgapupphiyattherassāpadānaṃ navamaṃ.

10. Kumudadāyakaṭṭheraapadānaṃ

51. “Himavantassāvidūre, mahājātassaro ahu;
Padumuppalasañchanno, puṇḍarīkasamotthaṭo.
52. “Kukuttho nāma nāmena, tathāsiṃ sakuṇo tadā;
Sīlavā buddhisampanno, puññāpuññesu kovido.
53. “Padumuttaro lokavidū, āhutiṇaṃ paṭiggaho;
Jātassarassāvidūre, sañcarittha mahāmuni.
54. “Jalajaṃ kumudaṃ chetvā, upanesiṃ mahesino;
Mama saṅkappamaññāya, paṭiggahi mahāmuni.
55. “Tañca dānaṃ daditvāna, sukkamūlena codito;
Kappānaṃ satasahassaṃ, duggatiṃ nupapajjahāṃ.
56. “Soḷaseto kappasate, āsuṃ varuṇanāmakā;
Aṭṭha ete janādhipā, cakkavattī mahabbalā.
57. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kumudadāyako thero imā gāthāyo abhāsithāti.

Kumudadāyakaṭṭherassāpadānaṃ dasamaṃ.

Bandhujīvakaṭṭhavaḷḷaṃ soḷasamo.

Tassuddānaṃ –

Bandhujīvo tambapupphī, vīthikakkārupupphiyo;
Mandāraṃ kadambī ca, sūlako nāgapupphiyo;
Punnāgo komudī gāthā, chappaññāsa pakittitāti.

17. Supāricariyavaggo

1. Supāricariyattheraapadānaṃ

1. “Padumo nāma nāmena, dvipadindo narāsabho;
Pavanā abhinikkhamma, dhammaṃ deseti cakkhumā.
2. “Yakkhānaṃ samayo āsi, avidūre mahesino;
Yena kiccena sampattā, ajjhāpekkhiṃsu tāvade.
3. “Buddhassa giramaññāya, amatassa ca desanaṃ;
Pasannacitto sumano, apphotetvā upaṭṭhahiṃ.
4. “Suciṇṇassa phalaṃ passa, upaṭṭhānassa satthuno;
Tiṃsakappasahassesu, duggatiṃ nupapajjahaṃ.
5. “Ūnatimse kappasate, samalaṅkatanāmako;
Sattaratanasampanno, cakkavattī mahabbalo.
6. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā supāricariyo thero imā gāthāyo abhāsithāti.

Supāricariyattherassāpadānaṃ paṭhamam.

2. Kaṇaverapupphiyattheraapadānaṃ

7. “Siddhattho nāma bhagavā, lokajetṭho narāsabho;
Purakkhato sāvakehi, nagaraṃ paṭipajjatha.
 8. “Rañño antepure āsiṃ, gopako abhisammato;
Pāsāde upaviṭṭhoṃ, addasaṃ lokanāyakaṃ.
 9. “Kaṇaveraṃ [karavīraṃ (sakkatānulomaṃ), kaṇavīraṃ (pākata)] gahetvāna, bhikkhusaṅghe
samokiriṃ;
Buddhassa visuṃ katvāna, tato bhiyyo samokiriṃ.
 10. “Catunnavutito kappe, yaṃ pupphamabhipūjayiṃ [ropayiṃ (syā.)];
Duggatiṃ nābhijānāmi, buddhapūjāyidaṃ phalaṃ.
 11. “Sattāsītimhito kappe, caturāsuṃ mahiddhikā;
Sattaratanasampannā, cakkavattī mahabbalā.
 12. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā kaṇaverapupphiyo thero imā gāthāyo abhāsithāti.

Kaṇaverapupphiyattherassāpadānaṃ dutiyaṃ.

3. Khajjakadāyakattheraapadānaṃ

13. “Tissassa kho bhagavato, pubbe phalamadāsahaṃ;
Nāḷikerañca pādāsīṃ, khajjakamaṃ abhisammataṃ.
14. “Buddhassa tamahaṃ datvā, tissassa tu mahesino;
Modāmaṃ kāmakāmī, upapajjīṃ [kāmakārī, upapajjamaṃ (sī.)] yamicchakamaṃ [sabbatthapi
evameva dissati].
15. “Dvenavute ito kappe, yaṃ dānamadadiṃ tadā;
Duggatiṃ nābhijānāmi, phaladānassidaṃ phalaṃ.
16. “Ito terasakappamhi, rājā indasamo ahu;
Sattaratanasampanno, cakkavattī mahabbalo.
17. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā khajjakadāyako thero imā gāthāyo abhāsittḥāti.

Khajjakadāyakattherassāpadānaṃ tatiyaṃ.

4. Desapūjakattheraapadānaṃ

18. “Atthadassī tu bhagavā, lokajeṭṭho narāsabho;
Abbhuggantvāna vehāsaṃ, gacchate anilañjase.
19. “Yamhi dese ṭhito sathā, abbhuggacchi mahāmuni;
Tāhaṃ desaṃ apūjesīṃ, pasanno sehi pāṇibhi.
20. “Aṭṭhārase kappasate, addasaṃ yaṃ mahāmuniṃ;
Duggatiṃ nābhijānāmi, desapūjāyidaṃ phalaṃ.
21. “Ekādase kappasate, gosujātasanaṃmako;
Sattaratanasampanno, cakkavattī mahabbalo.
22. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā desapūjako thero imā gāthāyo abhāsittḥāti.

Desapūjakattherassāpadānaṃ catutthaṃ.

5. Kaṇikārachattiyattheraapadānaṃ

23. “Vessabhū nāma sambuddho, lokajeṭṭho narāsabho;
Divāvihārāya muni, ogāhayi mahāvanaṃ.
24. “Kaṇikāraṃ ocinitvā, chattaṃ katvānaṃ tadā;
Pupphacchadanaṃ katvāna, buddhassa abhiropayīṃ.
25. “Ekattiṃse ito kappe, yaṃ pupphamabhiropayīṃ;
Duggatiṃ nābhijānāmi, buddhapūjāyidaṃ phalaṃ.
26. “Ito vīsaticappamhi, soṇṇābhā aṭṭha khattiyā;
Sattaratanasampannā, cakkavattī mahabbalā.

27. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā kaṇikārachattiyo thero imā gāthāyo abhāsithāti.

Kaṇikārachattiyattherassāpadānaṃ pañcamaṃ.

6. Sappidāyakattheraapadānaṃ

28. “Phusso nāmāsi [nāmātha (sī.)] bhagavā, āhutīnaṃ paṭiggaho;
Gacchate vīthiyaṃ vīro, nibbāpento mahājanaṃ.
29. “Anupubbena bhagavā, āgacchi mama santikaṃ;
Tato taṃ [tatoḥaṃ (sī. syā.)] pattam paggayha, sappitelamadāsahaṃ.
30. “Dvenavute ito kappe, yaṃ sappimadadiṃ tadā;
Duggatiṃ nābhijānāmi, sappidānassidaṃ phalaṃ.
31. “Chappaññāse ito kappe, eko āsi samodako;
Sattaratanasampanno, cakkavattī mahabbalo.
32. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā sappidāyako thero imā gāthāyo abhāsithāti.

Sappidāyakattherassāpadānaṃ chaṭṭhaṃ.

7. Yūthikapupphiyattheraapadānaṃ

33. “Candabhāgānadīre, anusotaṃ vajāmahaṃ;
Sayambhuṃ addasaṃ tattha, sālārājaṃva phullitaṃ.
34. “Pupphaṃ yūthikamādāya, upagacchiṃ mahāmuniṃ;
Pasannacitto sumano, buddhassa abhiropayaṃ.
35. “Catunnavutito kappe, yaṃ pupphamabhiropayaṃ;
Duggatiṃ nābhijānāmi, buddhapūjāyidaṃ phalaṃ.
36. “Sattasatṭhimhito kappe, eko sāmuddharo ahu;
Sattaratanasampanno, cakkavattī mahabbalo.
37. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā yūthikapupphiyo thero imā gāthāyo abhāsithāti.

Yūthikapupphiyattherassāpadānaṃ sattamaṃ.

8. Dussadāyakattheraapadānaṃ

38. “Tivarāyaṃ pure ramme, rājaputtosahaṃ [rājaputto ahaṃ (sī. syā.)] tadā;
Paṇṇākāraṃ labhitvāna, upasantassadāsahaṃ.
39. “Adhivāsesi bhagavā, vatthaṃ [navam (ka.)] hatthena āmasi;
Siddhattho adhivāsetvā, vehāsaṃ nabhamuggami.

40. “Buddhassa gacchamānassa, dussā dhāvanti pacchato;
Tattha cittaṃ pasādesiṃ, buddho no aggapuggalo.
41. “Catunnavutito kappe, yaṃ dussamadadiṃ tadā;
Duggatiṃ nābhijānāmi, dussadānassidaṃ phalaṃ.
42. “Sattasatṭhimhito kappe, cakkavattī tadā ahu;
Parisuddhoti nāmena, manujindo mahabbalo.
43. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā dussadāyako thero imā gāthāyo abhāsithāti.

Dussadāyakattherassāpadānaṃ aṭṭhamaṃ.

9. Samādapakattheraapadānaṃ

44. “Nagare bandhumatiyā, mahāpūgagaṇo ahu;
Tesāhaṃ pavaro āsiṃ, mama baddhacarā [paṭṭhacarā (syā.)] ca te.
45. “Sabbe te sannipātetvā, puññakamme samādayiṃ;
Mālaṃ kassāma saṅghassa, puññakkhettaṃ anuttaraṃ.
46. “Sādhūti te paṭissutvā, mama chandavasānugā;
Niṭṭhāpetvā ca taṃ mālaṃ, vipassissa adamhase.
47. “Ekanavutito kappe, yaṃ mālamadadiṃ tadā;
Duggatiṃ nābhijānāmi, māladānassidaṃ phalaṃ.
48. “Ekūnasattatikappe [ekūnasaṭṭhikappamhi (sī. syā.)],
Eko āsi janādhipo.

Ādeyyo nāma nāmena, cakkavattī mahabbalo.

49. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā samādapako thero imā gāthāyo abhāsithāti.

Samādapakattherassāpadānaṃ navamaṃ.

10. Pañcaṅguliyattheraapadānaṃ

50. “Tisso nāmāsi bhagavā, lokajetṭho narāsabho;
Pavisati gandhakuṭiṃ, vihārakusalo muni.
51. “Sugandhamālamādāya, agamāsiṃ jinantikam;
Apasaddo ca sambuddhe, pañcaṅgulimadāsahaṃ.
52. “Dvenavute ito kappe, yaṃ gandhamabhiropayiṃ;
Duggatiṃ nābhijānāmi, pañcaṅgulissidaṃ [pañcaṅguliyaṃ (sī.)] phalaṃ.
53. “Dvesattatimhito kappe, rājā āsiṃ sayampabho;
Sattaratanasampanno, cakkavattī mahabbalo.

54. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā pañcaṅguliyo thero imā gāthāyo abhāsithāti;

Pañcaṅguliyattherassāpadānaṃ dasamaṃ.

Supāricariyavaggo sattarasamo.

Tassuddānaṃ –

Supāricari kaṇaverī, khajjako desapūjako;
Kaṇikāro sappidado, yūthiko dussadāyako;
Māḷo ca pañcaṅguliko, catupaññāsa gāthakāti.

18. Kumudavaggo

1. Kumudamāliyattheraapadānaṃ

1. “Pabbate himavantamhi, mahājātassaro ahu;
Tatthajo rakkhaso āsiṃ, ghorarūpo mahabbalo.
2. “Kumudaṃ pupphate tattha, cakkamattāni jāyare;
Ocināmi ca taṃ pupphaṃ, balino samitiṃ tadā.
3. “Atthadassī tu bhagavā, dvipadindo narāsabho;
Pupphasaṅkocitaṃ [pupphaṃ saṅkocitaṃ (sī. syā.), pupphaṃ samocitaṃ (?)] disvā, āgacchi
mama santikaṃ.
4. “Upāgatañca sambuddhaṃ, devadevaṃ narāsabhaṃ;
Sabbañca pupphaṃ paggayha, buddhassa abhiropayim.
5. “Yāvata himavantantā, parisā sā [himavantasmim, yāva mālā (syā.)] tadā ahu;
Tāvachchadanasampanno, agamāsi tathāgato.
6. “Aṭṭhārase kappasate, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalaṃ.
7. “Ito pannarase kappe, sattāhesuṃ janādhipā;
Sahassarathanāmā te, cakkavattī mahabbalā.
8. “Paṭisambhidā catasso, vimokkhāpi ca aṭṭhime;
Chalabhiññā sacchikatā, kataṃ buddhassa sāsanaṃ”.

Itthaṃ sudam āyasmā kumudamāliyo thero imā gāthāyo abhāsithāti.

Kumudamāliyattherassāpadānaṃ paṭhamaṃ.

2. Nisseṇidāyakattheraapadānaṃ

9. “Koṇḍañña bhagavato, lokajeṭṭhassa tādino;
Ārohatthāya pāsādaṃ, nisseṇī kārītā mayā.

10. “Tena cittappasādena, anubhotvāna sampadā;
Dhāremi antimaṃ dehaṃ, sammāsambuddhasāsane.
11. “Ekattiṃsamhi kappānaṃ, sahasamhi tayo ahuṃ [mahā (sī. syā.)];
Sambahulā nāma rājāno, cakkavattī mahabbalā.
12. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā nisseṇidāyako thero imā gāthāyo abhāsithāti.

Nisseṇidāyakattherassāpadānaṃ dutiyaṃ.

3. Rattipupphiyattheraapadānaṃ

13. “Mīgaluddo pure āsiṃ, araññe kānane ahaṃ;
Vipassiṃ addasaṃ buddhaṃ, devadevaṃ narāsabhaṃ.
14. “Rattikaṃ pupphitaṃ disvā, kuṭajaṃ dharaṇīruhaṃ;
Samūlaṃ paggahetvāna, upanesiṃ mahesino.
15. “Ekanavutito kappe, yaṃ pupphamabhiropayim;
Duggatiṃ nābhijānāmi, pupphadānassidaṃ phalaṃ.
16. “Ito ca aṭṭhame kappe, suppasannasanāmako;
Sattaratanasampanno, rājāhosim mahabbalo.
17. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā rattipupphiyo thero imā gāthāyo abhāsithāti.

Rattipupphiyattherassāpadānaṃ tatiyaṃ.

4. Udapānadāyakattheraapadānaṃ

18. “Vipassino bhagavato, udapāno kato mayā;
Piṇḍapātañca datvāna [gahetvāna (syā.)], niyyādesimahaṃ tadā.
19. “Ekanavutito kappe, yaṃ kammamakariṃ tadā;
Duggatiṃ nābhijānāmi, udapānassidaṃ phalaṃ.
20. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā udapānadāyako thero imā gāthāyo abhāsithāti.

Udapānadāyakattherassāpadānaṃ catutthaṃ.

5. Sīhāsanadāyakattheraapadānaṃ

21. “Nibbute lokanāthamhi, padumuttaranāyake;
Pasannacitto sumano, sīhāsanamadāsahaṃ.
22. “Bahūhi gandhamālehi, diṭṭhadhammasukhāvahe;
Tattha pūjañca katvāna, nibbāyati bahujjano.

23. “Pasannacitto sumano, vanditvā bodhimuttamaṃ;
Kappānaṃ sataśahaṣṣaṃ, duggatiṃ nupapajjahaṃ.
24. “Pannarasasahaṣṣaṃhi, kappānaṃ aṭṭha āsu te [aṭṭha āsayuṃ (ka.)];
Siluccayasanaṃ ca, rājāno cakkavattino.
25. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sīhāsanadāyako thero imā gāthāyo abhāsithāti;

Sīhāsanadāyakattherassāpadānaṃ pañcamaṃ.

6. Maggadattikattheraapadānaṃ

26. “Anomadassī bhagavā, dvipadindo narāsabho;
Diṭṭhadhammasukhatthāya, abbhokāsamhi caṅkamaṃ.
27. “Uddhate pāde pupphāni, sobhaṃ muddhani tiṭṭhare;
Pasannacitto sumano, vanditvā pupphamokiriṃ.
28. “Vīsakappasahaṣṣaṃhi, ito pañca janā ahuṃ;
Pupphacchadaniyā nāma, cakkavattī mahabbalā.
29. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā maggadattiko thero imā gāthāyo abhāsithāti.

Maggadattikattherassāpadānaṃ chaṭṭhaṃ.

7. Ekadīpiyattheraapadānaṃ

30. “Padumuttarassa munino, saḷale bodhimuttame;
Pasannacitto sumano, ekadīpaṃ adāsahaṃ.
31. “Bhave nibbattamānaṃhi, nibbatte puññaśāṅcaye;
Duggatiṃ nābhijānāmi, dīpadānassidaṃ phalaṃ.
32. “Soḷase kappasahassee, ito te caturo janā;
Candābhā nāma nāmena, cakkavattī mahabbalā.
33. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ekadīpiyo thero imā gāthāyo abhāsithāti.

Ekadīpiyattherassāpadānaṃ sattamaṃ.

Navamaṃ bhāṇavāraṃ.

8. Mañipūjakattheraapadānaṃ

34. “Orena himavantassa, nadikā sampavattatha;
Tassā cānupakhattamhi, sayambhū vasate tadā.
35. “Mañiṃ paggayha pallaṅkaṃ, sādhuṅcittaṃ manoramaṃ;

Pasannacitto sumano, buddhassa abhiropayim.

36. “Catunnavutito kappe, yaṃ maṇim abhiropayim;
Duggatiṃ nābhijānāmi, buddhapūjāyidaṃ phalaṃ.
37. “Ito ca dvādase kappe, sataraṃsīsanāmakā;
Aṭṭha te āsuṃ rājāno, cakkavattī mahabbalā.
38. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā maṇipūjako thero imā gāthāyo abhāsithāti.

Maṇipūjakattherassāpadānaṃ aṭṭhamam.

9. Tikicchakattheraapadānaṃ

39. “Nagare bandhumatiyā, vejjo āsim susikkhito;
Āturaṇaṃ sadukkhānaṃ, mahājanasukhāvaho.
40. “Byādhitam samaṇaṃ disvā, sīlavantaṃ mahājutim;
Pasannacitto sumano, bhesajjamadadiṃ tadā.
41. “Arogo āsi teneva, samaṇo saṃvutindriyo;
Asoko nāma nāmena, upaṭṭhāko vipassino.
42. “Ekanavutito kappe, yaṃ osadhamadāsahaṃ;
Duggatiṃ nābhijānāmi, bhesajjassa idaṃ phalaṃ.
43. “Ito ca aṭṭhame kappe, sabbosadhasanāmako;
Sattaratanasampanno, cakkavattī mahabbalo.
44. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tikicchako thero imā gāthāyo abhāsithāti.

Tikicchakattherassāpadānaṃ navamaṃ.

10. Saṅghupaṭṭhākattheraapadānaṃ

45. “Vessabhumhi bhagavati, ahoārāmiko ahaṃ;
Pasannacitto sumano, upaṭṭhiṃ saṅghamuttamaṃ.
46. “Ekattimse ito kappe, yaṃ kammamakariṃ tadā;
Duggatiṃ nābhijānāmi, upaṭṭhānassidaṃ phalaṃ.
47. “Ito te sattame kappe, sattevāsuṃ samodakā;
Sattaratanasampannā, cakkavattī mahabbalā.
48. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā saṅghupaṭṭhāko thero imā gāthāyo abhāsithāti.

Saṅghupaṭṭhākattherassāpadānaṃ dasamaṃ.

Kumudavaggo aṭṭhārasamo.

Tassuddānaṃ –

Kumudo atha nisseṇī, rattiko udapānado;
Sīhāsanī maggadado, ekadīpī maṇippado;
Tikicchako upaṭṭhāko, ekapañña gāthakāti.

19. Kuṭajapupphiyavaggo**1. Kuṭajapupphiyattheraapadānaṃ**

1. “Suvaṇṇavaṇṇaṃ sambuddhaṃ, sataraṃsimva uggataṃ;
Disaṃ anuvilokentaṃ, gacchantaṃ anilañjase.
2. “Kuṭajaṃ pupphitaṃ disvā, saṃvitthatasamotthataṃ;
Rukkhatto ocinitvāna, phussassa abhiropayaṃ.
3. “Dvenavute ito kappe, yaṃ pupphamabhiropayaṃ;
Duggatiṃ nābhijānāmi, buddhapūjāyidaṃ phalaṃ.
4. “Ito sattarase kappe, tayo āsuṃ supupphitā;
Sattaratanasampannā, cakkavattī mahabbalā.
5. “Paṭisambhidā catasso, vimokkhāpi ca aṭṭhime;
Chalābhiñña sacchikatā, kataṃ buddhassa sāsanaṃ”.

Itthaṃ sudamā āyasmā kuṭajapupphiyo thero imā gāthāyo abhāsithāti.

Kuṭajapupphiyattherassāpadānaṃ paṭhamam.

2. Bandhujīvakattheraapadānaṃ

6. “Siddhattho nāma sambuddho, sayambhū sabbhi vaṇṇito;
Samādhiṃ so samāpanno, nisīdi pabbatantare.
 7. “Jātassare gavesanto, dakajaṃ pupphamuttamaṃ;
Bandhujīvakaupphāni, addasaṃ samanantaraṃ.
 8. “Ubho hatthehi paggayha, upāgacchiṃ mahāmunim;
Pasannacitto sumano, siddhatthassābhiropayaṃ.
 9. “Catunnavutito kappe, yaṃ pupphamabhiropayaṃ;
Duggatiṃ nābhijānāmi, buddhapūjāyidaṃ phalaṃ.
 10. “Ito cātuddase kappe, eko āsiṃ janādhipo;
Samuddakappo nāmena, cakkavattī mahabbalo.
 11. “Paṭisambhidā catasso...pe... kataṃ buddhassa sāsanaṃ”.
- Itthaṃ sudamā āyasmā bandhujīvako thero imā gāthāyo abhāsithāti.

Bandhujīvakattherassāpadānaṃ dutiyaṃ.

3. Koṭumbariyattheraapadānaṃ

12. “Kaṇikāraṃva jotantaṃ, nisinnaṃ pabbatantare;
Appameyyaṃva udadhiṃ, vitthataṃ dharaṇiṃ yathā.
13. “Pūjitaṃ [paretaṃ (sī.)] devasaṅghena, nisabhājāniyaṃ yathā;
Haṭṭho haṭṭhena cittaṃ, upāgacchiṃ naruttamaṃ.
14. “Sattapupphāni paggayha, koṭumbarasamākulaṃ;
Buddhassa abhiropesiṃ, sikhino lokabandhuno.
15. “Ekattiṃse ito kappe, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalaṃ.
16. “Ito vīsatikappamhi, mahānelasanāmako;
Eko āsi mahātejo, cakkavattī mahabbalo.
17. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā koṭumbariyo thero imā gāthāyo abhāsithāti.

Koṭumbariyattherassāpadānaṃ tatiyaṃ.

4. Pañcahatthiyattheraapadānaṃ

18. “Tisso nāmāsi bhagavā, lokajeṭṭho narāsabho;
Purakkhato sāvakehi, rathiyaṃ paṭipajjatha.
19. “Pañca uppalahatthā ca, cāturaṃ ṭhapitā mayā;
Āhutiṃ dātukāmohaṃ, paggaṇhiṃ vatasiddhiyā [puttomhi hitasiddhiyā (syā.)].
20. “Suvaṇṇavaṇṇaṃ sambuddhaṃ, gacchantaṃ antarāpaṇe;
Buddharaṃsīhi phuṭṭhosmi [buddharaṃsyābhiphuṭṭhomhi (sī.), buddharaṃsābhighuṭṭhosmi (ka.)], pūjesiṃ dvipaduttamaṃ.
21. “Dvenavute ito kappe, yaṃ pupphamabhipūjayim;
Duggatiṃ nābhijānāmi, buddhapūjāyidaṃ phalaṃ.
22. “Ito terasakappamhi, pañca susabhasammatā;
Sattaratanasampannā, cakkavattī mahabbalā.
23. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pañcahatthiyo thero imā gāthāyo abhāsithāti.

Pañcahatthiyattherassāpadānaṃ catutthaṃ.

5. Isimuggadāyakattheraapadānaṃ

24. “Udentaṃ sataraṃsiṃva, pītaraṃsiṃva [sitaraṃsiṃva (sī.)] bhāṇumaṃ;
Kakudhaṃ vilasantaṃva, padumuttaranāyakaṃ.

25. “Isimuggāni pisitvā [isisuggāni piṃsetvā (sī.), isimuggaṃ nimantetvā (syā.)], madhukhudde anīlake;
Pāsādeva ṭhito santo, adāsiṃ lokabandhuno.
26. “Aṭṭhasatasahassāni, ahesuṃ buddhasāvakā;
Sabbesaṃ pattapūrentaṃ [pattapūraṃ taṃ (sī.)], tato cāpi bahuttaraṃ.
27. “Tena cittappasādena, sukkamūlena codito;
Kappānaṃ satasahassaṃ, duggatiṃ nupapajjahaṃ.
28. “Cattālīsamhi sahasse, kappānaṃ aṭṭhatim̐sa te;
Isimuggasaṇāma [mahisamantaṇāma (syā.)] te, cakkavattī mahabbalā.
29. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā isimuggadāyako thero imā gāthāyo abhāsithāti.

Isimuggadāyakattherassāpadānaṃ pañcamaṃ.

6. Bodhiupaṭṭhākattheraapadānaṃ

30. “Nagare rammavatiyā, āsiṃ murajavādako;
Niccupaṭṭhānāyuttomhi, gatoḥaṃ bodhimuttamaṃ.
31. “Sāyaṃ pātaṃ upaṭṭhitvā, sukkamūlena codito;
Aṭṭhārasakappasate, duggatiṃ nupapajjahaṃ.
32. “Pannarase kappasate, ito āsiṃ janādhipo;
Murajo [damatho (syā.)] nāma nāmena, cakkavattī mahabbalo.
33. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā bodhiupaṭṭhāko thero imā gāthāyo abhāsithāti.

Bodhiupaṭṭhākattherassāpadānaṃ chaṭṭhaṃ.

7. Ekacintikattheraapadānaṃ

34. “Yadā devo [devā (ka.)] devakāyā, cavate [cavanti (ka.)] āyusankhayā;
Tayo saddā niccharanti, devānaṃ anumodataṃ.
35. ‘Ito bho sugatiṃ gaccha, manussānaṃ saḥabyataṃ;
Manussabhūto saddhamme, labha saddhaṃ anuttaraṃ.
36. “Sā te saddhā niviṭṭhāssa, mūlajātā patiṭṭhitā;
Yāvajīvaṃ asaṃhīrā, saddhamme suppavedite.
37. “Kāyena kusalaṃ katvā, vācāya kusalaṃ bahuṃ;
Manasā kusalaṃ katvā, abyāpajjaṃ [abyāpajjhaṃ (syā.), appamāṇaṃ (itivuttake 83)]
nirūpadhiṃ.
38. “Tato opadhikaṃ puññaṃ, katvā dānena taṃ bahuṃ;
Aññepi macce saddhamme, brahmacariye nivesaya’.

39. “Imāya anukampāya, devā devaṃ yadā vidū;
Cavantaṃ anumodanti, ehi deva punappunaṃ [devapuram puna (syā.)].
40. “Saṃvego me [saṃviggoḥam (syā.)] tadā āsi, devasaṅghe samāgate;
Kaṃsu nāma ahaṃ yoniṃ, gamissāmi ito cuto.
41. “Mama saṃvegamaññāya, samaṇo bhāvitindriyo;
Mamuddharitukāmo so, āgacchi mama santikaṃ.
42. “Sumano nāma nāmena, padumuttarasāvako;
Atthadhammānusāsivā, saṃvejesi mamaṃ tadā.
43. “Tassāhaṃ vacanaṃ sutvā, buddhe cittaṃ pasādayiṃ;
Taṃ dhīraṃ abhivādetvā, tattha kālaṃkato ahaṃ.
44. “Upapajjiṃ sa [upapajjissam (sī.)] tattheva, sukkamūlena codito;
Kappānaṃ satasahassaṃ, duggatiṃ nupapajjahaṃ.
45. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ekacintiko thero imā gāthāyo abhāsithāti.

Ekacintikattherassāpadānaṃ sattamaṃ.

8. Tikaṇṇipupphiyattheraapadānaṃ

46. “Devabhūto ahaṃ santo, accharāhi purakkhato;
Pubbakammaṃ saritvāna, buddhaseṭṭhaṃ anussariṃ.
47. “Tikaṇṇipupphaṃ [kiṃkaṇipupphaṃ (ka.)] paggayha, sakaṃ cittaṃ pasādayiṃ;
Buddhamhi abhiropesiṃ, vipassimhi narāsabhe.
48. “Ekanavutito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
49. “Tesattatimhito kappe, caturāsuṃ ramuttamā;
Sattaratanasampannā, cakkavattī mahabbalā.
50. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tikaṇṇipupphiyo [kiṃkaṇikapupphiyo (ka.)] thero imā gāthāyo abhāsithāti.

Tikaṇṇipupphiyattherassāpadānaṃ aṭṭhamaṃ.

9. Ekacāriyattheraapadānaṃ

51. “Tāvatiṃsesu devesu, mahāghoso tadā ahu;
Buddho ca loke nibbāti, mayañcamha sarāgino.
52. “Tesam saṃvegajātānaṃ, sokasallasamaṅginaṃ;
Sabalena upatthaddho, agamaṃ buddhasantikaṃ.
53. “Mandāraṃ gahetvāna, saṅgīti [saṅghitaṃ (sī.), saṅgitaṃ (syā.)] abhinimmitaṃ;

Parinibbutakālamhi, buddhassa abhiropayim.

54. “Sabbe devānumodiṃsu, accharāyo ca me tadā;
Kappānaṃ satasahassaṃ, duggatiṃ nupapajjahaṃ.
55. “Saṭṭhikappasahassamhi, ito soḷasa te janā;
Mahāmallajanā nāma, cakkavattī mahabbalā.
56. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ekacāriyo thero imā gāthāyo abhāsithāti.

Ekacāriyattherassāpadānaṃ navamaṃ.

10. Tivaṇṭipupphiyattheraapadānaṃ

57. “Abhibhūtaṃ panijjhanti [abhibhūtopanijjhanti (sī.)], sabbe saṅgama te mamaṃ [abhibhum
theraṃ panijjhāma, sabbe saṅgama te mayaṃ (syā.)];
Tesaṃ nijjhāyamānānaṃ, pariḷāho ajāyatha.
58. “Sunando nāma nāmena, buddhassa sāvako tadā;
Dhammadassissa munino, āgacchi mama santikaṃ.
59. “Ye me baddhacarā āsuṃ, te me pupphaṃ aduṃ tadā;
Tāhaṃ pupphaṃ gahetvāna, sāvake abhiropayim.
60. “Sohaṃ kālaṃkato tattha, punāpi upapajjahaṃ;
Aṭṭhārase kappasate, vinipātaṃ na gacchahaṃ.
61. “Teraseto kappasate, aṭṭhāsuṃ dhūmaketuno;
Sattaratanasampannā, cakkavattī mahabbalā.
62. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tivaṇṭipupphiyo thero imā gāthāyo abhāsithāti;

Tivaṇṭipupphiyattherassāpadānaṃ dasamaṃ.

Kuṭajapupphiyavaggo ekūnavīsatiṃ.

Tassuddānaṃ –

Kuṭajo bandhujīvī ca, koṭumbarikahatthiyo;
Isimuggo ca bodhi ca, ekacintī tikaṇṇiko;
Ekacārī tivaṇṭi ca, gāthā dvāsaṭṭhi kittitāti.

20. Tamālapupphiyavaggo

1. Tamālapupphiyattheraapadānaṃ

1. “Cullāsītisahassāni, thambhā sovaṇṇayā ahū;
Devalaṭṭhipaṭibhāgaṃ, vimānaṃ me sunimmitaṃ.

2. “Tamālapuppham paggayha, vippasannena cetasā;
Buddhassa abhiropayim, sikhino lokabandhuno.
3. “Ekattimse ito kappe, yam kammamakariṃ tadā;
Duggatiṃ nābhijānāmi, buddhapūjāyidaṃ phalaṃ.
4. “Itto vīsatime kappe, candatittoti ekako;
Sattaratanasampanno, cakkavattī mahabbalo.
5. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā tamālapupphiyo thero imā gāthāyo abhāsithāti.

Tamālapupphiyattherassāpadānaṃ paṭhamam.

2. Tiṇasanthārakattheraapadānaṃ

6. “Yadā vanavāsī [yam dāyavāsiko (sī.)] isi, tiṇaṃ lāyati satthuno;
Sabbe padakkhiṇāvattā [padakkhiṇāvattā (sī. syā.)], pathabyā [puthavyā (sī.)] nipatiṃsu te.
 7. “Tamahaṃ tiṇamādāya, santhariṃ dharaṇuttame;
Tiṇeva tālapattāni, āharitvānaṃ tadā.
 8. “Tiṇena chadanaṃ katvā, siddhatthassa adāsahaṃ;
Sattāhaṃ dhārayuṃ tassa [tattha (syā.)], devamānusaṃsatthuno.
 9. “Catunnavutito kappe, yam tiṇaṃ adadiṃ tadā;
Duggatiṃ nābhijānāmi, tiṇadānassidaṃ phalaṃ.
 10. “Pañcasatṭhimhito kappe, cattārosuṃ mahaddhanā;
Sattaratanasampannā, cakkavattī mahabbalā.
 11. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā tiṇasanthārako thero imā gāthāyo abhāsithāti.

Tiṇasanthārakattherassāpadānaṃ dutiyaṃ.

3. Khaṇḍapulliyattheraapadānaṃ

12. “Phussassa kho bhagavato, thūpo āsi mahāvane;
Kuñjarehi tadā bhinno, parūlho pādapo [parūlhapādapo (sī.), samrūlho pādapo (syā.)] tahiṃ.
13. “Visamañca samaṃ katvā, sudhāpiṇḍaṃ adāsahaṃ;
Tilokagaruno tassa, guṇehi paritosito [parito suto (ka.)].
14. “Dvenavute ito kappe, yam kammamakariṃ tadā;
Duggatiṃ nābhijānāmi, sudhāpiṇḍassidaṃ phalaṃ.
15. “Sattasattatikappamhi, jitasenāsuṃ soḷasa;
Sattaratanasampannā, cakkavattī mahabbalā.

16. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā khaṇḍaphulliyō thero imā gāthāyo abhāsithāti.

Khaṇḍapulliyattherassāpadānaṃ tatiyaṃ.

4. Asokapūjakattheraapadānaṃ

17. “Tivarāyaṃ [tipurāyaṃ (syā.)] pure ramme, rājuyyānaṃ ahu tadā;
Uyyānapālo tathāsīṃ, rañño baddhacaro ahaṃ.
18. “Padumo nāma nāmena, sayambhū sappabho ahu;
Nisinnaṃ [nisinna (ka.)] puṇḍarīkamhi, chāyā na jahi taṃ munīṃ.
19. “Asokaṃ pupphitaṃ disvā, piṇḍibhāraṃ sudassanaṃ;
Buddhassa abhiropesiṃ, jalajuttamanāmino.
20. “Catunnavutito kappe, yaṃ pupphamabhiropayīṃ;
Duggatiṃ nābhijānāmi, buddhapūjāyidaṃ phalaṃ.
21. “Sattatiṃsamhito kappe, soḷasa araṇaṇjahā [aruṇaṇjahā (sī.)];
Sattaratanasampannā, cakkavattī mahabbalā.
22. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā asokapūjako thero imā gāthāyo abhāsithāti.

Asokapūjakattherassāpadānaṃ catutthaṃ.

5. Aṅkolakattheraapadānaṃ

23. “Aṅkolaṃ pupphitaṃ disvā, mālāvaram sakosakaṃ [samogadhaṃ (syā.)];
Ocinitvāna taṃ pupphaṃ, agamaṃ buddhasantikāṃ.
24. “Siddhattho tamhi samaye, patilīno mahāmuni;
Muhuttaṃ paṭimānetvā, guhāyaṃ pupphamokiriṃ.
25. “Catunnavutito kappe, yaṃ pupphamabhipūjayīṃ;
Duggatiṃ nābhijānāmi, pupphadānassidaṃ [buddhapūjāyidaṃ (sī. syā.)] phalaṃ.
26. “Chattīṃsamhi ito kappe, āseko devagajjito;
Sattaratanasampanno, cakkavattī mahabbalo.
27. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā aṅkolako thero imā gāthāyo abhāsithāti.

Aṅkolakattherassāpadānaṃ pañcamaṃ.

6. Kisalayapūjakattheraapadānaṃ

28. “Nagare dvāravatīyā, mālāvaccho mamaṃ ahu;
Udapāno ca tattheva, pādapaṇaṃ virohano.

29. “Sabalena upatthaddho, siddhattho aparājito;
Mamānukampamāno so, gacchate anilañjase.
30. “Aññaṃ kiñci na passāmi, pūjāyoggaṃ mahesino;
Asokaṃ pallavaṃ disvā, ākāse ukkhipiṃ ahaṃ.
31. “Buddhassa te kisalayā, gacchato yanti pacchato;
Tāhaṃ disvāna saṃvijim [sohaṃ disvāna taṃ iddhiṃ (sī. syā.)], aho buddhassuḷāratā.
32. “Catunnavutito kappe, pallavaṃ abhiropayim;
Duggatiṃ nābhijānāmi, buddhapūjāyidaṃ phalaṃ.
33. “Sattatiṃse [sattavīse (sī. syā.)] ito kappe, eko ekissaro ahu;
Sattaratanasampanno, cakkavattī mahabbalo.
34. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā kisalayaṇḍako thero imā gāthāyo abhāsithāti.

Kisalayaṇḍakattherassāpadānaṃ chaṭṭhaṃ.

7. Tindukadāyakattheraapadānaṃ

35. “Giriduggacaro āsim, makkato thāmavegiko;
Phalinaṃ tindukaṃ disvā, buddhaseṭṭhaṃ anussariṃ.
36. “Nikkhamitvā katipāhaṃ, viciniṃ lokanāyakaṃ;
Pasannacitto sumano, siddhatthaṃ tibhavantaṃ.
37. “Mama saṅkappamaññāya, sathā loke anuttaro;
Khīṇāsavasahasseehi, āgacchi mama santikaṃ.
38. “Pāmojjaṃ janayitvāna, phalahattho upāgamiṃ;
Paṭiggahesi bhagavā, sabbaññū vadataṃ varo.
39. “Catunnavutito kappe, yaṃ phalaṃ adadiṃ tadā;
Duggatiṃ nābhijānāmi, phaladānassidaṃ phalaṃ.
40. “Sattapaññāsakappamhi, upanandasanāmako;
Sattaratanasampanno, cakkavattī mahabbalo.
41. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā tindukadāyako thero imā gāthāyo abhāsithāti.

Tindukadāyakattherassāpadānaṃ sattamaṃ.

8. Muṭṭhipūjakattheraapadānaṃ

42. “Sumedho nāma bhagavā, lokajetṭho narāsabho;
Pacchime anukampāya, padhānaṃ padahī jino.
43. “Tassa caṅkamamānassa, dvipadindassa tādino;

Girinelassa pupphānaṃ, muṭṭhiṃ buddhassa ropayaṃ.

44. “Tena cittappasādena, sukkamūlena codito;
Tiṃsakappasahassāni, duggatiṃ nupapajjahaṃ.
45. “Tevīsaticappasate, sunelo nāma khattiyo;
Sattaratanasampanno, eko āsiṃ mahabbalo.
46. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā muṭṭhipūjako thero imā gāthāyo abhāsithāti.

Muṭṭhipūjakattherassāpadānaṃ aṭṭhamaṃ.

9. Kiṃkaṇikapupphiyattheraapadānaṃ

47. “Sumaṅgaloti nāmena, sayambhū aparājito;
Pavanā nikkhamitvāna, nagaraṃ pāvīsī jino.
48. “Piṇḍacāraṃ caritvāna, nikkhamma nagarā muni;
Katakiccova sambuddho, so vasī vanamantare.
49. “Kiṃkaṇipupphaṃ paggayha, buddhassa abhiropayaṃ;
Pasannacitto sumano, sayambhussa mahesino.
50. “Catunnavutito kappe, yaṃ pupphamabhiropayaṃ;
Duggatiṃ nābhijānāmi, buddhapūjāyidaṃ phalaṃ.
51. “Chaḷāsītimhito kappe, apilāsisanāmako;
Sattaratanasampanno, cakkavattī mahabbalo.
52. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā kiṃkaṇikapupphiyo thero imā gāthāyo abhāsithāti.

Kiṃkaṇikapupphiyattherassāpadānaṃ navamaṃ.

10. Yūthikapupphiyattheraapadānaṃ

53. “Padumuttaro nāma jino, āhutiṇaṃ paṭiggaho;
Pavanā nikkhamitvāna, vihāraṃ yāti cakkhumā.
54. “Ubho hatthehi paggayha, yūthikaṃ pupphamuttamaṃ;
Buddhassa abhiropayaṃ, mettacittassa tādino.
55. “Tena cittappasādena, anubhotvāna sampadā;
Kappānaṃ satasahassaṃ, duggatiṃ nupapajjahaṃ.
56. “Ito paññāsakappesu, eko āsiṃ janādhipo;
Samittanandano nāma, cakkavattī mahabbalo.
57. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā yūthikapupphiyo thero imā gāthāyo abhāsithāti;

Yūthikapupphiyattherassāpadānaṃ dasamaṃ.

Tamālapupphiyavaggo vīsatiṃ.

Tassuddānaṃ –

Tamālatiṇasanthāro, khaṇḍaphulli asokiyo;
Aṅkolakī kisalayo, tinduko nelapupphiyō;
Kiṃkaṇiko yūthiko ca, gāthā paññāsa aṭṭha cāti.

Atha vagguddānaṃ –

Bhikkhādāyī parivāro, sereyyo sobhito tathā;
Chattañca bandhujīvī ca, supāricariyopi ca.

Kumudo kuṭajo ceva, tamāli dasamo kato;
Chasatāni ca gāthāni, chasaṭṭhi ca tatuttari.

Bhikkhāvaggadasakaṃ.

Dutiyasatakaṃ samattaṃ.

21. Kaṇikārapupphiyavaggo

1. Kaṇikārapupphiyattheraapadānaṃ

1. “Kaṇikāraṃ pupphitaṃ disvā, ocinitvānaṃ tadā;
Tissassa abhiropesiṃ, oghatiṇṇassa tādino.
2. “Dvenavute ito kappe, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalaṃ.
3. “Pañcattiṃse ito kappe, aruṇapāṇīti vissuto;
Sattaratanasampanno, cakkavattī mahabbalo.
4. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā kaṇikārapupphiyō thero imā gāthāyo abhāsittāti.

Kaṇikārapupphiyattherassāpadānaṃ paṭhamaṃ.

2. Minelapupphiyattheraapadānaṃ

5. “Suvanṇavaṇṇo bhagavā, sataraṃsī patāpavā;
Caṅkamaṃ samārūḷho, mettacitto sikhīsabho.
6. “Pasannacitto sumano, vanditvā [thometvā (syā.)] ñāṇamuttamaṃ;
Minelapupphaṃ paggayha, buddhassa abhiropayim.

7. “Ekattiṃse ito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
8. “Ekūnatiṃsakappamhi, sumeghaghananāmakō;
Sattaratanasampanno, cakkavattī mahabbalo.
9. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā minelapupphiyo therō imā gāthāyo abhāsittthāti.

Minelapupphiyattherassāpadānaṃ dutiyaṃ.

3. Kiṅkaṇipupphiyattheraapadānaṃ

10. “Kaṅcanagghiyasaṅkāso, sabbaññū lokanāyako;
Odaṃ dahamoggayha, sināyi lokanāyako.
11. “Paggayha kiṅkaṇiṃ [kiṅkiṇiṃ (sī.)] pupphaṃ, vipassissābhiropayim;
Udagacitto sumano, dvipadindassa tādino.
12. “Ekanavutito kappe, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalaṃ.
13. “Sattavīsaticappamhi, rājā bhīmaratho ahu;
Sattaratanasampanno, cakkavattī mahabbalo.
14. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kiṅkaṇipupphiyo [kiṅkiṇikapupphiyo (sī.)] therō imā gāthāyo abhāsittthāti.

Kiṅkaṇipupphiyattherassāpadānaṃ tatiyaṃ.

4. Taraṇiyattheraapadānaṃ

15. “Atthadassī tu bhagavā, dvipadindo narāsabho;
Purakkhato sāvakehi, gaṅgātīramupāgami.
16. “Samatitti kākapeyyā, gaṅgā āsi duruttarā;
Uttārayim bhikkhusaṅghaṃ, buddhañca dvipaduttamaṃ.
17. “Aṭṭhārase kappasate, yaṃ kammamakariṃ tadā;
Duggatiṃ nābhijānāmi, taraṇāya idaṃ phalaṃ.
18. “Teraseto kappasate, pañca sabbobhavā [sabbhogavā (sī.)] ahuṃ;
Sattaratanasampannā, cakkavattī mahabbalā.
19. “Pacchime ca bhavē asmim, jātohaṃ brāhmaṇe kule;
Saddhim tīhi sahāyehi, pabbajim satthu sāsane.
20. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā taraṇiyo therō imā gāthāyo abhāsittthāti;

Taraṇiyattherassāpadānaṃ catutthaṃ.

5. Nigguṇḍipupphiyattheraapadānaṃ

21. “Vipassissa bhagavato, āsimārāmiko ahaṃ;
Nigguṇḍipupphaṃ paggayha, buddhassa abhiropayim.
22. “Ekanavutito kappe, yaṃ pupphamabhipūjayim;
Duggatiṃ nābhijānāmi, buddhapūjāyidaṃ phalaṃ.
23. “Pañcavīse [pañcatimse (sī. syā.)] ito kappe, eko āsim janādhipo;
Mahāpatāpanāmena, cakkavattī mahabbalo.
24. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā nigguṇḍipupphiyo thero imā gāthāyo abhāsithāti.

Nigguṇḍipupphiyattherassāpadānaṃ pañcamaṃ.

6. Udakadāyakattheraapadānaṃ

25. “Bhuñjantaṃ samaṇaṃ disvā, vipasannamanāvilam;
Ghaṭenodakamādāya, siddhatthassa adāsahaṃ.
26. “Nimmalo homahaṃ ajja, vimalo khīṇasaṃsayo;
Bhave nibbattamānamhi, phalaṃ nibbattate mama [subhaṃ (sī.)].
27. “Catunnavutito kappe, udakaṃ yamadāsahaṃ [yaṃ tadā adam (sī.), adadim tadā (syā.)];
Duggatiṃ nābhijānāmi, dakadānassidaṃ phalaṃ.
28. “Ekasaṭṭhimhito kappe, ekova vimalo ahu;
Sattaratanasampanno, cakkavattī mahabbalo.
29. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā udakadāyako thero imā gāthāyo abhāsithāti.

Udakadāyakattherassāpadānaṃ chaṭṭhaṃ.

7. Salalamāliyattheraapadānaṃ

30. “Kaṇikāraṃva jotantaṃ, nisinnaṃ pabbatantare;
Obhāsentaṃ disā sabbā, siddhatthaṃ naraśārathim.
31. “Dhanuṃ advejjaṃ katvāna, usuṃ sannayhahaṃ tadā;
Pupphaṃ savaṇṇaṃ chetvāna, buddhassa abhiropayim.
32. “Catunnavutito kappe, yaṃ pupphamabhiropayim;
Duggatiṃ nābhijānāmi, buddhapūjāyidaṃ phalaṃ.
33. “Ekapaññāsito kappe, eko āsim jutindharo;
Sattaratanasampanno, cakkavattī mahabbalo.
34. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā salalamāliyo thero imā gāthāyo abhāsithāti.

Salalamāliyattherassāpadānaṃ sattamaṃ.

8. Korāṇḍapupphiyattheraapadānaṃ

35. “Akkantañca padaṃ disvā, cakkālaṅkārabhūsitāṃ;
Padeṇānupadaṃ yanto, vipassissa mahesino.
36. “Koraṇḍaṃ pupphitaṃ disvā, samūlaṃ pūjitaṃ mayā;
Haṭṭho haṭṭhena cittaṇa, avandiṃ padaṃuttamaṃ.
37. “Ekanavutito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
38. “Sattapaññāsakappamhi, eko vītamalo ahuṃ;
Sattaratanasampanno, cakkavattī mahabbalo.
39. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā korāṇḍapupphiyo thero imā gāthāyo abhāsithāti.

Koraṇḍapupphiyattherassāpadānaṃ aṭṭhamaṃ.

9. Ādhāradāyakattheraapadānaṃ

40. “Ādhāraḥkaṃ mayā dinnāṃ, sikhino lokabandhuno;
Dhāremi pathaviṃ sabbaṃ, kevalaṃ vasudhaṃ imaṃ.
41. “Kilesā jhāpitā mayhaṃ, bhavā sabbe samūhatā;
Dhāremi antimaṃ dehaṃ, sammāsambuddhasāsane.
42. “Sattavīse ito kappe, ahesuṃ caturo janā;
Samantavaraṇā nāma, cakkavattī mahabbalā.
43. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ādhāradāyako [[pariyādāniyo \(ka.\)](#)] thero imā gāthāyo abhāsithāti.

Ādhāradāyakattherassāpadānaṃ navamaṃ.

10. Pāpanivāriyattheraapadānaṃ

44. “Tissassa tu bhagavato, devadevassa tādino;
Ekacchattaṃ mayā dinnāṃ, vippasanna cetasā.
45. “Nivutaṃ hoti me pāpaṃ, kusalassupasampadā;
Ākāse chattaṃ dhārenti, pubbakammassidaṃ phalaṃ.
46. “Carimaṃ vattate mayhaṃ, bhavā sabbe samūhatā;
Dhāremi antimaṃ dehaṃ, sammāsambuddhasāsane.
47. “Dvenavute ito kappe, yaṃ chattaṃmadadiṃ tadā;
Duggatiṃ nābhijānāmi, chattaṃdānassidaṃ phalaṃ.

48. “Dvesattatimhito kappe, aṭṭhāsiṃsu janādhipā;
Mahānidānanāmena, rājāno cakkavattino.
49. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pāpanivāriyo [vātātanivāriyo (sī.)] thero imā gāthāyo abhāsithāti;

Pāpanivāriyattherassāpadānaṃ dasamaṃ.

Kaṇikārapupphiyavaggo ekavīsatiṃ.

Tassuddānaṃ –

Kaṇikāro minelañca, kiṅkaṇi taraṇena ca;
Niggaṇḍipupphī dakado, salalo ca kuraṇḍako;
Ādhārako pāpavārī, aṭṭhatālīsa gāthakāti.

22. Hatthivaggo

1. Hatthidāyakaṭṭheraapadānaṃ

1. “Siddhatthassa bhagavato, dvīpadindassa tādino;
Nāgasetṭho mayā dinno, īsādanto urūḷhavā.
2. “Uttamatthaṃ anubhomi, santipadamanuttaraṃ;
Nāgadānaṃ [aggadānaṃ (sī. ka.)] mayā dinnaṃ, sabbalokahitesino.
3. “Catunnavutito kappe, yaṃ nāga [dāna (sī. ka.)] madadiṃ tadā;
Duggatiṃ nābhijānāmi, nāgadānassidaṃ phalaṃ.
4. “Aṭṭhasattatikappamhi, soḷasāsiṃsu khattiyā;
Samantapāsādikā nāma, cakkavattī mahabbalā.
5. “Paṭisambhidā catasso, vimokkhāpi ca aṭṭhime;
Chalābhīññā sacchikatā, kataṃ buddhassa sāsanaṃ”.

Itthaṃ sudaṃ āyasmā hatthidāyako thero imā gāthāyo abhāsithāti.

Hatthidāyakaṭṭherassāpadānaṃ paṭhamamaṃ.

2. Pānadhīdāyakaṭṭheraapadānaṃ

6. “Āraññikassa isino, cirarattatapassino [jhāyino, mettacittatapassino (syā.)];
Buddhassa [dhammassa (syā. ka.)] bhāvitattassa, adāsiṃ pānadhīṃ ahaṃ.
7. “Tena kammena dvīpadinda, lokajetṭha narāsabha;
Dibbayānaṃ [sabbamaṃ yānaṃ (sī.)] anubhomi, pubbakammassidaṃ phalaṃ.
8. “Catunnavute ito kappe, yaṃ kammamakarīṃ tadā;
Duggatiṃ nābhijānāmi, pānadhissa idaṃ phalaṃ.

9. “Sattasattatito kappe, aṭṭha āsiṃsu khattiyā;
Suyānā nāma nāmena, cakkavattī mahabbalā.
10. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pānadhidāyako thero imā gāthāyo abhāsithāti.

Pānadhidāyakattherassāpadānaṃ dutiyaṃ.

3. Saccasaññakattheraapadānaṃ

11. “Vessabhū tamhi samaye, bhikkhusaṅghapurakkhato;
Deseti ariyasaccāni, nibbāpento mahājanaṃ.
12. “Paramakāruñṇapattomhi, samitiṃ agamāsahaṃ;
Sohaṃ nisinnako santo, dhammamassosi satthuno.
13. “Tassāhaṃ dhammaṃ sutvāna, devalokaṃ agacchahaṃ;
Tiṃsakappāni devesu, avasiṃ tatthahaṃ pure.
14. “Ekattiṃse ito kappe, yaṃ saññamalabhiṃ tadā;
Duggatiṃ nābhijānāmi, saccasaññāyidaṃ phalaṃ.
15. “Chabbīsamhi ito kappe, eko āsiṃ janādhipo;
Ekaphusitanāmena, cakkavattī mahabbalo.
16. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā saccasaññako thero imā gāthāyo abhāsithāti.

Saccasaññakattherassāpadānaṃ tatiyaṃ.

4. Ekasaññakattheraapadānaṃ

17. “Dumagge paṃsukūlikaṃ [paṃsukūlakaṃ (?)], laggaṃ disvāna satthuno;
Añjaliṃ paggahetvāna, paṃsukūlaṃ avandahaṃ.
18. “Ekattiṃse ito kappe, yaṃ saññamalabhiṃ tadā;
Duggatiṃ nābhijānāmi, buddhapūjāyidaṃ phalaṃ.
19. “Pañcavīse ito kappe, eko āsiṃ janādhipo;
Amitābhoti nāmena, cakkavattī mahabbalo.
20. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ekasaññako thero imā gāthāyo abhāsithāti.

Ekasaññakattherassāpadānaṃ catutthaṃ.

5. Raṃsisaññakattheraapadānaṃ

21. “Udentāṃ sataraṃsiṃva, pītaraṃsiṃva [sitaraṃsiṃ va (sī. syā.)] bhāṇumaṃ;
Byagghūsabhaṃva pavaraṃ, sujātaṃ pabbatantare.

22. “Buddhassa ānubhāvo so, jalate pabbatantare;
Raṃse [ramsyā (?)] cittaṃ pasādetvā, kappam saggamhi modahaṃ.
23. “Avasesesu kappesu, kusalaṃ caritaṃ mayā;
Tena cittappasādena, buddhānussatiyāpi ca.
24. “Timsakappasahasseto, yaṃ saññamalabhiṃ tadā;
Duggatiṃ nābhijānāmi, buddhasaññāyidaṃ phalaṃ.
25. “Sattapaññāsakappamhi, eko āsiṃ janādhipo;
Sujāto nāma nāmena, cakkavattī mahabbalo.
26. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā raṃsisaññako thero imā gāthāyo abhāsithāti.

Raṃsisaññakattherassāpadānaṃ pañcamaṃ.

6. Sandhitattheraapadānaṃ

27. “Assatthe haritobhāse, saṃvirūḷhamhi pādape;
Ekaṃ buddhagataṃ saññaṃ, alabhiṃhaṃ [alabhissam (sī.)] patissato.
28. “Ekattiṃse ito kappe, yaṃ saññamalabhiṃ tadā;
Tassā saññāya vāhasā, patto me āsavakkhayo.
29. “Ito terasakappamhi, dhaniṭṭho nāma khattiyo;
Sattaratanasampanno, cakkavattī mahabbalo.
30. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sandhito [sañhito (sī.)] thero imā gāthāyo abhāsithāti.

Sandhitattherassāpadānaṃ chaṭṭhaṃ.

7. Tālavaṇṭadāyakattheraapadānaṃ

31. “Tālavaṇṭaṃ mayā dinnam, tissassādiccabandhuno;
Gimhanibbāpanatthāya, pariḷāhopasantiyā.
32. “Sannibbāpemi rāgaggiṃ, dosaggiñca taduttariṃ;
Nibbāpemi ca mohaggiṃ, tālavaṇṭassidaṃ phalaṃ.
33. “Kilesā jhāpitā mayhaṃ, bhavā sabbe samūhatā;
Dhāremi antimaṃ dehaṃ, sammāsambuddhasāsane.
34. “Dvenavute ito kappe, yaṃ kammamakariṃ tadā;
Duggatiṃ nābhijānāmi, tālavaṇṭassidaṃ phalaṃ.
35. “Tesaṭṭhimhi ito kappe, mahānāmasanāmaṃ;
Sattaratanasampanno, cakkavattī mahabbalo.
36. “Paṭisambhidā catasso...pe... kataṃ buddhassa sāsanaṃ”.

Ittham sudam āyasmā tālavanṭadāyako thero imā gāthāyo abhāsithāti.

Tālavanṭadāyakattherassāpadānaṃ sattamaṃ.

8. Akkantasaññakattheraapadānaṃ

37. “Kusāṭakaṃ gahetvāna, upajjhāyassahaṃ pure;
Mantañca anusikkhāmi, ganthādosassa [kaṇḍabhedassa (sī.), gaṇḍabhedassa (syā.)] pattiyā.
38. “Addasaṃ virajaṃ buddhaṃ, āhutīnaṃ paṭiggahaṃ;
Usabhaṃ pavaraṃ aggamaṃ, tissaṃ buddhaṃ gaṇuttamaṃ [gajuttamaṃ (syā.)].
39. “Kusāṭakaṃ pattharitaṃ, akkamantaṃ naruttamaṃ;
Samuggataṃ mahāvīraṃ, lokajetṭhaṃ narāsabhaṃ.
40. “Disvā taṃ lokapajjotaṃ, vimalaṃ candasannibhaṃ;
Avandiṃ satthuno pāde, vipasannena cetasā.
41. “Catunnavutito kappe, yaṃ adāsīṃ kusāṭakaṃ;
Duggatiṃ nābhijānāmi, kusāṭakassidaṃ phalaṃ.
42. “Sattatiṃse ito kappe, eko āsīṃ janādhipo;
Sunando nāma nāmena, cakkavattī mahabbalo.
43. “Paṭisambhidā catasso...pe... kataṃ buddhassa sāsanaṃ”.
Ittham sudam āyasmā akkantasaññako thero imā gāthāyo abhāsithāti;

Akkantasaññakattherassāpadānaṃ aṭṭhamaṃ.

9. Sappidāyakattheraapadānaṃ

44. “Nisinno pāsādavare, nārīgaṇapurakkhato;
Byādhitāṃ samaṇaṃ disvā, abhināmesahaṃ gharaṃ.
45. “Upaviṭṭhaṃ mahāvīraṃ, devadevaṃ narāsabhaṃ;
Sappitelaṃ mayā dinnāṃ, siddhatthassa mahesino.
46. “Passaddhadarathaṃ disvā, vipasannamukhindriyaṃ;
Vanditvā satthuno pāde, anusamsāvayaṃ pure.
47. “Disvā maṃ suppasannattaṃ [suppasannantaṃ (syā. ka.) suppasannacittanti attho], iddhiyā
pāramiṅgato;
Nabhaṃ abbhuggamī dhīro, haṃsarājāva ambare.
48. “Catunnavutito kappe, yaṃ dānamadadiṃ tadā;
Duggatiṃ nābhijānāmi, sappitelassidaṃ phalaṃ.
49. “Ito sattarase kappe, jutideva [dutideva (syā.), tutideva (ka.)] sanāmako;
Sattaratanasampanno, cakkavattī mahabbalo.
50. “Paṭisambhidā catasso...pe... kataṃ buddhassa sāsanaṃ”.

Itthaṃ sudaṃ āyasmā sappidāyako thero imā gāthāyo abhāsithāti.

Sappidāyakattherassāpadānaṃ navamaṃ.

10. Pāpanivāriyattheraapadānaṃ

51. “Piyadassissa bhagavato, caṅkamaṃ sodhitam mayā;
Naḷakehi paṭicchannaṃ, vātātapānivāraṇaṃ.
52. “Pāpaṃ vivajjanatthāya, kusalassupasampadā;
Kilesānaṃ pahānāya, padahiṃ satthu sāsane.
53. “Ito ekādase kappe, aggidevoti vissuto;
Sattaratanasampanno, cakkavattī mahabbalo.
54. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pāpanivāriyo [vātātapānivāriyo (?)] thero imā gāthāyo abhāsithāti.

Pāpanivāriyattherassāpadānaṃ dasamaṃ.

Hatthivaggo bāvīsatiso.

Tassuddānaṃ –

Hatthi pānadhi saccañca, ekasaññi ca raṃsiko;
Sandhito tālavaṇṭaṇca, tathā akkantaśaṇṇako;
Sappi pāpanivārī ca, catuppaññāsa gāthakāti.

23. Ālambaṇadāyākavaggo

1. Ālambaṇadāyakattheraapadānaṃ

1. “Atthadassissa bhagavato, lokajeṭṭhassa tādino;
Ālambaṇaṃ mayā dinnaṃ, dvipadindassa tādino.
2. “Dharaṇiṃ paṭipajjāmi, vipulaṃ sāgarapparaṃ;
Pāṇesu ca issariyaṃ, vattemi vasudhāya ca.
3. “Kilesā jhāpitā mayhaṃ, bhavā sabbe samūhatā;
Tisso vijjā anuppattā, kataṃ buddhassa sāsanaṃ.
4. “Ito dvesatṭhikappamhi, tayo āsiṃsu khattiyā;
Ekāpassitanāmā te, cakkavattī mahabbalā.
5. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā ālambaṇadāyako thero imā gāthāyo abhāsithāti.

Ālambaṇadāyakattherassāpadānaṃ paṭhamaṃ.

2. Ajinadāyakattheraapadānaṃ

6. “Ekattiṃse ito kappe, gaṇasatthārako ahaṃ;
Addasaṃ virajaṃ buddhaṃ, āhutaṃ paṭiggahaṃ.
7. “Cammakhaṇḍaṃ mayā dinnā, sikhino lokabandhuno;
Tena kammena dvipadinda, lokajetṭha narāsabha.
8. “Sampattiṃ anubhotvāna, kilese jhāpayiṃ ahaṃ;
Dhāremi antimāṃ dehaṃ, sammāsambuddhasāsane.
9. “Ekattiṃse ito kappe, ajinaṃ yaṃ adāsahaṃ;
Duggatiṃ nābhijānāmi, ajinassa idaṃ phalaṃ.
10. “Ito pañcamake kappe, rājā āsiṃ sudāyako;
Sattaratanasampanno, cakkavattī mahabbalo.
11. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ajinadāyako thero imā gāthāyo abhāsithāti.

Ajinadāyakattherassāpadānaṃ dutiyaṃ.

3. Dverataniyattheraapadānaṃ

12. “Migaluddo pure āsiṃ, araññe kānane ahaṃ;
Addasaṃ virajaṃ buddhaṃ, āhutaṃ paṭiggahaṃ.
13. “Maṃsapesi mayā dinnā, vipassissa mahesino;
Sadevakasmiṃ lokasmiṃ, issaraṃ kārayāmaṃ.
14. “Iminā maṃsadānena, ratanaṃ nibbattate mama;
Duveme ratanā loke, diṭṭhadhammassa pattiyaṃ.
15. “Teḥaṃ sabbe anubhomi, maṃsadānassa sattiyā;
Gattañca mudukaṃ mayhaṃ, paññā nipuṇavedanī.
16. “Ekanavutito kappe, yaṃ maṃsamadadiṃ tadā;
Duggatiṃ nābhijānāmi, maṃsadānassidaṃ phalaṃ.
17. “Ito catutthake kappe, eko āsiṃ janādhipo;
Mahārohitanāmo so, cakkavattī mahabbalo.
18. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā dverataniyo [dvirataniyo (sī.)] thero imā gāthāyo abhāsithāti.

Dverataniyattherassāpadānaṃ tatiyaṃ.

Dasamaṃ bhāṇavāraṃ.

4. Ārakkhadāyakattheraapadānaṃ

19. “Siddhatthassa bhagavato, vedi kārāpitā [vedikā kārītā (syā.)] mayā;
Ārakkho ca mayā dinno, sugatassa mahesino.
20. “Tena kammavisesena, na passim bhayabheravaṃ;
Kuhiñci upapannassa, tāso mayhaṃ na vijjati.
21. “Catunnavutito kappe, yaṃ vedim kārāyim pure;
Duggatiṃ nābhijānāmi, vedikāya idaṃ phalaṃ.
22. “Ito chaṭṭhamhi kappamhi, apassenasanāmakō;
Sattaratanasampanno, cakkavattī mahabbalo.
23. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ārakkhadāyako thero imā gāthāyo abhāsithāti.

Ārakkhadāyakattherassāpadānaṃ catutthaṃ.

5. Abyādhikattheraapadānaṃ

24. “Vipassissa bhagavato, aggisālaṃ adāsahaṃ;
Byādhikānañca āvāsaṃ, uṇhodakapaṭiggahaṃ.
25. “Tena kammenayaṃ mayhaṃ, attabhāvo sunimmito;
Byādhāhaṃ nābhijānāmi, puññakammassidaṃ phalaṃ.
26. “Ekanavutito kappe, yaṃ sālamadadiṃ tadā;
Duggatiṃ nābhijānāmi, aggisālāyidaṃ phalaṃ.
27. “Ito ca sattame kappe, ekosim aparājito [eko āsim narādhipo (syā.)];
Sattaratanasampanno, cakkavattī mahabbalo.
28. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā abyādhiko thero imā gāthāyo abhāsithāti.

Abyādhikattherassāpadānaṃ pañcamaṃ.

6. Aṅkolapupphiyattheraapadānaṃ

29. “Nārado [varado (ka.)] iti me nāmaṃ, kassapo iti maṃ vidū;
Addasaṃ samañānaggaṃ, vipassim devasakkataṃ.
30. “Anubyañjanadharaṃ buddhaṃ, āhutīnaṃ paṭiggahaṃ;
Aṅkolapupphaṃ [vakulapupphaṃ (syā.), bakolapupphaṃ (ka.)] paggayha, buddhassa
abhiropayim.
31. “Ekanavutito kappe, yaṃ pupphamabhipūjayim;
Duggatiṃ nābhijānāmi, buddhapūjāyidaṃ phalaṃ.
32. “Catusattatito kappe, romaso nāma khattiyo;
Āmukkamālābharaṇo, sayoggabalavāhano.

33. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā aṅkolapupphiyo [vakulapupphiyo (syā.), bakolapupphiyo (ka.)] thero imā gāthāyo abhāsithāti.

Aṅkolapupphiyattherassāpadānaṃ chaṭṭhaṃ.

7. Sovaṇṇavaṭaṃsakiyattheraapadānaṃ

34. “Uyyānabhūmiṃ niyyanto, addasaṃ lokanāyakaṃ;
Vaṭaṃsakaṃ gahetvāna, sovaṇṇaṃ sādhunimmitaṃ.
35. “Sīghaṃ tato samāruyha, hatthikkhandhagato ahaṃ;
Buddhassa abhiropesiṃ, sikhino lokabandhuno.
36. “Ekattiṃse ito kappe, yaṃ pupphamabhiropayiṃ;
Duggatiṃ nābhijānāmi, pupphapūjāyidaṃ phalaṃ.
37. “Sattavīse ito kappe, eko āsiṃ janādhipo;
Mahāpatāpanāmena, cakkavattī mahabbalo.
38. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā sovaṇṇavaṭaṃsakiyo thero imā gāthāyo abhāsithāti.

Sovaṇṇavaṭaṃsakiyattherassāpadānaṃ sattamaṃ.

8. Miñjavaṭaṃsakiyattheraapadānaṃ

39. “Nibbuta lokanāthamhi, sikhimhi vadataṃ vare;
Vaṭaṃsakehi ākiṇṇaṃ, bodhipūjaṃ akāsahaṃ.
40. “Ekattiṃse ito kappe, yaṃ pūjamakarim tadā;
Duggatiṃ nābhijānāmi, bodhipūjāyidaṃ phalaṃ.
41. “Ito chabbīsaticappe, ahuṃ meghabbhanāmako;
Sattaratanasampanno, cakkavattī mahabbalo.
42. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā miñjavaṭaṃsakiyo thero imā gāthāyo abhāsithāti.

Miñjavaṭaṃsakiyattherassāpadānaṃ aṭṭhamaṃ.

9. Sukatāveḷiyattheraapadānaṃ

43. “Asito nāma nāmena, mālakāro ahaṃ [ahuṃ (?)] tadā;
Āveḷaṃ paggahetvāna, rañño dātuṃ vajāmahaṃ.
44. “Asampattomhi [asampattamhi (sī.), asampattova (?)] rājānaṃ, addasaṃ sikhināyakaṃ;
Haṭṭho haṭṭhena cīttena, buddhassa abhiropayiṃ.
45. “Ekattiṃse ito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.

46. “Pañcavīse ito kappe, rājāhosim mahabbalo;
Vebhāro nāma nāmena, cakkavattī mahabbalo.
47. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sukatāveḷiyo thero imā gāthāyo abhāsithāti.

Sukatāveḷiyattherassāpadānaṃ navamaṃ.

10. Ekavandaniyattheraapadānaṃ

48. “Usabhaṃ pavaraṃ vīraṃ, vessabhuṃ vijitāvinam;
Pasannacitto sumano, buddhaseṭṭhamavandahaṃ.
49. “Ekattimse ito kappe, yaṃ kammamakariṃ tadā;
Duggatiṃ nābhijānāmi, vandanāya idaṃ phalaṃ.
50. “Catuvīsaticappamhi, vikatānandanāmako;
Sattaratanasampanno, cakkavattī mahabbalo.
51. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ekavandaniyo thero imā gāthāyo abhāsithāti.

Ekavandaniyattherassāpadānaṃ dasamaṃ.

Ālambaṇadāyakaṃ tevīsatiṃ.

Tassuddānaṃ –

Ālambaṇaṇca ajiṇaṃ, maṃsadārakkhadāyako;
Abyādhi añkolaṃ [vakulaṃ (syā.), bakaḷaṃ (ka.)] soṇṇaṃ, miñjaāveḷavandanam;
Pañcapaññāsa gāthāyo, gaṇitā atthadassibhi.

24. Udakāsanavaggo

1. Udakāsanadāyakaṃ ttheraapadānaṃ

1. “Ārāmadvārā nikkhamma, phalakaṃ santhariṃ ahaṃ;
Udakaṇca upaṭṭhāsim, uttamatthassa pattiyā.
2. “Ekattimse ito kappe, yaṃ kammamakariṃ tadā;
Duggatiṃ nābhijānāmi, āsane codake phalaṃ.
3. “Ito pannarase kappe, abhisāmasamavhayo;
Sattaratanasampanno, cakkavattī mahabbalo.
4. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā udakāsanadāyako thero imā gāthāyo abhāsithāti.

Udakāsanadāyakattherassāpadānaṃ paṭhamam.

2. Bhājanapālakattheraapadānaṃ

5. “Nagare bandhumatiyā, kumbhakāro ahaṃ tadā;
Bhājanaṃ anupālesim, bhikkhusaṅghassa tāvade.
6. “Ekanavutito kappe, bhājanaṃ anupālayim;
Duggatiṃ nābhijānāmi, bhājanassa idaṃ phalaṃ.
7. “Tepaññāse ito kappe, anantajālināmako;
Sattaratanasampanno, cakkavattī mahabbalo.
8. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā bhājanapālako [[bhājanadāyako \(sī. syā.\)](#)] thero imā gāthāyo abhāsithāti.

Bhājanapālakattherassāpadānaṃ dutiyaṃ.

3. Sālapupphiyattheraapadānaṃ

9. “Aruṇavatiyā nagare, ahosiṃ pūpiko tadā;
Mama dvārena gacchantam, sikhinaṃ addasaṃ jinaṃ.
10. “Buddhassa pattaṃ paggayha, sālapupphaṃ adāsahaṃ;
Sammaggatassa buddhassa, vipprasanna cetasā.
11. “Ekattiṃse ito kappe, yaṃ pupphamabhidāsahaṃ [[yaṃ khajjakamadāsahaṃ \(sī.\), yaṃ khajjamabhidāsahaṃ \(ka.\) sālapupphanāmakaṃ khajjakaṃ vā bhavyeaya](#)];
Duggatiṃ nābhijānāmi, sālapupphassa idaṃ phalaṃ.
12. “Ito cuddasakappamhi, ahosiṃ amitañjalo;
Sattaratanasampanno, cakkavattī mahabbalo.
13. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sālapupphiyo thero imā gāthāyo abhāsithāti.

Sālapupphiyattherassāpadānaṃ tatiyaṃ.

4. Kilañjadāyakattheraapadānaṃ

14. “Tivarāyaṃ pure ramme, naḷakāro ahaṃ tadā;
Siddhatthe lokapajjote, pasannā janatā taṃhiṃ.
15. “Pūjatthaṃ lokanāthassa, kilañjaṃ pariyesati;
Buddhapūjaṃ karontānaṃ, kilañjaṃ adadiṃ ahaṃ.
16. “Catunnavutito kappe, yaṃ kammamakariṃ tadā;
Duggatiṃ nābhijānāmi, kilañjassa idaṃ phalaṃ.
17. “Sattasattatikappamhi, rājā āsiṃ jaladdharo [[jutindharo \(sī.\)](#)];
Sattaratanasampanno, cakkavattī mahabbalo.

18. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kilañjadāyako thero imā gāthāyo abhāsithāti.

Kilañjadāyakattherassāpadānaṃ catutthaṃ.

5. Vedikārattheraapadānaṃ

19. “Vipassino bhagavato, bodhiyā pādaputtame;
Pasannacitto sumano, kāresim̐ vedikaṃ ahaṃ.

20. “Ekanavutito kappe, kāresim̐ vedikaṃ ahaṃ;
Duggatiṃ nābhijānāmi, vedikāya idaṃ phalaṃ.

21. “Ito ekādase kappe, ahosiṃ sūriyassamo;
Sattarattanasampanno, cakkavattī mahabbalo.

22. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā vedikārako thero imā gāthāyo abhāsithāti.

Vedikārattherassāpadānaṃ pañcamaṃ.

6. Vaṇṇakārattheraapadānaṃ

23. “Nagare aruṇavatiyā, vaṇṇakāro ahaṃ tadā;
Cetiye dussabhaṇḍāni, nānāvaṇṇaṃ rajesaṃ [rajim̐ ahaṃ (ka.), rajemahaṃ (syā.)].

24. “Ekattim̐se ito kappe, yaṃ vaṇṇaṃ rajayim̐ tadā;
Duggatiṃ nābhijānāmi, vaṇṇadānassidaṃ phalaṃ.

25. “Ito tevīsatikappe, vaṇṇasama [candupama (sī.), candasama (syā.)] sanāmako;
Sattarattanasampanno, cakkavattī mahabbalo.

26. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā vaṇṇakāro thero imā gāthāyo abhāsithāti.

Vaṇṇakārattherassāpadānaṃ chaṭṭhaṃ.

7. Piyālapupphiyattheraapadānaṃ

27. “Migaluddo pure āsim̐, araññe kānane ahaṃ;
Piyālaṃ pupphitaṃ disvā, gatamagge khipim̐ ahaṃ.

28. “Ekanavutito kappe, yaṃ pupphamabhipūjayim̐;
Duggatiṃ nābhijānāmi, buddhapūjāyidaṃ phalaṃ.

29. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā piyālapupphiyo thero imā gāthāyo abhāsithāti.

Piyālapupphiyattherassāpadānaṃ sattamaṃ.

8. Ambayāgadāyakattheraapadānaṃ

30. “Sake sippe apatthaddho, agamaṃ kānaṃ ahaṃ;
Sambuddhaṃ yantaṃ disvāna, ambayāgaṃ adāsahaṃ.
31. “Ekanavutito kappe, yaṃ dānamadadiṃ tadā;
Duggatiṃ nābhijānāmi, ambayāgassidaṃ phalaṃ.
32. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ambayāgadāyako thero imā gāthāyo abhāsithāti.

Ambayāgadāyakattherassāpadānaṃ aṭṭhamaṃ.

9. Jagatikārakattheraapadānaṃ

33. “Nibbute lokanāthamhi, atthadassi naruttame;
Jagatī kāritā mayhaṃ, buddhassa thūpamuttame.
34. “Aṭṭhārase kappasate, yaṃ kammamakariṃ tadā;
Duggatiṃ nābhijānāmi, jagatiyā idaṃ phalaṃ.
35. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā jagatikārako thero imā gāthāyo abhāsithāti.

Jagatikārakattherassāpadānaṃ navamaṃ.

10. Vāsidāyakattheraapadānaṃ

36. “Kammārohaṃ pure āsiṃ, tivarāyaṃ puruttame;
Ekā vāsi mayā dinnā, sayambhuṃ aparājitaṃ [[sayambhumhiparājite \(?\)](#)].
37. “Catunnavutito kappe, yaṃ vāsimadadiṃ tadā;
Duggatiṃ nābhijānāmi, vāsidānassidaṃ phalaṃ.
38. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā vāsidāyako thero imā gāthāyo abhāsithāti.

Vāsidāyakattherassāpadānaṃ dasamaṃ.

Udakāsanavaggo catuvīsatimo.

Tassuddānaṃ –

Udakāsanabhājanaṃ, sālapupphī kilañjako;
Vedikā vaṇṇakāro ca, piyālaambayāgado;
Jagatī vāsidātā ca, gāthā tiṃsa ca aṭṭha ca.

25. Tuvaradāyakavaggo

1. Tuvaradāyakattheraapadānaṃ

1. “Migaluddo pure āsiṃ, araṇṇe kānane ahaṃ;

Bharitvā tuvaramādāya [bharitvā turavamādāya (ka.), bhajjitam tuvaramādāya (?) ettha tuvaranti muggakalāyasadisam tuvaraṭṭhinti tadaṭṭhakathā; tuvaro dhaññabhedeti sakkatābhidhāne], saṅghassa adadiṃ ahaṃ.

2. “Ekanavutito kappe, yaṃ dānamadadiṃ tadā;
Duggatiṃ nābhijānāmi, tuvarassa idaṃ phalaṃ.
3. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudam āyasmā tuvaradāyako thero imā gāthāyo abhāsithāti.

Tuvaradāyakattherassāpadānaṃ paṭhamaṃ.

2. Nāgakesariyattheraapadānaṃ

4. “Dhanuṃ advejjaṃ katvāna, vanamajjhogahiṃ ahaṃ;
Kesaraṃ ogataṃ [osaraṃ (syā.), oṣaṃ (sī.)] disvā, patapattaṃ samuṭṭhitaṃ.
 5. “Ubho hatthehi paggayha, sire katvāna añjaliṃ;
Buddhassa abhiropesiṃ, tissassa lokabandhuno.
 6. “Dvenavute ito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
 7. “Tesattatimhi kappamhi [sattasattatime kappe (syā.)], satta kesaranāmakā;
Sattaratanasampannā, cakkavattī mahabbalā.
 8. “Paṭisambhidā catasso...pe... kataṃ buddhassa sāsanaṃ”.
- Itthaṃ sudam āyasmā nāgakesariyo thero imā gāthāyo abhāsithāti.

Nāgakesariyattherassāpadānaṃ dutiyaṃ.

3. Naḷinakesariyattheraapadānaṃ

9. “Jātassarassa vemajjhe, vasāmi jalakukkuṭo;
Addasāhaṃ [athaddasaṃ (sī. syā.)] devadevaṃ, gacchantaṃ anilañjase.
 10. “Tuṇḍena kesariṃ [kesaraṃ (syā.)] gayha, vipasannena cetasā;
Buddhassa abhiropesiṃ, tissassa lokabandhuno.
 11. “Dvenavute ito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
 12. “Tesattatimhi kappamhi, satta kesaranāmakā [satapattasanāmakō (sī. syā.)];
Sattaratanasampannā, cakkavattī mahabbalā.
 13. “Paṭisambhidā catasso...pe... kataṃ buddhassa sāsanaṃ”.
- Itthaṃ sudam āyasmā naḷinakesariyo thero imā gāthāyo abhāsithāti.

Naḷinakesariyattherassāpadānaṃ tatiyaṃ.

4. Viravapupphiyattheraapadānaṃ

14. “Khīṇāsavasahassemi, niyyāti lokanāyako;
Viravapupphamādāya [viravipuppham paggayha (sī.)], buddhassa abhiropayim.
15. “Ekanavutito kappe, yaṃ pupphamabhipūjayim;
Duggatiṃ nābhijānāmi, buddhapūjāyidaṃ phalaṃ.
16. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā viravapupphiyo thero imā gāthāyo abhāsithāti.

Viravapupphiyattherassāpadānaṃ catutthaṃ.

5. Kuṭidhūpakattheraapadānaṃ

17. “Siddhatthassa bhagavato, ahosiṃ kuṭigopako;
Kālena kālaṃ dhūpesiṃ, pasanno sehi pāṇibhi.
18. “Catunnavutito kappe, yaṃ kammamakariṃ tadā;
Duggatiṃ nābhijānāmi, dhūpadānassidaṃ [buddhapūjāyidaṃ (sī.)] phalaṃ.
19. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kuṭidhūpako thero imā gāthāyo abhāsithāti.

Kuṭidhūpakattherassāpadānaṃ pañcamaṃ.

6. Pattadāyakattheraapadānaṃ

20. “Paramena damathena, siddhatthassa mahesino;
Pattadānaṃ mayā dinnam, ujubhūtassa tādino.
21. “Catunnavutito kappe, yaṃ dānamadadiṃ tadā;
Duggatiṃ nābhijānāmi, pattadānassidaṃ phalaṃ.
22. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pattadāyako thero imā gāthāyo abhāsithāti.

Pattadāyakattherassāpadānaṃ chaṭṭhaṃ.

7. Dhātupūjakattheraapadānaṃ

23. “Nibbute lokanāthamhi, siddhatthamhi naruttame;
Ekā dhātu mayā laddhā, dvīpadindassa tādino.
24. “Tāhaṃ dhātuṃ gahetvāna, buddhassādiccabandhuno;
Pañcavasse paricariṃ, tiṭṭhantaṃva naruttamaṃ.
25. “Catunnavutito kappe, yaṃ dhātuṃ pūjayim tadā;
Duggatiṃ nābhijānāmi, dhātupaṭṭhahane phalaṃ.
26. “Paṭisambhidā catasso...pe... kataṃ buddhassa sāsanaṃ”.

Itthaṃ sudamā āyasmā dhātupūjako thero imā gāthāyo abhāsithāti.

Dhātupūjakattherassāpadānaṃ sattamaṃ.

8. Sattalipupphapūjakattheraapadānaṃ

27. “Satta sattalipupphāni, sīse katvānaḥaṃ tadā;
Buddhassa abhiropesiṃ, vessabhumi naruttame [\[vibhattivipallāso cintetabbo\]](#).”
28. “Ekattimse ito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.”
29. “Paṭisambhidā catasso...pe... kataṃ buddhassa sāsanaṃ”.
- Itthaṃ sudamā āyasmā sattalipupphapūjako thero imā gāthāyo abhāsithāti.

Sattalipupphapūjakattherassāpadānaṃ aṭṭhamaṃ.

9. Bimbijāliyattheraapadānaṃ

30. “Padumuttaro nāma jino, sayambhū aggapuggalo;
Catusaccaṃ pakāseti, dīpeti amataṃ padaṃ.”
31. “Bimbijālakapupphāni [\[bimbajālakapupphāni \(ka.\)\]](#), puthu katvānaḥaṃ tadā;
Buddhassa abhiropesiṃ, dvipadindassa tādino.”
32. “Aṭṭhasaṭṭhimhito kappe, caturo kiñjakesarā;
Sattaratanasampannā, cakkavattī mahabbalā.”
33. “Paṭisambhidā catasso...pe... kataṃ buddhassa sāsanaṃ”.
- Itthaṃ sudamā āyasmā bimbijāliyo thero imā gāthāyo abhāsithāti.

Bimbijāliyattherassāpadānaṃ navamaṃ.

10. Uddālakadāyakattheraapadānaṃ

34. “Kakudho nāma nāmena, sayambhū aparājito;
Pavanā nikkhamitvāna, anupatto mahānadiṃ.”
35. “Uddālakaṃ gahetvāna, sayambhussa adāsahaṃ;
Saṃyatassujubhūtaṃ, pasannamānaso ahaṃ.”
36. “Ekattimse ito kappe, yaṃ pupphamabhipūjayiṃ;
Duggatiṃ nābhijānāmi, pupphadānassidaṃ phalaṃ.”
37. “Paṭisambhidā catasso...pe... kataṃ buddhassa sāsanaṃ”.
- Itthaṃ sudamā āyasmā uddālakadāyako thero imā gāthāyo abhāsithāti.

Uddālakadāyakattherassāpadānaṃ dasamaṃ.

Tuvaradāyakavaggo pañcavīsatiṃ.

Tassuddānaṃ –

Tuvaranāganaḷinā, viravī kuṭidhūpako;
Patto dhātusattaliyo, bimbi uddālakena ca;
Sattatiṃsati gāthāyo, gaṇitāyo vibhāvibhi.

26. Thomakavaggo

1. Thomakattheraapadānaṃ

1. “Devaloke ṭhito santo, vipassissa mahesino;
Dhammaṃ suṇitvā mudito, imaṃ vācaṃ abhāsahaṃ.
2. ““Namo te purisājañña, namo te purisuttama;
Bahujjanaṃ [bahuṃ janaṃ (sī.)] tārayasi, desento amataṃ padaṃ”.
3. “Ekanavutito kappe, yaṃ vācamabhaṇiṃ tadā;
Duggatiṃ nābhijānāmi, thomanāya idaṃ phalaṃ.
4. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā thomako thero imā gāthāyo abhāsithāti.

Thomakattherassāpadānaṃ paṭhamaṃ.

2. Ekāsanadāyakattheraapadānaṃ

5. “Vijahitvā devavaṇṇaṃ, sabhariyo idhāgamiṃ;
Adhikāraṃ kattukāmo, buddhaseṭṭhassa sāsane.
 6. “Devalo nāma nāmena, padumuttarasāvako;
Tassa bhikkhā mayā dinnā, vippasannena cetasā.
 7. “Satasahassito kappe, yaṃ kammamakariṃ tadā;
Duggatiṃ nābhijānāmi, piṇḍapātassidaṃ phalaṃ.
 8. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā ekāsanadāyako thero imā gāthāyo abhāsithāti.

Ekāsanadāyakattherassāpadānaṃ dutiyaṃ.

3. Citakapūjakattheraapadānaṃ

9. “Ānando nāma sambuddho, sayambhū aparājito;
Araññe parinibbāyi, amanussamhi kānane.
10. “Devalokā idhāgantvā, citaṃ katvānahaṃ tadā;
Sarīraṃ tattha jhāpesiṃ, sakkārañca akāsahaṃ.

11. “Ekanavutito kappe, yaṃ kammamakariṃ tadā;
Duggatiṃ nābhijānāmi, buddhapūjāyidaṃ phalaṃ.
12. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā citakapūjako thero imā gāthāyo abhāsithāti.

Citakapūjakattherassāpadānaṃ tatiyaṃ.

4. Ticampakapupphiyattheraapadānaṃ

13. “Himavantassāvidūre, vikato [vikano (sī. syā.)] nāma pabbato;
Tassa vemajjhe vasati, samaṇo bhāvitindriyo.
14. “Disvāna tassopasamaṃ, vippasannena cetasā;
Tīṇi campakapupphāni, gahetvāna samokiriṃ.
15. “Ekanavutito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
16. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ticampakapupphiyo thero imā gāthāyo abhāsithāti.

Ticampakapupphiyattherassāpadānaṃ catutthaṃ.

5. Sattapāṭaliyattheraapadānaṃ

17. “Kaṇikāraṃva jotantaṃ, nisinnaṃ pabbatantare;
Satta pāṭalipupphāni, buddhassa abhiropayiṃ.
18. “Catunnavutito kappe, yaṃ pupphamabhiropayiṃ;
Duggatiṃ nābhijānāmi, buddhapūjāyidaṃ phalaṃ.
19. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sattapāṭaliyo thero imā gāthāyo abhāsithāti.

Sattapāṭaliyattherassāpadānaṃ pañcamaṃ.

6. Upāhanadāyakattheraapadānaṃ

20. “Ahoṣiṃ candano nāma, sambuddhassatrajo tadā;
Ekopāhano mayā dinno, bodhiṃ sampajja me tuvaṃ.
21. “Ekanavutito kappe, yaṃ pānadhīṃ [yamupāhanaṃ (sī.), yaṃ pādum (syā.)] dadīṃ tadā;
Duggatiṃ nābhijānāmi, upāhanassidaṃ phalaṃ.
22. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā upāhanadāyako thero imā gāthāyo abhāsithāti.

Upāhanadāyakattherassāpadānaṃ chaṭṭhaṃ.

7. Mañjaripūjakattheraapadānaṃ

23. “Mañjarikaṃ karitvāna, rathiyaṃ paṭipajjaham;
Addasaṃ samaṇānaggaṃ, bhikkhusaṅghapurakkhataṃ.
24. “Pasannacitto sumano, paramāya ca pītiyā;
Ubho hatthehi paggayha, buddhassa abhiropayim.
25. “Dvenavute ito kappe, yaṃ pupphamabhipūjayim;
Duggatiṃ nābhijānāmi, pupphapūjāyidaṃ phalaṃ.
26. “Ito tesattatikappe, eko āsiṃ mahīpati;
Jotiyo nāma nāmena, cakkavattī mahabbalo.
27. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā mañjaripūjako thero imā gāthāyo abhāsithāti.

Mañjaripūjakattherassāpadānaṃ sattamaṃ.

8. Paṇṇadāyakattheraapadānaṃ

28. “Pabbate himavantamhi, vākacīradharo ahaṃ;
Alonapaṇṇabhakkhomhi, niyamesu ca saṃvuto.
29. “Pātarāse anuppatte, siddhattho upagacchi maṃ;
Tāhaṃ buddhassa pādāsiṃ, pasanno sehi paṇibhi.
30. “Catunnavutito kappe, yaṃ paṇṇamadadiṃ tadā;
Duggatiṃ nābhijānāmi, paṇṇadānassidaṃ phalaṃ.
31. “Sattavīsaticappamhi, rājā āsiṃ sadatthiyo [yadatthiyo (sī. syā.)];
Sattaratanasampanno, cakkavattī mahabbalo.
32. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā paṇṇadāyako thero imā gāthāyo abhāsithāti.

Paṇṇadāyakattherassāpadānaṃ aṭṭhamaṃ.

9. Kuṭidāyakattheraapadānaṃ

33. “Vipinacārī sambuddho, rukkhamūle vasī tadā;
Paṇṇasālaṃ karitvāna, adāsiṃ aparājite.
34. “Ekanavutito kappe, yaṃ paṇṇakuṭikaṃ adaṃ;
Duggatiṃ nābhijānāmi, kuṭidānassidaṃ phalaṃ.
35. “Aṭṭhavīse [aṭṭhatimse (syā.)] ito kappe, soḷasāsiṃsu rājāno;
Sabbattha abhivassīti, vuccare cakkavattino.
36. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kuṭidāyako thero imā gāthāyo abhāsithāti.

Kuṭidāyakattherassāpadānaṃ navamaṃ.

10. Aggapupphiyattheraapadānaṃ

37. “Suvaṇṇavaṇṇaṃ sambuddhaṃ, nisinnaṃ pabbatantare;
Obhāsayantaṃ raṃsena [raṃsiyā (syā.)], sikhinaṃ sikhinaṃ yathā.
38. “Aggajaṃ pupphaṃ mādhāya, upāgacchiṃ naruttamaṃ;
Pasannacitto sumano, buddhassa abhiropayim.
39. “Ekattimse ito kappe, yaṃ pupphaṃ abhipūjayim;
Duggatiṃ nābhijānāmi, buddhapūjāyidaṃ phalaṃ.
40. “Pañcavīsatikappamhi, ahosi amitogato [amitavhayo (sī.)];
Sattaratanasampanno, cakkavattī mahabbalo.
41. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā aggapupphiyo thero imā gāthāyo abhāsithāti.

Aggapupphiyattherassāpadānaṃ dasamaṃ.

Thomakavaggo chabbīsatisimo.

Tassuddānaṃ –

Thomakekāsanacitakaṃ, campako sattapāṭali;
Pānadhi [pāhano (sī.), pādu (syā.)] mañjarī paṇṇaṃ, kuṭido aggapupphiyo;
Gāthāyo gaṇitā cettha, ekatālīsameva cāti.

27. Padumukkipavaggo

1. Ākāsukkipiyattheraapadānaṃ

1. “Suvaṇṇavaṇṇaṃ siddhatthaṃ, gacchantaṃ antarāpaṇe;
Jalajagge duve gayha, upāgacchiṃ narāsabhaṃ.
2. “Ekañca pupphaṃ pādesu, buddhaseṭṭhassa nikkhipim;
Ekañca pupphaṃ paggayha, ākāse ukkipim ahaṃ.
3. “Catunnavutito kappe, yaṃ pupphaṃ abhiropayim;
Duggatiṃ nābhijānāmi, pupphadānassidaṃ phalaṃ.
4. “Ito chattimsakappamhi, eko āsim mahīpati;
Antalikkhakarō nāma, cakkavattī mahabbalo.
5. “Paṭisambhidā catasso, vimokkhāpi ca aṭṭhime;
Chalābhīñṇā sacchikatā, kataṃ buddhassa sāsanaṃ”.

Itthaṃ sudaṃ āyasmā ākāsukkipiyatthero imā gāthāyo abhāsithāti.

Ākāsukkipiyattherassāpadānaṃ paṭhamaṃ.

2. Telamakkhiyattheraapadānaṃ

6. “Siddhatthamhi bhagavati, nibbutamhi narāsabhe;
Bodhiyā vedikāyāhaṃ, telaṃ makkhesi tāvade.
7. “Catunnavutito kappe, yaṃ telaṃ makkhayiṃ tadā;
Duggatiṃ nābhijānāmi, makkhanāya idaṃ phalaṃ.
8. “Catuvīse ito kappe, succhavi nāma khattiyo;
Sattaratanasampanno, cakkavattī mahabbalo.
9. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā telamakkhiyo thero imā gāthāyo abhāsithāti.

Telamakkhiyattherassāpadānaṃ dutiyaṃ.

3. Aḍḍhacandiyattheraapadānaṃ

10. “Tissassa kho bhagavato, bodhiyā pādaputtame;
Aḍḍhacandaṃ mayā dinnam, dharaṇīruhapādape.
11. “Dvenavute ito kappe, yaṃ canda [yaṃ puppha (ka.)] mabhiropayim;
Duggatiṃ nābhijānāmi, bodhipūjāyidaṃ phalaṃ.
12. “Pañcavīse ito kappe, devalo nāma khattiyo;
Sattaratanasampanno, cakkavattī mahabbalo.
13. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā aḍḍhacandiyō thero imā gāthāyo abhāsithāti.

Aḍḍhacandiyattherassāpadānaṃ tatiyaṃ.

4. Padīpadāyakattheraapadānaṃ

14. “Devabhūto ahaṃ santo, oruyha pathaviṃ tadā;
Padīpe pañca pādāsīm, pasanno sehi pāṇibhi.
15. “Catunnavutito kappe, yaṃ padīpamadaṃ tadā;
Duggatiṃ nābhijānāmi, dīpadānassidaṃ phalaṃ.
16. “Pañcapaññāsake kappe, eko āsīm mahīpati;
Samantacakkhunāmena, cakkavattī mahabbalo.
17. “Paṭisambhidā catasso...pe... kataṃ buddhassa sāsanaṃ”.
Itthaṃ sudamā āyasmā padīpadāyako [apaṇṇadīpiyo (sī. ka.)] thero imā gāthāyo abhāsithāti.

Padīpadāyakattherassāpadānaṃ catutthaṃ.

5. Biḷālidāyakattheraapadānaṃ

18. “Himavantassāvidūre, romaso nāma pabbato;

Tamhi pabbatapādāmi, samaṇo bhāvitindriyo.

19. “Biḷāliyo gahetvāna, samaṇassa adāsahaṃ;
Anumodi mahāvīro, sayambhū aparājito.
20. “Biḷālī te mama dinnā, vippasannena cetasā;
Bhave nibbattamānamhi, phalaṃ nibbattataṃ tava.
21. “Catunnavutito kappe, yaṃ biḷālimadāsahaṃ;
Duggatiṃ nābhijānāmi, biḷāliyā idaṃ phalaṃ.
22. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā biḷālidāyako thero imā gāthāyo abhāsithāti.

Biḷālidāyakattherassāpadānaṃ pañcamaṃ.

6. Macchadāyakattheraapadānaṃ

23. “Candabhāgānadītīre, ukkuso āsahaṃ tadā;
Mahantaṃ macchaṃ paggayha, siddhatthamunino adaṃ.
24. “Catunnavutito kappe, yaṃ macchamadadiṃ tadā;
Duggatiṃ nābhijānāmi, macchadānassidaṃ phalaṃ.
25. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā macchadāyako thero imā gāthāyo abhāsithāti.

Macchadāyakattherassāpadānaṃ chaṭṭhaṃ.

7. Javahaṃsakattheraapadānaṃ

26. “Candabhāgānadītīre, āsiṃ vanacaro tadā;
Siddhatthaṃ addasaṃ buddhaṃ, gacchantaṃ anilañjase.
27. “Añjaliṃ paggahetvāna, ullokento mahāmunim;
Sakaṃ cittaṃ pasādetvā, avandiṃ nāyakaṃ ahaṃ.
28. “Catunnavutito kappe, yamavandiṃ narāsabhaṃ;
Duggatiṃ nābhijānāmi, vandanāya idaṃ phalaṃ.
29. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā javahaṃsako thero imā gāthāyo abhāsithāti.

Javahaṃsakattherassāpadānaṃ sattamaṃ.

8. Saḷalappupphiyattheraapadānaṃ

30. “Candabhāgānadītīre, ahosiṃ kinnaro tadā;
Vipassiṃ addasaṃ buddhaṃ, raṃsijālasamākulaṃ.
31. “Pasannacitto sumano, paramāya ca pītiyā;

Paggayha saḷalaṃ pupphaṃ, vipassiṃ okiriṃ ahaṃ.

32. “Ekanavutito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
33. “Paṭisambhidā catasso...pe... kataṃ buddhassa sāsaṇaṃ”.
Itthaṃ sudaṃ āyasmā saḷalapupphiyo thero imā gāthāyo abhāsithāti.

Saḷalapuphiyattherassāpadānaṃ aṭṭhamaṃ.

9. Upāgatāsayattheraapadānaṃ

34. “Himavantassa vemajjhe, saro āsi sunimmito;
Tatthāhaṃ rakkhaso āsiṃ, heṭhasiḷo bhayānako.
35. “Anukampako kāruṇiko, vipassī lokanāyako;
Mamuddharitukāmo so, āgacchi mama santikaṃ.
36. “Upāgataṃ mahāvīraṃ, devadevaṃ narāsabhaṃ;
Āsayā abhinikkhamma, avandiṃ satthuno ahaṃ.
37. “Ekanavutito kappe, yaṃ vandiṃ purisuttamaṃ;
Duggatiṃ nābhijānāmi, vandanāya idaṃ phalaṃ.

38. “Paṭisambhidā catasso...pe... kataṃ buddhassa sāsaṇaṃ”.
Itthaṃ sudaṃ āyasmā upāgatāsayo [upāgatahāsaniyo (syā.), upāgatāhāsaniyo (ka.)] thero imā gāthāyo abhāsithāti.

Upāgatāsayattherassāpadānaṃ navamaṃ.

10. Taraṇiyattheraapadānaṃ

39. “Suvaṇṇavaṇṇo sambuddho, vipassī dakkhiṇāraho;
Nadīṭire ṭhito satthā, bhikkhusaṅghapurakkhato.
40. “Nāvā na vijjate tattha, santāraṇī mahaṇṇave;
Nadiyā abhinikkhamma, tāresiṃ lokanāyakaṃ.
41. “Ekanavutito kappe, yaṃ tāresiṃ naruttamaṃ;
Duggatiṃ nābhijānāmi, taraṇāya idaṃ phalaṃ.
42. “Paṭisambhidā catasso...pe... kataṃ buddhassa sāsaṇaṃ”.
Itthaṃ sudaṃ āyasmā taraṇiyo thero imā gāthāyo abhāsithāti.

Taraṇiyattherassāpadānaṃ dasamaṃ.

Padumukkipavaggo sattavīsatiṃ.

Tassuddānaṃ –

Ukkhipī telacandī ca, dīpado ca biḷalido;

Maccho javo saḷalado, rakkhaso taraṇo dasa;
Gāthāyo cetha saṅkhātā, tālīsaṃ cekameva cāti.

28. Suvaṇṇabibbohanavaggo

1. Suvaṇṇabibbohaniyattheraapadānaṃ

1. “Ekāsaṇaṃ ahamadaṃ, pasanno sehi pāṇibhi;
Bibbohanañca [bimbohanañca (sī. pī.)] pādāsīṃ, uttamatthassa pattiyā.
2. “Ekanavutito kappe, bibbohanamadāsahaṃ;
Duggatiṃ nābhijānāmi, bibbohanassidaṃ phalaṃ.
3. “Ito tesatthime kappe, asamo nāma khattiyo;
Sattaratanasampanno, cakkavattī mahabbalo.
4. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā suvaṇṇabibbohaniyo thero imā gāthāyo abhāsittḥāti.

Suvaṇṇabibbohaniyattherassāpadānaṃ paṭhamaṃ.

2. Tilamuṭṭhidāyakaṭṭheraapadānaṃ

5. “Mama saṅkappamaññāya, satthā lokagganāyako;
Manomayena kāyena, iddhiyā upasaṅkami.
 6. “Satthāraṃ upasaṅkantaṃ, vanditvā purisuttamaṃ;
Pasannacitto sumano, tilamuṭṭhimadāsahaṃ.
 7. “Ekanavutito kappe, yaṃ dānamadadiṃ tadā;
Duggatiṃ nābhijānāmi, tilamuṭṭhiyidaṃ phalaṃ.
 8. “Ito soḷasakappamhi, tantiso [khantiyo (syā.)] nāma khattiyo;
Sattaratanasampanno, cakkavattī mahabbalo.
 9. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā tilamuṭṭhidāyako thero imā gāthāyo abhāsittḥāti.

Tilamuṭṭhidāyakaṭṭherassāpadānaṃ dutiyaṃ.

3. Caṅkoṭakiyattheraapadānaṃ

10. “Mahāsamuddaṃ nissāya, vasatī pabbatantare;
Paccuggantvāna katvāna [paccuggantvāna’kāsahaṃ (aṭṭha.), paccuggamaṇaṃ katvāna (?)],
caṅkoṭaka [caṅkoṭaka (sī.)] madāsahaṃ.
11. “Siddhatthassa mahesino, sabbasattānukampino [sayambhussānukampino (syā.)];
Pupphacaṅkoṭakaṃ datvā, kappam saggaṃhi modahaṃ.

12. “Catunnavutito kappe, caṅkoṭakamadaṃ tadā;
Duggatiṃ nābhijānāmi, caṅkoṭakassidaṃ phalaṃ.
13. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā caṅkoṭakiyo thero imā gāthāyo abhāsithāti.

Caṅkoṭakiyattherassāpadānaṃ tatiyaṃ.

4. Abbhañjanadāyakaṭṭheraapadānaṃ

14. “Koṇḍaññaṃ bhagavato, vītarāgassa tādino;
Ākāsamacittassa [akakkasacittassātha (aṭṭha.)], nippapañcassa jhāyino.
15. “Sabbamohātivattassa, sabbalokahitesino;
Abbhañjanaṃ mayā dinnāṃ, dvipadindassa tādino.
16. “Aparimeyye ito kappe, abbhañjanamadaṃ tadā [ambhañjanamadāsahaṃ (syā.)];
Duggatiṃ nābhijānāmi, abbhañjanassidaṃ phalaṃ.
17. “Ito pannarase kappe, cirappo nāma khattiyo;
Sattaratanasampanno, cakkavattī mahabbalo.
18. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā abbhañjanadāyako thero imā gāthāyo abhāsithāti.

Abbhañjanadāyakaṭṭherassāpadānaṃ catutthaṃ.

5. Ekañjalikaṭṭheraapadānaṃ

19. “Udumbare vasantassa, niyate paṇṇasanthare;
Vutthokāso mayā dinno, samañassa mahesino.
20. “Tissassa dvipadindassa, lokanāthassa tādino;
Añjaliṃ paggahetvāna, santhariṃ pupphasantharaṃ.
21. “Dvenavute ito kappe, yaṃ kariṃ pupphasantharaṃ;
Duggatiṃ nābhijānāmi, santharassa idaṃ phalaṃ.
22. “Ito cuddasakappamhi, ahoṣiṃ manujādhipo;
Ekañjaliko nāma, cakkavattī mahabbalo.
23. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ekañjaliko thero imā gāthāyo abhāsithāti.

Ekañjalikaṭṭherassāpadānaṃ pañcamaṃ.

6. Potthakadāyakaṭṭheraapadānaṃ

24. “Sathhāraṃ dhammamārabbha, saṅghañcāpi mahesinaṃ;
Potthadānaṃ mayā dinnāṃ, dakkhiṇeyye anuttare.

25. “Ekanavutito kappe, yaṃ kammamakariṃ tadā;
Duggatiṃ nābhijānāmi, potthadānassidaṃ phalaṃ.
26. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā potthakadāyako therō imā gāthāyo abhāsithāti.

Potthakadāyakattherassāpadānaṃ chaṭṭhaṃ.

7. Citakapūjakattheraapadānaṃ

27. “Candabhāgānadītīre, anusotaṃ vajāmahaṃ;
Satta māluvapupphāni, citamāropayaṃ ahaṃ.
28. “Catunnavutito kappe, citakaṃ yamaṃpūjayiṃ;
Duggatiṃ nābhijānāmi, citapūjāyidaṃ phalaṃ.
29. “Sattasatṭhimhito kappe, paṭijaggasaṇāmakā;
Sattaratanasampannā, sattāsuṃ cakkavattino [paṭijaggasaṇāmake; sattaratanasampanno,
cakkavattī mahabbalo (syā.)].
30. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā citakapūjako therō imā gāthāyo abhāsithāti.

Citakapūjakattherassāpadānaṃ sattamaṃ.

8. Āluvadāyakattheraapadānaṃ

31. “Pabbate himavantamhi, mahāsindhu sudassanā;
Tatthaddasaṃ vītarāgaṃ, suppbhāsaṃ sudassanaṃ.
32. “Paramopasame yuttaṃ, disvā vimhitamānaso;
Āluvaṃ tassa pādāsiṃ, pasanno sehi paṇibhi.
33. “Ekattiṃse ito kappe, yaṃ phalamadadiṃ tadā;
Duggatiṃ nābhijānāmi, āluvassa idaṃ phalaṃ.
34. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā āluvadāyako therō imā gāthāyo abhāsithāti.

Āluvadāyakattherassāpadānaṃ aṭṭhamaṃ.

9. Ekapuṇḍarīkattheraapadānaṃ

35. “Romaso nāma nāmena, sayambhū subbato [sappabho (syā.)] tadā;
Puṇḍarīkaṃ mayā dinnamaṃ, vippasannena cetasā.
36. “Catunnavutito kappe, puṇḍarīkamadaṃ tadā;
Duggatiṃ nābhijānāmi, puṇḍarīkassidaṃ phalaṃ.
37. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ekapuṇḍarīko therō imā gāthāyo abhāsithāti.

Ekapuṇḍarīkattherassāpadānaṃ navamaṃ.

10. Taraṇīyattheraapadānaṃ

38. “Mahāpathamhi visame, setu kārāpito mayā;
Taraṇatthāya lokassa, pasanno sehi pāṇibhi.
39. “Ekanavutito kappe, yo setu kārīto mayā;
Duggatiṃ nābhijānāmi, setudānassidaṃ phalaṃ.
40. “Pañcapanñāsito kappe, eko āsiṃ samogadho;
Sattaratanasampanno, cakkavattī mahabbalo.
41. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā taraṇīyo thero imā gāthāyo abhāsithāti.

Taraṇīyattherassāpadānaṃ dasamaṃ.

Suvaṇṇabibbohanavaggo aṭṭhavīsatimo.

Tassuddānaṃ –

Suvaṇṇaṃ tilamuṭṭhi ca, caṅkoṭabbhañjanañjalī;
Potthako citamāluvā, ekapuṇḍarī setunā;
Dvecattālīsa gāthāyo, gaṇitāyo vibhāvibhīti.

Ekādasamaṃ bhānavāraṃ.

29. Paṇṇadāyakaavaggo

1. Paṇṇadāyakattheraapadānaṃ

1. “Paṇṇasāle nisinnomhi, paṇṇabhojanabhojano;
Upaviṭṭhañca maṃ santaṃ, upāgacchi mahāisi [mahāmuni (sī.)].
2. “Siddhattho lokapajjoto, sabbalokatikicchako;
Tassa paṇṇaṃ mayā dinnamaṃ, nisinnaṃ [nisinnassa (syā. aṭṭha.)] paṇṇasanthare.
3. “Catunnavutito kappe, yaṃ paṇṇamadadiṃ tadā;
Duggatiṃ nābhijānāmi, paṇṇadānassidaṃ phalaṃ.
4. “Paṭisambhidā catasso, vimokkhāpi ca aṭṭhime;
Chalabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā paṇṇadāyako thero imā gāthāyo abhāsithāti.

Paṇṇadāyakattherassāpadānaṃ paṭhamamaṃ.

2. Phaladāyakattheraapadānaṃ

5. “Sinerusamasantoso, dharaṇīsama [dharāṇīdhara (sī. syā.)] sādiso; Vuṭṭhahitvā samādhimhā, bhikkhāya mamupaṭṭhito.
6. “Harītakam [harītakim (syā.)] āmalakam, ambajambuvibhītakam; Kolaṃ bhallātakam billaṃ, phārusakaphalāni ca.
7. “Siddhatthassa mahesissa, sabbalokānukampino; Tañca sabbaṃ mayā dinnam, vippasannena cetasā.
8. “Catunnavutito kappe, yaṃ phalaṃ adadiṃ tadā; Duggatiṃ nābhijānāmi, phaladānassidaṃ phalaṃ.
9. “Sattapaññāsito kappe, ekajjho nāma khattiyo; Sattaratanasampanno, cakkavattī mahabbalo.
10. “Paṭisambhidā catasso...pe... kataṃ buddhassa sāsanaṃ”. Itthaṃ sudaṃ āyasmā phaladāyako thero imā gāthāyo abhāsithāti.

Phaladāyakattherassāpadānaṃ dutiyaṃ.

3. Paccuggamaniyattheraapadānaṃ

11. “Sīhaṃ yathā vanacaram, nisabhājāniyaṃ yathā; Kakudham vilasantaṃva, āgacchantaṃ narāsabham.
12. “Siddhatthaṃ lokapajjotaṃ, sabbalokatikicchakam; Akāsiṃ paccuggamanaṃ, vippasannena cetasā.
13. “Catunnavutito kappe, paccuggacchiṃ narāsabham; Duggatiṃ nābhijānāmi, paccuggamane idaṃ phalaṃ.
14. “Sattatiṃse [sattavīse (sī. syā.)] ito kappe, eko āsiṃ janādhipo; Saparivāroti nāmena, cakkavattī mahabbalo.
15. “Paṭisambhidā catasso...pe... kataṃ buddhassa sāsanaṃ”. Itthaṃ sudaṃ āyasmā paccuggamaniyo thero imā gāthāyo abhāsithāti.

Paccuggamaniyattherassāpadānaṃ tatiyaṃ.

4. Ekapupphiyattheraapadānaṃ

16. “Dakkhiṇamhi duvāramhi, pisāco āsahaṃ tadā; Addasaṃ virajaṃ buddham, pītaraṃsiṃva bhāṇumaṃ.
17. “Vipassissa naraggassa, sabbalokahitesino; Ekapuppham mayā dinnam, dvipadindassa tādino.
18. “Ekanavutito kappe, yaṃ pupphamadadiṃ tadā; Duggatiṃ nābhijānāmi, buddhapūjāyidaṃ phalaṃ.
19. “Paṭisambhidā catasso...pe... kataṃ buddhassa sāsanaṃ”.

Itthaṃ sudam āyasmā ekapupphiyo thero imā gāthāyo abhāsithāti.

Ekapupphiyattherassāpadānaṃ catutthaṃ.

5. Maghavapupphiyattheraapadānaṃ

20. “Nammadānadiyā tīre, sayambhū aparājito;
Samādhiṃ so samāpanno, vipasanno anāvilo.
 21. “Disvā pasannasumano, sambuddhaṃ aparājitaṃ;
Tāhaṃ maghavapupphena, sayambhuṃ pūjayaṃ tadā.
 22. “Ekanavutito kappe, yaṃ pupphamabhipūjayaṃ;
Duggatiṃ nābhijānāmi, buddhapūjāyidaṃ phalaṃ.
 23. “Paṭisambhidā catasso...pe... kataṃ buddhassa sāsanaṃ”.
- Itthaṃ sudam āyasmā maghavapupphiyo thero imā gāthāyo abhāsithāti.

Maghavapupphiyattherassāpadānaṃ pañcamaṃ.

6. Upaṭṭhākadāyakaṭṭheraapadānaṃ

24. “Rathiyaṃ paṭipajantaṃ, āhutīnaṃ paṭiggahaṃ;
Dvipadindaṃ mahānāgaṃ, lokajettaṃ narāsabhaṃ.
 25. “Pakkosāpiya tassāhaṃ, sabbalokahitesino;
Upaṭṭhāko mayā dīno, siddhatthassa mahesino.
 26. “Paṭiggahetvā [paṭiggahesi (ka.)] sambuddho, niyyādesi mahāmuni [mahāsi (ka.)];
Uṭṭhāya āsanā tamhā, pakkāmi pācināmukho.
 27. “Catunnavutito kappe, upaṭṭhākamaḍaṃ tadā;
Duggatiṃ nābhijānāmi, upaṭṭhānassidaṃ phalaṃ.
 28. “Sattapaññāsito kappe, balasenasanāmaḍo;
Sattaratanasampanno, cakkavattī mahabbalo.
 29. “Paṭisambhidā catasso...pe... kataṃ buddhassa sāsanaṃ”.
- Itthaṃ sudam āyasmā upaṭṭhākadāyako thero imā gāthāyo abhāsithāti.

Upaṭṭhākadāyakaṭṭherassāpadānaṃ chaṭṭhaṃ.

7. Apadāniyattheraapadānaṃ

30. “Apadānaṃ sugatānaṃ, kittayaṃhaṃ mahesinaṃ;
Pāde ca sirasā vandiṃ, pasanno sehi pāṇibhi.
31. “Dvenavute ito kappe, apadānaṃ pakittayaṃ;
Duggatiṃ nābhijānāmi, kittanāya idaṃ phalaṃ.
32. “Paṭisambhidā catasso...pe... kataṃ buddhassa sāsanaṃ”.

Itthaṃ sudam āyasmā apadāniyo thero imā gāthāyo abhāsithāti.

Apadāniyattherassāpadānaṃ sattamaṃ.

8. Sattāhapabbajitatheraapadānaṃ

33. “Vipassissa bhagavato, saṅgho sakkatamānito;
Byasanaṃ me anuppattaṃ, ñātibhedo pure ahu.
34. “Pabbajjaṃ upagantvāna, byasanupasamāyahaṃ;
Sattāhābhirato tattha, satthusāsanakamyatā.
35. “Ekanavutito kappe, yamahaṃ pabbajim tadā;
Duggatiṃ nābhijānāmi, pabbajjāya idaṃ phalaṃ.
36. “Sattasatthimhito kappe, satta āsum mahīpatī;
Sunikkhamāti ñāyanti, cakkavattī mahabbalā.
37. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā sattāhapabbajito thero imā gāthāyo abhāsithāti.

Sattāhapabbajitatherassāpadānaṃ aṭṭhamaṃ.

9. Buddhupaṭṭhāyikattheraapadānaṃ

38. “Veṭambhinīti [veṭambarīti (sī.), vedhambhinīti (syā.)] me nāmaṃ, pitusantaṃ [pitā’santaṃ
(?)] mamaṃ tadā;
Mama hatthaṃ gahetvāna, upānaya mahāmunim.
39. “Imemaṃ uddisssanti, buddhā lokagganāyakā;
Tehaṃ upaṭṭhim sakkaccaṃ, pasanno sehi pāṇibhi.
40. “Ekattimse ito kappe, buddhe upaṭṭhahim [paricarim (sī. syā.)] tadā;
Duggatiṃ nābhijānāmi, upaṭṭhānassidaṃ phalaṃ.
41. “Tevīsamhi ito kappe, caturo āsu khattiyā;
Samaṇupaṭṭhākā nāma, cakkavattī mahabbalā.
42. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā buddhupaṭṭhāyiko thero imā gāthāyo abhāsithāti.

Buddhupaṭṭhāyikattherassāpadānaṃ navamaṃ.

10. Pubbaṅgamiyattheraapadānaṃ

43. “Cullāsītisahassāni, pabbajimha akiñcanā;
Tesaṃ pubbaṅgamo āsim, uttamatthassa pattiyā.
44. “Sarāgā sabhavā [samohā (syā.)] cete, vippasannamanāvilā;
Upaṭṭhahimsu sakkaccaṃ, pasannā sehi pāṇibhi.

45. “Khīṇāsavā vantadosā, katakiccā anāsavā;
Phariṃsu mettacittena, sayambhū aparājītā.
46. “Tesam upaṭṭhahitvāna, sambuddhānaṃ patissato;
Maraṇaṇca anupatto, devattaṇca agamhase.
47. “Catunnavutito kappe, yaṃ sīlamanupālayiṃ;
Duggatiṃ nābhijānāmi, saññamassa idaṃ phalaṃ.
48. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā pubbaṅgamiyo thero imā gāthāyo abhāsithāti.

Pubbaṅgamiyattherassāpadānaṃ dasamaṃ.

Paṇṇadāyakaavaggo ekūnatimsatimo.

Tassuddānaṃ –

Paṇṇaṃ phalaṃ paccuggamaṃ, ekapupphi ca maghavā;
Upaṭṭhākāpadānaṇca, pabbajjā buddhupaṭṭhāko;
Pubbaṅgamo ca gāthāyo, aṭṭhatālisa kittitā.

30. Citakapūjakavaggo

1. Citakapūjakattheraapadānaṃ

1. “Ajito nāma nāmena, ahosiṃ brāhmaṇo tadā;
Āhutiṃ yiṭṭhukāmohaṃ, nānāpupphaṃ samānayaṃ.
2. “Jalantaṃ citakaṃ disvā, sikhino lokabandhuno;
Taṇca pupphaṃ samānetvā, citake okiriṃ ahaṃ.
3. “Ekattiṃse ito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
4. “Sattavīse [sattatiṃse (ka.)] ito kappe, sattāsuṃ manujādhipā;
Supajjalitanāmā te, cakkavattī mahabbalā.
5. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudam āyasmā citakapūjako thero imā gāthāyo abhāsithāti.

Citakapūjakattherassāpadānaṃ paṭhamaṃ.

2. Pupphadhārakattheraapadānaṃ

6. “Vākacīradharo āsiṃ, ajinuttaravāsano;
Abhiññā paṇca nibbattā, candassa parimajjako.

7. “Vipassim lokapajjotam, disvā abhigatam mamam;
Pāricchattakapupphāni, dhāresim satthuno aham.
8. “Ekanavutito kappe, yaṃ pupphamabhipūjayim;
Duggatim nābhijānāmi, dhāraṇāya idaṃ phalaṃ.
9. “Sattāsītimhito kappe, eko āsim mahīpati;
Samantadhāraṇo nāma, cakkavattī mahabbalo.
10. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā pupphadhārako thero imā gāthāyo abhāsithāti.

Pupphadhārattherassāpadānaṃ dutiyaṃ.

3. Chattadāyakattheraapadānaṃ

11. “Putto mama pabbajito, kāsāyavasano tadā;
So ca buddhattam sampatto, nibbuto lokapūjito.
12. “Vicinanto sakam puttam, agamaṃ pacchato aham;
Nibbutassa mahantassa, citakam agamāsaham.
13. “Paggayha añjalim tattha, vanditvā citakam aham;
Setacchattaṇca paggayha, āropesim aham tadā.
14. “Catunnavutito kappe, yaṃ chattamabhiropayim;
Duggatim nābhijānāmi, chattadānassidaṃ phalaṃ.
15. “Pañcavīse ito kappe, satta āsum janādhipā;
Mahārahasanāmā te, cakkavattī mahabbalā.
16. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā chattadāyako thero imā gāthāyo abhāsithāti.

Chattadāyakattherassāpadānaṃ tatiyaṃ.

4. Saddasaññakattheraapadānaṃ

17. “Anuggatamhi ādicce, panādo [pasādo (syā. aṭṭha.)] vipulo ahu;
Buddhaseṭṭhassa lokamhi, pātubhāvo mahesino.
18. “Ghosa [sadda (sī. syā.)] massosaham tattha, na ca passāmi tam jinaṃ;
Maraṇaṇca anuppatto, buddhasaññamanussariṃ.
19. “Catunnavutito kappe, yaṃ saññamalabhim tadā;
Duggatim nābhijānāmi, buddhapūjāyidaṃ phalaṃ.
20. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā saddasaññako thero imā gāthāyo abhāsithāti.

Saddasaññakattherassāpadānaṃ catuttham.

5. Gosīsanikkhepakattheraapadānaṃ

21. “Ārāmadvārā nikkhamma, gosīsaṃ santhataṃ mayā;
Anubhomi sakaṃ kammaṃ, pubbakammassidaṃ phalaṃ.
22. “Ājāniyā vātajavā, sindhavā sīghavāhanā;
Anubhomi sabbametaṃ, gosīssa idam phalaṃ.
23. “Aho kāraṃ paramakāraṃ, sukhatte sukataṃ mayā;
Saṅghe katassa kārassa, na aññaṃ kalamagghati.
24. “Catunnavutito kappe, yaṃ sīsaṃ santhariṃ ahaṃ;
Duggatiṃ nābhijānāmi, santharassa idam phalaṃ.
25. “Pañcasattatikappamhi, suppatiṭṭhitanāmako;
Eko āsiṃ mahātejo, cakkavattī mahabbalo.
26. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā gosīsanikkhepakato thero imā gāthāyo abhāsithāti.

Gosīsanikkhepakattherassāpadānaṃ pañcamaṃ.

6. Pādapūjakattheraapadānaṃ

27. “Pabbate himavantamhi, ahosiṃ kinnaro tadā;
Addasaṃ virajaṃ buddhaṃ, pītaraṃsiṃva bhāṇumaṃ.
28. “Upetaṃ tamahaṃ [upetopi tadā (syā.), upesiṃ tamahaṃ (?)] buddhaṃ, vipassiṃ
lokanāyakaṃ;
Candanaṃ tagarañcāpi, pāde osiñcahaṃ tadā.
29. “Ekanavutito kappe, yaṃ pādaṃ abhipūjayiṃ;
Duggatiṃ nābhijānāmi, pādapūjāyidaṃ phalaṃ.
30. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pādapūjako thero imā gāthāyo abhāsithāti.

Pādapūjakattherassāpadānaṃ chaṭṭhaṃ.

7. Desakittakattheraapadānaṃ

31. “Upasālakanāmohaṃ, ahosiṃ brāhmaṇo tadā;
Kānaṃ vanamogāḷhaṃ, lokajēṭṭhaṃ narāsabhaṃ.
32. “Disvāna vandim pādesu, lokāhutipaṭiggahaṃ;
Pasannacittaṃ maṃ ñatvā, buddho antaradhāyatha.
33. “Kānaṃ abhinikkhamma, buddhaseṭṭhamanussariṃ;
Taṃ desaṃ kittayitvāna, kappam saggamhi modahaṃ.
34. “Dvenavute ito kappe, yaṃ desamabhikittayim;

Duggatiṃ nābhijānāmi, kittanāya idaṃ phalaṃ.

35. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā desakittako therō imā gāthāyo abhāsithāti.

Desakittakattherassāpadānaṃ sattamaṃ.

8. Saraṇagamaniyattheraapadānaṃ

36. “Pabbate himavantamhi, ahoṣiṃ luddako tadā;
Vipassiṃ addasaṃ buddhaṃ, lokajetthaṃ narāsabhaṃ.

37. “Upāsivāna sambuddhaṃ, veyyāvaccamakāsahaṃ;
Saraṇaṅca upāgacchiṃ, dvipadindassa tādino.

38. “Ekanavutito kappe, saraṇaṃ upagacchahaṃ;
Duggatiṃ nābhijānāmi, saraṇāgamanapphalaṃ.

39. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā saraṇagamaniyo therō imā gāthāyo abhāsithāti.

Saraṇagamaniyattherassāpadānaṃ aṭṭhamaṃ.

9. Ambapiṇḍiyattheraapadānaṃ

40. “Romaso nāma nāmena, dānavo iti vissuto;
Ambapiṇḍī mayā dinnā [ambapiṇḍo mayā dinno (syā.)], vipassissa mahesino.

41. “Ekanavutito kappe, yamambamadadiṃ tadā;
Duggatiṃ nābhijānāmi, ambadānassidaṃ phalaṃ.

42. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ambapiṇḍiyo therō imā gāthāyo abhāsithāti.

Ambapiṇḍiyattherassāpadānaṃ navamaṃ.

10. Anusaṃsāvakattheraapadānaṃ

43. “Piṇḍāya caramānāhaṃ, vipassimaddasaṃ jinaṃ;
Uḷuṅgabhikkhaṃ pādāsiṃ, dvipadindassa tādino.

44. “Pasannacitto sumano, abhivādesahaṃ tadā;
Anusaṃsāvayiṃ buddhaṃ, uttamatthassa pattiyā.

45. “Ekanavutito kappe, anusaṃsāvayiṃ ahaṃ;
Duggatiṃ nābhijānāmi, anusaṃsāvanā phalaṃ.

46. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā anusaṃsāvako therō imā gāthāyo abhāsithāti.

Anusaṃsāvakattherassāpadānaṃ dasamaṃ.

Citakapūjakavaggo tiṃsatimo.

Tassuddānaṃ –

Citakaṃ pārichatto ca, saddagosīsasantharaṃ;
Pādo padesaṃ saraṇaṃ, ambo saṃsāvakopi ca;
Aṭṭhatālīsa gāthāyo, gaṇitāyo vibhāvibhi.

Atha vagguddānaṃ –

Kaṇikāro hatthidado, ālambaṇudakāsaṇaṃ;
Tuvaraṃ thomako ceva, ukkhepaṃ sīsupadhānaṃ.

Paṇṇado citapūjī ca, gāthāyo ceva sabbaso;
Cattāri ca satānīha, ekapaññāsameva ca.

Pañcavīsasatā sabbā, dvāsattati taduttari;
Tisataṃ apadānānaṃ, gaṇitā atthadassibhi.

Kaṇikāravaggadasakaṃ.

Tatīyasatakaṃ samattaṃ.

31. Padumakesaravaggo**1. Padumakesariyattheraapadānaṃ**

1. “Isisaṅghe ahaṃ pubbe, āsiṃ mātaṅgavāraṇo;
Mahesīnaṃ pasādena, padmakesaramokiriṃ.
2. “Paccekaḥṇaseṭṭhesu, dhutarāgesu tādisu;
Tesu cittaṃ pasādetvā, kappāṃ saggamhi modahaṃ.
3. “Ekanavutito kappe, kesaraṃ okiriṃ tadā;
Duggatiṃ nābhijānāmi, buddhapūjāyidaṃ phalaṃ.
4. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā padumakesariyo thero imā gāthāyo abhāsithāti.

Padumakesariyattherassāpadānaṃ paṭhamāṃ.

2. Sabbagandhiyattheraapadānaṃ

5. “Gandhamālaṃ mayā dinnāṃ, vipassissa mahesino;
Adāsiṃ ujubhūtassa, koseyyavatthamuttamaṃ.
6. “Ekanavutito kappe, yaṃ vatthamadadiṃ [gandhamadadiṃ (syā.)] pure;
Duggatiṃ nābhijānāmi, gandhadānassidaṃ phalaṃ.

7. “Ito pannarase kappe, suceḷo nāma khattiyo;
Sattaratanasampanno, cakkavattī mahabbalo.
8. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sabbagandhiyo thero imā gāthāyo abhāsittḥāti.

Sabbagandhiyattherassāpadānaṃ dutiyaṃ.

3. Paramannadāyakattheraapadānaṃ

9. “Kaṇikāraṃva jotantaṃ, udayantaṃva bhāṇumaṃ;
Vipassiṃ addasaṃ buddhaṃ, lokajetṭhaṃ narāsabhaṃ.
10. “Añjaliṃ paggahetvāna, abhinesiṃ sakaṃ gharaṃ;
Abhinetvāna sambuddhaṃ, paramannamadāsahaṃ.
11. “Ekanavutito kappe, paramannamadim̐ [paramannaṃ dadim̐ (sī.), paramannamadaṃ (syā.)]
tadā;
Duggatiṃ nābhijānāmi, paramannassidaṃ phalaṃ.
12. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā paramannadāyako thero imā gāthāyo abhāsittḥāti.

Paramannadāyakattherassāpadānaṃ tatiyaṃ.

4. Dhammasaññakattheraapadānaṃ

13. “Vipassino bhagavato, mahābodhimaho ahu;
Rukkhaṭṭhasseva sambuddho, [rukkhaṭṭheyeva sambuddhe (sī.), rukkhaṭṭho iva sambuddho
(aṭṭha.) ettha rukkhaṭṭhasseva bodhimahakārajanassa sambuddho catusaccaṃ pakāsetīti atthopi
sakkā nātum̐] lokajetṭho narāsabho [lokajetṭhe narāsabhe (sī.)].
14. “Bhagavā tamhi samaye, bhikkhusaṅghapurakkhato;
Catusaccaṃ pakāseti, vācāsabhimudīrayaṃ.
15. “Saṅkhittena ca desento, vitthārena ca desayaṃ [desayi (syā.), bhāsati (ka.)];
Vivaṭṭacchado sambuddho, nibbāpesi mahājanaṃ.
16. “Tassāhaṃ dhammaṃ sutvāna, lokajetṭhassa tādino;
Vanditvā satthuno pāde, pakkāmiṃ uttarāmukho.
17. “Ekanavutito kappe, yaṃ dhammasasuṇiṃ tadā;
Duggatiṃ nābhijānāmi, dhammasavassidaṃ phalaṃ.
18. “Tettiṃsamhi ito kappe, eko āsiṃ mahīpati;
Sutavā nāma nāmena, cakkavattī mahabbalo.
19. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā dhammasaññako thero imā gāthāyo abhāsittḥāti.

Dhammasaññakattherassāpadānaṃ catutthaṃ.

5. Phaladāyakattheraapadānaṃ

20. “Bhāgīrathīnadītīre, ahosi assamo tadā;
Tamahaṃ assamaṃ gacchiṃ, phalahattho apekkhavā.
21. “Vipassiṃ tattha addakkhiṃ, pītaraṃsiṃva bhāṇumaṃ;
Yaṃ me atthi phalaṃ sabbaṃ, adāsiṃ satthuno ahaṃ.
22. “Ekanavutito kappe, yaṃ phalaṃ adadiṃ tadā;
Duggatiṃ nābhijānāmi, phaladānassidaṃ phalaṃ.
23. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā phaladāyako thero imā gāthāyo abhāsithāti.

Phaladāyakattherassāpadānaṃ pañcamaṃ.

6. Sampasādakattheraapadānaṃ

24. “Namo te buddha vīratthu, vipparamuttosi sabbadhi;
Byasanamhi [byasanaṃ hi (sī.)] anuppatto, tassa me saraṇaṃ bhava’.
25. “Siddhattho tassa byākāsi, loke appaṭipuggalo;
‘Mahodadhisamo saṅgho, appameyyo anuttaro.
26. “Tattha tvaṃ viraje khetto, anantaphaladāyake;
Saṅghe cittaṃ pasādetvā, subhijāṃ vāpa [cāpi (sī.), vāpi (syā.)] ropaya.
27. “Idaṃ vatvāna sabbaññū, lokajettho narāsabho;
Mameva anusāsivā, vehāsaṃ nabhamuggami.
28. “Aciraṃ gatamattamhi, sabbaññumhi narāsabhe;
Maraṇaṃ samanuppatto, tusitaṃ upapajjahaṃ.
29. “Tadāhaṃ viraje khetto, anantaphaladāyake;
Saṅghe cittaṃ pasādetvā, kappāṃ saggamhi modahaṃ.
30. “Catunnavutito kappe, pasādamalabhiṃ tadā;
Duggatiṃ nābhijānāmi, pasādassa idaṃ phalaṃ.
31. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sampasādako thero imā gāthāyo abhāsithāti.

Sampasādakattherassāpadānaṃ chaṭṭhaṃ.

7. Ārāmadāyakattheraapadānaṃ

32. “Siddhatthassa bhagavato, ārāmo ropito mayā;
Sandacchāyesu [sītachāyesu (syā.), santacchāyesu (ka.)] rukkhesu, upāsantesu pakkhisu.
33. “Addasaṃ virajaṃ buddhaṃ, āhutīnaṃ paṭiggahaṃ;
Ārāmaṃ abhināmesim, lokajetthaṃ narāsabhaṃ.

34. “Haṭṭho haṭṭhena cittena, phalaṃ pupphamadāsahaṃ;
Tato jātapasādova, taṃ vanaṃ pariṇāmayiṃ.
35. “Buddhassa yamidaṃ dāsiṃ, vipasanna cetasā;
Bhave nibbattamānamhi, nibbattati phalaṃ mama.
36. “Catunnavutito kappe, yaṃ āramamadaṃ tadā;
Duggatiṃ nābhijānāmi, āramassa idaṃ phalaṃ.
37. “Sattatiṃse ito kappe, sattāsuṃ mudusītalā;
Sattaratanasampannā, cakkavattī mahabbalā.
38. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā āramadāyako thero imā gāthāyo abhāsithāti.

Āramadāyakattherassāpadānaṃ sattamaṃ.

8. Anulepadāyakattheraapadānaṃ

39. “Atthadassissa munino, addasaṃ sāvakaṃ ahaṃ;
Navakammaṃ karontassa, sīmāya upagacchahaṃ.
40. “Niṭṭhite navakamme ca, anulepamadāsahaṃ;
Pasannacitto sumano, puññakkhette anuttare.
41. “Aṭṭhārase kappasate, yaṃ kammamakariṃ tadā;
Duggatiṃ nābhijānāmi, anulepassidaṃ phalaṃ.
42. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā anulepadāyako thero imā gāthāyo abhāsithāti.

Anulepadāyakattherassāpadānaṃ aṭṭhamaṃ.

9. Buddhasaññakattheraapadānaṃ

43. “Udentam sataramsiṃva, pītaramsiṃva bhāṇumaṃ;
Vanantaragataṃ santaṃ, lokajeṭṭhaṃ narāsabhaṃ.
44. “Addasaṃ supinanta, siddhatthaṃ lokanāyakaṃ;
Tattha cittaṃ pasādetvā, sugatiṃ upapajjahaṃ.
45. “Catunnavutito kappe, yaṃ saññamalabhiṃ tadā;
Duggatiṃ nābhijānāmi, buddhasaññāyidaṃ phalaṃ.
46. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā buddhasaññako thero imā gāthāyo abhāsithāti.

Buddhasaññakattherassāpadānaṃ navamaṃ.

10. Pabbhāradāyakattheraapadānaṃ

47. “Piyadassino bhagavato, pabbhāro sodhito mayā;
Ghaṭakañca upaṭṭhāsiṃ, paribhogāya tādino.
48. “Taṃ me buddho viyākāsi, piyadassī mahāmuni;
Sahassakaṇḍo satabheṇḍu [satageṇḍu (syā. ka.)], dhajālu haritāmayo.
49. “Nibbattissati so yūpo, ratanañca anappakaṃ;
Pabbhāradānaṃ datvāna, kappam saggamhi modahaṃ.
50. “Ito bāttiṃsakappamhi, susuddho nāma khattiyo;
Sattaratanasampanno, cakkavattī mahabbalo.
51. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā pabbhāradāyako thero imā gāthāyo abhāsithāti.

Pabbhāradāyakattherassāpadānaṃ dasamaṃ.

Padumakesaravaggo ekatiṃsatimo.

Tassuddānaṃ –

Kesaraṃ gandhamannañca, dhammasaññī phalena ca;
Pasādārāmadāyī ca, lepako buddhasaññako;
Pabbhārado ca gāthāyo, ekapaññāsa kittitā.

32. Ārakkhadāyakavaggo

1. Ārakkhadāyakattheraapadānaṃ

1. “Dhammadassissa munino, vati kārāpitā mayā;
Ārakkho ca mayā dīno, dvīpadindassa tādino.
2. “Aṭṭhārase kappasate, yaṃ kammamakariṃ tadā;
Tena kammavisesena, patto me āsavakkhāyo.
3. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā ārakkhadāyako thero imā gāthāyo abhāsithāti.

Ārakkhadāyakattherassāpadānaṃ paṭhamaṃ.

2. Bhojanadāyakattheraapadānaṃ

4. “Sujāto sālalaṭṭhīva, sobhañjanamivuggato;
Indalaṭṭhirivākāse, virocati sadā jīno.
5. “Tassa devātidevassa, vessabhussa mahesino;
Adāsi bhojanamahaṃ, vipasanna cetasā.

6. “Taṃ me buddho anumodī, sayambhū aparājito;
Bhave nibbattamānamhi, phalaṃ nibbattatū tava.
7. “Ekattiṃse ito kappe, yaṃ dānamadadiṃ tadā;
Duggatiṃ nābhijānāmi, bhojanassa idaṃ phalaṃ.
8. “Pañcavīse ito kappe, eko āsiṃ amittako;
Sattaratanasampanno, cakkavattī mahabbalo.
9. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā bhojanadāyako thero imā gāthāyo abhāsithāti.

Bhojanadāyakattherassāpadānaṃ dutiyaṃ.

3. Gatasaññakattheraapadānaṃ

10. “Ākāseva padaṃ natthi, ambare anilañjase;
Siddhatthaṃ jinamaddakkiṃ, gacchantaṃ tidivaṅgaṇe [[tidivaṅgaṇaṃ \(syā. ka.\)](#)].
11. “Anileneritaṃ disvā, sammāsambuddhacīvaraṃ;
Vitti mamāhu tāvade [[vitti me pāhuṇā tāva \(syā.\)](#)], vitti me tāvade jātā (sī.), disvāna gamaṇaṃ
muniṃ [[mune \(sī.\)](#)].
12. “Catunnavutito kappe, yaṃ saññamalabhiṃ tadā;
Duggatiṃ nābhijānāmi, buddhasaññāyidaṃ phalaṃ.
13. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā gatasaññako thero imā gāthāyo abhāsithāti.

Gatasaññakattherassāpadānaṃ tatiyaṃ.

4. Sattapadumiyattheraapadānaṃ

14. “Nadīkūle vasāmaḥaṃ, nesādo nāma brāhmaṇo;
Satapattehi pupphehi, sammajjivāna assamaṃ.
15. “Suvaṇṇavaṇṇaṃ sambuddhaṃ, siddhatthaṃ lokanāyakaṃ;
Disvā nabhena [[vanena \(syā. ka.\)](#)] gacchantaṃ, hāso me udapajjatha.
16. “Paccuggantvāna sambuddhaṃ, lokajetthaṃ narāsabhaṃ;
Assamaṃ atināmetvā, jalajaggehi okiriṃ.
17. “Catunnavutito kappe, yaṃ pupphamabhiropayaṃ;
Duggatiṃ nābhijānāmi, buddhapūjāyidaṃ phalaṃ.
18. “Ito te sattame kappe, caturo pādapāvarā;
Sattaratanasampannā, cakkavattī mahabbalā.
19. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sattapadumiyo thero imā gāthāyo abhāsithāti.

Sattapadumiyattherassāpadānaṃ catutthaṃ.

5. Pupphāsanadāyakaṭṭheraapadānaṃ

20. “Suvaṇṇavaṇṇaṃ sambuddhaṃ, pītaraṃsiṃva [sataṃsiṃva (sī. syā.)] bhāṇumaṃ;
Avidūrena gacchantaṃ, siddhatthaṃ aparājitaṃ.
21. “Tassa paccuggamitvāna, pavesetvāna assamaṃ;
Pupphāsaṇaṃ mayā dinnāṃ, vipasannaṃ cetasā.
22. “Añjaliṃ paggaḥetvāna, vedajāto tadā ahaṃ;
Buddhe cittaṃ pasādetvā, taṃ kammaṃ pariṇāmayiṃ.
23. “Yaṃ me atthi kataṃ puññaṃ, sayambhumhapaṛājite;
Sabbena tena kusalena, vimalo homi sāsane.
24. “Catunnavutito kappe, pupphāsanamaḍaṃ tadā;
Duggatiṃ nābhijānāmi, pupphāsanassaḍaṃ phalaṃ.
25. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pupphāsanadāyako thero imā gāthāyo abhāsittḥāti.

Pupphāsanadāyakaṭṭherassāpadānaṃ pañcamaṃ.

6. Āsanasanthavikaṭṭheraapadānaṃ

26. “Cetiyaṃ uttamaṃ nāma, sikhino lokabandhuno;
Araññe iriṇe vane, andhāhiṇḍāmaḥaṃ tadā.
27. “Pavanā nikkhamantena, diṭṭhaṃ sīhāsaṇaṃ mayā;
Ekamaṃ añjaliṃ katvā, santhaviṃ [thavissaṃ (sī.)] lokanāyakaṃ.
28. “Divasabhāgaṃ thavitvāna, buddhaṃ lokagganāyakaṃ;
Haṭṭho haṭṭhena cittaṃ, imaṃ vācaṃ udīrayiṃ.
29. “‘Namo te purisājañña, namo te purisuttama;
Sabbaññūsi mahāvīra, lokajeṭṭha narāsabha’.
30. “Abhithavitvā sikhinaṃ, nimittakaraṇenaḥaṃ;
Āsaṇaṃ abhivādetvā, pakkāmiṃ uttarāmukho.
31. “Ekattiṃse ito kappe, yaṃ thaviṃ vadataṃ varaṃ;
Duggatiṃ nābhijānāmi, thomanāya idaṃ phalaṃ.
32. “Sattavīse ito kappe, atulā satta āsu te;
Sattaratanasampannā, cakkavattī mahabbalā.
33. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā āsanasanthaviko [āsanasanthavako (?), āsanathaviko (ka.), āsanatthaviko (sī. syā.)] thero imā gāthāyo abhāsittḥāti.

Āsanasanthavikattherassāpadānaṃ chaṭṭhaṃ.

7. Saddasaññakattheraapadānaṃ

34. “Sudassano mahāvīro, deseti amatam padam;
Parivuto sāvakehi, vasati gharamuttame.
35. “Tāya vācāya madhurāya, saṅgaṇhāti [saṅgaṇhante (sī.)] mahājanaṃ;
Ghoso ca vipulo āsi, āsīso [āsamsō (sī.)] devamānuse.
36. “Nigghosasaddam sutvāna, siddhatthassa mahesino;
Sadde cittaṃ pasādetvā, avandiṃ lokanāyakam.
37. “Catunnavutito kappe, yaṃ saññamalabhiṃ tadā;
Duggatiṃ nābhijānāmi, buddhasaññāyidaṃ phalaṃ.
38. “Paṭisambhidā catasso...pe... katam buddhassa sāsanaṃ”.
Itthaṃ sudam āyasmā saddasaññako thero imā gāthāyo abhāsithāti.

Saddasaññakattherassāpadānaṃ sattamaṃ.

8. Tiramsiyattheraapadānaṃ

39. “Kesariṃ abhijātamva, aggikkhandhamva pabbate;
Obhāsentaṃ disā sabbā [nivāsentaṃ (ka.), disāsinnam (syā.)], siddhattham pabbatantare.
40. “Sūriyassa ca ālokaṃ, candālokaṃ tatheva ca;
Buddhālokaṃca disvāna, vitti me udapajjatha.
41. “Tayo āloke disvāna, sambuddham [buddhañca (sī.)] sāvakuttamaṃ;
Ekamsam ajinaṃ katvā, santhaviṃ lokanāyakam.
42. “Tayo hi ālokarā, loke lokatamonudā;
Cando ca sūriyo cāpi, buddho ca lokanāyako.
43. “Opammaṃ upadassetvā, kittito me mahāmuni;
Buddhassa vaṇṇam kittetvā, kappam saggamhi modaham.
44. “Catunnavutito kappe, yaṃ buddhamabhikittayim;
Duggatiṃ nābhijānāmi, kittanāya idaṃ phalaṃ.
45. “Ekasatthimhito kappe, eko ñāṇadharo ahu;
Sattaratanasampanno, cakkavattī mahabbalo.
46. “Paṭisambhidā catasso...pe... katam buddhassa sāsanaṃ”.
Itthaṃ sudam āyasmā tiramsiyo thero imā gāthāyo abhāsithāti.

Tiramsiyattherassāpadānaṃ aṭṭhamaṃ.

9. Kandalipupphiyattheraapadānaṃ

47. “Sindhuyā nadiyā tīre, ahoṣiṃ kassako tadā;
Parakammāyane yutto, parabhattaṃ apassito.
48. “Sindhuṃ anucarantohaṃ, siddhatthaṃ jinamaddasaṃ;
Samādhinā nisinnaṃva, satapattaṃva pupphitaṃ.
49. “Satta kandalipupphāni, vaṇṭe chetvānahaṃ tadā;
Matthake abhiropesiṃ, buddhassādiccabandhuno.
50. “Suvaṇṇavaṇṇaṃ sambuddhaṃ, anukūle samāhitaṃ;
Tidhāpabhinnamātaṅgaṃ, kuṅjaraṃva durāsadaṃ.
51. “Tamahaṃ upagantvāna, nipakaṃ bhāvitindriyaṃ;
Añjalaṃ paggahetvāna, avandiṃ satthuno ahaṃ.
52. “Catunnavutito kappe, yaṃ pupphamabhiropayaṃ;
Duggatiṃ nābhijānāmi, buddhapūjāyidaṃ phalaṃ.
53. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kandalipupphiyo thero imā gāthāyo abhāsittthāti.

Kandalipupphiyattherassāpadānaṃ navamaṃ.

10. Kumudamāliyattheraapadānaṃ

54. “Usabhaṃ pavaraṃ vīraṃ, mahesiṃ vijitāvinaṃ;
Vipassinaṃ mahāvīraṃ, abhijātaṃva kesariṃ.
55. “Rathiyaṃ paṭipajjantaṃ, āhutīnaṃ paṭiggahaṃ;
Gahetvā kumudaṃ mālaṃ, buddhaseṭṭhaṃ samokiriṃ.
56. “Ekanavutito kappe, yaṃ pupphamabhipūjayaṃ;
Duggatiṃ nābhijānāmi, buddhapūjāyidaṃ phalaṃ.
57. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kumudamāliyo thero imā gāthāyo abhāsittthāti.

Kumudamāliyattherassāpadānaṃ dasamaṃ.

Ārakkhadāyakavaggo bāttiṃsatimo [battiṃsatimo (sī. syā.)].

Tassuddānaṃ –

Ārakkhado bhojanado, gatasaññī padumiyo;
Pupphāsani santhaviko, saddasaññī tiraṃsiyo;
Kandaliko kumudī ca, sattapaññāsa gāthakāti.

33. Umāpupphiyavaggo

1. Umāpupphiyattheraapadānaṃ

1. “Samāhitam samāpannam, siddhatthamaparājitam;
Samādhinā upaviṭṭham, addasāham naruttamam.
2. “Umāpuppham gahetvāna, buddhassa abhiropayim;
Sabbapupphā ekasīsā, uddhamvaṇṭā adhomukhā.
3. “Sucittā viya tiṭṭhante, ākāse pupphasantharā;
Tena cittappasādena, tusitam upapajjaham.
4. “Catunnavutito kappe, yaṃ pupphamabhipūjayim;
Duggatim nābhijānāmi, buddhapūjayidam phalam.
5. “Pañcapaññāsito kappe, eko āsim mahīpati;
Samantachadano nāma, cakkavattī mahabbalo.
6. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, katam buddhassa sasanam.

Ittham sudam āyasmā umāpupphiyo thero imā gāthāyo abhāsithāti.

Umāpupphiyattherassāpadānam paṭhamam.

2. Pulinapūjakattheraapadānam

7. “Kakudham vilasantaṃva, nisabhājāniyam yathā;
Osadhimva virocantaṃ, obhāsantaṃ narāsabham.
8. “Añjalim paggahetvāna, avandim satthuno aham;
Satthāram parivaṇṇesim, sakakammena tosayim [tosito (sī.)].
9. “Susuddham pulinam gayha, gatamagge samokirim;
Ucchaṅgena gahetvāna, vipassissa mahesino.
10. “Tato upaḍḍhapulinam, vipasannena cetasā;
Divāvihāre osiñcim, dvipadindassa tādino.
11. “Ekanavutito kappe, pulinam yamasiñcaham;
Duggatim nābhijānāmi, pulinassa idam phalam.
12. “Paṭisambhidā catasso...pe... katam buddhassa sasanam”.
Ittham sudam āyasmā pulinapūjako thero imā gāthāyo abhāsithāti.

Pulinapūjakattherassāpadānam dutiyam.

3. Hāsajanakattheraapadānam

13. “Dumagge paṃsukūlakam [paṃsukūlikam (syā. ka.)], laggam disvāna satthuno;
Añjalim paggahetvāna, bhiyyo uccāritam mayā.
14. “Dūrato pana disvāna [patidivvāna (sī. syā.)], hāso me udapajjatha;
Añjalim paggahetvāna, bhiyyo cittam pasādayim.

15. “Ekanavutito kappe, yaṃ saññamalabhiṃ tadā;
Duggatiṃ nābhijānāmi, buddhasaññāyidaṃ phalaṃ.
16. “Paṭisambhidā catasso...pe... kataṃ buddhassa sāsanaṃ”.
Itthaṃ sudama āyasmā hāsajanako thero imā gāthāyo abhāsithāti.

Hāsajanakattherassāpadānaṃ tatiyaṃ.

4. Yaññasāmikattheraapadānaṃ

17. “Jātiyā sattavassohaṃ, ahosiṃ mantapāragū;
Kulavattaṃ [kulavaṃsaṃ (sī. syā.)] adhāresiṃ, yañño ussāhito mayā.
18. “Cullāsītisahassāni, pasū haññanti me tadā;
Sārathambhupanītāni [tārasmihi upanītāni (ka.), sārasmihhi upanītāni (syā.)], yaññatthāya
upaṭṭhitā.
19. “Ukkāmukhapahaṭṭhova, khadiraṅgārasannibho;
Udayantova sūriyo, puṇṇamāyeva [puṇṇamāseva (sī.)] candimā.
20. “Siddhattho sabbasiddhattho, tilokamahito hito;
Upagantvāna sambuddho, idaṃ vacanamabravi.
21. ““Ahiṃsā sabbapāṇīnaṃ, kumāra mama rucati;
Theyyā ca aticārā ca, majjapānā ca ārati.
22. ““Rati ca samacariyāya, bāhusaccaṃ kataññūtā;
Diṭṭhe dhamme parattha ca, dhammā ete pasamsiyā.
23. ““Ete dhamme bhāvayitvā, sabbasattahite rato [hitesito (ka.)];
Buddhe cittaṃ pasādetvā, bhāvehi maggamuttamaṃ’.
24. “Idaṃ vatvāna sabbaññū, lokajetṭho narāsabho;
Mamevaṃ anusāsivā, vehāsaṃ uggato gato.
25. “Pubbe cittaṃ visodhetvā, pacchā cittaṃ pasādayiṃ;
Tena cittappasādena, tusitaṃ upapajjahaṃ.
26. “Catunnavutito kappe, yadā cittaṃ pasādayiṃ;
Duggatiṃ nābhijānāmi, buddhasaññāyidaṃ phalaṃ.
27. “Paṭisambhidā catasso...pe... kataṃ buddhassa sāsanaṃ”.
Itthaṃ sudama āyasmā yaññasāmiko thero imā gāthāyo abhāsithāti.

Yaññasāmikattherassāpadānaṃ catutthaṃ.

5. Nimittasaññakattheraapadānaṃ

28. “Candabhāgānadīre, vasāmi assame ahaṃ;
Suvaṇṇamigamaddakkhiṃ, carantaṃ vipine ahaṃ.

29. “Mige cittaṃ pasādetvā, lokaḷeṭṭhaṃ anussariṃ;
Tena cittappasādena, aññe buddhe anussariṃ.
30. “Abbhatītā ca ye buddhā, vattamānā anāgatā;
Evamevaṃ virocanti, migarājāva te tayo.
31. “Catunnavutito kappe, yaṃ saññamalabhiṃ tadā;
Duggatiṃ nābhijānāmi, buddhasaññāyidaṃ phalaṃ.
32. “Sattavīse ito kappe, eko āsiṃ mahīpati;
Araññasatto nāmena, cakkavattī mahabbalo.
33. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā nimittasaññako thero imā gāthāyo abhāsittḥāti.

Nimittasaññakatherassāpadānaṃ pañcamaṃ.

6. Annasaṃsāvakattherassāpadānaṃ

34. “Suvaṇṇavaṇṇaṃ sambuddhaṃ, gacchantaṃ antarāpaṇe;
Kañcanagghiyasaṅkāsaṃ, bāttiṃsavaralakkhaṇaṃ.
35. “Siddhatthaṃ sabbasiddhatthaṃ, anejaṃ aparājitaṃ;
Sambuddhaṃ atināmetvā, bhoyaiṃ taṃ mahāmuniraṃ.
36. “Muni kāruṇiko loke, obhāsaya mamaṃ tadā;
Buddhe cittaṃ pasādetvā, kappāṃ saggamhi modahaṃ.
37. “Catunnavutito kappe, yaṃ dānamadadiṃ tadā;
Duggatiṃ nābhijānāmi, bhikkhādānassidaṃ phalaṃ.
38. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā annasaṃsāvako thero imā gāthāyo abhāsittḥāti;

Annasaṃsāvakattherassāpadānaṃ chaṭṭhaṃ.

7. Nigguṇḍipupphiyattherassāpadānaṃ

39. “Yadā devo devakāyā, cavate āyusaṅkhayā;
Tayo saddā niccharanti, devānaṃ anumodataṃ.
40. “Ito bho sugatiṃ gaccha, manussānaṃ sahaḃyataṃ;
Manussabhūto saddhamme, labha saddhaṃ anuttaraṃ.
41. “Sā te saddhā niviṭṭhāssa, mūlajātā patiṭṭhitā;
Yāvajīvaṃ asaṃhīrā, saddhamme suppavedite.
42. “Kāyena kusalaṃ katvā, vācāya kusalaṃ bahuṃ;
Manasā kusalaṃ katvā, abyāpajjaṃ nirūpadhiṃ.
43. “Tato opadhikaṃ puññaṃ, katvā dānena taṃ bahuṃ;

Aññepi macce saddhamme, brahmacariye nivesaya’.

44. “Imāya anukampāya, devādevaṃ yadā vidū;
Cavantaṃ anumodanti, ehi deva punappunaṃ [[devapuram puna \(sī.\)](#)].
45. “Saṃvego me [[saṃviggoḥam \(syā.\)](#)] tadā āsi, devasaṅghe samāgate;
Kaṃsu nāma ahaṃ yoniṃ, gamissāmi ito cuto.
46. “Mama saṃvegamaññāya, samaṇo bhāvitindriyo;
Mamuddharitukāmo so, āgacchi mama santikaṃ.
47. “Sumano nāma nāmena, padumuttarasāvako;
Atthadhammānusāsivā, saṃvejesi mamaṃ tadā.

Dvādasamaṃ bhāṇavāraṃ.

48. “Tassāhaṃ vacanaṃ sutvā, buddhe cittaṃ pasādayiṃ;
Taṃ dhīraṃ abhivādetvā, tattha kālaṃkato ahaṃ.
49. “Upapajjiṃ sa [[upapajjissam \(sī.\)](#)] tattheva, sukkamūlena codito;
Vasanto mātukucchimhi, puna dhāreti mātuyā.
50. “Tamhā kāyā cavitvāna, tidase upapajjaham;
Etthantare na passāmi, domanassamahaṃ tadā.
51. “Tāvatiṃsā cavitvāna, mātukucchiṃ samokkamim;
Nikkhamitvāna kucchimhā, kaṇhasukkaṃ ajānaḥam.
52. “Jātiyā sattavassova [[jātiyā sattavassena \(syā.\)](#)], ārāmaṃ pāvisiṃ ahaṃ;
Gotamassa bhagavato, sakyaputtassa tādino.
53. “Vitthārike [[vitthārite \(sī. ka.\)](#)] pāvacane, bāhujaññamhi sāsane;
Addasaṃ sāsanaḥare, bhikkhavo tattha satthuno.
54. “Sāvatti nāma nagaraṃ, rājā tathāsi kosalo;
Rathena nāgayuttana, upesi bodhimuttamaṃ.
55. “Tassāhaṃ nāgaṃ disvāna, pubbakammaṃ anussariṃ;
Añjaliṃ paggaḥetvāna, samayaṃ agamāsahaṃ.
56. “Jātiyā sattavassova, pabbajiṃ anagāriyaṃ;
Yo so buddhaṃ upaṭṭhāsi, ānando nāma sāvako.
57. “Gatimā dhitimā ceva, satimā ca bahussuto;
Rañño cittaṃ pasādentō, niyyādesi mahājūti.
58. “Tassāhaṃ dhammaṃ sutvāna, pubbakammaṃ anussariṃ;
Tattheva ṭhitako santo, arahattamaṃpūṇiṃ.
59. “Ekaṃsaṃ cīvaram katvā, sire katvāna añjaliṃ;
Sambuddhaṃ abhivādetvā, imaṃ vācaṃ udīrayiṃ.

60. “Padumuttarabuddhassa, dvipadindassa satthuno;
Niggunḍipuppham paggayha, sīhāsane ṭhapesaham.
61. “Tena kammena dvipadinda, lokajeṭṭha narāsabha;
Pattomhi acalam ṭhānam, hitvā jayaparājayaṃ’.
62. “Pañcavīśasahassamhi, kappānam manujādhipā;
Abbudanirabbudāni, aṭṭhaṭṭhāsimsu khattiyā.
63. “Paṭisambhidā catasso...pe... kataṃ buddhassa sāsanaṃ’’.
Itthaṃ sudam āyasmā niggunḍipupphiyo thero imā gāthāyo abhāsithāti.

Niggunḍipupphiyattherassāpadānam sattamaṃ.

8. Sumanāveḷiyattheraapadānam

64. “Vessabhussa bhagavato, lokajeṭṭhassa tādino;
Sabbe janā samāgamma, mahāpūjaṃ karonti te.
65. “Sudhāya piṇḍam katvāna, āveḷam sumanāyahaṃ;
Sīhāsanassa purato, abhiropesahaṃ tadā.
66. “Sabbe janā samāgamma, pekkhanti pupphamuttamaṃ;
Kenidam pūjitaṃ pupphaṃ, buddhaseṭṭhassa tādino.
67. “Tena cittappasādena, nimmānam upapajjahaṃ;
Anubhomi [anubhosim (sī.)] sakaṃ kammaṃ, pubbe sukataṃmattano.
68. “Yaṃ yaṃ yonupapajjāmi, devattaṃ atha mānusaṃ;
Sabbesānam piyo homi, puphapūjāyidaṃ phalaṃ.
69. “Nābhijānāmi kāyena, vācāya uda cetasā;
Saṃyatānam tapassīnam, kataṃ akkositaṃ mayā.
70. “Tena sucaritenāham, cittassa paṇidhīhi ca;
Sabbesaṃ pūjito homi, anakkosassidaṃ phalaṃ.
71. “Ito ekādase kappe, sahasārosi khattiyō;
Sattaratanasampanno, cakkavattī mahabbalo.
72. “Paṭisambhidā catasso...pe... kataṃ buddhassa sāsanaṃ’’.
Itthaṃ sudam āyasmā sumanāveḷiyō thero imā gāthāyo abhāsithāti.

Sumanāveḷiyattherassāpadānam aṭṭhamaṃ.

9. Pupphacchattiyattheraapadānam

73. “Siddhatthassa bhagavato, lokajeṭṭhassa tādino;
Saccaṃ pakāsāyantaṃ, nibbāpentaṃ pāṇino.
74. “Jalajaṃ āharitvāna, satapattaṃ manoramaṃ;

Pupphassa chattam katvāna, buddhassa abhiropayim.

75. “Siddhattho ca lokavidū, āhutīnaṃ paṭiggaho;
Bhikkhusaṅghe ṭhito satthā, imaṃ gāthaṃ abhāsatha.
76. “Yo me cittaṃ pasādetvā, pupphacchattam adhārayim;
Tena cittappasādena, duggatim so na gacchati’.
77. “Idaṃ vatvāna sambuddho, siddhattho lokanāyako;
Uyyojetvāna parisam, vehāsam nabhamuggami.
78. “Vuṭṭhite naradevamhi, setacchattampi vuṭṭhahi;
Purato buddhaseṭṭhassa, gacchati chattamuttamaṃ.
79. “Catunnavutito kappe, yaṃ chattam abhiropayim;
Duggatim nābhijānāmi, pupphacchattassidaṃ phalaṃ.
80. “Catusattatikappamhi, aṭṭha jalasikhā ahū;
Sattaratanasampannā, cakkavattī mahabbalā.
81. “Paṭisambhidā catasso...pe... kataṃ buddhassa sāsanaṃ’’.
Itthaṃ sudam āyasmā pupphacchattiyo thero imā gāthāyo abhāsithāti.

Pupphacchattiyattherassāpadānaṃ navamaṃ.

10. Sapparivārachattadāyakaṭṭharaapadānaṃ

82. “Padumuttaro lokavidū, āhutīnaṃ paṭiggaho;
Ākāse jalavuṭṭhīva vassate [vassati (sī. syā.), vasseti (?)] dhammavuṭṭhiyā.
83. “Tamaddasāsiṃ sambuddham, desentaṃ amataṃ padaṃ;
Sakaṃ cittaṃ pasādetvā, agamāsiṃ sakaṃ gharaṃ.
84. “Chattam alaṅkataṃ gayha, upagacchim naruttamaṃ;
Haṭṭho haṭṭhena cittaṃ, ākāse ukkhipim ahaṃ.
85. “Susaṅgahitayānaṃva, dantova sāvakuttamo;
Upagantvāna sambuddham, matthake sampatiṭṭhahi.
86. “Anukampako kāruṇiko, buddho lokaggaṇāyako;
Bhikkhusaṅghe nisīditvā, imā gāthā abhāsatha.
87. “Yena chattamidaṃ dinnaṃ, alaṅkataṃ manoramam;
Tena cittappasādena, duggatim so na gacchati.
88. “Sattakkhattuṅca devesu, devarajjam karissati;
Bāttimsakkhattuṅca rājā, cakkavattī bhavissati.
89. “Kappasatasahassamhi, okkākakulasambhavo;
Gotamo nāma gottena, satthā loke bhavissati.

90. “‘Tassa dhammesu dāyādo, oraso dhammanimmito;
Sabbāsava pariññāya, nibbāyissatināsavo’.
91. “‘Buddhassa giramaññāya, vācāsabhimudīritaṃ;
Pasannacitto sumano, bhiyyo hāsaṃ janesahaṃ.
92. “‘Jahitvā mānusaṃ yoniṃ, dibbaṃ yoniṃ [[devayoniṃ \(sī.\)](#), [dibbayoniṃ \(syā.\)](#)] majjhagaṃ;
Vimānamuttamaṃ mayhaṃ, abbhuggataṃ manoramaṃ.
93. “‘Vimānā nikkhamantassa, setacchattaṃ dharīyati;
Tadā saññaṃ paṭilabhiṃ, pubbakammassidaṃ phalaṃ.
94. “‘Devalokā cavitvāna, manussattañca āgamiṃ;
Chattimsakkhattuṃ cakkavattī, sattakappasatamhito.
95. “‘Tamhā kāyā cavitvāna, āgacchiṃ [[agañchiṃ \(?\)](#)] tidasaṃ puram;
Saṃsaritvānupubbenā, mānusaṃ punarāgamiṃ.
96. “‘Okkantaṃ mātukucchiṃ maṃ, settacchattaṃ adhārayuṃ;
Jātiyā sattavassohaṃ, pabbajiṃ anagāriyaṃ.
97. “‘Sunando nāma nāmena, brāhmaṇo mantapāragū;
Phalikaṃ chattamādāya, sāvakaaggassa so tadā.
98. “‘Anumodi mahāvīro, sārīputto mahākathī;
Sutvānumodanaṃ tassa, pubbakammamanussariṃ.
99. “‘Añjaliṃ paggahetvāna, sakaṃ cittaṃ pasādayiṃ;
Saritvā purimaṃ kammaṃ, arahattamaṃ pāpuṇiṃ.
100. “‘Uṭṭhāya āsanā tamhā, sire katvāna añjaliṃ;
Sambuddhaṃ abhivādetvā, imaṃ vācaṃ udīriyaṃ.
101. “‘Satasahassito kappe, buddho loke anuttaro;
Padumuttaro lokavidū, āhutiṇaṃ paṭiggaho.
102. “‘Tassa chattaṃ mayā dinnam, vicittaṃ samalaṅkataṃ;
Ubho hatthehi paggaṇhi, sayambhū aggapuggalo.
103. “‘Aho buddho aho dhammo, aho no satthusampadā;
Ekacchattassa dānena, duggatiṃ nupapajjaṃ.
104. “‘Kilesā jhāpitā mayhaṃ, bhavā sabbe samūhatā;
Sabbāsava pariññāya, viharāmi anāsavo.
105. “‘Paṭisambhidā catasso...pe... kataṃ buddhassa sāsaṇaṃ’.
- Itthaṃ sudaṃ āyasmā saporivārachattadāyako thero imā gāthāyo abhāsithāti.

Saporivārachattadāyakattherassāpadānaṃ dasamaṃ.

Umāpupphiyavaggo tettiṃsatimo.

Tassuddānaṃ –

Umāpupphañca pulinaṃ, hāso yañño nimittako;
Saṃsāvako nigguṇḍī ca, sumanaṃ pupphachattako;
Saparivārachatto ca, gāthā sattasatuttarāti.

34. Gandhodakavaggo

1. Gandhadhūpiyattheraapadānaṃ

1. “Siddhatthassa bhagavato, gandhadhūpaṃ adāsahaṃ;
Sumanehi paṭicchannaṃ, buddhānucchavikañca taṃ.
2. “Kañcanagghiyasaṅkāsāṃ, buddhaṃ lokaggaṇāyakaṃ;
Indīvaraṃva jalitaṃ, ādittaṃva hutāsanaṃ.
3. “Byagghusabhaṃva pavaraṃ, abhijātaṃva kesariṃ;
Nisinnaṃ samaṇānaggaṃ, bhikkhusaṅghapurakkhataṃ.
4. “Disvā cittaṃ pasādetvā, paggahetvāna añjaliṃ;
Vanditvā satthuno pāde, pakkāmiṃ uttarāmukho.
5. “Catunnavutito kappe, yaṃ gandhamadadiṃ tadā;
Duggatiṃ nābhijānāmi, gandhapūjāyidaṃ phalaṃ.
6. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudamaṃ āyasmā gandhadhūpiyo thero imā gāthāyo abhāsithāti.

Gandhadhūpiyattherassāpadānaṃ paṭhamamaṃ.

2. Udakapūjakattheraapadānaṃ

7. “Suvaṇṇavaṇṇaṃ sambuddhaṃ, gacchantaṃ anilañjase;
Ghatāsanaṃva jalitaṃ, ādittaṃva hutāsanaṃ.
8. “Pāṇinā udakaṃ gayha, ākāse ukkhipiṃ ahaṃ;
Sampaṭicchhi mahāvīro, buddho kāruṇiko isi.
9. “Antalikkhe ṭhito satthā, padumuttaranāmaṃ;
Mama saṅkappamaññāya, imaṃ gāthamabhāsatha.
10. ““Iminā dakadānena, pītiuppādanena ca;
Kappasatasahassampi, duggatiṃ nupapajjasi”.
11. “Tena kammena dvīpadinda, lokajetṭha narāsabha;
Pattomhi acalaṃ ṭhānaṃ, hitvā jayaparājayaṃ.
12. “Sahassarājanāmena, tayo ca cakkavattino;
Pañcasaṭṭhikappasate, cāturantā janādhipā.

13. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā udakapūjako therō imā gāthāyo abhāsithāti.

Udakapūjakattherassāpadānaṃ dutiyaṃ.

3. Punnāgapupphiyattheraapadānaṃ

14. “Kānanaṃ vanamogayha, vasāmi luddako ahaṃ;
Punnāgaṃ pupphitaṃ disvā, buddhaseṭṭhaṃ anussariṃ.
15. “Taṃ pupphaṃ ocinitvāna, sugandhaṃ gandhitaṃ subhaṃ;
Thūpaṃ katvāna puline, buddhassa abhiropayim.
16. “Dvenavute ito kappe, yaṃ pupphamabhipūjayim;
Duggatiṃ nābhijānāmi, buddhapūjāyidaṃ phalaṃ.
17. “Ekamhi navute kappe, eko āsim tamonudo;
Sattaratanasampanno, cakkavattī mahabbalo.
18. “Paṭisambhidā catasso...pe... kataṃ buddhassa sāsanaṃ”.
Itthaṃ sudam āyasmā punnāgapupphiyo therō imā gāthāyo abhāsithāti.

Punnāgapupphiyattherassāpadānaṃ tatiyaṃ.

4. Ekadussadāyakattheraapadānaṃ

19. “Nagare haṃsavatiyā, ahosiṃ tiṇahārako;
Tiṇahārena jīvāmi, tena posemi dārake.
20. “Padumuttaro nāma jino, sabbadhammāna pārāgū;
Tamandhakāraṃ nāsetvā, uppajji lokanāyako.
21. “Sake ghare nisīditvā, evaṃ cintesahaṃ tadā;
‘Buddho loke samuppanno, deyyadhammo ca natthi me.
22. “‘Idaṃ me sātakaṃ ekaṃ, natthi me koci dāyako;
Dukkho nirayasamphasso, ropayissāmi dakkhiṇaṃ’.
23. “Evāhaṃ cintayitvāna, sakaṃ cittaṃ pasādayim;
Ekaṃ dussaṃ gahetvāna, buddhaseṭṭhassadāsahaṃ.
24. “Ekaṃ dussaṃ daditvāna, ukkuṭṭhiṃ sampavattayim;
Yadi buddho tuvaṃ vīra, tārehi maṃ mahāmuni.
25. “Padumuttaro lokavidū, āhutīnaṃ paṭiggaho;
Mama dānaṃ pakittento, akā me anumodanaṃ.
26. “‘Iminā ekadussena, cetanāpaṇidhīhi ca;
Kappasatasahassāni, vinipātaṃ na gacchati.
27. “‘Chattiṃsakkhattuṃ devindo, devarajjaṃ karissati;

Tettiṃsakkhattuṃ rājā ca, cakkavattī bhavissati;
Padesarajjaṃ vipulaṃ, gaṇanāto asaṅkhiyaṃ.

28. “Devaloke manusse vā, saṃsaranto tuvaṃ bhava;
Rūpavā guṇasampanno, anavakkantadehavā;
Akkhobhaṃ amitaṃ dussaṃ, labhissasi yadicchakaṃ’.
29. “Idaṃ vatvāna sambuddho, jalajuttamanāma;
Nabhaṃ abbhuggamī dhīro, haṃsarājāva ambare.
30. “Yaṃ yaṃ yonupapajjāmi, devattaṃ atha mānusaṃ;
Bhoge me ūnatā natthi, ekadussassidaṃ phalaṃ.
31. “Paduddhāre paduddhāre, dussaṃ nibbattate mamaṃ;
Heṭṭhā dussamhi tiṭṭhāmi, upari chadanaṃ mama.
32. “Cakkavāḷamupādāya, sakānanaṃ sapabbataṃ;
Icchamāno cahaṃ ajja, dussehi chādayeyyaṃ.
33. “Teneva ekadussena, saṃsaranto bhavābhava;
Suvaṇṇavaṇṇo hutvāna, saṃsarāmi bhavābhava.
34. “Vipākaṃ ekadussassa, najjhagaṃ katthacikkhayaṃ;
Ayaṃ me antimā jāti, vipaccati idhāpi me.
35. “Satasahassito kappe, yaṃ dussamadadiṃ tadā;
Duggatiṃ nābhijānāmi, ekadussassidaṃ phalaṃ.
36. “Kilesā jhāpitā mayhaṃ, bhavā sabbe samūhatā;
Nāgo va bandhanaṃ chetvā, viharāmi anāsavo.
37. “Paṭisambhidā catasso...pe... kataṃ buddhassa sāsanaṃ’’.
Itthaṃ sudaṃ āyasmā ekadussadāyako thero imā gāthāyo abhāsithāti.

Ekadussadāyakattherassāpadānaṃ catutthaṃ.

5. Phusitakampiyattheraapadānaṃ

38. “Vipassī nāma [sabbatthapi evameva dissati]
Sambuddho, lokajeṭṭho narāsabho.

Khīṇāsavehi sahito, saṅghārāme vasī tadā.
39. “Ārāmadvārā nikkhamma, vipassī [sabbatthapi evameva dissati] lokanāyako;
Saha satasahasseehi, aṭṭha [sahasasatasissehi, aṭṭha (ka.), aṭṭha satasahasseehi, saha (?)]
khīṇāsavehi so.
40. “Ajnena nivatthoṃ, vākacīradharopi ca;
Kusumodakamādāya [kusumbhodaka... (sī. syā.)], sambuddhaṃ upasankamiṃ.
41. “Sakaṃ cittaṃ pasādetvā, vedajāto katañjalī;

Kusumodakamādāya, buddhamabbhukkirim aham.

42. “Tena kamma sambuddho, jalajuttamanāmako [sabbatthapi evameva dissati];
Mama kammaṃ pakittetvā, agamā yena patthitaṃ.
43. “Phusitā pañcasahassā, yehi pūjesahaṃ jinaṃ;
Aḍḍhateyyasahashehi, devarajjaṃ akārayim.
44. “Aḍḍhateyyasahashehi, cakkavattī ahasahaṃ;
Avasesena kamma, arahattamaṃpūṇim.
45. “Devarājā yadā homi [ahosiṃ (syā. ka.)], manujādhipatī yadā [tadā (syā. ka.)];
Tameva nāmadheyyaṃ me, phusito nāma homahaṃ.
46. “Devabhūtassa santassa, athāpi mānusassa vā;
Samantā byāmato mayhaṃ, phusitaṃva pavassati.
47. “Bhavā ugghāṭitā mayhaṃ, kilesā jhāpitā mama;
Sabbāsavaparikkhīṇo, phusitassa idaṃ phalaṃ.
48. “Candanasseva me kāyā, tathā gandho pavāyati;
Sarīrato mama gandho, aḍḍhakose pavāyati.
49. “Dibbagandhaṃ sampavantaṃ, puññakammasamaṅginaṃ;
Gandhaṃ ghatvāna jānanti, phusito āgato idha.
50. “Sākhāpalāsakaṭṭhāni, tiṇānipi ca sabbaso;
Mama saṅkappamaññāya, gandho sampajjate khaṇe.
51. “Satasahassito [sabbatthapi evameva dissati] kappe, candanaṃ abhipūjayim;
Duggatiṃ nābhijānāmi, phusitassa idaṃ phalaṃ.
52. “Paṭisambhidā catasso...pe... kataṃ buddhassa sāsaṇaṃ”.
Itthaṃ sudama āyasmā phusitakampiyo thero imā gāthāyo abhāsithāti.

Phusitakampiyattherassāpadānaṃ pañcamaṃ.

6. Pabhaṅkarattheraapadānaṃ

53. “Padumuttarabhagavato, lokajeṭṭhassa tādino;
Vipine cetiyaṃ āsi, vālamigasamākule.
54. “Na koci visahi gantuṃ, cetiyaṃ abhivandituṃ;
Tiṇakaṭṭhalatonaddhaṃ, paluggaṃ āsi cetiyaṃ.
55. “Vanakammiko tadā āsiṃ, pitumātumatenaṃ [pitupetāmahenaṃ (sī.),
pitāpetāmahenaṃ (syā.)];
Addasaṃ vipine thūpaṃ, luggaṃ tiṇalatākulaṃ.
56. “Disvānāhaṃ buddhathūpaṃ, garucittaṃ upaṭṭhahim;
Buddhaseṭṭhassa thūpoyaṃ, paluggo acchatī vane.

57. “Nacchannaṃ nappatirūpaṃ, jānantassa guṇāguṇaṃ;
Buddhathūpaṃ asodhetvā, aññaṃ kammaṃ payojaye.
58. “Tiṇakaṭṭhañca valliñca, sodhayitvāna cetiye;
Vanditvā aṭṭha vārāni [aṭṭha ṭhānāni (ka.)], paṭikuṭiko agacchahaṃ.
59. “Tena kammaṃ sukateṇa, cetanāpaṇidhīhi ca;
Jahitvā mānusaṃ dehaṃ, tāvatimsamagacchahaṃ.
60. “Tattha me sukataṃ byamaṃ, sovaṇṇaṃ sapabhassaraṃ;
Saṭṭhiyojanamubbiddhaṃ, tiṃsayojanavitthataṃ.
61. “Tisatāni ca vārāni, devarajjamakārayiṃ;
Pañcaviṣatikkhattuñca, cakkavattī ahasahaṃ.
62. “Bhavābhava saṃsaranto, mahābhogaṃ labhāmahaṃ;
Bhoge me ūnatā natthi, sodhanāya idaṃ phalaṃ.
63. “Sivikā hatthikhandhena, vipine gacchato mama;
Yaṃ yaṃ disāhaṃ gacchāmi, saraṇaṃ sampate [sijjhate (ka.)] vanaṃ.
64. “Khāṇuṃ vā kaṇṭakaṃ vāpi, nāhaṃ passāmi cakkhunā;
Puññaṃkammaṃ saṃyutto, sayamevāpanīyare.
65. “Kutṭhaṃ gaṇḍo kilāso ca, apamāro vitacchikā;
Daddu kacchu [kaṇḍu (syā.)] ca me natthi, sodhanāya idaṃ phalaṃ.
66. “Aññaṃpi me acchariyaṃ, buddhathūpassa sodhane [buddhathūpaṃhi sodhite (syā.)];
Nābhijānāmi me kāye, jātaṃ piḷakabindukaṃ.
67. “Aññaṃpi me acchariyaṃ, buddhathūpaṃhi sodhite [sabbatthapi evameva dissati, tathā uparipi];
Duve bhava saṃsarāmi, devatte atha mānuse.
68. “Aññaṃpi me acchariyaṃ, buddhathūpaṃhi sodhite;
Suvaṇṇavaṇṇo sabbattha, sappabhāso bhavāmahaṃ.
69. “Aññaṃpi me acchariyaṃ, buddhathūpaṃhi sodhite;
Amanāpaṃ vivajjati, manāpaṃ upatiṭṭhati.
70. “Aññaṃpi me acchariyaṃ, buddhathūpaṃhi sodhite;
Visuddhaṃ hoti me cittaṃ, ekaggaṃ susamāhitaṃ.
71. “Aññaṃpi me acchariyaṃ, buddhathūpaṃhi sodhite;
Ekāsane nisīditvā, arahattamaṃpāpuṇiṃ.
72. “Satasahassito kappe, yaṃ kammamakariṃ tadā;
Duggatiṃ nābhijānāmi, sodhanāya idaṃ phalaṃ.
73. “Paṭisambhidā catasso...pe... kataṃ buddhassa sāsaṇaṃ”.
Itthaṃ sudaṃ āyasmā pabhaṅkaro thero imā gāthāyo abhāsithāti.

Pabhaṅkarattherassāpadānaṃ chaṭṭhaṃ.

7. Tiṅakuṭidāyakaṭṭheraapadānaṃ

74. “Nagare bandhumatiyā, ahosiṃ parakammiko;
Parakammāyane yutto, parabhattaṃ apassito.
75. “Rahogato nisīditvā, evaṃ cintesahaṃ tadā;
Buddho loke samuppanno, adhikāro ca natthi me.
76. “Kālo me gatiṃ [kālo gatiṃ me (sī. syā.)] sodhetuṃ, khaṇo me paṭipādito;
Dukkho nirayasamphasso, apuññānañhi paṇinaṃ.
77. “Evāhaṃ cintayitvāna, kammaśāmiṃ upāgamiṃ;
Ekāhaṃ kammaṃ yācitvā, vipinaṃ pāvisiṃ ahaṃ.
78. “Tiṅakattṭhañca valliñca, āharitvānaṃ tadā;
Tidaṇḍake ṭhapetvāna, akaṃ tiṅakuṭiṃ ahaṃ.
79. “Saṅghassatthāya kuṭikaṃ, niyyādetvāna [niyyātetvāna (sī.)] taṃ ahaṃ;
Tadaheyeva āgantvā, kammaśāmiṃ upāgamiṃ.
80. “Tena kammena sukatenā, tāvatimsamagacchahaṃ;
Tattha me sukataṃ byamhaṃ, kuṭikāya sunimmitaṃ [tiṅakuṭikāya nimmitaṃ (sī.)].
81. “Sahassakaṇḍaṃ satabheṇḍu, dhajālu haritāmayaṃ;
Satasahassaniyyūhā, byamhe pātubhaviṃsu me.
82. “Yaṃ yaṃ yonupapajjāmi, devattaṃ atha mānusaṃ;
Mama saṅkappamaññāya, pāsādo upatiṭṭhati.
83. “Bhayaṃ vā chambhitattaṃ vā, lomahaṃso na vijjati;
Tāsaṃ mama na jānāmi, tiṅakuṭikāyidaṃ [tiṅakuṭiyidaṃ (ka.)] phalaṃ.
84. “Sīhabyagghā ca dīpī ca, acchakokataracchakā [taracchayo (syā. ka.)];
Sabbe maṃ parivajjenti, tiṅakuṭikāyidaṃ phalaṃ.
85. “Sarīsapā [sirīṃsapā (sī. syā.), sarīṃsapā (ka.)] ca bhūtā ca, ahī kumbhaṇḍarakkhasā;
Tepi maṃ parivajjenti, tiṅakuṭikāyidaṃ phalaṃ.
86. “Na pāpasupinassāpi, sarāmi dassanaṃ mama;
Upaṭṭhitā sati mayhaṃ, tiṅakuṭikāyidaṃ phalaṃ.
87. “Tāyeva tiṅakuṭikāya, anubhotvāna sampadā;
Gotamassa bhagavato, dhammaṃ sacchikariṃ ahaṃ.
88. “Ekanavutito kappe, yaṃ kammamakariṃ tadā;
Duggatiṃ nābhijānāmi, tiṅakuṭikāyidaṃ phalaṃ.
89. “Paṭisambhidā catasso...pe... kataṃ buddhassa sāsaṇaṃ”.
Itthaṃ sudaṃ āyasmā tiṅakuṭidāyako thero imā gāthāyo abhāsithāti.

Tiṇakuṭidāyakattherassāpadānaṃ sattamaṃ.

8. Uttareyyadāyakattheraapadānaṃ

90. “Nagare haṃsavatīyā, ahoṣiṃ brāhmaṇo tadā;
Ajjhāyako mantadharo, tiṇṇaṃ vedāna pāragū.
91. “Purakkhato sasissehi, jātimā ca susikkhito;
Toyābhisecanatthāya, nagarā nikkhamiṃ tadā.
92. “Padumuttaro nāma jino, sabbadhammāna pāragū;
Khīṇāsavasahasseehi, pāvisī nagaraṃ jino.
93. “Sucārurūpaṃ disvāna, āneñjakāritaṃ viya;
Parivutaṃ arahantehi, disvā cittaṃ pasādayiṃ.
94. “Sirasiṃ añjaliṃ katvā, namassitvāna subbataṃ;
Pasannacitto sumano, uttarīyamadāsahaṃ.
95. “Ubho hatthehi paggayha, sātakaṃ ukkhipiṃ ahaṃ;
Yāvata buddhāparisā, tāva chādesi sātako.
96. “Piṇḍacāraṃ carantassa, mahābhikkhugaṇādino;
Chadaṃ karonto aṭṭhāsi, hāsanto mamaṃ tadā.
97. “Gharato nikkhamantassa, sayambhū aggapuggalo;
Vīthiyaṃva ṭhito satthā, akā me [akāsi (syā.)] anumodanaṃ.
98. “Pasannacitto sumano, yo me adāsi sātakaṃ;
Tamaṃ kittayissāmi, suṇoṭha mama bhāsato.
99. “Tiṃsakappasahassāni, devaloke ramissati;
Paññāsakkhattuṃ devindo, devarajjaṃ karissati.
100. “Devaloke vasantassa, puññakammasamaṅgino;
Samantā yojanasataṃ, dussacchannaṃ bhavissati.
101. “Chattiṃsakkhattuṃ rājā ca, cakkavattī bhavissati;
Padesarajjaṃ vipulaṃ, gaṇanāto asaṅkhiyaṃ.
102. “Bhave saṃsaramānassa, puññakammasamaṅgino;
Manasā patthitaṃ sabbhaṃ, nibbattissati tāvade.
103. “Koseyyakambaliyāni [koseyyakambaliyāni (sī.)], khomakappāsikāni ca;
Mahagghāni ca dussāni, paṭilacchatiyaṃ naro.
104. “Manasā patthitaṃ sabbhaṃ, paṭilacchatiyaṃ naro;
Ekadussassa vipākaṃ, anubhossati sabbadā.
105. “So pacchā pabbajitvāna, sukkamūlena codito;
Gotamassa bhagavato, dhammaṃ sacchikarissati’.

106. “Aho me sukataṃ kammaṃ, sabbaññussa mahesino;
Ekāhaṃ sātakaṃ datvā, pattomhi amataṃ padaṃ.
107. “Maṇḍape rukkhamaṃ vā, vasato suññake ghare;
Dhāreti dussachadaṃ, samantā byāmato mama.
108. “Aviññattaṃ nivāsemi [aviññattāni sevāmi (?)], cīvaraṃ paccayañcahaṃ;
Lābhī [lābhimhi (syā.)] annassa pānassa, uttareyyassidaṃ phalaṃ.
109. “Satasahassito kappe, yaṃ kammamakarim̐ tadā;
Duggatiṃ nābhijānāmi, vatthadānassidaṃ phalaṃ.
110. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā uttareyyadāyako thero imā gāthāyo abhāsittāti.

Uttareyyadāyakattherassāpadānaṃ aṭṭhamāṃ.

9. Dhammasavaniyattheraapadānaṃ

111. “Padumuttaro nāma jino, sabbadhammāna pāragū;
Catusaccaṃ pakāsento, santāresi bahuṃ janaṃ.
112. “Ahaṃ tena samayena, jaṭilo uggatāpano;
Dhunanto vākacīrāni, gacchāmi ambare tadā.
113. “Buddhaseṭṭhassa upari, gantuṃ na visahāmaṃ;
Pakkhīva selamāsajja [selamāpajja (syā.)], gamanaṃ na labhāmaṃ.
114. “Na me idaṃ bhūtapubbaṃ, iriyassa vikopanaṃ;
Dake yathā ummujjitvā, evaṃ gacchāmi ambare.
115. “Uḷārabhūto manujo, heṭṭhāsīno [heṭṭhāpi no (ka.)] bhavissati;
Handa menaṃ gavesissaṃ, api atthaṃ labheyyahaṃ.
116. “Orohanto antalikkhā, saddamassosi satthuno;
Aniccatāṃ kathentassa, tamahaṃ uggahiṃ tadā.
117. “Aniccasaññamuggayha, agamāsīṃ mamassamaṃ;
Yāvatāyumaṃ vasitvāna, tattha kālānkato ahaṃ.
118. “Carime vattamānamhi, taṃ dhammasavanaṃ [dhammasavaṇaṃ (sī.)] sariṃ;
Tena kammena sukatenā, tāvatiṃsamagacchahaṃ.
119. “Timsakappasahassāni, devaloke ramiṃ ahaṃ;
Ekapaññāsakkhattuñca, devarajjamakārayiṃ.
120. “Ekaṣattatikkhattuñca, cakkavattī ahasahaṃ;
Padesarajjaṃ vipulaṃ, gaṇanāto asaṅkhiyaṃ.
121. “Pitugehe nisīditvā, samaṇo bhāvitindriyo;
Gāthāya paridīpento, aniccatamudāhari [aniccavatthudāhari (syā. ka.)].

122. “Anussarāmi taṃ saññaṃ, saṃsaranto bhavābhavē;
Na koṭiṃ paṭivijjhāmi [na koci paṭivajjāmi (ka.)], nibbānaṃ accutaṃ padaṃ [ayaṃ gāthā upari
43 vage sattamaṃpadāne purimagāthāya puretaraṃ dissati].
123. “Aniccā vata saṅkhārā, uppādavayadhammino;
Uppajjitvā nirujjhanti, tesaṃ vūpasamo sukho.
124. “Saha gāthaṃ suṇitvāna, pubbakammaṃ anussariṃ;
Ekāsane nisīditvā, arahattamaṃpāpuṇiṃ.
125. “Jātiyā sattavassohaṃ, arahattamaṃpāpuṇiṃ;
Upasampādayi buddho, guṇamaññāya cakkhumā.
126. “Dārakova ahaṃ santo, karaṇīyaṃ samāpayiṃ;
Kiṃ me karaṇīyaṃ ajja, sakyaputtassa sāsane.
127. “Satasahassito kappe, yaṃ kammamakariṃ tadā;
Duggatiṃ nābhijānāmi, saddhammasavane phalaṃ.
128. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā dhammasavaniyo thero imā gāthāyo abhāsithāti.

Dhammasavaniyattherassāpadānaṃ navamaṃ.

10. Ukkhittapadumiyattheraapadānaṃ

129. “Nagare haṃsavatiyā, ahosiṃ mālika tadā;
Ogāhetvā padumasaraṃ, satapattaṃ ocināmahaṃ.
130. “Padumuttaro nāma jino, sabbadhammāna pāragū;
Saha satasahasseehi [satasahassasisehi (ka.)], santacittehi tādiḃhi.
131. “Khīṇāsavehi suddhehi, chaḷabhiññehi jhāyibhi [so tadā (sī.), so saha (ka.)];
Mama vuddhiṃ samanvesaṃ, āgacchi mama santikaṃ [mama santike (sī.), purisuttamo (syā.
ka.)].
132. “Disvānaḃhaṃ devadevaṃ, sayambhuṃ lokanāyakaṃ;
Vaṇṭe chetvā satapattaṃ, ukkhipimambare tadā.
133. “Yadi buddho tuvaṃ vīra, lokajettho narāsabho;
Sayaṃ gantvā satapattā, matthake dhārayantu te.
134. “Adhiṭṭhahi mahāvīro, lokajettho narāsabho;
Buddhassa ānubhāvena, matthake dhārayiṃsu te.
135. “Tena kammena sukatenā, cetanāpaṇidhīhi ca;
Jahitvā mānusaṃ dehaṃ, tāvatimsamagacchahaṃ.
136. “Tattha me sukataṃ byamaṃ, satapattanti vuccati;
Satthiyojanamubbiddhaṃ, tiṃsayojanavitthataṃ.
137. “Sahassakkhattuṃ devindo, devarajjamakārayiṃ;

Pañcasattatikkhattuñca, cakkavattī ahosahaṃ.

138. “Padesarajjaṃ vipulaṃ, gaṇanāto asaṅkhiyaṃ;
Anubhomi sakaṃ kammaṃ, pubbe sukataṃmattano.
139. “Tenevekapadumena, anubhotvāna sampadā;
Gotamassa bhagavato, dhammaṃ sacchikariṃ ahaṃ.
140. “Kilesā jhāpitā mayhaṃ, bhavā sabbe samūhatā;
Nāgoṃva bandhanaṃ chetvā, viharāmi anāsavo.
141. “Satasahassito kappe, yaṃ pupphamaḥhipūjayiṃ;
Duggatiṃ nābhijānāmi, ekapadumassidaṃ phalaṃ.
142. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ukkhittapadumiyo thero imā gāthāyo abhāsithāti.

Ukkhittapadumiyattherassāpadānaṃ dasamaṃ.

Gandhodakavaggo catutiṃsatimo.

Tassuddānaṃ –

Gandhadhūpo udakañca, punnāga ekadussakā;
Phusito ca pabhaṅkaro, kuṭido uttarīyako.

Savanī ekapadumī, gāthāyo sabbapiṇḍitā;
Ekaṃ gāthāsatañceva, catutālīsameva ca.

35. Ekapadumiyavaggo

1. Ekapadumiyattheraapadānaṃ

1. “Padumuttaro nāma jino, sabbadhammāna pāragū;
Bhavābhava vibhāvento, tāresi janataṃ bahuṃ.
2. “Haṃsarājā tadā homi, dijjānaṃ pavaro ahaṃ;
Jātassaraṃ samogayha, kiḷāmi haṃsakīḷitaṃ.
3. “Padumuttaro lokavidū, āhutiṃnaṃ paṭiggaho;
Jātassarassa upari, āgacchi tāvade jino.
4. “Disvānaḥaṃ devadevaṃ, sayambhuṃ lokanāyakaṃ;
Vaṇṭe chetvāna padumaṃ, satapattaṃ manoramaṃ.
5. “Mukhatuṇḍena paggayha, pasanno lokanāyake [vipasannena cetasā (syā.)];
Ukkhipitvāna gagaṇe [ukkhīpitvā nalāṭena (ka.)], buddhaseṭṭhaṃ apūjayiṃ.
6. “Padumuttaro lokavidū, āhutiṃnaṃ paṭiggaho;
Antalikkhe ṭhito satthā, akā me anumodanaṃ.

7. “‘Iminā ekapadumena, cetanāpaṇidhīhi ca;
Kappānaṃ satasahassaṃ, vinipātaṃ na gacchasi’.
8. “‘Idaṃ vatvāna sambuddho, jalajuttamanāmakō;
Mama kammaṃ pakittetvā, agamā yena patthitaṃ.
9. “‘Satasahassito kappe, yaṃ kammamakariṃ tadā;
Duggatiṃ nābhijānāmi, buddhapūjāyidaṃ phalaṃ.
10. “‘Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ’.

Itthaṃ sudaṃ āyasmā ekapadumiyo thero imā gāthāyo abhāsithāti.

Ekapadumiyattherassāpadānaṃ paṭhamaṃ.

2. Tīṇuppalamāliyattheraapadānaṃ

11. “‘Candabhāgānadītīre, ahosiṃ vānaro tadā;
Addasaṃ virajaṃ buddhaṃ, nisinnaṃ pabbatantare.
 12. “‘Obhāsentaṃ disā sabbā, sālārājaṃva phullitaṃ;
Lakkhaṇabyañjanūpetāṃ, disvā attamano ahuṃ.
 13. “‘Udagacitto sumano, pītiyā haṭṭhamānaso;
Tīṇi uppalapupphāni, matthake abhiropayaṃ.
 14. “‘Pupphāni abhiropetvā, vipassissa mahesino;
Sagāravo bhavitvāna [gamitvāna (sī.), namitvāna (ka.)], pakkāmiṃ uttarāmukho.
 15. “‘Gacchanto paṭikuṭiko, vippasannena cetasā;
Selantare patitvāna [papatitvā (syā. ka.)], pāpuṇiṃ jīvitakkhayaṃ.
 16. “‘Tena kammena sukatenā, cetanāpaṇidhīhi ca;
Jahitvā mānusaṃ dehaṃ [purimaṃ jātiṃ (?) upari 38 vage tatiyāpadāne evameva dissati],
tāvatiṃsamagacchahaṃ.
 17. “‘Satānaṃ tīṇikkhattuñca, devarajjaṃ akārayiṃ;
Satānaṃ pañcakkhattuñca, cakkavattī ahosahaṃ.
 18. “‘Ekanavutito kappe, yaṃ pupphamabhipūjayaṃ;
Duggatiṃ nābhijānāmi, buddhapūjāyidaṃ phalaṃ.
 19. “‘Paṭisambhidā catasso...pe... kataṃ buddhassa sāsanaṃ’.
- Itthaṃ sudaṃ āyasmā tīṇuppalamāliyo [tiuppalamāliyo (sī.)] thero imā gāthāyo abhāsithāti.

Tīṇuppalamāliyattherassāpadānaṃ dutiyaṃ.

3. Dhajadāyakaṭṭheraapadānaṃ

20. “‘Tisso nāma ahu satthā, lokajettho narāsabho;

Tayopadhikkhaye [[tassopadhikkhaye \(sī.\)](#)] disvā, dhajaṃ āropitaṃ mayā.

21. “Tena kammena sukatenā, cetanāpaṇidhīhi ca;
Jahitvā mānuṣaṃ dehaṃ, tāvatimsamagacchahaṃ.
22. “Satānaṃ tīṇikkhattuñca, devarajjaṃ akārayiṃ;
Satānaṃ pañcakkhattuñca, cakkavattī ahasahaṃ.
23. “Padesarajjaṃ vipulaṃ, gaṇanāto asaṅkhiyaṃ;
Anubhomī sakaṃ kammaṃ, pubbe sukataṃmattano.
24. “Dvenavute ito kappe, yaṃ kammamakariṃ tadā;
Duggatiṃ nābhijānāmi, dhajadānassidaṃ phalaṃ.
25. “Icchamāno cahaṃ ajja, sakānanaṃ sapabbataṃ;
Khomadussena chādeyyaṃ, tadā mayhaṃ kate phalaṃ.
26. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā dhajadāyako thero imā gāthāyo abhāsithāti.

Dhajadāyakattherassāpadānaṃ tatiyaṃ.

4. Tikiṅkaṇipūjakattheraapadānaṃ

27. “Himavantassāvidūre, bhūtagaṇo nāma pabbato;
Tatthaddasaṃ paṃsukūlaṃ, dumaggamhi vilaggitaṃ.
28. “Tīṇi kiṅkaṇipupphāni, ocinitvānahaṃ tadā;
Haṭṭho haṭṭhena cittena, paṃsukūlaṃ apūjayiṃ.
29. “Ekattiṃse ito kappe, yaṃ kammamakariṃ tadā;
Duggatiṃ nābhijānāmi, tiṇṇaṃ pupphānidaṃ phalaṃ.
30. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tikiṅkaṇipūjako thero imā gāthāyo abhāsithāti.

Tikiṅkaṇipūjakattherassāpadānaṃ catutthaṃ.

5. Naḷāgārikattheraapadānaṃ

31. “Himavantassāvidūre, hārito nāma pabbato;
Sayambhū nārado nāma, rukkhamaṃ vasī tadā.
32. “Naḷāgāraṃ karitvāna, tiṇṇena chādayiṃ ahaṃ;
Caṅkamaṃ sodhayitvāna, sayambhussa adāsahaṃ.
33. “Catuddasasu kappesu, devaloke ramiṃ ahaṃ;
Catusattatikkhattuñca, devarajjaṃ akārayiṃ.
34. “Catusattati [[sattasattati \(sī.\)](#)] khattuñca, cakkavattī ahasahaṃ;
Padesarajjaṃ vipulaṃ, gaṇanāto asaṅkhiyaṃ.

35. “Ubbiddhaṃ bhavanaṃ mayhaṃ, indalaṭṭhīva uggataṃ;
Sahassathambhaṃ atulaṃ, vimānaṃ sapabhassaraṃ.
36. “Dve sampattī anubhotvā, sukkamūlena codito;
Gotamassa bhagavato, sāsane pabbajīṃ ahaṃ.
37. “Padhānapahitattomhi, upasanto nirūpadhi;
Nāgoṃva bandhanaṃ chetvā, viharāmi anāsavo.
38. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā naḷāgāriko thero imā gāthāyo abhāsithāti.

Naḷāgārikattherassāpadānaṃ pañcamam.

6. Campakapupphiyattheraapadānaṃ

39. “Himavantassāvidūre, jāpalo [cāpalo (sī.), chāpalo (syā.)] nāma pabbato;
Buddho sudassano nāma, vihāsi pabbatantare.
40. “Pupphaṃ hemavantaṃ [hemavataṃ (sī.), hemavaṇṇaṃ (syā.)] gayha, gacchaṃ
vehāyasaṇaṃ;
Addasaṃ virajaṃ buddhaṃ, oghatiṇṇamanāsavaṃ.
41. “Satta campakapupphāni, sīse katvānaṃ tadā;
Buddhassa abhiropesiṃ, sayambhussa mahesino.
42. “Ekattiṃse ito kappe, yaṃ pupphamabhiropayiṃ;
Duggatiṃ nābhijānāmi, buddhapūjāyidaṃ phalaṃ.
43. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā campakapupphiyo thero imā gāthāyo abhāsithāti.

Campakapupphiyattherassāpadānaṃ chaṭṭhaṃ.

7. Padumapūjakattheraapadānaṃ

44. “Himavantassāvidūre, romaso nāma pabbato;
Buddhopi sambhavo nāma, abbhokāse vasī tadā.
45. “Bhavanā nikkhamitvāna, padumaṃ dhārayiṃ ahaṃ;
Ekāhaṃ dhārayitvāna, puna bhavanupāgamiṃ.
46. “Ekanavutito kappe, yaṃ pupphamabhiropayiṃ;
Duggatiṃ nābhijānāmi, buddhapūjāyidaṃ phalaṃ.
47. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā padumapūjako thero imā gāthāyo abhāsithāti.

Padumapūjakattherassāpadānaṃ sattamaṃ.

Terasamaṃ bhāṇavāraṃ.

8. Tiṇamuṭṭhidāyakattheraapadānaṃ

48. “Himavantassāvidūre, lambako nāma pabbato;
Upatisso nāma sambuddho, abbhokāsamhi caṅkama.
49. “Migaluddo tadā āsiṃ, araṅṅe kānane ahaṃ;
Disvāna taṃ devadevaṃ, sayambhuṃ aparājitaṃ.
50. “Vippasanna citta, tadā tassa mahesino;
Nisīdanatthaṃ buddhassa, tiṇamuṭṭhimadāsahaṃ.
51. “Datvāna devadevassa, bhiyyo cittaṃ pasādayiṃ;
Sambuddhaṃ abhivādetvā, pakkāmiṃ uttarāmukho.
52. “Aciraṃ gatamattaṃ maṃ, migarājā apothayi [aheṭṭhayi (sī. syā.)];
Sīhena pothito [pātito (sī. syā.)] santo, tattha kālaṅkato ahaṃ.
53. “Āsanne me kataṃ kammaṃ, buddhaseṭṭhe anāsava;
Sumutto saravegova, devalokaṃ agaṅchahaṃ.
54. “Yūpo tattha subho āsi, puṅṅakammābhiniṃmitto;
Sahassakaṇḍo satabheṇḍu, dhajālu haritāmayo.
55. “Pabhā niddhāvate tassa, sataraṃsīva uggato;
Ākiṇṇo devakaṅṅāhi, āmodiṃ kāmakāmahaṃ.
56. “Devalokā cavitvāna, sukkamūlena codito;
Āgantvāna manussattaṃ, pattomhi āsavakkhayaṃ.
57. “Catunnavutito kappe, nisīdanamadāsahaṃ;
Duggatiṃ nābhijānāmi, tiṇamuṭṭhiyidaṃ phalaṃ.
58. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tiṇamuṭṭhidāyako thero imā gāthāyo abhāsithāti.

Tiṇamuṭṭhidāyakattherassāpadānaṃ aṭṭhamaṃ.

9. Tindukaphaladāyakattheraapadānaṃ

59. “Kaṅṅikāraṃva jotantaṃ, nisinnaṃ pabbatantare;
Addasaṃ virajaṃ buddhaṃ, oghatiṇṇamanāsavaṃ.
60. “Tindukaṃ saphalaṃ disvā, bhinditvāna sakosakaṃ [sakoṭakaṃ (sī.), sakoṭikaṃ (syā.)];
Pasannacitto sumano, sayambhussa madāsahaṃ [vessabhussa adāsahaṃ (sī.)].
61. “Ekanavutito kappe, yaṃ phalamadadiṃ tadā;
Duggatiṃ nābhijānāmi, phaladānassidaṃ phalaṃ.
62. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tindukaphaladāyako thero imā gāthāyo abhāsithāti.

Tindukaphaladāyakattherassāpadānaṃ navamaṃ.

10. Ekañjaliyattheraapadānaṃ

63. “Romaso [revato (sī.)] nāma sambuddho, nadīkūle vasī tadā;
Addasaṃ virajaṃ buddhaṃ, pītaraṃsiṃva bhāṇumaṃ.
64. “Ukkāmukhapahaṭṭhaṃva, khadiraṅgārasannibhaṃ;
Osadhiṃva virocantaṃ, ekañjalimakāsahaṃ.
65. “Catunnavutito kappe, yaṃ añjalimakāsahaṃ;
Duggatiṃ nābhijānāmi, añjaliyā idaṃ phalaṃ.
66. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ekañjaliyo thero imā gāthāyo abhāsithāti.

Ekañjaliyattherassāpadānaṃ dasamaṃ.

Ekapadumiyavaggo pañcatimsatimo.

Tassuddānaṃ –

Padumī uppalamālī, dhajo kiṅkaṇikaṃ naḷaṃ [kiṅkaṇiko naḷo (sī.)];
Campako padumo muṭṭhi, tindukekañjalī tathā;
Cha ca saṭṭhi ca gāthāyo, gaṇitāyo vibhāvibhi.

36. Saddasaññakavaggo

1. Saddasaññakattheraapadānaṃ

1. “Migaluddo pure āsiṃ, araññe kānane ahaṃ;
Tatthaddasāsiṃ sambuddhaṃ, devasaṅghapurakkhataṃ.
2. “Catusaccaṃ pakāsentaṃ, uddharantaṃ mahājanaṃ;
Assosiṃ madhuraṃ vācaṃ, karavīkarudopamaṃ [rutopamaṃ (?)].
3. “Brahmasarassa munino, sikhino lokabandhuno;
Ghose cittaṃ pasādetvā, pattomhi āsavakkhayaṃ.
4. “Ekattiṃse ito kappe, yaṃ kammamakariṃ tadā;
Duggatiṃ nābhijānāmi, pasādassa idaṃ phalaṃ.
5. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā saddasaññako thero imā gāthāyo abhāsithāti.

Saddasaññakattherassāpadānaṃ paṭthamaṃ.

2. Yavakalāpiyattheraapadānaṃ

6. “Nagare aruṇavatiyā, āsiṃ yavasiko tadā;
Panthe disvāna sambuddhaṃ, yavakalāpaṃ santhariṃ [yavakalāpamavattariṃ (sī.)].
7. “Anukampako kāruṇiko, sikhī lokaggaṇāyako;
Mama saṅkappamaññāya, nisīdi yavasanthare.
8. “Disvā nisinnaṃ vimalaṃ, mahājhāyimaṃ vināyakaṃ;
Pāmojjaṃ janayitvāna, tattha kālaṅkato ahaṃ.
9. “Ekattimse ito kappe, yaṃ kammamakariṃ tadā;
Duggatiṃ nābhijānāmi, yavattare idaṃ phalaṃ.
10. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā yavakalāpiyo thero imā gāthāyo abhāsittāti.

Yavakalāpiyattherassāpadānaṃ dutiyaṃ.

3. Kiṃsukapūjakattheraapadānaṃ

11. “Kiṃsukaṃ pupphitaṃ disvā, paggahevāna añjaliṃ;
Buddhaṃ saritvā siddhatthaṃ, ākāse abhipūjayiṃ.
12. “Catunnavutito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
13. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kiṃsukapūjako thero imā gāthāyo abhāsittāti.

Kiṃsukapūjakattherassāpadānaṃ tatiyaṃ.

4. Sakosakakoraṇḍadāyakattheraapadānaṃ

14. “Akkantañca padaṃ disvā, sikhino lokabandhuno;
Ekamaṃ ajinaṃ katvā, padaseṭṭhaṃ avandahaṃ.
15. “Koraṇḍaṃ pupphitaṃ disvā, pādapaṃ dharaṇīruhaṃ;
Sakosakaṃ [sakoṭakaṃ (sī. syā.)] gahetvāna, padacakkaṃ apūjayiṃ.
16. “Ekattimse ito kappe, yaṃ kammamakariṃ tadā;
Duggatiṃ nābhijānāmi, padapūjāyidaṃ phalaṃ.
17. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sakosaka [sakoṭaka (sī. syā.)] koraṇḍadāyako thero imā gāthāyo abhāsittāti.

Sakosakakoraṇḍadāyakattherassāpadānaṃ catutthaṃ.

5. Daṇḍadāyakattheraapadānaṃ

18. “Kānaṃ vanamogayha, veḷuṃ chetvānaṃ tadā;
Ālambanaṃ karitvāna, saṅghassa adadaṃ ahaṃ.

19. “Tena cittappasādena, subbate abhivādiya;
Ālambanampi datvāna, pakkāmiṃ uttarāmukho.
20. “Catunnavutito kappe, yaṃ daṇḍamadadiṃ tadā;
Duggatiṃ nābhijānāmi, daṇḍadānassidaṃ phalaṃ.
21. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā daṇḍadāyako thero imā gāthāyo abhāsithāti.

Daṇḍadāyakattherassāpadānaṃ pañcamaṃ.

6. Ambayāgudāyakattheraapadānaṃ

22. “Sataraṃsī nāma sambuddho, sayambhū aparājito;
Vuṭṭhahitvā samādhimhā, bhikkhāya mamupāgami.
23. “Paccekabuddhaṃ disvāna, ambayāguṃ adāsahaṃ;
Vippasannamanaṃ tassa, vippasanna cetasā.
24. “Catunnavutito kappe, yaṃ kammamakariṃ tadā;
Duggatiṃ nābhijānāmi, ambayāguyidaṃ phalaṃ.
25. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ambayāgudāyako thero imā gāthāyo abhāsithāti.

Ambayāgudāyakattherassāpadānaṃ chaṭṭhaṃ.

7. Supuṭakapūjakattheraapadānaṃ

26. “Divāvihārā nikkhanto, vipassī lokanāyako;
Bhikkhāya vicaranto so, mama santikupāgami.
27. “Tato patīto sumano, buddhaseṭṭhassa tādino;
Loṇasupuṭakaṃ datvā, kappāṃ saggamhi modahaṃ.
28. “Ekanavutito kappe, yaṃ puṭakamadāsahaṃ;
Duggatiṃ nābhijānāmi, puṭakassa idaṃ phalaṃ.
29. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā supuṭakapūjako thero imā gāthāyo abhāsithāti.

Supuṭakapūjakattherassāpadānaṃ sattamaṃ.

8. Mañcadāyakattheraapadānaṃ

30. “Vipassino bhagavato, lokajeṭṭhassa tādino;
Ekaṃ mañcaṃ mayā dinnāṃ, pasanna sapāṇinā.
31. “Hatthiyānaṃ assayānaṃ, dibbayānaṃ samajjhagaṃ;
Tena mañcadānena, pattomhi āsavakkhayaṃ.

32. “Ekanavutito kappe, yaṃ mañcamadadiṃ tadā;
Duggatiṃ nābhijānāmi, mañcadānassidaṃ phalaṃ.
33. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā mañcadāyako thero imā gāthāyo abhāsithāti.

Mañcadāyakattherassāpadānaṃ aṭṭhamamaṃ.

9. Saraṇagamaniyattheraapadānaṃ

34. “Āruhimha tadā nāvaṃ, bhikkhu cājīvako cahaṃ;
Nāvāya bhijjamañāya, bhikkhu me saraṇaṃ adā.
35. “Ekattiṃse ito kappe, yañca me saraṇaṃ adā;
Duggatiṃ nābhijānāmi, saraṇāgamane phalaṃ.
36. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā saraṇagamaniyo thero imā gāthāyo abhāsithāti.

Saraṇagamaniyattherassāpadānaṃ navamaṃ.

10. Piṇḍapātikattheraapadānaṃ

37. “Tisso nāmāsi sambuddho, vihāsi vipine tadā;
Tusitā hi idhāgantvā, piṇḍapātaṃ adāsahaṃ.
38. “Sambuddhamabhivādetvā, tissaṃ nāma mahāyasaṃ;
Sakaṃ cittaṃ pasādetvā, tusitaṃ agamāsahaṃ.
39. “Dvenavute ito kappe, yaṃ dānamadadiṃ tadā;
Duggatiṃ nābhijānāmi, piṇḍapātassidaṃ phalaṃ.
40. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā piṇḍapātiko thero imā gāthāyo abhāsithāti.

Piṇḍapātikattherassāpadānaṃ dasamaṃ.

Saddasaññakavaggo chatṭiṃsatimo.

Tassuddānaṃ –

Saddasaññī yavasiko, kiṃsukoraṇḍapupphiyo;
Ālambano ambayāgu, supuṭī mañcadāyako;
Saraṇaṃ piṇḍapāto ca, gāthā tālīsameva ca.

37. Mandāravapupphiyavaggo

1. Mandāravapupphiyattheraapadānaṃ

1. “Tāvatiṃsā idhāgantvā, maṅgalo nāma māṇavo;

Mandāravam gahetvāna, vipassissa mahesino.

2. “Samādhinā nisinnassa, matthake dhārayiṃ ahaṃ;
Sattāhaṃ dhārayitvāna, devalokaṃ punāgamiṃ.
3. “Ekanavutito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
4. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā mandāravapupphiyo thero imā gāthāyo abhāsittḥāti.

Mandāravapupphiyattherassāpadānaṃ paṭhamaṃ.

2. Kakkārupupphiyattheraapadānaṃ

5. “Yāmā devā idhāgantvā, gotamaṃ sirivacchasaṃ;
Kakkārumālaṃ [gokkhanumālaṃ (sī.)] paggayha, buddhassa abhiropayīṃ.
 6. “Dvenavute ito kappe, yaṃ buddhamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
 7. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā kakkārupupphiyo [gokkhanupupphiyo (ka.)] thero imā gāthāyo abhāsittḥāti.

Kakkārupupphiyattherassāpadānaṃ dutiyaṃ.

3. Bhisamuḷāladāyakaṭṭheraapadānaṃ

8. “Phusso nāmāsi sambuddho, sabbadhammāna pāragū;
Vivekakāmo sabbaññū [sappañño (sī. syā.)], āgañchi mama santike.
 9. “Tasmiṃ cittaṃ pasādetvā, mahākāruṇike jine;
Bhisamuḷālaṃ paggayha, buddhaseṭṭhassadāsahaṃ.
 10. “Dvenavute ito kappe, yaṃ bhisamadadiṃ tadā;
Duggatiṃ nābhijānāmi, bhisadānassidaṃ phalaṃ.
 11. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā bhisamuḷāladāyako thero imā gāthāyo abhāsittḥāti.

Bhisamuḷāladāyakaṭṭherassāpadānaṃ tatiyaṃ.

4. Kesarapupphiyattheraapadānaṃ

12. “Vijjādharo tadā āsiṃ, himavantamhi pabbate;
Addasaṃ virajaṃ buddhaṃ, caṅkamantaṃ mahāyasaṃ.
13. “Tṇi kesarapupphāni [kesaripupphāni (sī.)], sīse katvānaṃ tadā;
Upasaṅkamma sambuddhaṃ, vessabhuṃ abhipūjayiṃ.

14. “Ekattiṃse ito kappe, yaṃ kammamakariṃ tadā;
Duggatiṃ nābhijānāmi, buddhapūjāyidaṃ phalaṃ.
15. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kesarapupphiyo thero imā gāthāyo abhāsithāti.

Kesarapupphiyattherassāpadānaṃ catutthaṃ.

5. Aṅkolapupphiyattheraapadānaṃ

16. “Padumo nāma sambuddho, cittakūṭe vasī tadā;
Disvāna taṃ ahaṃ buddhaṃ, sayambhuṃ aparājitaṃ [upagacchihaṃ (sī. syā.)].
17. “Aṅkolaṃ pupphitaṃ disvā, ocinitvānaṃ tadā;
Upagantvāna sambuddhaṃ, pūjayaṃ padumaṃ jinaṃ.
18. “Ekattiṃse ito kappe, yaṃ pupphamabhipūjayaṃ;
Duggatiṃ nābhijānāmi, buddhapūjāyidaṃ phalaṃ.
19. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā aṅkolapupphiyo thero imā gāthāyo abhāsithāti.

Aṅkolapupphiyattherassāpadānaṃ pañcamaṃ.

6. Kadambapupphiyattheraapadānaṃ

20. “Suvaṇṇavaṇṇaṃ sambuddhaṃ, gacchantaṃ antarāpaṇe;
Kañcanagghiyasaṅkāsaṃ, bāttiṃsavaraḷakkhaṇaṃ.
21. “Nisajja pāsādavare, addasaṃ lokanāyakaṃ;
Kadambapupphaṃ paggayha, vipassiṃ abhipūjayaṃ.
22. “Ekanavutito kappe, yaṃ buddhamabhipūjayaṃ;
Duggatiṃ nābhijānāmi, buddhapūjāyidaṃ phalaṃ.
23. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā kadambapupphiyo thero imā gāthāyo abhāsithāti.

Kadambapupphiyattherassāpadānaṃ chaṭṭhaṃ.

7. Uddālakapupphiyattheraapadānaṃ

24. “Anomo [sujāto (syā.), anumō (ka.)] nāma sambuddho, gaṅgākūle vasī tadā;
Uddālakaṃ gahetvāna, pūjayaṃ aparājitaṃ.
25. “Ekattiṃse ito kappe, yaṃ pupphamabhipūjayaṃ;
Duggatiṃ nābhijānāmi, buddhapūjāyidaṃ phalaṃ.
26. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā uddālakapupphiyo thero imā gāthāyo abhāsithāti.

Uddālakapupphiyattherassāpadānaṃ sattamaṃ.

8. Ekacampakapupphiyattheraapadānaṃ

27. “Upasanto ca sambuddho, vasatī pabbatantare;
Ekacampakamādāya, upagacchiṃ naruttamaṃ.
28. “Pasannacitto sumano, paccekamunimuttamaṃ;
Ubhohatthehi paggayha, pūjayiṃ aparājitamaṃ.
29. “Pañcasaṭṭhimhito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
30. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā ekacampakapupphiyo thero imā gāthāyo abhāsittāti.

Ekacampakapupphiyattherassāpadānaṃ aṭṭhamaṃ.

9. Timirapupphiyattheraapadānaṃ

31. “Candabhāgānadītīre, anusotaṃ vajāmahaṃ;
Addasaṃ virajaṃ buddhaṃ, sālarājaṃva phullitaṃ.
32. “Pasannacitto sumano, paccekamunimuttamaṃ;
Gahetvā timiraṃ pupphaṃ, matthake okiriṃ ahaṃ.
33. “Ekanavutito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
34. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā timirapupphiyo thero imā gāthāyo abhāsittāti.

Timirapupphiyattherassāpadānaṃ navamaṃ.

10. Saḷalapupphiyattheraapadānaṃ

35. “Candabhāgānadītīre, ahosiṃ kinnaro tadā;
Tatthaddasaṃ devadevaṃ, caṅkamantaṃ narāsabhaṃ.
36. “Ocinitvāna saḷalaṃ, pupphaṃ buddhassadāsahaṃ;
Upasiṅghi mahāvīro, saḷalaṃ devagandhikaṃ.
37. “Paṭiggahetvā sambuddho, vipassī lokanāyako;
Upasiṅghi mahāvīro, pekkhamānassa me sato.
38. “Pasannacitto sumano, vanditvā dvipaduttamaṃ;
Añjaliṃ paggahetvāna, puna pabbatamāruhiṃ.
39. “Ekanavutito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.

40. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā saḷalapupphiyo thero imā gāthāyo abhāsithāti.

Saḷalapupphiyattherassāpadānaṃ dasamaṃ.

Mandāravapupphiyavaggo sattatimsatimo.

Tassuddānaṃ –

Mandāravañca kakkāru, bhisakesarapupphiyo;
Añkolako kadambī ca, uddālī ekacampako;
Timiraṃ saḷalañceva, gāthā tālisameva ca.

38. Bodhivandanavaggo

1. Bodhivandakattheraapadānaṃ

1. “Pāṭaliṃ haritaṃ disvā, pādapaṃ dharaṇīruhaṃ;
Ekamaṃsaṃ añjaliṃ katvā, avandiṃ pāṭaliṃ ahaṃ.
2. “Añjaliṃ paggahetvāna, garuṃ katvāna mānaṃsaṃ;
Antosuddhaṃ bahisuddhaṃ, suvimuttamanāsavaṃ.
3. “Vipassiṃ lokamahitaṃ, karuṇāñāṇasāgaram;
Sammukhā viya sambuddhaṃ, avandiṃ pāṭaliṃ ahaṃ.
4. “Ekanavutito kappe, yaṃ bodhimabhivandahaṃ;
Duggatiṃ nābhijānāmi, vandanāya idaṃ phalaṃ.
5. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā bodhivandako thero imā gāthāyo abhāsithāti.

Bodhivandakattherassāpadānaṃ paṭhamaṃ.

2. Pāṭalipupphiyattheraapadānaṃ

6. “Vipassī nāma bhagavā, sayambhū aggapuggalo;
Purakkhato sasissehi, pāvīsi bandhumaṃ jino.
7. “Tīṇi pāṭalipupphāni, ucchaṅge ṭhapitāni me;
Sīsaṃ nhāyitukāmo, nadītitthaṃ agacchahaṃ.
8. “Nikkhamma bandhumatiyā, addasaṃ lokanāyakaṃ;
Indīvaraṃva jalitaṃ, ādittaṃva hutāsaṃ.
9. “Byagghūsabhaṃva pavaraṃ, abhijātaṃva kesariṃ;
Gacchantaṃ samañānaggamaṃ, bhikkhusaṅghapurakkhataṃ.

10. “Tasmiṃ pasanno [samaṇe (ka.)] sugate, kilesamaladhovane;
Gahetvā tīṇi pupphāni, buddhaseṭṭhaṃ apūjayiṃ.
11. “Ekanavutito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
12. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā pāṭalipupphiyo thero imā gāthāyo abhāsithāti.

Pāṭalipupphiyattherassāpadānaṃ dutiyaṃ.

3. Tīṇuppalamāliyattheraapadānaṃ

13. “Candabhāgānadītīre, ahoṣiṃ vānaro tadā;
Addasaṃ virajaṃ buddhaṃ, nisinnaṃ pabbatantare.
14. “Obhāsentaṃ disā sabbā, sālārājaṃva phullitaṃ;
Lakkhaṇabyañjanūpetāṃ, disvānattamano ahaṃ.
15. “Udaggacitto sumano, pītiyā haṭṭhamānaso;
Tīṇi uppalapupphāni, matthake abhiropayaṃ.
16. “Pūjayitvāna pupphāni, phussassāhaṃ mahesino;
Sagāravo bhavitvāna, pakkāmiṃ uttarāmukho.
17. “Gacchanto paṭikuṭiko, vipprasanna cetasā;
Selantare patitvāna, pāpuṇiṃ jīvitakkhayaṃ.
18. “Tena kammena sukatenā, cetanāpaṇidhī ca;
Jahitvā purimaṃ jātiṃ, tāvatimsamagacchahaṃ.
19. “Satānaṃ tīṇikkhattuñca, devarajjamakārayiṃ;
Satānaṃ pañcakkhattuñca, cakkavattī ahoṣahaṃ.
20. “Dvenavute ito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
21. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā tīṇuppalamāliyo thero imā gāthāyo abhāsithāti.

Tīṇuppalamāliyattherassāpadānaṃ tatiyaṃ.

4. Paṭṭipupphiyattheraapadānaṃ

22. “Yadā nibbāyi sambuddho, mahesī padumuttaro;
Samāgamma janā sabbe, sarīraṃ nīharanti te.
23. “Nīharante sarīramhi, vajjamānāsu bherisu;
Pasannacitto sumano, paṭṭipupphaṃ apūjayiṃ.
24. “Satasahassito kappe, yaṃ pupphamabhipūjayiṃ;

Duggatiṃ nābhijānāmi, sarīrapūjite phalaṃ.

25. “Kilesā jhāpitā mayhaṃ, bhavā sabbe samūhatā;
Nāgo va bandhanaṃ chetvā, viharāmi anāsavo.
26. “Svāgataṃ vata me āsi, mama buddhassa [[buddhaseṭṭhassa \(sī.\)](#)] santike;
Tisso vijjā anuppattā, kataṃ buddhassa sāsanaṃ.
27. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā paṭṭipupphiyo thero imā gāthāyo abhāsithāti.

Paṭṭipupphiyattherassāpadānaṃ catutthaṃ.

5. Sattapaṇṇiyattheraapadānaṃ

28. “Sumano nāma sambuddho, uppajji lokanāyako;
Pasannacitto sumano, sattapaṇṇimapūjayiṃ.
29. “Satasahassito kappe, sattapaṇṇimapūjayiṃ;
Duggatiṃ nābhijānāmi, sattapaṇṇipūjāyidaṃ [[sattapaṇṇissidaṃ \(sī.\)](#)] phalaṃ.
30. “Kilesā jhāpitā mayhaṃ...pe... viharāmi anāsavo.
31. “Svāgataṃ vata me āsi...pe... kataṃ buddhassa sāsanaṃ.
32. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā sattapaṇṇiyo thero imā gāthāyo abhāsithāti.

Sattapaṇṇiyattherassāpadānaṃ pañcamamaṃ.

6. Gandhamuṭṭhiyattheraapadānaṃ

33. [[idha gāthāddhaṃ ūnaṃ viya dissati](#)] “Citake kariyamāne, nānāgandhe samāhate;
Pasannacitto sumano, gandhamuṭṭhimapūjayiṃ.
34. “Satasahassito kappe, citakaṃ yaṃ apūjayiṃ;
Duggatiṃ nābhijānāmi, citapūjāyidaṃ phalaṃ.
35. “Kilesā jhāpitā mayhaṃ...pe... viharāmi anāsavo.
36. “Svāgataṃ vata me āsi...pe... kataṃ buddhassa sāsanaṃ.
37. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā gandhamuṭṭhiyo thero imā gāthāyo abhāsithāti.

Gandhamuṭṭhiyattherassāpadānaṃ chaṭṭhaṃ.

7. Citakapūjakattheraapadānaṃ

38. “Parinibbute bhagavati, jalajuttamanāmake;
Āropitamhi citake, sālapupphamapūjayiṃ.
39. “Satasahassito kappe, yaṃ pupphamabhipūjayiṃ;
Duggatiṃ nābhijānāmi, citapūjāyidaṃ phalaṃ.

40. “Kilesā jhāpitā mayhaṃ...pe... viharāmi anāsavo.
 41. “Svāgataṃ vata me āsi...pe... kataṃ buddhassa sāsanaṃ.
 42. “Paṭisambhidā catasso...pe... kataṃ buddhassa sāsanaṃ”.
 Itthaṃ sudaṃ āyasmā citakapūjako therō imā gāthāyo abhāsithāti.

Citakapūjakattherassāpadānaṃ sattamaṃ.

8. Sumanatālavaṇṭiyattheraapadānaṃ

43. “Siddhatthassa bhagavato, tālavaṇṭamadāsahaṃ;
 Sumanehi paṭicchannaṃ, dhārayāmi mahārahaṃ.
 44. “Catunnavutito kappe, tālavaṇṭamadāsahaṃ;
 Duggatiṃ nābhijānāmi, tālavaṇṭassidaṃ phalaṃ.
 45. “Kilesā jhāpitā mayhaṃ...pe... viharāmi anāsavo.
 46. “Svāgataṃ vata me āsi...pe... kataṃ buddhassa sāsanaṃ.
 47. “Paṭisambhidā catasso...pe... kataṃ buddhassa sāsanaṃ”.
 Itthaṃ sudaṃ āyasmā sumanatālavaṇṭiyo therō imā gāthāyo abhāsithāti.

Sumanatālavaṇṭiyattherassāpadānaṃ aṭṭhamaṃ.

9. Sumanadāmiyattheraapadānaṃ

48. “Siddhatthassa bhagavato, nhātakassa tapassino;
 Katvāna sumanadāmaṃ, dhārayiṃ purato ṭhito.
 49. “Catunnavutito kappe, yaṃ dāmaṃ dhārayiṃ tadā;
 Duggatiṃ nābhijānāmi, sumanadhāraṇe phalaṃ.
 50. “Kilesā jhāpitā mayhaṃ...pe... viharāmi anāsavo.
 51. “Svāgataṃ vata me āsi...pe... kataṃ buddhassa sāsanaṃ.
 52. “Paṭisambhidā catasso...pe... kataṃ buddhassa sāsanaṃ”.
 Itthaṃ sudaṃ āyasmā sumanadāmiyo therō imā gāthāyo abhāsithāti.

Sumanadāmiyattherassāpadānaṃ navamaṃ.

10. Kāsumāriphaladāyakattheraapadānaṃ

53. “Kaṇikāraṃva jotantaṃ, nisinnaṃ pabbatantare;
 Addasaṃ virajaṃ buddhaṃ, lokajetṭhaṃ narāsabhaṃ.
 54. “Pasannacitto sumano, sire katvāna añjaliṃ;
 Kāsumāriphalaṃ gayha, buddhaseṭṭhassadāsahaṃ.
 55. “Ekattiṃse ito kappe, yaṃ phalamadadiṃ ahaṃ;
 Duggatiṃ nābhijānāmi, phaladānassidaṃ phalaṃ.
 56. “Kilesā jhāpitā mayhaṃ...pe... viharāmi anāsavo.
 57. “Svāgataṃ vata me āsi...pe... kataṃ buddhassa sāsanaṃ.
 58. “Paṭisambhidā catasso...pe... kataṃ buddhassa sāsanaṃ”.
 Itthaṃ sudaṃ āyasmā kāsumāriphaladāyako therō imā gāthāyo abhāsithāti.

Kāsumāriphaladāyakattherassāpadānaṃ dasamaṃ.

Bodhivandanavaggo aṭṭhatimsatimo.

Tassuddānaṃ –

Bodhi pāṭali uppālī, paṭṭi ca sattapaṇṇiyo;
Gandhamuṭṭhi ca citako, tālaṃ sumanadāmakō;
Kāsumāriphalī ceva, gāthā ekūnasatṭhikā.

39. Avaṭaphalavaggo

1. Avaṭaphaladāyakattheraapadānaṃ

1. “Sataraṃsi nāma bhagavā, sayambhū aparājito;
Vivekakāmo sambuddho, gocarāyābhinikkhami.
2. “Phalahattho ahaṃ disvā, upagacchim narāsabhaṃ;
Pasannacitto sumano, avaṭaṃ [avaṇṭaṃ (sī.), ambaṭaṃ (syā.)] adadiṃ phalaṃ.
3. “Catunnavutito kappe, yaṃ phalamadadiṃ ahaṃ;
Duggatiṃ nābhijānāmi, phaladānassidaṃ phalaṃ.
4. “Kilesā jhāpitā mayhaṃ, bhavā sabbe samūhatā;
Nāgo va bandhanaṃ chetvā, viharāmi anāsavo.
5. “Svāgataṃ vata me āsi, mama buddhassa santike;
Tisso vijjā anuppattā, kataṃ buddhassa sāsanaṃ.
6. “Paṭisambhidā catasso, vimokkhāpi ca aṭṭhime;
Chalābhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā avaṭaphaladāyako thero imā gāthāyo abhāsithāti.

Avaṭaphaladāyakattherassāpadānaṃ paṭhamaṃ.

2. Labujadāyakattheraapadānaṃ

7. “Nagare bandhumatiyā, āsiṃ ārāmiko tadā;
Addasaṃ virajaṃ buddhaṃ, gacchantaṃ anilañjase.
8. “Labujassa phalaṃ gayha, buddhaseṭṭhassadāsahaṃ;
Ākāse ṭhitako santo, paṭigaṇhi mahāyaso.
9. “Vittisañjananaṃ mayhaṃ, diṭṭhadhammasukhāvahaṃ;
Phalaṃ buddhassa datvāna, vippasanna cetasā.
10. “Adhigacchim tadā pītiṃ, vipulañca sukhattamaṃ;
Uppajjateva ratanaṃ, nibbattassa tahiṃ tahiṃ.

11. “Ekanavutito kappe, yaṃ phalamadadiṃ tadā;
Duggatiṃ nābhijānāmi, phaladānassidaṃ phalaṃ.
 12. “Kilesā jhāpitā mayhaṃ...pe... viharāmi anāsavo.
 13. “Svāgataṃ vata me āsi...pe... kataṃ buddhassa sāsanaṃ.
 14. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā labujadāyako thero imā gāthāyo abhāsithāti.

Labujadāyakattherassāpadānaṃ dutiyaṃ.

3. Udumbaraphaladāyakattheraapadānaṃ

15. “Vinatānadiyā tīre, vihāsi purisuttamo;
Addasaṃ virajaṃ buddhaṃ, ekaggaṃ susamāhitaṃ.
 16. “Tasmiṃ pasannamānaso, kilesamaladhovane;
Udumbaraphalaṃ gayha, buddhaseṭṭhassadāsahaṃ.
 17. “Ekanavutito kappe, yaṃ phalamadadiṃ tadā;
Duggatiṃ nābhijānāmi, phaladānassidaṃ phalaṃ.
 18. “Kilesā jhāpitā mayhaṃ...pe... viharāmi anāsavo.
 19. “Svāgataṃ vata me āsi...pe... kataṃ buddhassa sāsanaṃ.
 20. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā udumbaraphaladāyako thero imā gāthāyo abhāsithāti.

Udumbaraphaladāyakattherassāpadānaṃ tatiyaṃ.

4. Pilakkhaphaladāyakattheraapadānaṃ

21. “Vanantare buddhaṃ disvā, atthadassiṃ mahāyasaṃ;
Pasannacitto sumano, pilakkhassādadiṃ phalaṃ [[pilakkhassa phalaṃ adamaṃ \(sī.\)](#), [pilakkhussa phalaṃ adamaṃ \(syā.\)](#)].
 22. “Aṭṭhārase kappasate, yaṃ phalamadadiṃ tadā;
Duggatiṃ nābhijānāmi, phaladānassidaṃ phalaṃ.
 23. “Kilesā jhāpitā mayhaṃ...pe... viharāmi anāsavo.
 24. “Svāgataṃ vata me āsi...pe... kataṃ buddhassa sāsanaṃ.
 25. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā pilakkhaphaladāyako thero imā gāthāyo abhāsithāti.

Pilakkhaphaladāyakattherassāpadānaṃ catutthaṃ.

5. Phārusaphaladāyakattheraapadānaṃ

26. “Suvanṇavaṇṇaṃ sambuddhaṃ, āhutīnaṃ paṭiggahaṃ;
Rathiyaṃ paṭipajjantaṃ, phārusaphalamadāsahaṃ.
27. “Ekanavutito kappe, yaṃ phalamadadiṃ ahaṃ;
Duggatiṃ nābhijānāmi, phaladānassidaṃ phalaṃ.

28. “Kilesā jhāpitā mayhaṃ...pe... viharāmi anāsavo.
 29. “Svāgataṃ vata me āsi...pe... kataṃ buddhassa sāsanaṃ.
 30. “Paṭisambhidā catasso...pe... kataṃ buddhassa sāsanaṃ””.
 Itthaṃ sudaṃ āyasmā phārusaphaladāyako thero imā gāthāyo abhāsithāti.

Phārusaphaladāyakattherassāpadānaṃ pañcamaṃ.

6. Valliphaladāyakattheraapadānaṃ

31. “Sabbe janā samāgamma, agamiṃsu vanaṃ tadā;
 Phalamanvesamānā te, alabhiṃsu phalaṃ tadā.
 32. “Tatthaddasāsiṃ sambuddhaṃ, sayambhuṃ aparājitam;
 Pasannacitto sumano, valliphalamadāsahaṃ.
 33. “Ekattiṃse ito kappe, yaṃ phalamadadiṃ tadā;
 Duggatiṃ nābhijānāmi, phaladānassidaṃ phalaṃ.
 34. “Kilesā jhāpitā mayhaṃ...pe... viharāmi anāsavo.
 35. “Svāgataṃ vata me āsi...pe... kataṃ buddhassa sāsanaṃ.
 36. “Paṭisambhidā catasso...pe... kataṃ buddhassa sāsanaṃ””.
 Itthaṃ sudaṃ āyasmā valliphaladāyako thero imā gāthāyo abhāsithāti.

Valliphaladāyakattherassāpadānaṃ chaṭṭhaṃ.

7. Kadaliphaladāyakattheraapadānaṃ

37. “Kaṇikāraṃva jalitaṃ, puṇṇamāyeva [[puṇṇamāseva \(sī. ka.\)](#)] candimaṃ;
 Jalantaṃ dīparukkhamaṃva, addasaṃ lokanāyakaṃ.
 38. “Kadaliphalaṃ paggayha, adāsiṃ satthuno ahaṃ;
 Pasannacitto sumano, vanditvāna apakkamiṃ.
 39. “Ekattiṃse ito kappe, yaṃ phalamadadiṃ tadā;
 Duggatiṃ nābhijānāmi, phaladānassidaṃ phalaṃ.
 40. “Kilesā jhāpitā mayhaṃ...pe... viharāmi anāsavo.
 41. “Svāgataṃ vata me āsi...pe... kataṃ buddhassa sāsanaṃ.
 42. “Paṭisambhidā catasso...pe... kataṃ buddhassa sāsanaṃ””.
 Itthaṃ sudaṃ āyasmā kadaliphaladāyako thero imā gāthāyo abhāsithāti.

Kadaliphaladāyakattherassāpadānaṃ sattamaṃ.

8. Panasaphaladāyakattheraapadānaṃ

43. “Ajjuno nāma sambuddho, himavante vasī tadā;
 Caraṇena ca sampanno, samādhikusalo muni.
 44. “Kumbhamattaṃ gahetvāna, panasam jīvajīvakaṃ [[devagandhikaṃ \(41 vagge, 5 apadāne\)](#)];
 Chattapaṇṇe ṭhapetvāna, adāsiṃ satthuno ahaṃ.
 45. “Ekattiṃse ito kappe, yaṃ phalamadadiṃ tadā;

Duggatiṃ nābhijānāmi, phaladānassidaṃ phalaṃ.

46. “Kilesā jhāpitā mayhaṃ...pe... viharāmi anāsavo.
 47. “Svāgataṃ vata me āsi...pe... kataṃ buddhassa sāsanaṃ.
 48. “Paṭisambhidā catasso...pe... kataṃ buddhassa sāsanaṃ”.
 Itthaṃ sudaṃ āyasmā panasaphaladāyako thero imā gāthāyo abhāsittḥāti.

Panasaphaladāyakattherassāpadānaṃ aṭṭhamamaṃ.

9. Soṇakoṭivīsattḥeraapadānaṃ

49. “Vipassino pāvacane, ekaṃ leṇaṃ mayā kataṃ;
 Cātuddisassa saṅghassa, bandhumārājadhāniyā.
 50. “Dussehi bhūmiṃ leṇassa, santharivā pariccajiṃ;
 Udaggacitto sumano, akāsiṃ paṇidhiṃ tadā.
 51. “Ārādhayeyyaṃ sambuddhaṃ, pabbajjañca labheyyahaṃ;
 Anuttarañca nibbānaṃ, phuseyyaṃ santimuttamaṃ.
 52. “Teneva sukkamūlena, kappe [kappaṃ (sī.), kappa (ka.)] navuti saṃsarim;
 Devabhūto manusso ca, katapuñño virocahaṃ.
 53. “Tato kammāvasesena, idha pacchimake bhava;
 Campāyaṃ aggaseṭṭhissa, jātomhi ekaputtako.
 54. “Jātamattassa me sutvā, pītu chando ayaṃ ahu;
 Dadāmahaṃ kumārassa, vīsakoṭi anūnakā.
 55. “Caturaṅgulā ca me lomā, jātā pādātale ubho;
 Sukhumā mudusamphassā, tūlāpicusamā subhā.
 56. “Atītā navuti kappā, ayaṃ eko ca uttari;
 Nābhijānāmi nikkhitte, pāde bhūmyā asanthate.
 57. “Ārādhito me sambuddho, pabbajiṃ anagāriyaṃ;
 Arahattañca me pattaṃ, sītibhūtomhi nibbuto.
 58. “Aggo āradhāvīriyānaṃ, niddiṭṭho sabbadassinā;
 Khīṇāsavomhi arahā, chaḷabhiñño mahiddhiko.
 59. “Ekanavutito kappe, yaṃ dānamadadiṃ tadā;
 Duggatiṃ nābhijānāmi, leṇadānassidaṃ phalaṃ.
 60. “Kilesā jhāpitā mayhaṃ...pe... viharāmi anāsavo.
 61. “Svāgataṃ vata me āsi...pe... kataṃ buddhassa sāsanaṃ.
 62. “Paṭisambhidā catasso...pe... kataṃ buddhassa sāsanaṃ”.
 63. “Thero koṭivīso [koṭiviso (syā. ka.), koḷiviso (aññatṭhānesu)] soṇo, bhikkhusaṅghassa aggato;
 Pañhaṃ puṭṭho viyākāsi, anotatte mahāsare”ti.

Itthaṃ sudaṃ āyasmā soṇo koṭivīso thero imā gāthāyo abhāsittḥāti.

Soṇakoṭivīsattatherassāpadānaṃ navamaṃ.

10. Pubbakammapiṭikabuddhaapadānaṃ

64. “Anotattasarāsanne, ramaṇīye silātale;
Nānāratanaṃpajjote, nānāgandhavanantare.
65. “Mahatā bhikkhusaṅghena, pareto [upeto (udānaṭṭhakathāyaṃ 4 vagge, 8 sutte)] lokanāyako;
Āsīno byākarī tattha, pubbakammāni attano.
66. [suṇātha bhikkhave mayhaṃ, yaṃ kammaṃ pakataṃ mayā; ekaṃ araṇṇikaṃ bhikkhuṃ, disvā dinnāṃ piṭikaṃ; patthitaṃ paṭhamāṃ buddhaṃ, buddhattāya mayā tadā; pilotiyassa kammaṃ, buddhattepi vipaccati; gopālako pure āsiṃ, gāviṃ pājeti gocaraṃ; pivantiṃ udakaṃ āvilaṃ, gāviṃ disvā nivārayiṃ; tena kammavipākena, idha pacchimake bhava; vipāsito yadicchakaṃ, na hi pātuṃ labhāmaṃ (syā.)] “Suṇātha bhikkhavo mayhaṃ, yaṃ kammaṃ pakataṃ mayā;
Pilotikassa kammaṃ, buddhattepi vipaccati [suṇātha bhikkhave mayhaṃ, yaṃ kammaṃ pakataṃ mayā; ekaṃ araṇṇikaṃ bhikkhuṃ, disvā dinnāṃ piṭikaṃ; patthitaṃ paṭhamāṃ buddhaṃ, buddhattāya mayā tadā; pilotiyassa kammaṃ, buddhattepi vipaccati; gopālako pure āsiṃ, gāviṃ pājeti gocaraṃ; pivantiṃ udakaṃ āvilaṃ, gāviṃ disvā nivārayiṃ; tena kammavipākena, idha pacchimake bhava; vipāsito yadicchakaṃ, na hi pātuṃ labhāmaṃ (syā.)].

[1]

67. “Munāḷi nāmaṃ dhutto, pubbe aññāsu jātisu [aññāya jātiyā (udāna aṭṭha.)];
Paccekaṃbuddhaṃ surabhiṃ [sarabhuṃ (sī.)], abbhācikkhiṃ adūsakaṃ.
68. “Tena kammavipākena, niraye saṃsariṃ ciraṃ;
Bahūvassasahassāni, dukkhaṃ vedesi vedanaṃ.
69. “Tena kammāvasesena, idha pacchimake bhava;
Abbhakkhānaṃ mayā laddhaṃ, sundarikāya kāraṇā.

[2]

70. “Sabbābhibhussa buddhassa, nando nāmāsi sāvako;
Taṃ abbhakkhāya niraye, ciraṃ saṃsariṃ mayā.
71. “Dasavassasahassāni, niraye saṃsariṃ ciraṃ;
Manussabhāvaṃ laddhāmaṃ, abbhakkhānaṃ bahuṃ labhiṃ.
72. “Tena kammāvasesena, ciñcamānavikā mamaṃ;
Abbhācikkhi abhūtena, janakāyassa aggato.

[3]

73. “Brāhmaṇo sutavā āsiṃ, ahaṃ sakkatapūjito;
Mahāvane pañcasate, mante vācemi māṇave.
74. “Tatthāgato [tamāgato (ka.)] isi bhīmo, pañcābhiñño mahiddhiko;

Taṃ cāhaṃ āgataṃ disvā, abbhācikkhiṃ adūsakaṃ.

75. “Tatohaṃ avacaṃ sisse, kāmabhogī ayaṃ isi;
Mayhampi bhāsamānassa, anumodimsu māṇavā.
76. “Tato māṇavakā sabbe, bhikkhamānaṃ kule kule;
Mahājanassa āhaṃsu, kāmabhogī ayaṃ isi.
77. “Tena kammavipākena, pañca bhikkhusatā ime;
Abbhakkhānaṃ labhuṃ sabbe, sundarikāya kāraṇā.

[4]

78. “Vemātubhātaraṃ pubbe, dhanahetu haniṃ ahaṃ;
Pakkhipiṃ giriduggasmiṃ, silāya ca apiṃsayiṃ.
79. “Tena kammavipākena, devadatto silaṃ khiṃ;
Aṅguṭṭhaṃ piṃsayī pāde, mama pāsāṇasakkharā.

[5]

80. “Purehaṃ dārako hutvā, kīlamāno mahāpathe;
Paccekabuddhaṃ disvāna, magge sakalikaṃ [sakkhalikaṃ (ka.)] khiṃ [dahiṃ (syā.)].
81. “Tena kammavipākena, idha pacchimake bhava;
Vadhatthaṃ maṃ devadatto, abhimāre payojayi.

[6]

82. “Hatthāroho pure āsiṃ, paccekamunimuttamaṃ;
Piṇḍāya vicarantaṃ taṃ, āsādesiṃ gajenahaṃ.
83. “Tena kammavipākena, bhanto [danto (ka.)] nālāgirī gajo;
Giribbaje puravare, dāruṇo samupāgami [maṃ upāgami (sī.)].

[7]

84. “Rājāhaṃ patthivo [pattiko (syā. ka.), khattiyo (udāna aṭṭha.)] āsiṃ, sattiyaṃ purisaṃ haniṃ;
Tena kammavipākena, niraye paccisaṃ bhusaṃ.
85. “Kammuno tassa sesena, idāni sakalaṃ mama;
Pāde chaviṃ pakappesi [pakopesi (sī.)], na hi kammaṃ vinassati.

[8]

86. “Ahaṃ kevaṭṭagāmasmiṃ, ahuṃ kevaṭṭadārako;
Macchake ghātite disvā, janayiṃ somanassakaṃ [somanassahaṃ (udāna aṭṭha.)].
87. “Tena kammavipākena, sīsadukkhaṃ ahū mama;
Sabbe sakkā ca haññiṃsu, yadā hani vīṭaṭubho [vīṭaṭubho (syā. ka.)].

[9]

88. “Phussassāhaṃ pāvacaṇe, sāvake paribhāsayaṃ;
Yavaṃ khādatha bhuñjatha, mā ca bhuñjatha sālayo.
89. “Tena kammavipākena, temāsaṃ khāditaṃ yavaṃ;
Nimantito brāhmaṇena, verañjāyaṃ vasiṃ tadā.

[10]

90. “Nibbuddhe vattamānamhi, mallaputtaṃ niheṭṭhayaṃ [nisedhayaṃ (syā. ka.)];
Tena kammavipākena, piṭṭhidukkhaṃ ahū mama.

[11]

91. “Tikicchako ahaṃ āsiṃ, setṭhiputtaṃ virecayaṃ;
Tena kammavipākena, hoti pakkhandikā mama.

[12]

92. “Avacāhaṃ jotipālo, sugataṃ kassapaṃ tadā;
Kuto nu bodhi muṇḍassa, bodhi paramadullabhā.
93. “Tena kammavipākena, acariṃ dukkaraṃ bahuṃ;
Chabbassānuruveḷāyaṃ, tato bodhimapāpuṇiṃ.
94. “Nāhaṃ etena maggena, pāpuṇiṃ bodhimuttamaṃ;
Kummaggena gavesissaṃ, pubbakammaṇa vārito.
95. “Puññapāparikkhīṇo, sabbasantāpavajjito;
Asoko anupāyāso, nibbāyissamanāsavo.
96. “Evaṃ jino viyākāsi, bhikkhusaṅghassa aggato;
Sabbābhiññābalappatto, anotatte mahāsare”’ti.

Itthaṃ sudaṃ bhagavā attano pubbacaritaṃ kammapilotikaṃ nāma
buddhāpadānadhammapariyāyaṃ abhāsithāti.

Pubbakammapilotikaṃ nāma buddhāpadānaṃ dasamaṃ.

Avaṭṭaphalavaggo ekūnacattālīsamo.

Tassuddānaṃ –

Avaṭṭaṃ labujañceva, udumbarapilakkhu ca;
Phāru vallī ca kadalī, panaso koṭivīsako.

Pubbakammapiloti ca, apadānaṃ mahesino;
Gāthāyo ekanavutī, gaṇitāyo vibhāvibhi.

Cuddasamaṃ bhāṇavāraṃ.

40. Pilindavacchavaggo

1. Pilindavacchattheraapadānaṃ

1. “Nagare haṃsavatīyā, āsiṃ dovāriko ahaṃ;
Akkhobhaṃ amitaṃ bhogaṃ, ghare sannicitaṃ mama.
2. “Rahogato nisīditvā, paḥaṃsitvāna mānaṣaṃ [sampaḥaṃsitva mānaṣaṃ (sī.)];
Nisajja pāsādvare, evaṃ cintesaḥaṃ tadā.

(Cintanākāro)

3. “Bahū medhigatā bhogā, phītaṃ antepuraṃ mama;
Rājāpi [rājisi (ka.)] sannimantesi, ānando pathavissaro.
4. “Ayañca buddho uppanno, adhiccupattiko muni;
Saṃvijjanti ca me bhogā, dānaṃ dassāmi satthuno.
5. “Padumena rājaputtana, dinnaṃ dānavaraṃ jine;
Hatthināge ca pallaṅke, apassenañcanappaḥaṃ.
6. “Ahampi dānaṃ dassāmi, saṅghe gaṇavaruttame;
Adinnapubbamaññesaṃ, bhavissaṃ ādikammiko.
7. “Cintetvāhaṃ bahuvīdhaṃ, yāge yassa sukhaṃphalaṃ;
Parikkhāradānamaddakkiṃ, mama saṅkappapūraṇaṃ.
8. “Parikkhārāni dassāmi, saṅghe gaṇavaruttame;
Adinnapubbamaññesaṃ, bhavissaṃ ādikammiko’.

(Dānavatthusampādanaṃ)

9. “Naḷakāre upāgama, chattaṃ kāresi tāvade;
Chattasatasahassāni, ekato sannipātayaṃ.
10. “Dussasatasahassāni, ekato sannipātayaṃ;
Pattasatasahassāni, ekato sannipātayaṃ.
11. “Vāsiyo satthake cāpi, sūciyo nakhachedane;
Heṭṭhāchatte ṭhapāpesiṃ, kāretvā tadanucchave.
12. “Vidhūpane tālavaṇṭe, morahatthe ca cāmare;
Parissāvane teladhāre [teladhare (sī.)], kārayiṃ tadanucchave.
13. “Sūciḥare aṃsabaddhe, athopi kāyabandhane;
Ādhārake ca sukate, kārayiṃ tadanucchave.
14. “Paribhogabhājane ca, athopi lohathālake;
Bhesajje pūrayitvāna, heṭṭhāchatte ṭhapesahaṃ.
15. “Vaccaṃ usīraṃ laṭṭhimadhuṃ, pipphalī maricāni ca;

Harītakim siṅgīveram, sabbam pūresi bhājane.

16. “Upāhanā pādukāyo, atho udakapuñchane;
Kattaradaṇḍe sukate, kārayim tadanucchave.
 17. “Osadhañjanāḷī ca [osadham añjanāpica (syā.)], salākā dhammakuttarā;
Kuñcikā pañcavaṇṇehi, sibbite kuñcikāghare.
 18. “Āyoge dhūmanette ca, athopi dīpadhārake;
Tumbake ca karaṇḍe ca, kārayim tadanucchave.
 19. “Saṇḍāse pippahale ceva, athopi malahārake;
Bhesajjathavike ceva, kārayim tadanucchave.
 20. “Āsandiyo pīṭhake ca, pallaṅke caturomaye;
Tadanucchave kārayitvā, heṭṭhāchatte ṭhapesaḥam.
 21. “Uṇṇābhisī tūlabhisī, athopi pīṭhikābhisī [pīṭhakābhisī (syā. ka.)];
Bimbohane [bibbohane (syā. ka.)] ca sukate, kārayim tadanucchave.
 22. “Kuruvinde madhusitthe, telam hatthappatāpakam;
Sipāṭīphalake sucī, mañcam attharaṇena ca.
 23. “Senāsane pādapuñche, sayanāsanadaṇḍake;
Dantapoṇe ca āṭalī [kathalim (syā.)], sīsālepanagandhake.
 24. “Araṇī phalapīṭhe [palālapīṭhe (sī.)] ca, pattapidhānathālake;
Udakassa kaṭacchū ca, cuṇṇakam rajanambaṇam [rajanammaṇam (sī.)].
 25. “Sammajjanam [sammuñjanam (syā.), sammajjanim, sammunjanim (?)] udapattam, tathā
vassikasāṭīkam;
Nisīdanam kaṇḍucchādi, atha antaravāsakam.
 26. “Uttarāsangasaṅghāṭī, natthukam mukhasodhanam;
Biḷaṅgalaṇam pahūtañca [loṇabhūtañca (ka.)], madhuñca dadhipānakam.
 27. “Dhūpaṇ [dhūmam (ka.)] sittham pilotiñca, mukhapuñchanasuttakam;
Dātabbam nāma yaṇ atthi, yañca kappati satthuno.
 28. “Sabbametam samānetvā, ānandam upasaṅkamim;
Upasaṅkamma rājānam, janetāram mahesino [mahesinam (sī.), mahāyasam (syā.), mahissaram
(ka.)];
Sirasā abhivādetvā, idaṇ vacanamabravim.
- (Dānokāsayaṇā)
29. ““Ekato jātasamvaddhā, ubhinnaṇ ekato manam [yaso (syā.), mano (?)];
Sādhāraṇā sukhadukkhe, ubho ca anuvattakā.
 30. ““Atthi cetasikam dukkham, tavādheyyam arindama;
Yadi sakkosi taṇ dukkham, vinodeyyāsi khattiya.

31. ““Tava dukkhaṃ mama dukkhaṃ, ubhinnaṃ ekato mano [manam (sī. syā.)];
Niṭṭhitanti vijānāhi, mamādheyyaṃ sace tuvaṃ.
32. ““Jānāhi kho mahārāja, dukkhaṃ me dubbinodayaṃ;
Pahu samāno gajjasu, ekaṃ te duccajaṃ vamaṃ.
33. ““Yāvatā vijite atthi, yāvatā mama jīvitam;
Etehi yadi te attho, dassāmi avikampito.
34. ““Gajjitaṃ kho tayā deva, micchā taṃ bahu gajjitaṃ;
Jānissāmi tuvaṃ ajja, sabbadhamme [saccadhamme (?)] patiṭṭhitaṃ.
35. ““Atibāḷhaṃ nipīlesi, dadamānassa me sato;
Kiṃ te me pīḷitenattho, patthitaṃ te kathehi me.
36. ““Icchāmaḥaṃ mahārāja, buddhaseṭṭhaṃ anuttaram;
Bhojayissāmi sambuddhaṃ, vajjaṃ [vañcum (?)] me māhu jīvitam.
37. ““Aññaṃ tehaṃ vamaṃ dammi, mā yācīttho tathāgataṃ [ayācito tathāgato (syā. ka.)];
Adeyyo kassaci buddho, maṇi jotiraso yathā.
38. ““Nanu te gajjitaṃ deva, yāva jīvitamattano [vijitamattitaṃ (ka.), jīvitamatthikaṃ (syā.)];
Jīvitam [vijitam (ka.)] dadamānena, yuttaṃ dātuṃ tathāgataṃ.
39. ““Ṭhapanīyo mahāvīro, adeyyo kassaci jino;
Na me paṭissuto buddho, varassu amitaṃ dhanam.
40. ““Vinicchayaṃ pāpuṇāma, pucchissāma vinicchaye;
Yathāsaṅṭhaṃ [yathāsantam (sī.)] kathessanti, paṭipucchāma taṃ tathā.
41. ““Rañño hatthe gahetvāna, agamāsiṃ vinicchayaṃ;
Purato akkhadassānaṃ, idaṃ vacanamabraviṃ.
42. ““Suṇantu me akkhadassā, rājā varamadāsi me;
Na kiñci ṭhapyitvāna, jīvitampi [vijitampi (ka.)] pavārayi.
43. ““Tassa me varadinnassa, buddhaseṭṭhaṃ variṃ ahaṃ;
Sudinno hoti me buddho, chindatha saṃsayaṃ mama.
44. ““Sossāma tava vacanam, bhūmipālassa rājino;
Ubhinnaṃ vacanam sutvā, chindissāmettha saṃsayaṃ.
45. ““Sabbaṃ deva tayā dinnaṃ, imassa sabbagāhikaṃ [sabbagāhitaṃ (syā. ka.)];
Na kiñci ṭhapyitvāna, jīvitampi pavārayi.
46. ““Kicchappattova hutvāna, yācī varamanuttaram [yāvajīvamanuttaram (syā. ka.)];
Imaṃ sudukkhitaṃ ñatvā, adāsiṃ sabbagāhikaṃ.
47. ““Parājayo tuvaṃ [tavaṃ (sī.)] deva, assa deyyo tathāgato;
Ubhinnaṃ saṃsayo chinno, yathāsaṅṭhamhi [yathāsantamhi (sī.)] tiṭṭhatha.
48. ““Rājā tattheva ṭhatvāna, akkhadassetadabravi;

Sammā mayhampi deyyātha, puna buddhaṃ labhāmaṃ.

49. “Pūretvā tava saṅkappaṃ, bhojayitvā tathāgataṃ;
Puna deyyāsi [deyyātha (ka.)] sambuddhaṃ, ānandassa yasassino’.

(Nimantanakathā)

50. “Akkhadassebhivādetvā, ānandañcāpi khattiyaṃ;
Tuṭṭho pamudito hutvā, sambuddhamupasaṅkamim.
51. “Upasaṅkamma sambuddhaṃ, oghatiṇṇamanāsavaṃ;
Sirasā abhivādetvā, idaṃ vacanamabraviṃ.
52. ‘Vasīsatasaḥassehi, adhivāsehi cakkhuma;
Hāsayanto mama cittaṃ, nivesanamupehi me’.
53. “Padumuttaro lokavidū, āhutiṇaṃ paṭiggaho;
Mama saṅkappamaññāya, adhivāsesi cakkhumā.
54. “Adhivāsanamaññāya, abhivādiya satthuno;
Haṭṭho udaggacittohaṃ, nivesanamupāgamiṃ.

(Dānapaṭiyādanam)

55. “Mittāmacce samānetvā, idaṃ vacanamabraviṃ;
‘Sudullabho mayā laddho, maṇi jotiraso yathā.
56. “‘Kena taṃ pūjayissāma, appameyyo anūpamo;
Atulo asamo dhīro, jino appaṭipuggalo.
57. “‘Tathāsamasamo ceva, adutiyo narāsabho;
Dukkaraṃ adhikāraṇhi, buddhānucchavikaṃ mayā.
58. “‘Nānāpupphe samānetvā, karoma pupphamaṇḍapaṃ;
Buddhānucchavikaṃ etaṃ, sabbapūjā bhavissati’.
59. “Uppalaṃ padumaṃ vāpi, vassikaṃ adhimuttakaṃ [atimuttakaṃ (?)];
Campakaṃ [candanam (ka.)] nāgapupphañca, maṇḍapaṃ kārayiṃ ahaṃ.
60. “Satāsanasaḥassāni, chattacchāyāya paññapiṃ;
Pacchimaṃ āsanaṃ mayhaṃ, adhikaṃ satamagghati.
61. “Satāsanasaḥassāni, chattacchāyāya paññapiṃ;
Paṭiyādetvā annapānaṃ, kālaṃ ārocayiṃ ahaṃ.
62. “Ārocitamhi kālamhi, padumuttaro mahāmuni;
Vasīsatasaḥassehi, nivesanamupesi me.
63. “Dhārentaṃ uparicchattaṃ [dhārentamuparicchatte (sī.)], suphullapupphamaṇḍape;
Vasīsatasaḥassehi, nisīdi purisuttamo.

64. “‘Chattasatasahassāni, satasahassamāsanam;
Kappiyam anavajjañca, paṭiṅgañhāhi cakkhuma’.

65. “‘Padumuttaro lokavidū, āhutañam paṭiggaho;
Mamañ tāretukāmo so, sampaṭicchi mahāmuni.

(Dānakathā)

66. “‘Bhikkhuno ekamekassa, paccekam pattamadāsaham;
Jahiṃsu sumbhakam [pubbakam (sī.), sambhatam (syā.), mattikam (?)] pattam, lohappattam
adhārayum.

67. “‘Sattarattindivam buddho, nisīdi pupphamaṇḍape;
Bodhayanto bahū satte, dhammacakkam pavattayi.

68. “‘Dhammacakkam pavattento, heṭṭhato pupphamaṇḍape;
Cullāsītisahassānam, dhammābhissamayo ahu.

69. “‘Sattame divase patte, padumuttaro mahāmuni;
Chattacchāyāyamāsīno, imā gāthā abhāsatha.

(Byākaraṇam)

70. “‘Anūnakam dānavaram, yo me pādāsi māṇavo;
Tamaḥam kittayissāmi, suṇātha mama bhāsato.

71. “‘‘Hatthī assā rathā pattī, senā ca caturaṅginī;
Parivāressantimam [tam (syā.)] niccam, sabbadānassidam phalam.

72. “‘‘Hatthiyānam assayānam, sivikā sandamānikā;
Upaṭṭhissantimam niccam, sabbadānassidam phalam.

73. “‘‘Saṭṭhi rathasahassāni, sabbālaṅkārahūsitā;
Parivāressantimam niccam, sabbadānassidam phalam.

74. “‘‘Saṭṭhi tūriyasahassāni, bheriyo samalaṅkatā;
Vajjayissantimam niccam, sabbadānassidam phalam.

75. “‘‘Chalāsītisahassāni, nāriyo samalaṅkatā;
Vicittavathābharaṇā, āmukkamaṇikuṇḍalā [āmuttamaṇikuṇḍalā (sī. syā.)].

76. “‘‘Aḷārapamhā hasulā, susaṅṅā tanumajjhimā;
Parivāressantimam niccam, sabbadānassidam phalam.

77. “‘‘Tiṃsakappasahassāni, devaloke ramissati;
Sahassakkhattum devindo, devarajjam karissati.

78. “‘‘Sahassakkhattum rājā ca, cakkavattī bhavissati;
Padesarajjam vipulam, gaṇanāto asaṅkhiyam.

79. “‘‘Devaloke vasantassa, puññakammasamaṅgino;
Devalokapariyantam, ratanachattam dharissati.

80. “‘Icchissati yadā chāyaṃ [yadā vāyaṃ (syā. ka.)], chadanaṃ dussapupphajaṃ; Imassa cittamaññāya, nibaddhaṃ chādayissati.
81. “‘Devalokā cavitvāna, sukkamūlena codito; Puññakammaena saṃyutto, brahmabandhu bhavissati.
82. “‘Kappasatasahassamhi, okkākakulasambhavo; Gotamo nāma gottena [nāmena (sabbattha) evamuparipi; aṭṭhathāyaṃ pana pubbe gottenātipadaṃ vaṇṇitaṃ], sathā loke bhavissati.
83. “‘Sabbametaṃ abhiññāya, gotamo sakyapuṅgavo; Bhikkhusaṅghe nisīditvā, etadagge ṭhapessati.
84. “‘Pilindavacchanāmena [pilindivacchanāmena (sī.)], hessati satthusāvako; Devānaṃ asurānañca, gandhabbānañca sakkato.
85. “‘Bhikkhūnaṃ bhikkhunīnañca, gihīnañca tatheva so; Piyo hutvāna sabbesaṃ, viharissatināsavo’.

(Dānānisamaṣakathā)

86. “‘Satasahassee kataṃ kammaṃ, phalaṃ dassesi me idha; Sumutto saravego, kilese jhāpayī mama [jhāpayissati (sī. ka.), jhāpayiṃ ahaṃ (syā.)].
87. “‘Aho me sukataṃ kammaṃ, puññakkhette anuttare; Yattha kāraṃ karitvāna, pattomhi acalaṃ padaṃ.
88. “‘Anūnakaṃ dānavaraṃ, adāsi yo [so (ka.)] hi māṇavo; Ādipubbaṅgamo āsi, tassa dānassidaṃ phalaṃ.

(1. Chattānisamaṣo)

89. “‘Chatte ca sugate datvā [chatte sugate datvāna (sī. syā.)], saṅghe gaṇavaruttame; Aṭṭhānisamaṣe anubhomi, kammānucchavike mama.
90. “‘Sītaṃ uṇhaṃ na jānāmi, rajojallaṃ na limpati; Anupaddavo anīti ca, homi apacito sadā.
91. “‘Sukhumacchaviko homi, visadaṃ hoti mānasaṃ; Chattasatasahassāni, bhava saṃsarato mama.
92. “‘Sabbālaṅkārayuttāni, tassa kammaṃ vāhasā; Imaṃ jātiṃ ṭhapetvāna, matthake dhārayanti me.
93. “‘Kasmā [tasmā (syā. ka.)] imāya jātiyā, natthi me chattadhāraṇā; Mama sabbāṃ kataṃ kammaṃ, vimuttichattapattiyā.

(2. Dussānisamaṣo)

94. “‘Dussāni sugate datvā, saṅghe gaṇavaruttame; Aṭṭhānisamaṣe anubhomi, kammānucchavike mama.

95. “Suvaṇṇavaṇṇo viraḷo, sappabhāso patāpavā;
Siniddhaṃ hoti me gattaṃ, bhava saṃsarato mama.
96. “Dussasatasahassāni, setā pītā ca lohitā;
Dhārenti matthake mayhaṃ, dussadānassidaṃ phalaṃ.
97. “Koseyyakambaliyāni, khomakappāsikāni ca;
Sabbattha paṭilabhāmi, tesam nissandato ahaṃ.

(3. Pattānisamso)

98. “Patte sugate datvāna, saṅghe gaṇavaruttame;
Dasānisamse anubhomi, kammānucchavike mama.
99. “Suvaṇṇathāle maṇithāle, rajatepi ca thālake;
Lohitaṅgamaye thāle, paribhuñjāmi sabbadā.
100. “Anupaddavo anīti ca, homi apacito sadā;
Lābhī annassa pānassa, vatthassa sayanassa ca.
101. “Na vinassanti me bhogā, ṭhitacitto bhavāmahaṃ;
Dhammakāmo sadā homi, appakleso anāsavo.
102. “Devaloke manusse vā, anubandhā ime guṇā;
Chāyā yathāpi rukkhassa, sabbattha na jahanti maṃ.

(4. Vāsiānisamso)

103. “Cittabandhanasambaddhā [cittabandhanasampannā (ka.)], sukatā vāsiyo bahū;
Datvāna buddhaseṭṭhassa, saṅghassa ca tathevahaṃ.
104. “Aṭṭhānisamse anubhomi, kammānucchavike mama;
Sūro homavisārī ca, vesārajjesu pāramī.
105. “Dhitivīriyavā homi, paggaḥītamano sadā;
Kilesacchedanaṃ ñāṇaṃ, sukhumāṃ atulaṃ suciṃ;
Sabbattha paṭilabhāmi, tassa nissandato ahaṃ.

(5. Satthakānisamso)

106. “Akakkase aphaṛuse, sudhote satthake bahū;
Pasannacitto datvāna, buddhe saṅghe tatheva ca.
107. “Pañcānisamse anubhomi, kammānucchavike mama;
Kalyāṇamittaṃ [kalyāṇacittaṃ (sī.)] vīriyaṃ, khantiñca mettasatthakaṃ.
108. “Taṇhāsallassa chinnattā, paññāsattaṃ anuttaraṃ;
Vajirena samaṃ ñāṇaṃ, tesam nissandato labhe.

(6. Sūciānisamso)

109. “Sūciyo sugate datvā, saṅghe gaṇavaruttame;
Pañcānisamse anubhomi, kammānucchavike mama.
110. “Na saṃsayo kaṅkhacchedo, abhirūpo ca bhogavā;
Tikkhapañño sadā homi, saṃsaranto bhavābhavē.
111. “Gambhīraṃ nipuṇaṃ thānaṃ, atthaṃ ñāṇena passayiṃ;
Vajiraggasamaṃ ñāṇaṃ, hoti me tamaghātaṃ.

(7. Nakhacchedanānisamaṃso)

112. “Nakhacchedane sugate, datvā saṅghe gaṇuttame;
Pañcānisamse anubhomi, kammānucchavike mama.
113. “Dāsīdāse [dāsīdāsa (ka.)] gavasse ca, bhatake nāṭake [ārakkhake (sī.)] bahū;
Nhāpīte bhattake sūde, sabbattheva labhāmahaṃ.

(8. Vidhūpanatālavaṇṭānisamaṃso)

114. “Vidhūpane sugate datvā, tālavaṇṭe ca sobhaṇe;
Aṭṭhānisamaṃse anubhomi, kammānucchavike mama.
115. “Sītaṃ uṇhaṃ na jānāmi, pariḷāho na vijjati;
Darathaṃ nābhijānāmi, cīttasantāpanaṃ mama.
116. “Rāgaggi dosamohaggi, mānaggi diṭṭhiaggi ca;
Sabbaggi nibbutā mayhaṃ, tassa nissandato mama.

(9. Morahattha-cāmaraṃ)

117. “Morahatthe cāmariyo, datvā saṅghe gaṇuttame;
Upasantakilesahaṃ, viharāmi anaṅgaṇo.

(10. Parissāvana-dhammakaraṃ)

118. “Parissāvane sugate, datvā dhammakaruttame [datvā sukate dhammakuttare (syā. ka.)];
Pañcānisamaṃse anubhomi, kammānucchavike mama.
119. “Sabbesaṃ samatikkamma, dibbaṃ āyuṃ labhāmahaṃ;
Appasayho sadā homi, corapaccatthikehi vā.
120. “Satthena vā visena vā, vihesampi na kubbate;
Antarāmaraṇaṃ natthi, tesam nissandato mama.

(11. Teladhārānisamaṃso)

121. “Teladhāre sugate datvā, saṅghe gaṇavaruttame;
Pañcānisamaṃse anubhomi, kammānucchavike mama.
122. “Sucārurūpo subhaddo [sugado (sī.), suvāco (?)], susamuggatamānaso;
Avikkhittamaṃso homi, sabbārakkhehi rakkhito.

(12. Sūciḡharānisamso)

123. “Sūciḡhare sugate datvā, saṅghe gaṇavaruttame;
Tīṇānisamse anubhomi, kammānucchavike mama.
124. “Cetosukhaṃ kāyasukhaṃ, iriyāpathajaṃ sukhaṃ;
Ime guṇe paṭilabhe, tassa nissandato ahaṃ.

(13. Aṃsabaddhānisamso)

125. “Aṃsabaddhe jine datvā, saṅghe gaṇavaruttame;
Tīṇānisamse anubhomi, kammānucchavike mama.
126. “Saddhamme gādhaṃ [cetoñāṇaṃ ca (sī.)] vindāmi, sarāmi dutiyaṃ bhavaṃ;
Sabbattha succhavī homi, tassa nissandato ahaṃ.

(14. Kāyabandhanānisamso)

127. “Kāyabandhe jine datvā, saṅghe gaṇavaruttame;
Chānisamse anubhomi, kammānucchavike mama.
128. “Samādhīsu na kampāmi, vasī homi samādhisu;
Abhejjapariso homi, ādeyyavacano sadā.
129. “Upaṭṭhitasati homi, tāso mayhaṃ na vijjati;
Devaloke manusse vā, anubandhā ime guṇā.

(15. Ādhārakānisamso)

130. “Ādhārake jine datvā, saṅghe gaṇavaruttame;
Pañcavaṇṇehi dāyādo [pañcavaṇṇe bhayābhāvo (syā.)], acalo homi kenaci.
131. “Ye keci me sutā dhammā, satiñāṇappabodhanā;
Dhatā [ṭhitā (ka.)] me na vinassanti, bhavanti suvinicchitā.

(16. Bhājanānisamso)

132. “Bhājane paribhoge ca, datvā buddhe gaṇuttame;
Tīṇānisamse anubhomi, kammānucchavike mama.
133. “Soṇṇamaye maṇimaye, athopi phalikāmaye;
Lohitaṅgamaye ceva, labhāmi bhājane ahaṃ.
134. “Bhāriyā dāsadāsī [sabbatthapi evameva dissati] ca, hatthissarathapattike;
Itthī patibbatā ceva, paribhogāni sabbadā.
135. “Vijjā mantapade ceva, vividhe āgame bahū;
Sabbhaṃ sippaṃ nisāmeme, paribhogāni sabbadā.

(17. Thālakānisamso)

136. “Thālake sugate datvā, saṅghe gaṇavaruttame;
Tīṇānisamse anubhomi, kammānucchavike mama.
137. “Soṇṇamaye maṇimaye, athopi phalikāmaye;
Lohitaṅgamaye ceva, labhāmi thālake ahaṃ.
138. “Asatthake [asatthake (sī.), assatṭhake (syā.)] phalamaye, atho pokkharapattake;
Madhupānakasānkhe ca, labhāmi thālake ahaṃ.
139. “Vatte guṇe paṭipatti, ācārikiriyāsu ca;
Ime guṇe paṭilabhe, tassa nissandato ahaṃ.

(18. Bhesajjānisamso)

140. “Bhesajjaṃ sugate datvā, saṅghe gaṇavaruttame;
Dasānisamse anubhomi, kammānucchavike mama.
141. “Āyuvā balavā dhīro, vaṇṇavā yasavā sukhī;
Anupaddavo anīti ca, homi apacito sadā;
Na me piyaviyogatthi, tassa nissandato mama.

(19. Upāhanānisamso)

142. “Upāhane jine datvā, saṅghe gaṇavaruttame;
Tīṇānisamse anubhomi, kammānucchavike mama.
143. “Hatthiyānaṃ assayānaṃ, siviḱā sandamānikā;
Satṭhisatasahassāni, parivārenti maṃ sadā.
144. “Maṇimayā tambamayā [kambalikā (sī. ka.)], soṇṇarajatapādukā;
Nibbattanti paduddhāre, bhava saṃsarato mama.
145. “Niyāmaṃ sati dhāvanti [niyamaṃ paṭidhāvanti (sī.), niyāmaṃ paṭidhāvanti (syā.)],
āguācārasodhanaṃ [ācāraguṇasodhanaṃ (sī. syā.)];
Ime guṇe paṭilabhe, tassa nissandato ahaṃ.

(20. Pādukānisamso)

146. “Pāduke sugate datvā, saṅghe gaṇavaruttame;
Iddhipādukamāruyha, viharāmi yadicchakaṃ.

(21. Udakapuñchanānisamso)

147. “Udakapucchanacoḷe, datvā buddhe gaṇuttame;
Pañcānisamse anubhomi, kammānucchavike mama.
148. “Suvaṇṇavaṇṇo virajo, sappabhāso patāpavā;
Siniddhaṃ hoti me gattaṃ, rajojallaṃ na limpati;
Ime guṇe paṭilabhe, tassa nissandato ahaṃ.

(22. Kattaradaṇḍānisamso)

149. “Kattaradaṇḍe sugate, datvā saṅghe gaṇuttame;
Chānisamse anubhomi, kammānucchavike mama.
150. “Puttā mayhaṃ bahū honti, tāso mayhaṃ na vijjati;
Appasayho sadā homi, sabbārakkhehi rakkhito;
Khalitampi [khalitaṃ maṃ (sī. ka.)] na jānāmi, abhantaṃ mānasaṃ mama.

(23. Osadhañjanānisamso)

151. “Osadhaṃ añjanaṃ datvā, buddhe saṅghe gaṇuttame;
Aṭṭhānisamse anubhomi, kammānucchavike mama.
152. “Visālanayano homi, setapīto ca lohito;
Anāvilapasannakkho, sabbarogavivajjito.
153. “Labhāmi dibbanayanaṃ, paññācakkhuṃ anuttaraṃ;
Ime guṇe paṭilabhe, tassa nissandato ahaṃ.

(24. Kuñcikānisamso)

154. “Kuñcike sugate datvā, saṅghe gaṇavaruttame;
Dhammadvāravivaraṇaṃ, labhāmi ñāṇakuñcikaṃ.

(25. Kuñcikāgharānisamso)

155. “Kuñcikānaṃ ghare datvā, buddhe saṅghe gaṇuttame;
Dvānisamse anubhomi, kammānucchavike mama;
Appakodho anāyāso, saṃsaranto bhava ahaṃ.

(26. Āyogānisamso)

156. “Āyoge sugate datvā, saṅghe gaṇavaruttame;
Pañcānisamse anubhomi, kammānucchavike mama.
157. “Samādhīsu na kampāmi, vasī homi samādhisu;
Abhejjapariso homi, ādeyyavacano sadā;
Jāyati bhogasampatti, bhava saṃsarato mama.

(27. Dhūmanettānisamso)

158. “Dhūmanette jine datvā, saṅghe gaṇavaruttame;
Tīṇānisamse anubhomi, kammānucchavike mama.
159. “Sati me ujukā hoti, susambandhā ca nhāravo;
Labhāmi dibbanayanaṃ [dibbasayanaṃ (syā.)], tassa nissandato ahaṃ.

(28. Dīpadhārānisamso)

160. “Dīpadhāre [dīpaṭṭhāne (sī.), dīpadāne (syā.), dīpaṭṭhāpe (ka.)] jine datvā, saṅghe

gaṇavaruttame;
Tīṇānisamse anubhomi, kammānucchavike mama.

161. “Jātimā aṅgasampanno, paññavā buddhasammato [[buddhisammato \(sī. ka.\)](#)];
Ime guṇe paṭilabhe, tassa nissandato ahaṃ.

(29. Tumbaka-karaṇḍo)

162. “Tumbake ca karaṇḍe ca, datvā buddhe gaṇuttame;
Dasānisamse anubhomi, kammānucchavike mama.

163. “Sugutto [[sadāgutto \(sī. syā.\) saṃgutto \(ka.\)](#)] sukhasamaṅgī, mahāyaso tathāgati;
Vipattivigato [[vibhattigatto \(syā.\)](#)] sukhumālo, sabbītiparivajjito.

164. “Vipule ca guṇe lābhī, samāva calanā mama;
Suvivajjitaubbego, tumbake ca karaṇḍake.

165. “Labhāmi caturo vaṇṇe, hatthissaratanāni ca;
Tāni me na vinassanti, tumbadāne idaṃ phalaṃ.

(30. Malaharaṇānisamso)

166. “Malaharaṇiyo [[añjananāḷiyo \(sī.\), hatthalilaṅgake \(syā. pī.\), hatthalilaṅgate \(ka.\)](#)] datvā,
buddhe saṅghe gaṇuttame;
Pañcānisamse anubhomi, kammānucchavike mama.

167. “Sabbalakkhaṇasampanno, āyupaññāsamaṅhito;
Sabbāyāsavinimutto, kāyo me hoti sabbadā.

(31. Pippalānisamso)

168. “Taṇudhāre sunisite, saṅghe datvāna pippale;
Kilesakantaṇaṃ ṇāṇaṃ, labhāmi atulaṃ sucīṃ.

(32. Bhaṇḍāsānisamso)

169. “Saṇḍāse sugate datvā, saṅghe gaṇavaruttame;
Kilesabhaṇjanaṃ [[kilesaluñcanaṃ \(sī. syā. pī.\)](#)] ṇāṇaṃ, labhāmi atulaṃ sucīṃ.

(33. Natthukānisamso)

170. “Natthuke [[thavike \(?\) bhesajjathaviketi hi pubbe vuttaṃ](#)] sugate datvā, saṅghe
gaṇavaruttame;
Aṭṭhānisamse anubhomi, kammānucchavike mama.

171. “Saddhaṃ sīlaṃ hiriñcāpi, atha ottappiyaṃ guṇaṃ;
Sutaṃ cāgañca khantiñca, paññaṃ me aṭṭhamaṃ guṇaṃ.

(34. Pīṭhakānisamso)

172. “Pīṭhake sugate datvā, saṅghe gaṇavaruttame;

Pañcānisamse anubhomi, kammānucchavike mama.

173. “Ucce kule pajāyāmi, mahābhogo bhavāmaḥam;
Sabbe maṃ apacāyanti, kitti abbhuggaṭā mama.

174. “Kappasatasahassāni, pallaṅkā caturassakā;
Parivārenti maṃ niccaṃ, saṃvibhāgarato ahaṃ.

(35. Bhisīānisamso)

175. “Bhisīyo sugate datvā, saṅghe gaṇavaruttame;
Chānisamse anubhomi, kammānucchavike mama.

176. “Samasugattopacito, muduko cārudassano;
Labhāmi ñāṇaparivāraṃ, bhisidānassidaṃ phalaṃ.

177. “Tūlikā vikatikāyo, kaṭṭissā [kaṭṭhissā (sī.), kuṭṭakā (ka.)] cittakā bahū;
Varapoththake kambale ca, labhāmi vividhe ahaṃ.

178. “Pāvārike ca muduke, mudukājinaveṇiyo;
Labhāmi vividhatthāre [vividhaṭṭhāne (syā. ka.)], bhisidānassidaṃ phalaṃ.

179. “Yato sarāmi attānaṃ, yato pattosmi viññutaṃ;
Atuccho jhānamañcomhi, bhisidānassidaṃ phalaṃ.

(36. Bibbohanānisamso)

180. “Bibbohane jine datvā, saṅghe gaṇavaruttame;
Chānisamse anubhomi, kammānucchavike mama.

181. “Uṇṇike padumake ca, atho lohitacandane;
Bibbohane upādhemi, uttamaṅgaṃ sadā mama.

182. “Aṭṭhaṅgike maggavare, sāmāññe caturo phale;
Tesu ñāṇaṃ uppādetvā [upānetvā (sī.)], vihare niccakālikaṃ.

183. “Dāne dame saṃyame ca, appamaññāsu rūpisu;
Tesu ñāṇaṃ uppādetvā [upānetvā (sī.)], vihare sabbakālikaṃ.

184. “Vatte guṇe paṭipatti, ācāraṅkiyāsu ca;
Tesu ñāṇaṃ uppādetvā [ñāṇaṃ upadāhitvāna (sī.)], vihare sabbadā ahaṃ.

185. “Caṅkame vā padhāne vā, vīriye bodhipakkhiye;
Tesu ñāṇaṃ uppādetvā, viharāmi yadicchakaṃ.

186. “Sīlaṃ samādhi paññā ca, vimutti ca anuttarā;
Tesu ñāṇaṃ uppādetvā [ñāṇaṃ upadāhitvāna (sī.)], viharāmi sukhaṃ ahaṃ.

(37. Phalapīṭhānisamso)

187. “Phalapīṭhe [palālapīṭṭhe (sī.)] jine datvā, saṅghe gaṇavaruttame;

Dvānisamse anubhomi, kammānucchavike mama.

188. “Soṇṇamaye maṇimaye, dantasāramaye bahū;
Pallaṅkaseṭṭhe vindāmi, phalapīṭhassidaṃ phalaṃ.

(38. Pādapīṭhānisamso)

189. “Pādapīṭhe jine datvā, saṅghe gaṇavaruttame;
Dvānisamse anubhomi, kammānucchavike mama;
Labhāmi bahuke yāne, pādapīṭhassidaṃ phalaṃ.

190. “Dāsī dāsā ca bhariyā, ye caññe anujīvino;
Sammā paricarante maṃ, pādapīṭhassidaṃ phalaṃ.

(39. Telabbhañjanānisamso)

191. “Telaabbhañjane [telānabbhañjane (sī.)] datvā, saṅghe gaṇavaruttame;
Pañcānisamse anubhomi, kammānucchavike mama.

192. “Abyādhitā rūpavatā, khippaṃ dhammanisantitā;
Lābhītā annapānassa, āyupañcamakaṃ mama.

(40. Sappitelānisamso)

193. “Sappitelañca datvāna, saṅghe gaṇavaruttame;
Pañcānisamse anubhomi, kammānucchavike mama.

194. “Thāmavā rūpasampanno, pahaṭṭhatanujo sadā;
Abyādhi visado homi, sappitelassidaṃ phalaṃ.

(41. Mukhasodhanakānisamso)

195. “Mukhasodhanakaṃ datvā, buddhe saṅghe gaṇuttame;
Pañcānisamse anubhomi, kammānucchavike mama.

196. “Visuddhakaṅṭho madhurassaro, kāsasāsavivajjito;
Uppalagandho mukhato, upavāyati me sadā.

(42. Dadhiānisamso)

197. “Dadhiṃ datvāna sampannaṃ, buddhe saṅghe gaṇuttame;
Bhuñjāmi amataṃ bhataṃ [vittaṃ (sī. ka.)], varaṃ kāyagatāsatiṃ.

(43. Madhuānisamso)

198. “Vaṇṇagandharasopetaṃ, madhuṃ datvā jine gaṇe;
Anūpamaṃ atuliyāṃ, pive muttiraṃ ahaṃ.

(44. Rasānisamso)

199. “Yathābhūtaṃ rasaṃ datvā, buddhe saṅghe gaṇuttame;

Caturo phale anubhomi, kammānucchavike mama.

(45. Annapānānisamso)

200. “Annam pānañca datvāna, buddhe saṅghe gaṇuttame;
Dasānisamse anubhomi, kammānucchavike mama.
201. “Āyuvā balavā dhīro, vaṇṇavā yasavā sukhī;
Lābhī annassa pānassa, sūro paññāṇavā sadā;
Ime guṇe paṭilabhe, saṃsaranto bhavē ahaṃ.

(46. Dhūpānisamso)

202. “Dhūpaṃ [dhūmaṃ (sī. ka.)] datvāna sugate, saṅghe gaṇavaruttame;
Dasānisamse anubhomi, kammānucchavike mama.
203. “Sugandhadeho yasavā, sīghapañño ca kittimā;
Tikkhapañño bhūripañño, hāsagambhīrapaññavā.
204. “Vepullaḷajanapañño, saṃsaranto bhavābhavē;
Tasseva vāhasā dāni, patto santisukhaṃ sivaṃ.

(Sādhāraṇānisamso)

205. “Kilesā jhāpitā mayhaṃ, bhavā sabbe samūhatā;
Nāgo va bandhanaṃ chetvā, viharāmi anāsavo.
206. “Svāgataṃ vata me āsi, mama buddhassa santike [buddhaseṭṭhassa santike (?) evamuparipi;
etadeva hi upālītherāpadānaṭṭhakathāyaṃ vaṇṇitaṃ];
Tisso vijjā anuppattā, kataṃ buddhassa sāsanaṃ.
207. “Paṭisambhidā catasso, vimokkhāpi ca aṭṭhime;
Chalābhīññā sacchikatā, kataṃ buddhassa sāsanaṃ”.

Itthaṃ sudaṃ āyasmā pilindavaccho thero imā gāthāyo abhāsītthāti.

Pilindavacchattherassāpadānaṃ paṭhamam.

2. Selattheraapadānaṃ

208. “Nagare haṃsavatiyā, vīthisāmī ahasaṃ;
Mama ñātī samānetvā, idaṃ vacanamabravim.
209. “Buddho loka samuppanno, puññakkhetto anuttaro [puññakkhettaṃ anuttaram (sī.)];
Āsi so [āsīso (sī.), ādhāro (pī.)] sabbalokassa, āhutinam paṭiggaho.
210. “Khattiyā negamā ceva, mahāsālā ca brāhmaṇā;
Pasannacittā sumanā, pūgadhammaṃ akaṃsu te.
211. “Hatthārohā anīkaṭṭhā, rathikā pattikārakā;
Pasannacittā sumanā, pūgadhammaṃ akaṃsu te.

212. “‘Uggā ca rājaputtā ca, vesiyānā ca brāhmaṇā;
Pasannacittā sumanā, pūgadhammaṃ akaṃsu te.
213. “‘Āḷārikā kappakā [āḷārikā ca sūdā (syā.)] ca, nhāpakā mālakārakā;
Pasannacittā sumanā, pūgadhammaṃ akaṃsu te.
214. “‘Rajakā pesakārā ca, cammakārā ca nhāpitā;
Pasannacittā sumanā, pūgadhammaṃ akaṃsu te.
215. “‘Usukārā bhamakārā, cammakārā ca tacchakā;
Pasannacittā sumanā, pūgadhammaṃ akaṃsu te.
216. “‘Kammārā soṇṇakārā ca, tipulohakarā tathā;
Pasannacittā sumanā, pūgadhammaṃ akaṃsu te.
217. “‘Bhatakā ceṭakā ceva, dāsakammakarā bahū;
Yathāsakena thāmena, pūgadhammaṃ akaṃsu te.
218. “‘Udahārā kaṭṭhahārā, kassakā tiṇahārakā;
Yathāsakena thāmena, pūgadhammaṃ akaṃsu te.
219. “‘Pupphikā mālīkā ceva, paṇṇikā phalahārakā;
Yathāsakena thāmena, pūgadhammaṃ akaṃsu te.
220. “‘Gaṇikā kumbhadāsī ca, pūvikā [sūpikā (ka.)] macchikāpi ca;
Yathāsakena thāmena, pūgadhammaṃ akaṃsu te.
221. “‘Etha sabbe samāgantvā, gaṇaṃ bandhāma ekato;
Adhikāraṃ karissāma, puññaṃ akkhetta anuttare’.
222. “‘Te me sutvāna vacanaṃ, gaṇaṃ bandhiṃsu tāvade;
Upaṭṭhānasālaṃ sukataṃ, bhikkhusaṅghassa kārayuṃ.
223. “‘Niṭṭhāpetvāna taṃ sālaṃ, udaggo tuṭṭhamānaso;
Pareto tehi sabbehi, sambuddhamupasaṅkamaṃ.
224. “‘Upasaṅkamma sambuddhaṃ, lokanāthaṃ narāsabhaṃ;
Vanditvā satthuno pāde, idaṃ vacanamabravim.
225. “‘Ime tīṇi satā vīra, purisā ekato gaṇā;
Upaṭṭhānasālaṃ sukataṃ, niyyādentī [niyyātentī (sī.)] tuvaṃ [tavaṃ (sī.), tava (syā.)] muni’.
226. “‘Bhikkhusaṅghassa purato, sampaṭicchatva cakkhumā;
Tiṇṇaṃ satānaṃ purato, imā gāthā abhāsatha.
227. “‘Tisatāpi ca jeṭṭho ca, anuvattiṃsu ekato;
Sampattiṇhi [sampattīhi (syā. ka.)] karitvāna, sabbe anubhavissatha.
228. “‘Pacchime bhava sampatte, sītībhāvamanuttaraṃ;
Ajaraṃ amataṃ santaṃ, nibbānaṃ phassayissatha’.
229. “‘Evaṃ buddho viyākāsi, sabbaññū samaṇuttaro;

Buddhassa vacanaṃ sutvā, somanassaṃ pavedayiṃ.

230. “Tiṃsa kappasahassāni, devaloke ramim̃ ahaṃ;
Devādhipo pañcasataṃ, devarajjamakārayim̃.
231. “Sahassakkhattuṃ rājā ca, cakkavattī ahosahaṃ;
Devarajjaṃ karontassa, mahādevā avandisuṃ.
232. “Idha mānusake rajjaṃ [rajje (sī.)], parisā honti bandhavā;
Pacchime bhave sampatte, vāseṭṭho nāma brāhmaṇo.
233. “Asītikoṭi nicayo, tassa putto ahosahaṃ;
Selo iti mama nāmaṃ, chaḷaṅge pāramim̃ gato.
234. “Jaṅghāvihāraṃ vicaraṃ, sasissehi purakkhato;
Jaṭābhārikabharitaṃ, keṇiyaṃ nāma tāpasam̃.
235. “Paṭiyattāhutiṃ disvā, idaṃ vacanamabravim̃;
‘Āvāho vā vivāho vā, rājā vā te nimantito’.
236. “Āhutiṃ [nāhutiṃ (?)] yiṭṭhukāmohaṃ, brāhmaṇe devasammate;
Na nimantemi rājānaṃ, āhutiṃ me na vijjati.
237. “Na catthi mayhamāvāho, vivāho me na vijjati;
Sakyānaṃ nandijanano, seṭṭho loka sadevake.
238. “Sabbalokahitathāya, sabbasattasukhāvāho;
So me nimantito ajja, tassetam̃ paṭiyādanaṃ.
239. “Timbarūsakavaṇṇābhho, appameyyo anūpamo;
Rūpenāsadiso buddho, svātanāya nimantito.
240. “Ukkāmukhapahaṭṭhova, khadiraṅgārasannibho;
Vijjūpamo mahāvīro, so me buddho nimantito.
241. “Pabbatagge yathā acci, puṇṇamāyeva candimā;
Naḷaggivaṇṇasaṅkāso, so me buddho nimantito.
242. “Asambhīto bhayātīto, bhavantakaraṇo muni;
Sīhūpamo mahāvīro, so me buddho nimantito.
243. “Kusalo buddhadhammehi, apasayho parehi so;
Nāgūpamo mahāvīro, so me buddho nimantito.
244. “Saddhammācārakusalo, buddhanāgo asādiso;
Usabhūpamo mahāvīro, so me buddho nimantito.
245. “Anantavaṇṇo amitayaso, vicittasabbalakkhaṇo;
Sakkūpamo mahāvīro, so me buddho nimantito.
246. “Vasī gaṇī patāpī ca, tejassī ca durāsado;
Brahmūpamo mahāvīro, so me buddho nimantito.

247. “Pattadhammo dasabalo, balātibalapārago;
Dharaṇūpamo mahāvīro, so me buddho nimantito.
248. “Sīlavīcisamākiṇṇo, dhammaviññāṇakhobhito;
Udadhūpamo mahāvīro, so me buddho nimantito.
249. “Durāsado duppasaho, acalo uggato brahā;
Nerūpamo mahāvīro, so me buddho nimantito.
250. “Anantañāṇo asamasamo, atulo aggataṃ gato;
Gaganūpamo mahāvīro, so me buddho nimantito.

Pannarasamaṃ bhāṇavāraṃ.

251. “Patiṭṭhā bhayabhītānaṃ, tāṇo saraṇagāmināṃ;
Assāsako mahāvīro, so me buddho nimantito.
252. “Āsayo buddhimantānaṃ, puññakkhettaṃ sukhesinaṃ;
Ratanākaro mahāvīro, so me buddho nimantito.
253. “Assāsako vedakaro, sāmaññaphaladāyako;
Meghūpamo mahāvīro, so me buddho nimantito.
254. “Lokacakkhu mahātejo, sabbatamavinodano;
Sūriyūpamo mahāvīro, so me buddho nimantito.
255. “Ārammaṇavimuttīsu, sabhāvadassano muni;
Candūpamo mahāvīro, so me buddho nimantito.
256. “Buddho samussito loke, lakkhaṇehi alaṅkato;
Appameyyo mahāvīro, so me buddho nimantito.
257. “Yassa ñāṇaṃ appameyyaṃ, sīlaṃ yassa anūpamaṃ;
Vimutti asadisā yassa, so me buddho nimantito.
258. “Yassa dhīti asadisā, thāmo yassa acintiyō;
Yassa parakkamo jeṭṭho, so me buddho nimantito.
259. “Rāgo doso ca moho ca, visā sabbe samūhatā;
Agadūpamo mahāvīro, so me buddho nimantito.
260. “Klesabyādhibahudukkha sabbatamavinodano [vinodako (sī. syā.)];
Vejjūpamo mahāvīro, so me buddho nimantito.
261. “Buddhoti bho yaṃ vadesi, ghosopeso sudullabho;
Buddho buddhoti sutvāna, pīti me udapajjatha.
262. “Abbhantaraṃ agaṇhantaṃ, pīti me bahi nicchare;
Sohaṃ pītimano santo, idaṃ vacanamabraviṃ.
263. ““Kahaṃ nu kho so bhagavā, lokajeṭṭho narāsabho;
Tattha gantvā namassissaṃ, sāmaññaphaladāyakaṃ’.

264. ““Paggayha dakkhiṇaṃ bāhuṃ, vedaḷāto katañjali;
Ācikkhi me dhammarājaṃ, sokasallavinodanaṃ.
265. ““Udentaṃva mahāmeghaṃ, nīlaṃ añjanasannibhaṃ;
Sāgaraṃ viya dissantaṃ, passasettaṃ mahāvanaṃ.
266. ““Ettha so vasate buddho, adantadamako muni;
Vinayanto ca veneyye, bodhento bodhipakkhiye.
267. ““Pipāsitova udakaṃ, bhojanaṃva jighacchito;
Gāvī yathā vacchagiddhā, evāhaṃ viciniṃ jinaṃ.
268. ““Ācāraupacāraññū, dhammānucchavisaṃvaram;
Sikkhāpemi sake sisse, gacchante jinasantikaṃ.
269. ““Durāsada bhagavanto, sīhāva ekacārino;
Pade padaṃ nikkhipantā, āgaccheyyātha māṇavā.
270. ““Āsīviso yathā ghorō, migarājāva kesarī;
Mattova kuñjaro dantī, evaṃ buddhā durāsada.
271. ““Ukkāsitañca khipitaṃ, ajjupekkhiya māṇavā;
Pade padaṃ nikkhipantā, upetha buddhasantikaṃ.
272. ““Paṭisallānagarukā, appasaddā durāsada;
Durūpasāṅkamā buddhā, garū honti sadevake.
273. ““Yadāhaṃ pañhaṃ pucchāmi, paṭisammodayāmi vā;
Appasaddā tadā hotha, munibhūtāva tiṭṭhatha.
274. ““Yaṃ so deseti sambuddho [saddhammaṃ (sī. syā.)], khemaṃ nibbānapattiyā;
Tamevatthaṃ nisāmetha, saddhammasavanaṃ sukhaṃ’.
275. ““Upasāṅkamma sambuddhaṃ, sammodiṃ muninā ahaṃ;
Taṃ kathaṃ vītisāretvā, lakkhaṇe upadhārayiṃ.
276. ““Lakkhaṇe dve ca kaṅkhāmi, passāmi tiṃsalakkhaṇe;
Kosohitavatthaguyhaṃ, iddhiyā dassayī muni.
277. ““Jivhaṃ ninnāmayitvāna, kaṇṇasote ca nāsike;
Paṭimasi nalāṭantaṃ, kevalaṃ chādayī jino.
278. ““Tassāhaṃ lakkhaṇe disvā, paripuṇṇe sabyañjane;
Buddhoti niṭṭhaṃ gantvāna, saha sissehi pabbajiṃ.
279. ““Satehi tīhi sahito, pabbajiṃ anagāriyaṃ;
Addhamāse asampatte, sabbe pattāṃha nibbutiṃ.
280. ““Ekato kammaṃ katvāna, puññakkhette anuttare;
Ekato saṃsaritvāna, ekato vinivattayūṃ.
281. ““Gopānasiyo datvāna, pūgadhamaṃ vasiṃ ahaṃ;

Tena kamma sukatenā, aṭṭha hetū labhāmaṃ.

282. “Disāsu pūjito homi, bhogā ca amitā mama;
Patitṭhā homi sabbesaṃ, tāso mama na vijjati.
283. “Byādhayo me na vijjanti, dīghāyumaṃ pālayāmi ca;
Sukhumacchaviko homi, āvāse patthite vase [āvāse patte vasse (syā.), āvāseva ṭhite vase (ka.)].
284. “Aṭṭha gopānasī datvā, pūgadhamme vasiṃ ahaṃ;
Paṭisambhidārahattaṅca, etaṃ me aparatṭhamaṃ.
285. “Sabbavositavosāno, katakicco anāsavo;
Aṭṭhagopānasī nāma, tava putto mahāmuni.
286. “Pañca thambhāni datvāna, pūgadhamme vasiṃ ahaṃ;
Tena kamma sukatenā, pañca hetū labhāmaṃ.
287. “Acalo homi mettāya, anūnaṅgo bhavāmaṃ;
Ādeyyavacano homi, na dhamsemi yathā ahaṃ.
288. “Abhantaṃ hoti me cittaṃ, akhilo homi kassaci;
Tena kamma sukatenā, vimalo homi sāsane.
289. “Sagāravo sappatisso, katakicco anāsavo;
Sāvako te mahāvīra, bhikkhu taṃ vandate muni.
290. “Katvā sukataṃ pallaṅkaṃ, sālāyaṃ paññapesahaṃ;
Tena kamma sukatenā, pañca hetū labhāmaṃ.
291. “Ucche kule pajāyitvā, mahābhogo bhavāmaṃ;
Sabbasampattiko homi, maccheraṃ me na vijjati.
292. “Gamane patthite mayhaṃ, pallaṅko upatitṭhati;
Saha pallaṅkaseṭṭhena, gacchāmi mama patthitaṃ.
293. “Tena pallaṅkadānena, tamaṃ sabbaṃ vinodayiṃ;
Sabbābhiññābalappatto, thero [selo (?)] vandati taṃ muni.
294. “Parakiccattakiccāni, sabbakiccāni sādhaṃ;
Tena kamma sukatenā, pāvisiṃ abhayaṃ puraṃ.
295. “Pariniṭṭhitasālamhi, paribhogamadāsahaṃ;
Tena kamma sukatenā, seṭṭhattaṃ ajjhupāgato.
296. “Ye keci damakā loke, hatthiasse damenti ye;
Karitvā kāraṇā nānā, dāruṇena damenti te.
297. “Na hevaṃ tvaṃ mahāvīra, damesi naranāriyo;
Adaṇḍena asatthena, damesi uttame dame.
298. “Dānassa vaṇṇe kittento, desanākusalo muni;

Ekapañhaṃ kathentova, bodhesi tisate muni.

299. “Dantā mayama sārathinā, suvimuttā anāsavā;
Sabbābhiññābalapattā, nibbutā upadhikkhaye.
300. “Satasahassito kappe, yama dānamadadiṃ tadā;
Atikkantā bhayā sabbe, sālādānassidaṃ phalaṃ.
301. “Kilesā jhāpitā mayama...pe... viharāmi anāsavo.
302. “Svāgataṃ vata me āsi...pe... kataṃ buddhassa sāsaṇaṃ.
303. “Paṭisambhidā catasso...pe... kataṃ buddhassa sāsaṇaṃ”.
- Itthaṃ sudaṃ āyasmā selo sapaṛiso bhagavato santike imā gāthāyo abhāsittāti.

Selattherassāpadānaṃ dutiyaṃ.

3. Sabbakittikattheraapadānaṃ

304. “Kaṇikāraṃva jalitaṃ [jotantaṃ (sī.)], dīparukkhaṃva ujjalaṃ [jotitaṃ (syā.)];
Osadhiṃva virocantaṃ, vijjutaṃ gagane yathā.
305. “Asambhītaṃ anuttāsiṃ, migarājaṃva kesariṃ;
Ñāṇālokaṃ pakāsaṇaṃ, maddantaṃ titthiye gaṇe.
306. “Uddharantaṃ imaṃ lokaṃ, chiddantaṃ sabbasaṃsayama;
Gajjantaṃ [asambhītaṃ (syā.), gacchantaṃ (ka.)] migarājaṃva, addasaṃ lokanāyakaṃ.
307. “Jaṭājinadharo āsiṃ, brahā uju patāpavā;
Vākacīraṃ gahetvāna, pādamaṃle apatthariṃ.
308. “Kālānusāriyama gayha, anulimpiṃ tathāgataṃ;
Sambuddhamanulimpetvā, santhaviṃ lokanāyakaṃ.
309. “Samuddharasimaṃ lokaṃ, oghatiṇṇa [oghatiṇṇo (syā. ka.)] mahāmuni;
Ñāṇālokena jotesi, nāvaṭaṃ [pavaraṃ (syā.), vajira (pī.)] ñāṇamuttamaṃ.
310. “Dhammacakkaṃ [tuvaṃ cakkaṃ (ka.)] pavattesi, maddase paratitthiye;
Usabho jītaṃgāmo, sampakampesi medaniṃ.
311. “Mahāsamudde ūmiyo, velantaṃhi pabhijjare;
Tattheva tava ñāṇamaṃhi, sabbadiṭṭhī pabhijjare.
312. “Sukhumacchikajālena, saramhi sampatānite;
Antojālikatā [jālagatā (sī.)] pāṇā, pīlitā honti tāvade.
313. “Tattheva titthiyā loke, puthupāsaṇḍanissitā [mūlhā saccavinissaṭā (syā.), mutṭhasaccavinissaṭā (ka.)];
Antoñāṇavare tuyamaṃ, parivattanti mārisa.
314. “Patitṭhā vuyhataṃ oghe, tvañhi nātho abandhunaṃ;
Bhayaṭṭitānaṃ saraṇaṃ, muttitṭhīnaṃ parāyaṇaṃ.
315. “Ekavīro asadiso, mettākaraṇasaṅcayo [saññuto (syā.)];

Asamo susamo santo [susīlo asamo santo (sī.), paññavā yuttacāgo ca (syā.)], vasī tādī
jitañjayo.

316. “Dhīro vigatasammoho, anejo akathamkathī;
Tusito [vusito (sī.)] vantadososi, nimmalo saṃyato suci.
317. “Saṅgātigo hatamado [gatamado (syā.), tamanudo (ka.)], tevijjo tibhavantago;
Sīmātigo dhammagaru, gatatto hitavabbhuto [hitavappatho (sī. syā.).]
318. “Tārako tvaṃ yathā nāvā, nidhīvassāsakārako;
Asambhīto yathā sīho, gajarājāva dappito.
319. “Thometvā dasagāthāhi, padumuttaraṃ mahāyasaṃ;
Vanditvā satthuno pāde, tuṅhī aṭṭhāsahaṃ tadā.
320. “Padumuttaro lokavidū, āhutīnaṃ paṭiggaho;
Bhikkhusaṅghe ṭhito satthā, imā gāthā abhāsatha.
321. ““Yo me sīlañca ñāṇaṇca, saddhammañcāpi vaṇṇayi [dhammañcāpi pakittayi (sī. syā.)];
Tamaḥaṃ kittayissāmi, suṇātha mama bhāsato.
322. ““Saṭṭhi kappasahassāni, devaloke ramissati;
Aññe devebhibhavitvā, issaraṃ kārayissati.
323. ““So pacchā pabbajitvāna, sukkamūlena codito;
Gotamassa bhagavato, sāsane pabbajissati.
324. ““Pabbajitvāna kāyena, pāpakammaṃ vivajjiya;
Sabbāsava pariññāya, nibbāyissatināsavo’.
325. “Yathāpi meghe thanayaṃ, tappeti mediniṃ imaṃ;
Tatheva tvaṃ mahāvīra, dhammena tappayī mamaṃ.
326. “Sīlaṃ paññañca dhammañca, thavitvā lokanāyakaṃ;
Pattomhi paramaṃ santiṃ, nibbānaṃ padamaccutaṃ.
327. “Aho nūna sa bhagavā, ciraṃ tiṭṭheyya cakkhumā;
Aññātañca vijāneyyumaṃ, phuseyyumaṃ [aññātañcāpi jāneyya, passeyya (ka.)] amataṃ padaṃ.
328. “Ayaṃ me pacchimā jāti, bhavā sabbe samūhatā;
Sabbāsava pariññāya, viharāmi anāsavo.
329. “Satasahassito kappe, yaṃ buddhamabhithomayim
Duggatiṃ nābhijānāmi, kittanāya idaṃ phalaṃ.
330. “Kilesā jhāpitā mayhaṃ, bhavā sabbe samūhatā;
Sabbāsavā parikkhīṇā, natthi dāni punabbhavo.
331. “Svāgataṃ vata me āsī...pe... kataṃ buddhassa sāsanaṃ.
332. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā sabbakittiko thero imā gāthāyo abhāsithāti.

Sabbakittikattherassāpadānaṃ tatiyaṃ.

4. Madhudāyakaṭṭharaapadānaṃ

333. “Sindhuyā nadiyā tīre, sukato assamo mama;
Tattha vācemahaṃ sisse, itihāsaṃ salakkhaṇaṃ.
334. “Dhammakāmā vinītā te, sotukāmā susāsaṇaṃ;
Chalaṅge pāramippattā, sindhukūle vasanti te.
335. “Uppātagamane ceva, lakkhaṇesu ca kovidā;
Uttamatthaṃ gavesantā, vasanti vipine tadā.
336. “Sumedho nāma sambuddho, loke uppajji tāvade;
Amhākaṃ anukampanto, upāgacchi vināyako.
337. “Upāgataṃ mahāvīraṃ, sumedhaṃ lokanāyakaṃ;
Tiṇasanthāraṃ katvā, lokajeṭṭhassadāsahaṃ.
338. “Vipināto madhuṃ gayha, buddhaseṭṭhassadāsahaṃ;
Sambuddho paribhuñjitvā, idaṃ vacanamabravi.
339. “Yo taṃ adāsi madhuṃ me, pasanno sehi pāṇibhi;
Tamaḥaṃ kittayissāmi, suṇātha mama bhāsato.
340. “Iminā madhudānena, tiṇasanthārakena ca;
Tiṃsa kappasahassāni, devaloke ramissati.
341. “Tiṃsa kappasahassamhi, okkākakulasambhavo;
Gotamo nāma gottena, sathā loke bhavissati.
342. “Tassa dhammesu dāyādo, oraso dhammanimmitto;
Sabbāsava pariññāya, nibbāyissatināsavo.
343. “Devalokā idhāgantvā, mātukucchiṃ upāgate;
Madhuvassaṃ pavassittha, chādayaṃ madhunā mahiṃ’.
344. “Mayi nikkhantamattamhi, kucchiyā ca suduttarā;
Tatrāpi madhuvassaṃ me, vassate niccakālikaṃ.
345. “Agārā abhinikkhamma, pabbajiṃ anagāriyaṃ;
Lābhī annassa pānassa, madhudānassidaṃ phalaṃ.
346. “Sabbakāmasamiddhohaṃ, bhavitvā devamānuse;
Teneva madhudānena, pattomhi āsavakkhayaṃ.
347. “Vuṭṭhamhi deve caturaṅgule tiṇe, sampupphite [[supupphite \(syā.\)](#)] dharaṇīruhe sañchanne
[\[vappadese \(syā.\)\]](#);
Suññe ghare maṇḍaparukkhamūlake, vasāmi niccaṃ sukhito anāsavo.
348. “Majjhe mahante hīne ca [[majjhe mayhaṃ bhavā assu \(syā. pī. ka.\)](#)], bhava sabbe atikkamiṃ
[\[ye bhava samatikkamiṃ \(syā. ka.\), yo bhavesu pakittayi \(ka.\)\]](#);

Ajja me āsavā khīṇā, natthi dāni punabbhavo.

349. “Timsakappasahassamhi, yaṃ dānamadadiṃ tadā;
Duggatiṃ nābhijānāmi, madhudānassidaṃ phalaṃ.

350. “Kilesā jhāpitā mayhaṃ, bhavā sabbe samūhatā;
Sabbāsavā parikkhīṇā, natthi dāni punabbhavo.

351. “Svāgataṃ vata me āsi...pe... kataṃ buddhassa sāsanaṃ.

352. “Paṭisambhidā catasso...pe... kataṃ buddhassa sāsanaṃ”.

Itthaṃ sudam āyasmā madhudāyako thero imā gāthāyo abhāsithāti.

Madhudāyakattherassāpadānaṃ catutthaṃ.

5. Padumakūṭāgāriyattheraapadānaṃ

353. “Piyadassī nāma bhagavā, sayambhū lokanāyako;
Vivekakāmo sambuddho, samādhikusalo muni.

354. “Vanasaṇḍaṃ samogayha, piyadassī mahāmuni;
Paṃsukūlaṃ pattharivā, nisīdi purisuttamo.

355. “Migaluddo pure āsiṃ, araṇṇe [vipine (sī.), irine (syā. ka.)] kānane ahaṃ;
Pasadaṃ migamesanto, āhiṇḍāmi ahaṃ tadā.

356. “Tatthaddasāsiṃ sambuddhaṃ, oghatiṇṇamanāsavaṃ;
Pupphitaṃ sālārājaṃva, sataraṃsiṃva uggataṃ.

357. “Disvānaḥaṃ devadevaṃ, piyadassiṃ mahāyasaṃ;
Jātassaraṃ samogayha, padumaṃ āharim tadā.

358. “Āharitvāna padumaṃ, satapattaṃ manoramaṃ;
Kūṭāgāraṃ karitvāna, chādayiṃ padumenaḥaṃ.

359. “Anukampako kāruṇiko, piyadassī mahāmuni;
Sattarattindivaṃ buddho, kūṭāgāre vasī jino.

360. “Purāṇaṃ chaḍḍayitvāna, navena chādayiṃ ahaṃ;
Añjaliṃ paggahetvāna, aṭṭhāsiṃ tāvade ahaṃ.

361. “Vuṭṭhahitvā samādhimhā, piyadassī mahāmuni;
Disaṃ anuvilokento, nisīdi lokanāyako.

362. “Tadā sudassano nāma, upaṭṭhāko mahiddhiko;
Cittamaññāya buddhassa, piyadassissa satthuno.

363. “Asītiyā sahassehi, bhikkhūhi parivārito;
Vanante sukhamāsīnaṃ, upesi lokanāyakaṃ.

364. “Yāvata vanasaṇḍamhi, adhivatthā ca devatā;
Buddhassa cittamaññāya, sabbe sannipatuṃ tadā.

365. “Samāgatesu yakkhesu, kumbhaṇḍe saharakkhase;
Bhikkhusaṅghe ca sampatte, gāthā pabyāharī [sabyāharī (syā.), mābyāharī (sī.)] jino.
366. “Yo maṃ sattāhaṃ pūjesi, āvāsaṅca akāsi me;
Tamaḥaṃ kittayissāmi, suṇātha mama bhāsato.
367. “Sududdasaṃ sunipuṇaṃ, gambhīraṃ suppakāsitaṃ;
Ñāṇena kittayissāmi, suṇātha mama bhāsato.
368. “Catuddasāni kappāni, devarajjaṃ karissati;
Kūṭāgāraṃ mahantassa [brahaṃ tassa (sī. syā.)], padmapupphehi chāditaṃ.
369. “Ākāse dhārayissati, pupphakammassidaṃ [pubbakammassidaṃ (syā.)] phalaṃ;
Catubbise [catuddase (syā.)] kappasate, vokiṇṇaṃ saṃsarissati.
370. “Tattha pupphamayaṃ byamaṃ, ākāse dhārayissati;
Yathā padumapattamhi, toyamaṃ na upalimpati.
371. “Tathevīmassa ñāṇamhi, kilesā nopalimpare;
Manasā vinivaṭṭetvā, pañca nīvaraṇe ayaṃ.
372. “Cittaṃ janetvā nekkhamme, agārā pabbajissati;
Tato pupphamaye byamhe, dhārente [pupphamayaṃ byamaṃ, dhārentaṃ (syā. ka.)] nikkhamissati.
373. “Rukkhamūle vasantassa, nipakassa satīmato;
Tattha pupphamayaṃ byamaṃ, matthake dhārayissati.
374. “Cīvaraṃ piṇḍapātaṅca, paccayaṃ sayanāsaṇaṃ;
Datvāna bhikkhusaṅghassa, nibbāyissatināsavo’.
375. “Kūṭāgārena caratā [caraṇā (sī. pī. ka.), carite (syā.)], pabbajjaṃ abhinikkhamiṃ;
Rukkhamūle vasantampi [vasantamhi (sī.), vasatopi (?)], kūṭāgāraṃ dharīyati.
376. “Cīvare piṇḍapāte ca, cetanā me na vijjati;
Puññakammena saṃyutto, labhāmi pariniṭṭhitaṃ.
377. “Gaṇanāto asaṅkheyyā, kappakoṭī bahū mama;
Rittakā te atikkantā, pamuttā lokanāyakā.
378. “Aṭṭhārase kappasate, piyadassī vināyako;
Tamaḥaṃ payirupāsivā, imaṃ yoniṃ upāgato.
379. “Idha passāmi [idhaddasāsiṃ (sī.)] sambuddhaṃ, anomaṃ nāma cakkhumaṃ;
Tamaḥaṃ upagantvāna, pabbajiṃ anagāriyaṃ.
380. “Dukkhasantakaro buddho, maggaṃ me desayī jino;
Tassa dhammaṃ suṇitvāna, pattomhi acalaṃ padaṃ.
381. “Tosayitvāna sambuddhaṃ, gotamaṃ sakyapuṅgavaṃ;
Sabbāsava pariññāya, viharāmi anāsavo.

382. “Aṭṭhārase kappasate, yaṃ buddhamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
383. “Kilesā jhāpitā mayhaṃ, bhavā sabbe samūhatā;
Sabbāsavā parikkhīṇā, natthi dāni punabbhavo.
384. “Svāgataṃ vata me āsi...pe... kataṃ buddhassa sāsanaṃ.
385. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā padumakūṭāgāriyo thero imā gāthāyo abhāsithāti.

Padumakūṭāgāriyattherassāpadānaṃ pañcamaṃ.

6. Bākulattheraapadānaṃ

386. “Himavantassāvidūre, sobhito nāma pabbato;
Assamo sukato mayhaṃ, sakasissehi māpito.
387. “Maṇḍapā ca bahū tattha, pupphitā sinduvārakā;
Kapitthā ca bahū tattha, pupphitā jīvajīvakā [campakā nāgaketakā (syā.)].
388. “Nigguṇḍiyo bahū tattha, badarāmalakāni ca;
Phārusakā alābū ca, puṇḍarīkā ca pupphitā.
389. “Ālakā [aḷakkā (syā.)] beluvā tattha, kadālī mātulungakā;
Mahānāmā bahū tattha, ajjunā ca piyaṅgukā.
390. “Kosambā saḷalā nimbā [nīpā (sī.)], nigrodhā ca kapitthanā;
Ediso assamo mayhaṃ, sasissohaṃ tahiṃ vasim.
391. “Anomadassī bhagavā, sayambhū lokanāyako;
Gavesaṃ paṭisallānaṃ, mamassamamupāgami.
392. “Upetamhi mahāvīre, anomadassimahāyase;
Khaṇena lokanāthassa, vātābādho samuṭṭhahi.
393. “Vicaranto araṇṇamhi, addasaṃ lokanāyakaṃ;
Upagantvāna sambuddhaṃ, cakkhumantaṃ mahāyasaṃ.
394. “Iriyañcāpi disvāna, upalakkhesahaṃ tadā;
Asaṃsayañhi buddhassa, byādhi no udapajjatha.
395. “Khippaṃ assamamāgañchiṃ, mama sissāna santike;
Bhesajjaṃ kattukāmohaṃ, sisse āmantayiṃ tadā.
396. “Paṭissuṇitvāna me vākyam, sissā sabbe sagāravā;
Ekajjhaṃ sannipatiṃsu, satthugāravatā mama.
397. “Khippaṃ pabbatamāruya, sabbosadhamahāsahaṃ [makāsahaṃ (syā. ka.)];
Pānīyayogaṃ [pānīyayoggaṃ (sī.)] katvāna, buddhaseṭṭhassadāsahaṃ.
398. “Paribhutte mahāvīre, sabbaññulokanāyake;
Khippaṃ vāto vūpasami, sugatassa mahesino.

399. “Passaddhaṃ darathaṃ disvā, anomadassī mahāyaso;
Sakāsane nisīditvā, imā gāthā abhāsatha.
400. ““Yo me pādāsi bhesajjaṃ, byādhiṅca samayī mama;
Tamahaṃ kittayissāmi, suṇātha mama bhāsato.
401. ““Kappasatasahassāni, devaloke ramissati;
Vādite tūriye tattha, modissati sadā ayaṃ.
402. ““Manussalokamāgantvā, sukkamūlena codito;
Sahassakkhattuṃ rājā ca, cakkavattī bhavissati.
403. ““Pañcapaññāsakappamhi, anomo nāma khattiyo;
Cāturanto vijitāvī, jambumaṇḍassa [[jambudīpassa \(syā.\)](#)] issaro.
404. ““Sattaratanasampanno, cakkavattī mahabbalo;
Tāvatiṃsepi khobhetvā, issaraṃ kārayissati.
405. ““Devabhūto manusso vā, appābādho bhavissati;
Pariggahaṃ vivajjetvā, byādhiṃ loke tarissati.
406. ““Apparimeyye ito kappe, okkākulasambhavo;
Gotamo nāma gottena, satthā loke bhavissati.
407. ““Tassa dhammesu dāyādo, oraso dhammanimmito;
Sabbāsave pariññāya, nibbāyissatināsavo.
408. ““Kilese jhāpayitvāna, taṇhāsotaṃ tarissati;
Bākulo [[bakkulo \(sī. syā.\)](#)] nāma nāmena, hessati satthu sāvako.
409. ““Idaṃ sabbhaṃ abhiññāya, gotamo sakyapuṅgavo;
Bhikkhusaṅghe nisīditvā, etadagge ṭhapessati’.
410. ““Anomadassī bhagavā, sayambhū lokanāyako;
Vivekānuvilokento, mamassamamupāgami.
411. ““Upāgataṃ mahāvīraṃ, sabbaññaṃ lokanāyakaṃ;
Sabbosadhena tappesiṃ, pasanno sehi paṇibhi.
412. ““Tassa me sukataṃ kammaṃ, sukhetta bījasampadā;
Khepetuṃ neva sakkomi, tadā hi sukataṃ mama.
413. ““Lābhā mama suladdhaṃ me, yohaṃ addakkhi nāyakaṃ;
Tena kammāvasesena, pattomhi acalaṃ padaṃ.
414. ““Sabbametaṃ abhiññāya, gotamo sakyapuṅgavo;
Bhikkhusaṅghe nisīditvā, etadagge ṭhapesi maṃ.
415. ““Aparimeyye ito kappe, yaṃ kammamakariṃ tadā;
Duggatiṃ nābhijānāmi, bhesajjassa idaṃ phalaṃ.
416. ““Kilesā jhāpitā mayhaṃ, bhavā sabbe samūhatā;

Sabbāsavā parikkhīṇā, natthi dāni punabbhavo.

417. “Svāgataṃ vata me āsi...pe... kataṃ buddhassa sāsanaṃ.

418. “Paṭisambhidā catasso...pe... kataṃ buddhassa sāsanaṃ”.

Itthaṃ sudaṃ āyasmā bākulo [bakkulo (sī. syā.)] therō imā gāthāyo abhāsithāti;

Bākulattherassāpadānaṃ chaṭṭhaṃ.

7. Girimānandattheraapadānaṃ

419. “Bhariyā me kālaṅkatā, putto sīvathikaṃ gato;

Mātā pitā matā bhātā, ekacitamhi [mātā pitā ca bhātā ca, ekacitakamhi (sī. syā.)] ḍayhare.

420. “Tena sokena santatto, kiso paṇḍu ahosahaṃ;

Cittakkhepo ca me āsi, tena sokena aṭṭito.

421. “Sokasallaparetohaṃ, vanantamupasaṅkamim;

Pavattaphalaṃ bhuñjitvā, rukkkhamūle vasāmahaṃ.

422. “Sumedho nāma sambuddho, dukkhassantakaro jino;

Mamuddharitukāmo so, āgañchi mama santikaṃ.

423. “Padasaddaṃ suṇitvāna, sumedhassa mahesino;

Paggahetvānaṃ sīsaṃ, ullokesiṃ mahāmuniṃ.

424. “Upāgate mahāvīre, pīti me udapajjatha;

Tadāsimekaggamano, disvā taṃ lokanāyakaṃ.

425. “Satiṃ paṭilabhitvāna, paṇṇamuṭṭhimadāsahaṃ;

Nisīdi bhagavā tattha, anukampāya cakkhumā.

426. “Nisajja tattha bhagavā, sumedho lokanāyako;

Dhammaṃ me kathayī buddho, sokasallavinodanaṃ.

427. “Anavhitā tato āguṃ, ananuññātā ito gatā;

Yathāgatā tathā gatā, tattha kā paridevanā.

428. “Yathāpi pathikā sattā, vassamānāya vuṭṭhiyā;

Sabhaṇḍā upagacchanti, vassassāpatanāya te.

429. “Vasse ca te oramite, sampayanti yadicchakaṃ;

Evam mātā pitā tuyhaṃ, tattha kā paridevanā.

430. “Āgantukā pāhunakā, caliteritakampitā;

Evam mātā pitā tuyhaṃ, tattha kā paridevanā.

431. “Yathāpi urago jiṇṇaṃ, hitvā gacchati saṃ tacam [saṃtanuṃ (syā. ka.)];

Evam mātā pitā tuyhaṃ, saṃ tanuṃ idha hīyare’.

432. “Buddhassa giramaññāya, sokasallaṃ vivajjayim;

Pāmojjaṃ janayitvāna, buddhaseṭṭhaṃ avandahaṃ.

433. “Vanditvāna mahānāgaṃ, pūjayiṃ girimañjarim [girimañjarimapūjayiṃ (sī. syā.)];
Dibbagandhaṃ sampavantaṃ [dibbagandhena sampannaṃ (sī. syā.)], sumedhaṃ
lokanāyakaṃ.
434. “Pūjayitvāna sambuddhaṃ, sire katvāna añjaliṃ;
Anussaraṃ guṇaggāni, santhaviṃ lokanāyakaṃ.
435. “Nittiṇṇosi [nittaṇṇosi (sī.), vittiṇṇosi (syā.)] mahāvīra, sabbaññu lokanāyaka;
Sabbe satte uddharasi, ñāṇena tvaṃ mahāmune.
436. “Vimatiṃ dveḷhakaṃ vāpi, sañchindasi mahāmune;
Paṭipādesi me maggaṃ, tava ñāṇena cakkhuma.
437. “Arahā vasipattā [sidhdipattā (sī. syā.)] ca, chaḷabhiññā mahiddhikā;
Antalikkhacarā dhīrā, parivārenti tāvade.
438. “Paṭipannā ca sekhā ca, phalaṭṭhā santi sāvakā;
Sūrodayeva padumā, pupphanti tava sāvakā.
439. “Mahāsamuddovakkhobho, atulopi [yathā samuddo akkhobho, atulo ca (sī.)] duruttaro;
Evaṃ ñāṇena sampanno, appameyyosi cakkhuma.
440. “Vanditvāhaṃ lokajinaṃ, cakkhumantaṃ mahāyasaṃ;
Puthu disā namassanto, paṭikuṭiko agañchahaṃ.
441. “Devalokā cavitvāna, sampajāno patissato;
Okkamiṃ mātuyā kucchiṃ, sandhāvanto bhavābhava.
442. “Agārā abhinikkhamma, pabbajiṃ anagāriyaṃ;
Ātāpī nipako jhāyī, paṭisallānagocaro.
443. “Padhānaṃ padahitvāna, tosayitvā mahāmuniṃ;
Candovabbhaghānaṃ mutto, vicarāmi ahaṃ sadā.
444. “Vivekamanuyuttomhi, upasanto nirūpadhi;
Sabbāsava pariññāya, viharāmi anāsavo.
445. “Tiṃsakappasahassamhi, yaṃ buddhamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.
446. “Kilesā jhāpitā mayhaṃ, bhavā sabbe samūhatā;
Sabbāsavā parikkhīṇā, natthi dāni punabbhavo.
447. “Svāgataṃ vata me āsi...pe... kataṃ buddhassa sāsaṇaṃ.
448. “Paṭisambhidā catasso...pe... kataṃ buddhassa sāsaṇaṃ”.
- Itthaṃ sudama āyasmā girimānando thero imā gāthāyo abhāsittāti.

Girimānandattherassāpadānaṃ sattamaṃ.

8. Saḷalamaṇḍapiyattheraapadānaṃ

449. “Nibbute kakusandhamhi, brāhmaṇamhi vusīmati;

Gahetvā saḷamaṃ mālaṃ, maṇḍapaṃ kārāyīṃ ahaṃ.

450. “Tāvatiṃsagato santo, labhāmi byamhamuttamaṃ;
Aññe devetirocāmi, puññakammassidaṃ phalaṃ.
451. “Divā vā yadi vā rattīṃ, caṅkamanto t̥hito cahaṃ;
Channo saḷalapupphehi, puññakammassidaṃ phalaṃ.
452. “Imasmiṃyeva kappamhi, yaṃ buddhamabhipūjayīṃ;
Duggatīṃ nābhijānāmi, buddhapūjāyidaṃ phalaṃ.
453. “Kilesā jhāpitā mayhaṃ...pe... viharāmi anāsavo.
454. “Svāgataṃ vata me āsi...pe... kataṃ buddhassa sāsanaṃ.
455. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā saḷalamaṇḍapiyo thero imā gāthāyo abhāsittāti.

Saḷalamaṇḍapiyattherassāpadānaṃ aṭṭhamaṃ.

9. Sabbadāyakaṭṭheraapadānaṃ

456. “Mahāsamuddaṃ ogayha, bhavanaṃ me sunimmitaṃ;
Sunimmitā pokkharāṇī, cakkavākapakūjitā.
457. “Mandālakehi sañchannā, padumuppalakehi ca;
Nadī ca sandate tattha, supatitthā manoramā.
458. “Macchakacchapasañchannā, nānādijasamotthātā;
Mayūraḥkoṇḍābhīrudā, kokilādīhi vaggūhi.
459. “Pārevatā ravihaṃsā ca, cakkavākā nadīcarā;
Dindibhā sāḷikā cettha, pammakā [pampakā (sī.), cappakā (syā.)] jīvajīvākā.
460. “Haṃsā koṇḍāpi naditā [koṇḍābhīnaditā (sī. syā.)], kosiya piṅgalā bahū;
Sattaratanasampannā, maṇimuttikavālūkā.
461. “Sabbasoṇṇamayā rukkhā, nānāgandhasameritā;
Ujjotenti divārattīṃ, bhavanaṃ sabbakālikāṃ.
462. “Saṭṭhi tūriyasahassāni, sāyaṃ pāto pavajjare;
Soḷasitthisahassāni, parivāreṭṭi maṃ sadā.
463. “Abhinikkhamma bhavanā, sumedhaṃ lokanāyakaṃ;
Pasannacitto sumano, vandayīṃ taṃ mahāyasaṃ.
464. “Sambuddhaṃ abhivādetvā, sasaṅghaṃ taṃ nimantayīṃ;
Adhivāsesi so dhīro, sumedho lokanāyako.
465. “Mama dhammakathaṃ katvā, uyyojesi mahāmuni;
Sambuddhaṃ abhivādetvā, bhavanaṃ me upāgamiṃ.
466. “Āmantayīṃ parijanaṃ, sabbe sannipatātha [sannipatattha (ka.)] vo;
Pubbaṇhasamayaṃ buddho, bhavanaṃ āgamissati.

467. “Lābhā amhaṃ suladdhaṃ no, ye vasāma tavantike;
Mayampi buddhaseṭṭhassa, pūjaṃ kassāma satthuno.
468. “Annapanam paṭṭhapetvā, kālam ārocayim aham;
Vasīsatasahasseehi, upesi lokanāyako.
469. “Pañcaṅgikehi tūriyehi, paccuggamanamakāsaham;
Sabbasoṇṇamaye pīthe, nisīdi purisuttamo.
470. “Uparicchadanaṃ āsi, sabbasoṇṇamayaṃ tadā;
Bījaniyo pavāyanti, bhikkhusaṅghassa antare.
471. “Pahūtenannapānena, bhikkhusaṅghamatappayim;
Paccekadussayugaḷe, bhikkhusaṅghassadāsaham.
472. “Yaṃ vadanti sumedhoti, lokāhutipaṭiggahaṃ;
Bhikkhusaṅghe nisīditvā, imā gāthā abhāsatha.
473. “Yo me annena pānena, sabbe ime ca tappayim;
Tamaḥam kittayissāmi, suṇātha mama bhāsato.
474. “Aṭṭhārase kappasate, devaloke ramissati;
Sahassakkhattuṃ rājā ca, cakkavattī bhavissati.
475. “Uppajjati [\[upagacchati \(sī.\)\]](#) yaṃ yoniṃ, devattaṃ atha mānusam;
Sabbadā sabbasoṇṇam, chadanaṃ dhārayissati.
476. “Tiṃsakappasahassamhi, okkākusalasambhavo;
Gotamo nāma gottena, satthā loke bhavissati.
477. “Tassa dhammesu dāyādo, oraso dhammanimmito;
Sabbāsava pariññāya, nibbāyissatināsavo.
478. “‘Bhikkhusaṅghe nisīditvā, sīhanādaṃ nadissati;
Citake chattaṃ dhārenti, heṭṭhā chattaṃhi ḍayhatha’.
479. “Sāmaññaṃ me anuppattaṃ, kilesā jhāpitā mayā;
Maṇḍape rukkhāmūle vā, santāpo me na vijjati.
480. “Tiṃsakappasahassamhi, yaṃ dānamadadiṃ tadā;
Duggatiṃ nābhijānāmi, sabbadānassidaṃ phalaṃ.
481. “Kilesā jhāpitā mayhaṃ...pe... viharāmi anāsavo.
482. “Svāgataṃ vata me āsi...pe... kataṃ buddhassa sāsanam.
483. “Paṭisambhidā catasso...pe... kataṃ buddhassa sāsanam’.
- Itthaṃ sudam āyasmā sabbadāyako therō imā gāthāyo abhāsithāti.

Sabbadāyakattherassāpadānaṃ navamaṃ.

10. Ajitattheraapadānaṃ

484. “Padumuttaro nāma jino, sabbadhammāna pārāgū;

Ajjhogāhetvā himavantam, nisīdi lokanāyako.

485. “Nāham addakkhiṃ [passāmi (?)] sambuddham, napi saddam suṇomaham;
Mama bhakkham gavesanto, āhiṇḍāmi vane aham [tadā (sī.)].
486. “Tatthaddassāsiṃ sambuddham, dvattimsavaralakkhaṇam;
Disvāna vittimāpajjiṃ [cittamāpajji (sī.), cittamāpajjiṃ (syā.)], satto ko nāmayam bhava.
487. “Lakkhaṇāni viloketvā, mama vijjam anussariṃ;
Sutañhi metam vuḍḍhānam, paṇḍitānam subhāsitaṃ.
488. “Tesaṃ yathā taṃ vacanam, ayaṃ buddho bhavissati;
Yaṃnūnāham sakkareyyam, gatiṃ me sodhayissati.
489. “Khippam assamamāgantvā, madhutelaṃ gahiṃ aham;
Kolambakam gahetvāna, upagacchiṃ vināyakam [narāsabham (sī.)].
490. “Tidaṇḍake gahetvāna, abbhokāse ṭhapesaham;
Padīpaṃ pajjalitvāna, aṭṭhakkhattuṃ avandaham.
491. “Sattarattindivam buddho, nisīdi purisuttamo;
Tato ratyā vivasāne, vuṭṭhāsi lokanāyako.
492. “Pasannacitto sumano, sabbarattindivam aham;
Dīpaṃ buddhassa pādāsiṃ, pasanno sehi pāṇibhi.
493. “Sabbe vanā gandhamayā, pabbate gandhamādane;
Buddhassa ānubhāvena, āgacchum buddhasantikaṃ [upagacchum tadā jinaṃ (sī.)].
494. “Ye keci pupphagandhāse, pupphitā dharaṇīruhā;
Buddhassa ānubhāvena, sabbe sannipatuṃ tadā.
495. “Yāvata himavantamhi, nāgā ca garuḷā ubho;
Dhammañca sotukāmā te, āgacchum buddhasantikaṃ.
496. “Devalo nāma samaṇo, buddhassa aggasāvako;
Vasīsatasaḥassehi, buddhasantikupāgami.
497. “Padumuttaro lokavidū, āhutīnam paṭiggaho;
Bhikkhusaṅghe nisīditvā, imā gāthā abhāsatha.
498. “Yo me dīpaṃ padīpesi, pasanno sehi pāṇibhi;
Tamaḥam kittayissāmi, suṇātha mama bhāsato.
499. “Saṭṭhi kappasahassāni, devaloke ramissati;
Sahasakkhattuṃ rājā ca, cakkavattī bhavissati.

Soḷasamaṃ bhāṇavāraṃ.

500. “Chattisakkhattuṃ devindo, devarajjam karissati;
Pathaviyam sattasataṃ, vipulam rajjam karissati.

501. ““Padesarajjaṃ vipulaṃ, gaṇanāto asaṅkhiyaṃ;
Iminā dīpadānena, dibbacakkhu bhavissati.
502. ““Samantato aṭṭhakosaṃ [aḍḍhakosaṃ (sī. syā.)], passissati ayaṃ sadā;
Devalokā cavantassa, nibbattantassa jantuno.
503. ““Divā vā yadi vā rattim, padīpaṃ dhārayissati;
Jāyamānassa sattassa, puñṇakammasamaṅgino.
504. ““Yāvātā nagaraṃ āsi, tāvatā jotayissati;
Upapajjati yaṃ yoniṃ, devattaṃ atha mānusaṃ.
505. ““Asseva dīpadānassa, [aṭṭhadīpaphalena hi; upaṭṭhissantimaṃ jantuṃ (syā.), aṭṭha dīpā
phalena hi; na jahissanti’maṃ jantuṃ (?)] aṭṭhadīpaphalena hi;
Na jayissantimaṃ jantū [aṭṭhadīpaphalena hi; upaṭṭhissantimaṃ jantuṃ (syā.), aṭṭha dīpā
phalena hi; na jahissanti’maṃ jantuṃ (?)], dīpadānassidaṃ phalaṃ.
506. ““Kappasatasahassamhi, okkākakulasambhavo;
Gotamo nāma gottena, sathā loke bhavissati.
507. ““Tassa dhammesu dāyādo, oraso dhammanimmito;
Sabbāsava pariññāya, nibbāyissatināsavo.
508. ““Tosayitvāna sambuddhaṃ, gotamaṃ sakyapuṅgavaṃ;
Ajito nāma nāmena, hessati satthu sāvako’.
509. ““Saṭṭhi kappasahassāni, devaloke ramiṃ ahaṃ;
Tatrāpi me dīpasataṃ, jotate niccakālikaṃ [sabbakālikaṃ (sī.)].
510. ““Devaloke manusse vā, niddhāvanti pabhā mama;
Buddhaseṭṭhaṃ saritvāna, bhiyyo hāsaṃ janesahaṃ.
511. ““Tusitāhaṃ cavitvāna, okkamiṃ mātukucchiyaṃ;
Jāyamānassa santassa, āloko vipulo ahu.
512. ““Agārā abhinikkhamma, pabbajiṃ anagāriyaṃ;
Bāvāriṃ upasaṅkamma, sissattaṃ ajjhupāgamiṃ.
513. ““Himavante vasantohaṃ, assosiṃ lokanāyakaṃ;
Uttamatthaṃ gavesanto, upagacchiṃ vināyakaṃ.
514. ““Danto buddho dametāvī, oghatiṇṇo nirūpadhi;
Nibbānaṃ kathayī buddho, sabbadukkhappamocanaṃ.
515. ““Taṃ me āgamaṃ siddhaṃ, tositoṃ mahāmuniṃ;
Tisso vijjā anuppattā, kataṃ buddhassa sāsanaṃ.
516. ““Satasahassito kappe, yaṃ dīpamadadiṃ tadā;
Duggatiṃ nābhijānāmi, dīpadānassidaṃ phalaṃ.
517. ““Kilesā jhāpitā mayhaṃ...pe... viharāmi anāsavo.
518. ““Svāgataṃ vata me āsi...pe... kataṃ buddhassa sāsanaṃ.

519. “Paṭisambhidā catasso...pe... kataṃ buddhassa sāsanaṃ”.
Itthaṃ sudamañ āyasmā ajito thero imā gāthāyo abhāsittḥāti.

Ajitattherassāpadānaṃ dasamaṃ.

Pilindavacchavaggo cattālīsamo.

Tassuddānaṃ –

Pilindavaccho selo ca, sabbakittī madhumdado;
Kūṭāgārī bākulo ca, giri saḷalasaṅgho.

Sabbado ajito ceva, gāthāyo gaṇitā iha;
Satāni pañca gāthānaṃ, vīsati ca taduttarīti.

Atha vagguddānaṃ –

Padumārakkhaddo ceva, umā gandhodakena ca;
Ekapadma saddasaññī, mandāraṃ bodhivandako.

Avatañca pilindi [evameva dissati] ca, gāthāyo gaṇitā iha;
Catusattati gāthāyo, ekādasa satāni ca.

Padumavaggadasakaṃ.

Catutthasatakaṃ samattaṃ.

41. Metteyyavaggo

1. Tissametteyyattheraapadānaṃ

1. “Pabbhārakūṭaṃ nissāya, sobhito nāma tāpaso;
Pavattaphalaṃ bhujjivā, vasati pabbatantare.
2. “Aggiṃ dāruṃ āharitvā, ujjālesim ahaṃ tadā;
Uttamatthaṃ gavesanto, brahmalokūpapattiyā.
3. “Padumuttaro lokavidū, āhutīnaṃ paṭiggaho;
Mamuddharitukāmo so, āgacchi mama santike.
4. “Kiṃ karosi mahāpuñña, dehi me aggidārukaṃ;
Ahamaggiṃ paricare, tato me suddhi hohiti [hehiti (sī.).]
5. “Subhaddako tvaṃ manuje, devate tvaṃ pajānasi;
Tvaṃ aggim paricara, handa te aggidārukaṃ.
6. “Tato kaṭṭhaṃ gahetvāna, aggim ujjālayī jino;
Na tatha kaṭṭhaṃ pajjhāyi, pāṭiheraṃ mahesino.
7. “Na te aggi pajjalati, āhutī te na vijjati;

Niratthakaṃ vataṃ tuyhaṃ, aggiṃ paricarassu me.

8. “Kīdiso so [te (syā. ka.)] mahāvīra, aggi tava pavuccati;
Mayhampi kathayassetāṃ, ubho paricarāmase.
9. “Hetudhammanirodhāya, kilesasamaṇāya ca;
Issāmacchariyaṃ hitvā, tayo ete mamāhuti.
10. “Kīdiso tvaṃ mahāvīra, kathaṃ gottosi mārisa;
Ācārapaṭipatti te, bālhaṃ kho mama rucati.
11. “Khattiyamhi kule jāto, abhiññāpāramiṃ gato;
Sabbāsavaparikkhīṇo, natthi dāni punabbhavo.
12. “Yadi buddhosi sabbaññū, pabhaṅkara tamonuda;
Namassissāmi taṃ deva, dukkhassantakaro tvaṃ.
13. “Pattharivājinacammaṃ, nisīdanamadāsahaṃ;
Nisīda nātha sabbaññu, upaṭṭhissāmahaṃ tvaṃ.
14. “Nisīdi bhagavā tattha, ajinamhi suvitthate;
Nimantayitvā sambuddhaṃ, pabbataṃ agamāsahaṃ.
15. “Khāribhāraṅca pūretvā, tindukaphalamāhariṃ;
Madhunā yojayitvāna, phalaṃ buddhassadāsahaṃ.
16. “Mama nijjhāyamānassa, paribhuñji tadā jino;
Tattha cittaṃ pasādesiṃ, pekkhanto lokanāyakaṃ.
17. “Padumuttaro lokavidū, āhutiṇaṃ paṭiggaho;
Mamassame nisīditvā, imā gāthā abhāsatha.
18. “Yo maṃ phalena tappesi, pasanno sehi pāṇibhi;
Tamahaṃ kittayissāmi, suṇātha mama bhāsato.
19. “Pañcavīsaticcattvaṃ so, devarajjaṃ karissati;
Sahassakkhattvaṃ rājā ca, cakkavattī bhavissati.
20. “Tassa saṅkappamaññāya, pubbakammasamaṅgino;
Annaṃ pānaṅca vatthaṅca, sayanaṅca mahārahaṃ.
21. “Puññakammaena saṃyuttā, nibbattissanti tāvade;
Sadā pamudito cāyaṃ, bhavissati anāmāyo.
22. “Upapajjati yaṃ yoniṃ, devattaṃ atha mānusaṃ;
Sabbattha sukhito hutvā, manussattaṃ gamissati.
23. “Ajjhāyako mantadharo, tiṇṇaṃ vedāna pāragū;
Sambuddhaṃ upagantvāna, arahā so bhavissati’.
24. “Yato sarāmi attānaṃ, yato pattosmi viññutaṃ;
Bhoge me ūnatā natthi, phaladānassidaṃ phalaṃ.

25. “Varadhammamanuppatto, rāgadose samūhaniṃ;
Sabbāsavaparikkhīṇo, natthi dāni punabbhavo.
26. “Kilesā jhāpitā mayhaṃ, bhavā sabbe samūhatā;
Nāgo va bandhanaṃ chetvā, viharāmi anāsavo.
27. “Svāgataṃ vata me āsi, mama buddhassa santike;
Tisso vijjā anuppattā, kataṃ buddhassa sāsanaṃ.
28. “Paṭisambhidā catasso, vimokkhāpi ca aṭṭhime;
Chaḷabhiññā sacchikatā, kataṃ buddhassa sāsanaṃ”.

Itthaṃ sudaṃ āyasmā tissametteyyo thero imā gāthāyo abhāsithāti.

Tissametteyyattherassāpadānaṃ paṭhamam.

2. Puṇṇakattheraapadānaṃ

29. “Pabbhārakūṭaṃ nissāya, sayambhū aparājito;
Ābādhiko ca so [ābādhiko garu (sī.)] buddho, vasati pabbatantare.
30. “Mama assamasāmantā, panādo āsi tāvade;
Buddhe nibbāyamānamhī, āloko udapajjatha [āsi tāvade (syā. ka.)].
31. “Yāvata vanasaṇḍasmiṃ, acchakokataracchakā;
Vāḷa ca [byagghā (sī.)] kesarī sabbe, abhigajjimsu tāvade.
32. “Uppātaṃ tamahaṃ disvā, pabbhāraṃ agamāsahaṃ;
Tatthaddassāsiṃ sambuddhaṃ, nibbutaṃ aparājitaṃ.
33. “Suphullaṃ sālārājaṃva, sataraṃsiṃva uggataṃ;
Vītaccikaṃva aṅgāraṃ, nibbutaṃ aparājitaṃ.
34. “Tiṇaṃ kaṭṭhañca pūretvā, citakaṃ tatthakāsahaṃ;
Citakaṃ sukataṃ katvā, sarīraṃ jhāpayiṃ ahaṃ.
35. “Sarīraṃ jhāpayitvāna, gandhatoyaṃ samokiriṃ;
Antalikkhe ṭhito yakkho, nāmamaggahi tāvade.
36. “Yaṃ pūritaṃ [taṃ pūritaṃ (syā.), sappurisa (ka.)] tayā kiccaṃ, sayambhussa mahesino;
Puṇṇako nāma nāmena, sadā hohi tuvaṃ [yadā hosi tuvaṃ (syā.), sadā hohiti tvam (ka.)]
mune.
37. “Tamhā kāyā cavitvāna, devalokaṃ agacchahaṃ;
Tattha dībbamayo gandho, antalikkhā pavassati [antalikkhe pavāyati (sī.)].
38. “Tatrāpi nāmadheyyaṃ me, puṇṇakoti ahū tadā;
Devabhūto manusso vā, saṅkappaṃ pūrayāmahaṃ.
39. “Idaṃ pacchimakam mayhaṃ, carimo vattate bhavo;
Idhāpi puṇṇako nāma, nāmadheyyaṃ pakāsati.

40. “Tosayitvāna sambuddhaṃ, gotamaṃ sakyapuṅgavaṃ;
Sabbāsava pariññāya, viharāmi anāsavo.
41. “Ekanavutito kappe, yaṃ kammamakariṃ tadā;
Duggatiṃ nābhijānāmi, tanukiccassidaṃ phalaṃ.
42. “Kilesā jhāpitā mayhaṃ...pe... viharāmi anāsavo.
43. “Svāgataṃ vata me āsi...pe... kataṃ buddhassa sāsanaṃ.
44. “Paṭisambhidā catasso...pe... kataṃ buddhassa sāsanaṃ”.
- Itthaṃ sudaṃ āyasmā puṇṇako thero imā gāthāyo abhāsithāti.

Puṇṇakattherassāpadānaṃ dutiyaṃ.

3. Mettaguttheraapadānaṃ

45. “Himavantassāvidūre, asoko nāma pabbato;
Tatthāsi assamo mayhaṃ, vissakammena [visukammena (sī. syā. ka.)] māpito.
46. “Sumedho nāma sambuddho, aggo kāruṇiko muni;
Nivāsavitvā pubbaṅhe, piṇḍāya me [maṃ (sī.)] upāgami.
47. “Upāgataṃ mahāvīraṃ, sumedhaṃ lokanāyakaṃ;
Paggayha sugatapattaṃ [sugataṃ pattaṃ (sī.), subhakaṃ pattaṃ (pī.)], sappitelaṃ apūrayiṃ
[sappitelena pūrayiṃ (sī.), sappitelassa’pūrayiṃ (?)].
48. “Datvānaṃ buddhaseṭṭhe, sumedhe lokanāyake;
Añjaliṃ paggahetvāna, bhīyyo [bhīyo (sī.), bhīyyo (pī.)] hāsaṃ janesahaṃ.
49. “Iminā sappidānena, cetanāpaṇidhīhi ca;
Devabhūto manusso vā, labhāmi vipulaṃ sukhaṃ.
50. “Vinipātaṃ vivajjetvā, saṃsarāmi bhavābhava;
Tattha cittaṃ paṇidhitvā, labhāmi acalaṃ padaṃ.
51. “Lābhā tuyhaṃ suladdhaṃ te, yaṃ maṃ addakkhi brāhmaṇa;
Mama dassanamāgamma, arahattaṃ bhavissati [arahā tvaṃ bhavissasi (sī. pī.), arahattaṃ
gamissasi (syā.)].
52. “Vissattho [vissattho (syā. pī.), visattho (ka.)] hohi mā bhāyi, adhigantvā mahāyasam;
Mamañhi sappiṃ datvāna, parimokkhasi jātiyā.
53. “Iminā sappidānena, cetanāpaṇidhīhi ca;
Devabhūto manusso vā, labhase vipulaṃ sukhaṃ.
54. “Iminā sappidānena, mettacittavatāya ca;
Aṭṭhārāse kappasate, devaloke ramissasi.
55. “Aṭṭhatiṃsatikkhattuṅca, devarājā bhavissasi;
Padesarajjaṃ vipulaṃ, gaṇanāto asaṅkhiyaṃ.
56. “Ekapaññāsakkhattuṅca, cakkavattī bhavissasi;
Cāturanto vijitāvī, jambuṇḍassa [jambuṇḍassa (sī. pī.)] issaro.

57. “Mahāsamuddovakkhobho, duddharo pathavī yathā;
Evameva ca te bhogā, appameyyā bhavissare.
58. “Saṭṭhikoṭī hiraññaṣṣa, cajitvā [catvāna (sī. ka.), datvāna (syā. pī.)] pabbajim ahaṃ;
Kiṃ kusalaṃ gavesanto, bāvarim upasaṅkamim.
59. “Tattha mante adhīyāmi, chaḷaṅgaṃ nāma lakkhaṇaṃ;
Tamandhakāraṃ vidhamaṃ, uppajji tvaṃ mahāmuni.
60. “Tava dassanakāmoḥaṃ, āgatomhi mahāmuni;
Tava dhammaṃ suṇitvāna, pattomhi acalaṃ padaṃ.
61. “Tiṃsakappasahassamhi, sappim buddhassadāsahaṃ;
Etthantare nābhijāne, sappim viññāpitā [viññāpitā (?)] mayā.
62. “Mama saṅkappamaññāya, uppajjati yadicchakaṃ;
Cittamaññāya nibbattaṃ, sabbe santappayāmaḥaṃ.
63. “Aho buddhā aho dhammā [aho buddho aho dhammo (sī.) theragā. 201 theragāthāya tadaṭṭhakathāya ca saṃsandetabbaṃ], aho no satthu sampadā;
Thokañhi sappim datvāna, appameyyaṃ labhāmaḥaṃ.
64. “Mahāsamudde udakaṃ, yāvatā nerupassato;
Mama sappim upādāya, kalabhāgaṃ na hessati [hissati (syā. ka.), essati (sī.)].
65. “Yāvatā cakkavāḷassa, kariyantassa [kārayantassa (syā.), kayirantassa (pī.), āharantassa (ka.)]
rāsito;
Mama nibbattavatthānaṃ [mayā nivatthavatthānaṃ (pī.)], okāso so na sammati.
66. “Pabbatarājā himavā, pavaropi siluccayo;
Mamānulittagandhassa, upanidhim [upanidham (sī. syā. ka.), upanīyaṃ (pī.)] na hessati.
67. “Vatthaṃ gandhañca sappiñca, aññañca diṭṭhadhammikaṃ;
Asaṅkhatañca nibbānaṃ, sappidānassidaṃ phalaṃ.
68. “Satipaṭṭhānasayano, samādhijhānagocaro;
Bojjhaṅgabhojano [... janano (syā. ka.)] ajja, sappidānassidaṃ phalaṃ.
69. “Kilesā jhāpitā mayhaṃ...pe... viharāmi anāsavo.
70. “Svāgataṃ vata me āsī...pe... kataṃ buddhassa sāsaṇaṃ.
71. “Paṭisambhidā catasso...pe... kataṃ buddhassa sāsaṇaṃ”.
Itthaṃ sudaṃ āyasmā mettagū thero imā gāthāyo

Abhāsittāti.

Mettaguttherassāpadānaṃ tatiyaṃ.

4. Dhotakattheraapadānaṃ

72. “Gaṅgā bhāgīrathī nāma, himavantā pabhāvitā [himavantappabhāvitā (sī.)];
Haṃsavatīyā dvārena, anusandati tāvade.

73. “Sobhito nāma ārāmo, gaṅgākūle sumāpito;
Tattha padumuttaro buddho, vasate lokanāyako.
74. “Tidasehi yathā indo, manujehi purakkhato;
Nisīdi tattha bhagavā, asambhītova kesarī.
75. “Nagare haṃsavatiyā, vasāmi [ahosiṃ (syā.)] brāhmaṇo ahaṃ;
Chalaṅgo nāma nāmena, evaṃnāmo mahāmuni.
76. “Aṭṭhārasa sissasatā, parivārenti maṃ tadā;
Tehi sissehi samito, gaṅgātīraṃ upāgamiṃ.
77. “Tatthaddasāsiṃ samaṇe, nikkuhe dhotapāpake;
Bhāgīrathiṃ tarantehaṃ [tarantoḥaṃ (syā. pī.)], evaṃ cintesi tāvade.
78. “Sāyaṃ pātāṃ [sāyapātāṃ (pī.)] tarantāme, buddhaputtā mahāyasā;
Vihesayanti attānaṃ, tesāṃ attā vihaññati.
79. “Sadevakassa lokassa, buddho aggo pavuccati;
Natthi me dakkhiṇe kāraṃ, gatimaggavisodhanaṃ.
80. “Yaṃnūna buddhasettḥassa, setuṃ gaṅgāya kāraye;
Kārāpetvā imaṃ kammaṃ [setuṃ (syā.)], santarāmi imaṃ bhavaṃ.
81. “Satasahassaṃ datvāna, setuṃ kārāpayiṃ ahaṃ;
Saddahanto kataṃ kāraṃ, vipulaṃ me bhavissati.
82. “Kārāpetvāna taṃ setuṃ, upesiṃ lokanāyakaṃ;
Sirasi añjaliṃ katvā, imaṃ vacanamabraviṃ.
83. “Satasahassassa vayāṃ [vayaṃ satasahassaṃva (ka.)], datvā [katvā (sī. pī.)] kārāpito mayā;
Tavatthāya mahāsetu, paṭiggaṇha mahāmune.
84. “Padumuttaro lokavidū, āhutīnaṃ paṭiggaho;
Bhikkhusaṅghe nisīditvā, imā gāthā abhāsatha.
85. “Yo me setuṃ akāresi, pasanno sehi pāṇibhi;
Tamaḥaṃ kittayissāmi, suṇātha mama bhāsato.

(Setudānaānisamaṃso)

86. “Darito pabbatato vā, rukkhato patitopiyaṃ;
Cutopi lacchatī thānaṃ, setudānassidaṃ phalaṃ.
87. “Virūḷhamūlasantānaṃ, nigrodhamiva māluto;
Amittā nappasahanti, setudānassidaṃ phalaṃ.
88. “Nāssa corā pasahanti, nātimaññanti khattiyā;
Sabbe tarissatāmitte, setudānassidaṃ phalaṃ.
89. “Abbhokāsagataṃ santaṃ, kaṭhinātapatāpitaṃ;
Puññakammaṃ saṃyuttaṃ, na bhavissati vedanā [tāvade (ka.)].

90. “Devaloke manusse vā, hatthiyānaṃ sunimmitaṃ;
Tassa saṅkappamaññāya, nibbattissati tāvade.
91. “Sahassassā vātajavā, sindhavā sīghavāhanā;
Sāyaṃ pātaṃ upessanti, setudānassidaṃ phalaṃ.
92. “Āgantvāna manussattaṃ, sukhitoyaṃ bhavissati;
Vehāsaṃ [ihāpi (sī. syā. pī.)] manujasseva, hatthiyānaṃ bhavissati.
93. “Kappasatasahassamhi, okkākakulasambhavo;
Gotamo nāma gottena, sathā loke bhavissati.
94. “Tassa dhammesu dāyādo, oraso dhammanimmito;
Sabbāsave pariññāya, nibbāyissatināsavo’.
95. “Aho me sukataṃ kammaṃ, jalajuttamanāmake;
Tattha kāraṃ karitvāna, pattohaṃ āsavakkhayaṃ.
96. “Padhānaṃ pahitattomhi, upasanto nirūpadhi;
Nāgo va bandhanaṃ chetvā, viharāmi anāsavo.
97. “Kilesā jhāpitā mayhaṃ...pe... viharāmi anāsavo.
98. “Svāgataṃ vata me āsī...pe... kataṃ buddhassa sāsaṇaṃ.
99. “Paṭisambhidā catasso...pe... kataṃ buddhassa sāsaṇaṃ”.
- Itthaṃ sudama āyasmā dhotako thero imā gāthāyo abhāsithāti.

Dhotakattherassāpadānaṃ catutthaṃ.

5. Upasīvatttheraapadānaṃ

100. “Himavantassāvidūre, anomo nāma pabbato;
Assamo sukato mayhaṃ, paṇṇasālā sumāpitā.
101. “Nadī ca sandatī tattha, supatitthā manoramā;
Anūpatitthe jāyanti, padumuppalakā bahū.
102. “Pāṭhīnā pāvusā macchā, balajā muñjarohitā;
Macchakacchapasañchannā [macchakacchapasampannā (?)], nadikā sandate tadā.
103. “Timirā pupphitā tattha, asokā khuddamālakā;
Punnāgā giripunnāgā, sampavanti mamassamaṃ.
104. “Kuṭajā pupphitā tattha, tiṇasūlavanāni ca;
Sālā ca saḷalā tattha, campakā pupphitā bahū.
105. “Ajjunā atimuttā ca, mahānāmā ca pupphitā;
Asanā madhugandhī ca, pupphitā te mamassame.
106. “Uddālakā pāṭalikā, yūthikā ca piyaṅgukā;
Bimbijālakasañchannā, samantā aḍḍhajojanaṃ.
107. “Mātaggārā [mātaṅgavā (sī.), mātakarā (syā.), mātaṅgā vā (pī.)] sattaliyo, pāṭalī sinduvārakā;

- Aṅkolakā bahū tattha, tālakuṭṭhi [tālakūṭā (sī. syā.), tālakuṭṭhā (pī.)] ca pupphitā;
Seleyyakā bahū tattha, pupphitā mama assame.
108. “Etesu pupphajātesu [pupphamānesu (sī. pī.)], sobhanti pādapā bahū;
Samantā tena gandhena, vāyate mama assamo.
109. “Harītakā āmalakā, ambajambuvibhītakā [vibhiṭakā (sī.)];
Kolā bhallātakā billā, phārusakaphalāni ca.
110. “Tindukā ca piyālā ca, madhukā kāsūmārayo;
Labujā panasā tattha, kadalī badarīphalā [mandarīphalā (ka.), candarīphalā (syā. pī.)].
111. “Ambāṭakā bahū tattha, vallikāraphalāni ca;
Bījapūrasapāriyo [cirasamrasapākā ca (syā.), viṭapā ca sapākā ca (pī), vidaparapadādayo (ka.)],
phalitā mama assame.
112. “Ālakā isimuggā ca, tato modaphalā bahū;
Avaṭā pakkabharitā [sakkarāritā (ka.)], pilakkhudumbarāni ca.
113. “Pipphilī marīcā tattha, nigrodhā ca kapitthanā;
Udumbarakā bahavo, kaṇḍupaṇṇā ca hariyo [kaṇḍapakkā ca pāriyo (sī. syā. pī.)].
114. “Ete caññe ca bahavo, phalitā assame mama;
Puppharukkḥāpi bahavo, pupphitā mama assame.
115. “Āluvā ca kaḷambā ca, biḷālī takkalāni ca;
Ālakā tālakā ceva, vijjanti assame mama.
116. “Assamassāvidūre me, mahājātassaro ahu;
Acchodako sītajalo, supatittho manoramo.
117. “Padumuppalā bahū tattha, puṇḍarīkasamāyutā;
Mandālakehi sañchannā, nānāgandhasameritā.
118. “Gabbhaṃ gaṇhanti padumā, aññe pupphanti kesarī;
Opupphapattā tiṭṭhanti, padumākaṇṇikā bahū.
119. “Madhu bhisamhā savati, khīraṃ sappi mulāḷibhi;
Samantā tena gandhena, nānāgandhasameritā.
120. “Kumudā ambagandhi ca, nayitā dissare bahū;
Jātassarassānukūlaṃ, ketakā pupphitā bahū.
121. “Suphullā bandhujīvā ca, setavārī sugandhikā;
Kumbhilā susumārā ca, gahakā tattha jāyare.
122. “Uggāhakā ajagarā, tattha jātassare bahū;
Pāṭhīnā pāvusā macchā, balajā muñjarohitā.
123. “Macchakacchapasañchannā, atho papaṭakāhi [pampaṭakehi (sī.), sapaṭakehi (syā.),
pappaṭakehi (pī)] ca;
Pārevatā ravihaṃsā, kukutthā [kukkutthā (syā. ka.), kutthakā (pī.)] ca nadīcarā.

124. “Dindibhā [ṭiṭṭibhā (pī.)] cakkavākā ca, pampakā jīvajīvakā;
Kalandakā ukkusā ca, senakā uddharā bahū.
125. “Koṭṭhakā sukapotā ca, tuliyā camarā bahū;
Kāreniyo [kāseniyā (syā.)] ca tilakā [kilakā (ka.)], upajīvanti taṃ saraṃ.
126. “Sīhā byagghā ca dīpī ca, acchakokataracchakā;
Vānarā kinnarā ceva, dissanti mama assame.
127. “Tāni gandhāni ghāyanto, bhakkhayanto phalānaṃ;
Gandhodakaṃ pīvanto ca, vasāmi mama assame.
128. “Eṇīmigā varāhā ca, pasadā khuddarūpakā;
Aggikā jotikā ceva, vasanti mama assame.
129. “Haṃsā koṇcā mayūrā ca, sālikāpi ca kokilā;
Majjārikā [mañjarikā (sī. syā. pī.)] bahū tattha, kosikā poṭṭhasīsakā.
130. “Pisācā dānavā ceva, kumbhaṇḍā rakkhasā bahū;
Garuḷā pannagā ceva, vasanti mama assame.
131. “Mahānubhāvā isayo, santacittā samāhitā;
Kamaṇḍaludharā sabbe, ajinuttaravāsana;
Jaṭabhārabharitāva [te jaṭabhārabharitā (sī. pī.), jaṭabhārabharitā ca (syā.)], vasanti mama
assame.
132. “Yugamattañca pekkhantā, nipakā santavuttino;
Lābhālābhena santuṭṭhā, vasanti mama assame.
133. “Vākacīraṃ dhunantā te, phoṭentājinacammaṃ;
Sabalehi upatthaddhā, gacchanti ambare tadā.
134. “Na te dakaṃ āharanti, kaṭṭhaṃ vā aggidārukaṃ;
Sayañca upasampannā, pāṭihīrassidaṃ phalaṃ.
135. “Lohadoṇiṃ gahetvāna, vanamajjhe vasanti te;
Kuñjarāva mahānāgā, asambhītāva kesarī.
136. “Aññe gacchanti goyānaṃ, aññe pubbavidehakaṃ [pubbavidehanaṃ (syā. pī. ka.)];
Aññe ca uttarakuruṃ, sakaṃ balamavassitā [balamapassitā (syā. pī. ka.)].
137. “Tato piṇḍaṃ āharitvā, paribhuñjanti ekato;
Sabbesaṃ pakkamantānaṃ, uggatejāna tādinaṃ.
138. “Ajinacamma saddena, vanaṃ saddāyate tadā;
Edisā te mahāvīra, sissā uggaṭapā mama.
139. “Parivuto ahaṃ tehi, vasāmi mama assame;
Tositā sakakammena, vinītāpi samāgatā.
140. “Ārādhayiṃsu maṃ ete, sakakammābhilāsino;
Sīlavanto ca nipakā, appamaññāsu kovidā.

141. “Padumuttaro lokavidū, āhutīnaṃ paṭiggaho;
Samayaṃ saṃviditvāna, upagacchi vināyako.
142. “Upagantvāna sambuddho, ātāpī nipako muni;
Pattaṃ paggayha sambuddho, bhikkhāya mamupāgami.
143. “Upāgataṃ mahāvīraṃ, jalajuttamanāyakaṃ;
Tiṇasantharaṃ [tiṇattharaṃ (syā.), tiṇatthataṃ (ka.)] paññāpetvā, sālapupphehi okiriṃ.
144. “Nisādetvāna [nisīdetvāna (sī.), nisīditvāna (syā. pī.)] sambuddhaṃ, haṭṭho saṃviggamānaso;
Khippaṃ pabbatamāruyha, agaḷuṃ [agaruṃ (sī.)] aggahiṃ ahaṃ.
145. “Kumbhamattaṃ gahetvāna, panasam devagandhikaṃ;
Khandhe āropayitvāna, upagacchiṃ vināyakaṃ.
146. “Phalaṃ buddhassa datvāna, agaḷuṃ anulimpahaṃ;
Pasannacitto sumano, buddhaseṭṭhaṃ avandihaṃ.
147. “Padumuttaro lokavidū, āhutīnaṃ paṭiggaho;
Isimajjhe nisīditvā, imā gāthā abhāsatha.
148. “Yo me phalañca agaḷuṃ, āsanañca adāsi me;
Tamaḥaṃ kittayissāmi, suñātha mama bhāsato.
149. “Gāme vā yadi vāraññe, pabbhāresu guhāsu vā;
Imassa cittamaññāya, nibbattissati bhojanaṃ.
150. “Devaloke manusse vā, upapanno ayaṃ naro;
Bhojanehi ca vatthehi, parisam tappayissati.
151. “Upapajjati yaṃ yoniṃ, devattaṃ atha mānusaṃ;
Akkhobhabhogo hutvāna, saṃsarissatiyaṃ naro.
152. “Tiṃsakappasahassāni, devaloke ramissati;
Sahassakkhattuṃ rājā ca, cakkavattī bhavissati.
153. “Ekasattatikkhattuñca, devarajjaṃ karissati;
Padesarajjaṃ vipulaṃ, gaṇanāto asaṅkhiyaṃ.
154. “Kappasatasahassamhi, okkākakulasambhavo;
Gotamo nāma gottena, satthā loke bhavissati.
155. “Tassa dhammesu dāyādo, oraso dhammanimitto [(upasīvo nāma nāmena, hessati satthu sāvako) (syā.)];
Sabbāsava pariññāya, viharissatināsavo’.
156. “Suladdhalābho laddho me, yohaṃ addakkiṃ nāyakaṃ;
Tisso vijjā anuppattā, kataṃ buddhassa sāsaṇaṃ.
157. “Gāme vā yadi vāraññe, pabbhāresu guhāsu vā;
Mama saṅkappamaññāya, bhojanaṃ hoti me sadā.

158. “Kilesā jhāpitā mayhaṃ...pe... viharāmi anāsavo.
 159. “Svāgataṃ vata me āsi...pe... kataṃ buddhassa sāsanaṃ.
 160. “Paṭisambhidā catasso...pe... kataṃ buddhassa sāsanaṃ”.
 Itthaṃ sudama āyasmā upasīvo [upasivo (ka.)] thero imā gāthāyo abhāsittāti.

Upasīvatherassāpadānaṃ pañcamaṃ.

6. Nandakattheraapadānaṃ

161. “Migaluddo pure āsiṃ, araṇṇe kānane ahaṃ;
 Pasadaṃ migamesanto, sayambhuṃ addasaṃ ahaṃ [jinam (sī.)].
162. “Anuruddho nāma sambuddho, sayambhū aparājito;
 Vivekakāmo so dhīro, vanamajjhogahī tadā.
163. “Catudaṇḍe gahetvāna, catuṭṭhāne ṭhapesahaṃ;
 Maṇḍapaṃ sukataṃ katvā, padmapupphehi chādayiṃ.
164. “Maṇḍapaṃ chādayitvāna, sayambhuṃ abhivādayiṃ;
 Dhanuṃ tattheva nikkhippa, pabbajiṃ anagāriyaṃ.
165. “Naciraṃ pabbajitassa [pabbajitassa aciraṃ (sī.)], byādhi me udapajjatha;
 Pubbakammaṃ saritvāna, tattha kālaṅkato ahaṃ.
166. “Pubbakammena saṃyutto, tusitaṃ agamāsahaṃ;
 Tattha soṇṇamayaṃ byamaṃ, nibbattati yadicchakaṃ.
167. “Sahassayuttaṃ hayavāhiṃ, dibbayānamadhiṭṭhito;
 Āruhitvāna taṃ yānaṃ, gacchāmaṃ yadicchakaṃ.
168. “Tato me niyyamānassa, devabhūtassa me sato;
 Samantā yojanasataṃ, maṇḍapo me dhariyati.
169. “Sayanehaṃ tuvaṭṭāmi, acchanne [accantaṃ (sī.), accanta (pī.)] pupphasanthate;
 Antalikkhā ca padumā, vassante niccakālikaṃ.
170. “Marīcike phandamāne, tappamāne ca ātape;
 Na maṃ tāpeti ātāpo, maṇḍapassa idaṃ phalaṃ.
171. “Duggatiṃ samatikkanto, apāyā pihitā mama;
 Maṇḍape rukkhamūle vā, santāpo me na vijjati.
172. “Mahīsaññaṃ adhiṭṭhāya, loṇatoyaṃ tarāmahaṃ;
 Tassa me sukataṃ kammaṃ, buddhapūjāyidaṃ phalaṃ.
173. “Apathampi [abbhamhi (syā. ka.)] pathaṃ katvā, gacchāmi anilañjase;
 Aho me sukataṃ kammaṃ, buddhapūjāyidaṃ phalaṃ.
174. “Pubbenivāsaṃ jānāmi, dibbacakkhu visodhitam;
 Āsavā me parikkhīṇā, buddhapūjāyidaṃ phalaṃ.
175. “Jahitā purimā jāti, buddhassa oraso ahaṃ;

Dāyādomhi ca saddhamme, buddhapūjāyidaṃ phalaṃ.

176. “Ārādhitomhi sugataṃ, gotamaṃ sakyapuṅgavaṃ;
Dhammadhajo dhammadāyādo [[dhammādāso \(ka.\)](#)], buddhapūjāyidaṃ phalaṃ.
177. “Upaṭṭhitvāna sambuddhaṃ, gotamaṃ sakyapuṅgavaṃ;
Pāraṅgamaniyaṃ maggaṃ, apucchiṃ lokanāyakaṃ.
178. “Ajjiṭṭho kathayī buddho, gambhīraṃ nipuṇaṃ padaṃ;
Tassāhaṃ dhammaṃ sutvāna, pattomhi āsavakkhayaṃ.
179. “Aho me sukataṃ kammaṃ, parimuttomhi jātiyā;
Sabbāsavaparikkhīṇo, natthi dāni punabbhavo.
180. “Kilesā jhāpitā mayhaṃ...pe... viharāmi anāsavo.
181. “Svāgataṃ vata me āsī...pe... kataṃ buddhassa sāsanaṃ.
182. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā nandako thero imā gāthāyo abhāsithāti.

Nandakattherassāpadānaṃ chaṭṭhaṃ.

7. Hemakattheraapadānaṃ

183. “Pabbhārakūṭaṃ nissāya, anomo nāma tāpasō;
Assamaṃ sukataṃ katvā, paṇṇasāle vasī tadā.
184. “Siddhaṃ tassa tapo kammaṃ, siddhipatto sake bale;
Sakasāmaññavikkanto, ātāpī nipako muni.
185. “Visārado sasamaye, paravāde ca kovido;
Paṭṭho bhūmantalikkhamhi, uppātami ca kovido.
186. “Vītasoko nirārambho, appāhāro alolupo;
Lābhālābhena santuṭṭho, jhāyī jhānarato muni.
187. “Piyadassī nāma sambuddho, aggo kāruṇiko muni;
Satte tāretukāmo so, karuṇāya pharī tadā.
188. “Bodhaneyyaṃ janaṃ disvā, piyadassī mahāmuni;
Cakkavāḷasahassampi, gantvā ovoidate muni.
189. “Mamuddharitukāmo so, mamassamamupāgami;
Na diṭṭho me jino pubbe, na sutopi ca kassaci.
190. “Uppātā supinā mayhaṃ, lakkhaṇā suppakāsītā;
Paṭṭho bhūmantalikkhamhi, nakkhattapadakovido.
191. “Sohaṃ buddhassa sutvāna, tattha cittaṃ pasādayiṃ;
Tiṭṭhanto [[bhujanto \(sī. pī. ka.\)](#)] vā nisinno vā, sarāmi niccakālikam.
192. “Mayi evaṃ sarantami, bhagavāpi anussari;
Buddhaṃ anussarantassa, pīti me hoti tāvade.

193. “Kālañca punarāgamma, upesi maṃ mahāmuni;
Sampattepi na jānāmi, ayaṃ buddho mahāmuni.
194. “Anukampako kāruṇiko, piyadassī mahāmuni;
Sañjānāpesi attānaṃ, ‘ahaṃ buddho sadevake’.
195. “Sañjānitvāna sambuddhaṃ, piyadassiṃ mahāmuniṃ;
Sakaṃ cittaṃ pasādetvā, idaṃ vacanamabraviṃ.
196. “Aññe [sabbe (syā.)] pīṭhe ca pallaṅke, āsandīsu nisīdare;
Tuvampi sabbadassāvī, nisīda ratanāsane’.
197. “Sabbaratanamayaṃ pīṭhaṃ, nimminivāna tāvade;
Piyadassissa munino, adāsīṃ iddhinimmitaṃ.
198. “Ratane ca nisinnassa, pīṭhake iddhinimmitte;
Kumbhamattaṃ jambuphalaṃ, adāsīṃ tāvade ahaṃ.
199. “Mama hāsaṃ janetvāna, paribhuñji mahāmuni;
Tadā cittaṃ pasādetvā, sathhāraṃ abhivādayiṃ.
200. “Piyadassī tu bhagavā, lokajettṭho narāsabho;
Ratanāsanamāsīno, imā gāthā abhāsatha.
201. “‘Yo me ratanamayaṃ pīṭhaṃ, amatañca phalaṃ adā;
Tamaṃ kittayissāmi, suñātha mama bhāsato.
202. “‘Sattasattati kappāni, devaloke ramissati;
Pañcasattatikkhattuñca, cakkavattī bhavissati.
203. “‘Dvattiṃsakkhattuṃ devindo, devarajjaṃ karissati;
Padesarajjaṃ vipulaṃ, gaṇanāto asaṅkhiyaṃ.
204. “‘Soṇṇamayaṃ rūpimayaṃ, pallaṅkaṃ sukataṃ bahuṃ;
Lohitaṅgamayañceva, lacchati ratanāmayaṃ.
205. “‘Caṅkamantampi manujaṃ, puññakammasamaṅginaṃ;
Pallaṅkāni anekāni, parivāressare tadā.
206. “‘Kūṭāgārā ca pāsādā, sayanañca mahārahaṃ;
Imassa cittamaññāya, nibbattissanti tāvade.
207. “‘Saṭṭhi nāgasahassāni, sabbālaṅkārahūsitā;
Suvaṇṇakacchā mātaṅgā, hemakappanavāsasā [hemakappanivāsana (sī. syā.),
hemakappanivāsasā (ka.)].
208. “‘Ārūḷhā gāmaṇīyehi, tomarāṅkusapāṇibhi;
Imaṃ paricarissanti, ratnapīṭhassidaṃ phalaṃ.
209. “‘Saṭṭhi assasahassāni, sabbālaṅkārahūsitā;
Ājānīyāva jātiyā, sindhavā sīghavāhino.

210. “‘Ārūḷhā gāmaṇīyehi, illiyācāpadhāribhi;
Tepimaṃ paricarissanti, ratnapīṭhassidaṃ phalaṃ.
211. “‘Saṭṭhi rathasahassāni, sabbālaṅkārahūsitā;
Dīpā athopi veyagghā, sannaddhā ussitaddhajā.
212. “‘Ārūḷhā gāmaṇīyehi, cāpahatthehi vammibhi;
Parivāressantimaṃ niccaṃ, ratnapīṭhassidaṃ phalaṃ.
213. “‘Saṭṭhi dhenusahassāni, dohaññā puṅgavūsabhe;
Vacchake janayissanti, ratnapīṭhassidaṃ phalaṃ.
214. “‘Soḷasitthisahassāni, sabbālaṅkārahūsitā;
Vicittavattābharaṇā, āmukkamaṇikuṇḍalā.
215. “‘Aḷārapamhā hasulā, susaṅñā tanumajjihimā;
Parivāressantimaṃ niccaṃ, ratnapīṭhassidaṃ phalaṃ.
216. “‘Aṭṭhārase kappasate, gotamo nāma cakkhumā;
Tamandhakāraṃ vidhamitvā, buddho loke bhavissati.
217. “‘Tassa dassanamāgamma, pabbajissatikiñcano;
Tosayitvāna satthāraṃ, sāsanebhiramissati.
218. “‘Tassa dhammaṃ suṇitvāna, kilese ghātayissati;
Sabbāsava pariññāya, nibbāyissatināsavo’.
219. “‘Vīriyaṃ me dhuradhorayaṃ, yogakkhemādhivāhanaṃ;
Uttamatthaṃ patthayanto, sāsane viharāmahaṃ.
220. “‘Idaṃ pacchimakaṃ mayhaṃ, carimo vattate bhavo;
Sabbāsavā parikkhīṇā, natthi dāni punabbhavo.
221. “‘Kilesā jhāpitā mayhaṃ...pe... viharāmi anāsavo.
222. “‘Svāgataṃ vata me āsi...pe... kataṃ buddhassa sāsanaṃ.
223. “‘Paṭisambhidā catasso...pe... kataṃ buddhassa sāsanaṃ’”.
Itthaṃ sudamā āyasmā hemako thero imā gāthāyo abhāsithāti;

Hemakattherassāpadānaṃ sattamaṃ.

Sattarasamaṃ bhāṇavāraṃ.

8. Todeyyattheraapadānaṃ

224. “‘Rājā ajitañjayo [rājāsi vijayo (sī. aṭṭha.), rājā vijitajayo (syā.)] nāma, ketumatīpuruttame;
Sūro vikkamasampanno, puramajjhāvasī tadā.
225. “‘Tassa rañño pamattassa, aṭaviyo samuṭṭhahaṃ;
Otārā [uttarā (syā.), ocarā (pī.)] tuṅḍikā ceva, raṭṭhaṃ viddhaṃsayuṃ tadā.
226. “‘Paccante kupite khippaṃ, sannipātesirindamo;
Bhaṭe ceva balatthe ca, ariṃ niggāhayi tadā.

227. “Hatthārohā anīkaṭṭhā, sūrā ca cammayodhino;
Dhanuggahā ca uggā ca, sabbe sannipatuṃ tadā.
228. “Āḷārikā ca kappakā, nhāpakā mālakārakā;
Sūrā vijitasāṅgāmā, sabbe sannipatuṃ tadā.
229. “Khaggahatthā ca purisā, cāpahatthā ca vammīno;
Luddā vijitasāṅgāmā, sabbe sannipatuṃ tadā.
230. “Tidhāpabhinnā mātaṅgā, kuṅjarā saṭṭhihāyanā;
Suvaṇṇakacchālaṅkāra, sabbe sannipatuṃ tadā.
231. “Khamā sītassa uṇhassa, ukkāruharāṇassa ca;
Yodhājīvā katakammā, sabbe sannipatuṃ tadā.
232. “Saṅkhasaddaṃ bherisaddaṃ, atho utuja [uddhava (sī.), uddaṭa (syā.)] saddakaṃ;
Etehi te hāsayaṅtā, sabbe sannipatuṃ tadā.
233. “Tisūlakontimantehi [tisūlakontamantehi (sī.), kavacehi tomarehi (sī.), dhanūhi tomarehi (syā.)] ca;
Koṭṭentānaṃ nipātentā [koṭṭayantā nivattentā (syā.)], sabbe sannipatuṃ tadā.
234. “Kimevātinisāmetvā [kavacānivāsetvā (syā.)], sarājā ajitañjāyo [ajinaṃ jino (sī.), ajitañjino (syā.)];
Saṭṭhi pāṇasahassāni, sūle uttāsayaṃ tadā.
235. “Saddaṃ mānusakākāṃsu, aho rājā adhammiko;
Niraye paccamānassa, kadā anto bhavissati.
236. “Sayanehaṃ tuvaṭṭento, passāmi niraye tadā;
Na supāmi divārattim, sūlena tajjayanti maṃ.
237. “Kiṃ pamādena rajjena, vāhanena balena ca;
Na te pahonti dhāretuṃ, tāpayanti [tāsayaṅti (sī. syā.)] mamaṃ sadā.
238. “Kiṃ me puttehi dārehi, rajjena sakalena ca;
Yaṃnūna pabbajeyyāhaṃ, gatimaggāṃ visodhaye.
239. “Saṭṭhi nāgasahassāni, sabbālaṅkārahūsīte;
Suvaṇṇakacche mātaṅge, hemakappanavāsase.
240. “Ārūḷhe gāmaṇīyehi, tomaraṅkusapāṇibhi;
Sāṅgāmāvacare ṭhāne, anapekkho vihāyahaṃ;
Sakakammena santatto, nikkhamiṃ anagāriyaṃ.
241. “Saṭṭhi assasahassāni, sabbālaṅkārahūsīte;
Ājāṇīyeva jātiyā, sindhave sīghavāhane.
242. “Ārūḷhe gāmaṇīyehi, cāpahatthehi vammībhi;
Pahāretvāna [pahāyitvāna (sī. pī.), chaḍḍayitvāna (syā.)] te sabbe, nikkhamiṃ anagāriyaṃ.
243. “Saṭṭhi rathasahassāni, sabbālaṅkārahūsīte;

Dīpe athopi veyagghe, sannaddhe ussitaddhaje;
Te sabbe parihāretvā [parivajjetvā (syā.), parihāyitvā (pī.)], pabbajim anagāriyaṃ.

244. “Saṭṭhi dhenusahassāni, sabbā kaṃsūpadhāraṇā;
Tāyopi [gāviyo (syā.), dhenuyo (ka.)] chaḍḍayitvāna, pabbajim anagāriyaṃ.
245. “Saṭṭhi itthisahassāni, sabbālaṅkārabhūsitā;
Vicittavathābharaṇā, āmukkamaṇikuṇḍalā.
246. “Aḷārapamhā hasulā, susaṅṅā tanumajjhimā;
Tā hitvā kandamānāyo, pabbajim anagāriyaṃ.
247. “Saṭṭhi gāmasahassāni, paripuṇṇāni sabbaso;
Chaḍḍayitvāna taṃ rajjaṃ, pabbajim anagāriyaṃ.
248. “Nagarā nikkhamitvāna, himavantamupāgamim;
Bhāgīrathīnadītīre, assamaṃ māpayim ahaṃ.
249. “Paṇṣālaṃ karitvāna, agyāgāraṃ akāsahaṃ;
Āraddhavīriyo pahitatto, vasāmi assame ahaṃ.
250. “Maṇḍape rukkhāmūle vā, suṅṅāgāre ca jhāyato;
Na tu vijjati tāso me, na passe bhayabheravaṃ.
251. “Sumedho nāma sambuddho, aggo kāruṇiko muni;
Ñāṇālokena jotanto, loke uppajji tāvade.
252. “Mama assamasāmantā, yakkho āsi mahiddhiko;
Buddhaseṭṭhamhi uppanne, ārocesi mamaṃ tadā.
253. “Buddho loke samuppanno, sumedho nāma cakkhumā;
Tāreti janataṃ sabbaṃ, tampi so tārayissati.
254. “Yakkhassa vacanaṃ sutvā, saṃviggo āsi tāvade;
Buddho buddhoti cintento, assamaṃ paṭisāmayim.
255. “Aggidāruṅca chaḍḍetvā, saṃsāmetvāna santhatam;
Assamaṃ abhivanditvā, nikkhamim vipinā ahaṃ.
256. “Tato candanamādāya, gāmā gāmaṃ purā puram;
Devadevaṃ gavesanto, upagacchim vināyakaṃ.
257. “Bhagavā tamhi samaye, sumedho lokanāyako;
Catusaccaṃ pakāsento, bodheti janataṃ bahuṃ.
258. “Añjaliṃ paggahetvāna, sīse katvāna candanam;
Sambuddham abhivādetvā, imā gāthā abhāsahaṃ.
259. “Vassike pupphamānamhi, santike upavāyati;
Tvam vīra guṇagandhena, disā sabbā pavāyasi.
260. “Campake nāgavanike, atimuttakaketake;

Sālesu pupphamānesu, anuvātaṃ pavāyati.

261. “Tava gandhaṃ suṇitvāna, himavantā idhāgamim;
Pūjemi taṃ mahāvīra, lokajettha mahāyasa’.
262. “Varacandanenānulimpim, sumedhaṃ lokanāyakaṃ;
Sakaṃ cittaṃ pasādetvā, tuṇhī aṭṭhāsi tāvade.
263. “Sumedho nāma bhagavā, lokajettho narāsabho;
Bhikkhusaṅghe nisīditvā, imā gāthā abhāsatha.
264. “Yo me guṇe pakittesi, candanañca apūjayi;
Tamaḥaṃ kittayissāmi, suṇātha mama bhāsato.
265. “Ādeyyavākyavacano, brahmā uju patāpavā;
Pañcavīsatikappāni, sappabhāso bhavissati.
266. “Chabbīsatikappasate, devaloke ramissati;
Sahassakkhattuṃ rājā ca, cakkavattī bhavissati.
267. “Tettiṃsakkhattuṃ devindo, devarajjaṃ karissati;
Padesarajjaṃ vipulaṃ, gaṇanāto asaṅkhiyaṃ.
268. “Tato cutoyaṃ manujo, manussattaṃ gamissati;
Puññakammaṃ saṃyutto, brahmabandhu bhavissati.
269. “Ajjhāyako mantadharo, tiṇṇaṃ vedāna pāragū;
Tilakkhaṇena sampanno, bāvarī nāma brāhmaṇo.
270. “Tassa sisso bhavitvāna, hessati mantapāragū;
Upagantvāna sambuddhaṃ, gotamaṃ sakyapuṅgavaṃ.
271. “Pucchitvā nipuṇe pañhe, bhāvayitvāna añjasaṃ [[hāsayingvāna mānasaṃ \(syā.\)](#)], [bhāvayingvāna sañcayam \(ka.\)](#)];
Sabbāsava pariññāya, viharissatināsavo’.
272. “Tividhaggi nibbutā mayhaṃ, bhavā sabbe samūhatā;
Sabbāsava pariññāya, viharāmi anāsavo.
273. “Kilesā jhāpitā mayhaṃ...pe... viharāmi anāsavo.
274. “Svāgataṃ vata me āsi...pe... kataṃ buddhassa sāsanaṃ.
275. “Paṭisambhidā catasso...pe... kataṃ buddhassa sāsanaṃ’.
- Itthaṃ sudaṃ āyasmā todeyyo thero imā gāthāyo abhāsittāti.

Todeyyattherassāpadānaṃ aṭṭhamamaṃ.

9. Jatukaṇṇittheraapadānaṃ

276. “Nagare haṃsavatiyā, seṭṭhiputto ahosahaṃ;
Samappito kāmaguṇe, paricāremahaṃ tadā.
277. “Tato [[tayo \(sī.\)](#)] pāsādamāruyha, mahābhoge valañjako [[ubbiddhā gehaluñjakā \(ka.\)](#)],

ubbidhāgehalañchakā (sī.);

Tattha naccehi gītehi, paricāremahaṃ tadā.

278. “Tūriyā āhatā mayhaṃ, sammatā[asamāhitā;
Naccantā [rañjantī (syā.), rajjantā (ka.)] itthiyo sabbā, harantiyeva me mano.
279. “Celāpikā [celāvakā (syā.), velāmikā (pī.)] lāmaṇikā [vāmanikā (syā. pī.)], kuñjavāsī
timajjhikā [kuñjavā sīhimajjhikā (syā.), kujjā vā sīhimajjhikā (pī.)];
Laṅghikā sokajjhāyī ca, parivārenti maṃ sadā.
280. “Vetāḷino kumbhathūnī, naṭā ca naccakā bahū;
Naṭakā nāṭakā ceva, parivārenti maṃ sadā.
281. “Kappakā nhāpakā sūdā, mālākārā supāsakā [sumāpakā (sī. syā.)];
Jallā mallā ca te sabbe, parivārenti maṃ sadā.
282. “Etesu kīlamānesu, sikkhite katupāsane;
Rattindivaṃ na jānāmi, indova tidasaṅgaṇe.
283. “Addhikā pathikā sabbe, yācakā varakā bahū;
Upagacchanti te niccaṃ, bhikkhayantā mamaṃ gharaṃ.
284. “Samaṇā brāhmaṇā ceva, puññakkhattā anuttarā;
Vaddhayantā mamaṃ puññaṃ, āgacchanti mamaṃ gharaṃ.
285. “Paṭagā [paṭakā (sī. syā.), padakā (pī.)] laṭukā [laṭakā (sī.)] sabbe, nigaṇṭhā pupphasāṭakā;
Tedaṇḍikā ekasikhā, āgacchanti mamaṃ gharaṃ.
286. “Ājīvakā viluttāvī, godhammā devadhammikā;
Rajojalladharā ete, āgacchanti mamaṃ gharaṃ.
287. “Parittakā santipattā [parivattakā siddhipattā (sī. syā. pī.)], kodhapugganikā [koṇḍapugganikā
(sī.), koṇḍapuggalikā (pī.)] bahū;
Tapassī vanacārī ca, āgacchanti mamaṃ gharaṃ.
288. “Oḍḍakā damiḷā ceva, sākuḷā malavāḷakā [malayālakā (sī. syā. pī.)];
Savarā yonakā ceva, āgacchanti mamaṃ gharaṃ.
289. “Andhakā muṇḍakā sabbe, koṭalā hanuvindakā [kolakā sānuvindakā (sī. pī.)];
Ārāvacinaraṭṭhā ca, āgacchanti mamaṃ gharaṃ.
290. “Alasandakā [alasantā (ka.)] pallavakā, dhammarā niggamānusā [babbarā bhaggakārusā (sī.)];
Gehikā [rohitā (sī.), bāhikā (pī.)] cetaputtā ca, āgacchanti mamaṃ gharaṃ.
291. “Mādhurakā kosalakā, kaliṅgā [kāsikā (sī.)] hatthiporikā;
Isiṇḍā makkalā ceva, āgacchanti mamaṃ gharaṃ.
292. “Celāvakā ārabbhā [arammā (sī. pī.)] ca, oghuḷhā [okkalā (sī.)] meghalā bahū;
Khuddakā suddakā ceva, āgacchanti mamaṃ gharaṃ.
293. “Rohaṇā sindhavā ceva, citakā ekakaṇṇikā;
Suraṭṭhā aparantā ca, āgacchanti mamaṃ gharaṃ.

294. “Suppārakā kumārā [kikumārā (sī. pī.)] ca, mallasovaṇṇabhūmikā [malayā soṇṇabhūmikā (sī. syā. pī.)];
Vajjitaṅgā [vajjī tārā (sī.), vajjīhārā (syā. pī.)] ca te sabbe, āgacchanti mamaṃ gharaṃ.
295. “Naḷakārā pesakārā, cammakārā ca tacchakā;
Kammārā kumbhakārā ca, āgacchanti mamaṃ gharaṃ.
296. “Maṇikārā lohakārā, soṇṇakārā ca dussikā;
Tipukārā ca te sabbe, āgacchanti mamaṃ gharaṃ.
297. “Usukārā bhamakārā, pesakārā ca gandhikā;
Rajakā tunnavāyā ca, āgacchanti mamaṃ gharaṃ.
298. “Telikā kaṭṭhahārā ca, udahārā ca pessikā;
Sūpikā sūparakkhā ca, āgacchanti mamaṃ gharaṃ.
299. “Dovārikā anīkaṭṭhā, bandhikā [vandikā (sī.), ganthikā (syā.), sandikā (pī.)] pupphachaḍḍakā;
Hatthāruhā hatthipālā, āgacchanti mamaṃ gharaṃ.
300. “Ānandassa mahārañño [ānandassa nāma rañño (syā.), arindamanāma rañño (pī.)],
mamattassa [pamattassa (sī. pī.), samaggassa (syā.)] adāsahaṃ;
Sattavaṇṇena ratanena, ūnatthaṃ [ūnatthaṃ (sī. syā. pī.)] pūrayāmaṃ.
301. “Ye mayā kittitā sabbe, nānāvaṇṇā bahū janā;
Tesāhaṃ cittamaññāya, tappayaṃ ratanenahaṃ.
302. “Vaggūsu bhāsamānāsu, vajjamānāsu bherisu;
Saṅkhesu dhamayantesu, sakagehe ramāmaṃ.
303. “Bhagavā tamhi samaye, padumuttaranāyako;
Vasīsatasahasseehi, parikkhīṇāsavehi so.
304. “Bhikkhūhi sahito vīthiṃ, paṭipajjittha cakkhumā;
Obhāsento disā sabbā, dīparukkhova jotati.
305. “Vajjanti bheriyo sabbā, gacchante lokanāyake;
Pabhā niddhāvate tassa, sataraṃsīva uggato.
306. “Kavāṭantarikāyāpi, pavitṭhena ca rasminā;
Antogharesu vipulo, āloko āsi tāvade.
307. “Pabhaṃ disvāna buddhassa, pārisajje avocahaṃ;
Nissamsayaṃ buddhaseṭṭho, imaṃ vīthimupāgato.
308. “Khippaṃ oruyha pāsādā, agamiṃ antarāpaṇaṃ;
Sambuddhaṃ abhivādetvā, idaṃ vacanamabravim.
309. “‘Anukampatu me buddho, jalajuttamanāyako;
Vasīsatasahasseehi, adhivāsesi so muni’.
310. “Nimantetvāna sambuddhaṃ, abhinesim sakamaṃ gharaṃ;
Tattha annena pānena, santappesim mahāmuniṃ.

311. “Bhuttāviṃ kālamaññāya, buddhaseṭṭhassa tādino;
Sataṅgikena tūriyena, buddhaseṭṭhaṃ upaṭṭhahiṃ.
312. “Padumuttaro lokavidū, āhutināṃ paṭiggaho;
Antoghare nisīditvā, imā gāthā abhāsatha.
313. “Yo maṃ tūriyehupaṭṭhāsi, annapānañcadāsi me;
Tamaḥaṃ kittayissāmi, suṇātha mama bhāsato.
314. “Pahūtabhakkho hutvāna, sahirañño sabhojano;
Catudīpe ekarajjaṃ, kārayissatiyaṃ naro.
315. “Pañcasīle samādāya, dasakammaṃ pathe tato;
Samādāya pavattento, parisāṃ sikkhāpayissati.
316. “Tūriyasatasahassāni, bheriyo samalaṅkatā;
Vajjayissantimaṃ niccaṃ, upaṭṭhānassidaṃ phalaṃ.
317. “Tiṃsakappasahassāni, devaloke ramissati;
Catusaṭṭhikkhattuṃ devindo, devarajjaṃ karissati.
318. “Catusaṭṭhikkhattuṃ rājā, cakkavattī bhavissati;
Padesarajjaṃ vipulaṃ, gaṇanāto asaṅkhiyaṃ.
319. “Kappasatasahassamhi, okkākakulasambhavo;
Gotamo nāma gottena, sathā loke bhavissati.
320. “Upapajjati yaṃ yoniṃ, devattaṃ atha mānusaṃ;
Anūnabhogo hutvāna, manussattaṃ gamissati.
321. “Ajjhāyako bhavitvāna, tiṇṇaṃ vedāna pāragū;
Uttamatthaṃ gavesanto, carissati mahiṃ imaṃ.
322. “So pacchā pabbajitvāna, sukkamūlena codito;
Gotamassa bhagavato, sāsanebhiramissati.
323. “Ārādhayitvāna sambuddhaṃ, gotamaṃ sakyapuṅgavaṃ;
Kilese jhāpayitvāna, arahāyaṃ bhavissati’.
324. “Vipine byaggharājāva, migarājāva kesarī;
Abhīto viharāmajja, sakyaputtassa sāsane.
325. “Devaloke manusse vā, dalidde duggatimhi vā;
Nibbattiṃ me na passāmi, upaṭṭhānassidaṃ phalaṃ.
326. “Vivekamanuyuttomhi, upasanto nirūpadhi;
Nāgo va bandhanaṃ chetvā, viharāmi anāsavo.
327. “Kilesā jhāpitā mayhaṃ...pe... viharāmi anāsavo.
328. “Svāgataṃ vata me āsī...pe... kataṃ buddhassa sāsanaṃ.
329. “Paṭisambhidā catasso...pe... kataṃ buddhassa sāsanaṃ”’.
Itthaṃ sudaṃ āyasmā jatukaṇṇitthero imā gāthāyo abhāsithāti.

Jatukaṇṇittherassāpadānaṃ navamaṃ.

10. Udenattheraapadānaṃ

330. “Himavantassāvidūre, padumo nāma pabbato;
Assamo sukato mayhaṃ, paṇṇasālā sumāpitā.
331. “Nadiyo sandare tattha, supatitthā manoramā;
Acchodakā sītajalā, sandare nadiyo sadā.
332. “Pāṭhīnā pāvusā macchā, balajā muñjarohitā;
Sobhenti nadiyo ete, vasanti nadiyā sadā.
333. “Ambajambūhi sañchannā, kareritilakā tathā;
Uddālakā pāṭaliyo, sobhenti mama assamaṃ.
334. “Aṅkolakā bimbijālā, māyākārī ca pupphitā;
Gandhena upavāyantā, sobhenti mama assamaṃ.
335. “Atimuttā sattalikā, nāgā sālā ca pupphitā;
Dibbagandhaṃ sampavantā, sobhenti mama assamaṃ.
336. “Kosambā sajalā nīpā, aṭṭhaṅgāpi ca pupphitā [[aṭṭhaṅgā ca supupphitā \(sī.\)](#), [kaṭṭhaṅgā ca supupphitā \(pī.\)](#)];
Dibbagandhaṃ sampavantā, sobhenti mama assamaṃ.
337. “Harītakā āmalakā, ambajambuvibhītakā;
Kolā bhallātakā billā, phalāni bahu assame.
338. “Kalambā kandalī tattha, pupphanti mama assame;
Dibbagandhaṃ [[dibbagandhā \(sī. syā. pī.\) evaṃ paratthapi](#)] sampavantā, sobhenti mama assamaṃ.
339. “Asokapiṇḍivārī ca [[asokapiṇḍī ca varī \(sī. syā.\)](#), [asokapiṇḍī ca vārī \(pī.\)](#)], nimbarukkhā ca pupphitā;
Dibbagandhaṃ sampavantā, sobhenti mama assamaṃ.
340. “Punnāgā giripunnāgā, timirā tattha pupphitā;
Dibbagandhaṃ sampavantā, sobhenti mama assamaṃ.
341. “Nigguṇḍī sirinigguṇḍī, camparukkheththa pupphitā;
Dibbagandhaṃ sampavantā, sobhenti mama assamaṃ.
342. “Avidūre pokkharāṇī, cakkavākūpakūjitā;
Mandālakehi sañchannā, padumuppalakehi ca.
343. “Acchodakā sītajalā, supatitthā manoramā;
Acchā phalikasamānā, sobhenti mama assamaṃ.
344. “Padumā pupphare tattha, puṇḍarīkā ca uppālā;
Mandālakehi sañchannā, sobhenti mama assamaṃ.

345. “Pāṭhīnā pāvusā macchā, balajā muñjarohitā;
Vicarantāva te tattha, sobhenti mama assamaṃ.
346. “Kumbhīlā susumārā ca, kacchapā ca gahā bahū;
Ogahā aḷagarā ca, sobhenti mama assamaṃ.
347. “Pārevatā ravihaṃsā, cakkavākā nadīcarā;
Dindibhā sāḷikā cettha, sobhenti mama assamaṃ.
348. “Nayitā ambagandhī ca, ketakā tattha pupphitā;
Dibbagandhaṃ sampavantā, sobhenti mama assamaṃ.
349. “Sīhā byagghā ca dīpī ca, acchakokataracchakā;
Anusañcarantā pavane, sobhenti mama assamaṃ.
350. “Jaṭābhārena bharitā, ajinuttaravāsanā;
Anusañcarantā pavane, sobhenti mama assamaṃ.
351. “Ajīnānidharā ete, nipakā santavuttino;
Appāhārāva te sabbe, sobhenti mama assamaṃ.
352. “Khāribhāraṃ gahetvāna, ajjhogayha vanaṃ tadā;
Mūlaphalāni bhujjantā, vasanti assame tadā.
353. “Na te dāruṃ āharanti, udakaṃ pādadhovanaṃ;
Sabbesaṃ ānubhāvena, sayamevāharīyati.
354. “Cullāsītisahasāni, isayettha samāgatā;
Sabbeva jhāyino ete, uttamatthagavesakā.
355. “Tapassino brahmacārī, codentā appanāva te;
Ambarāvacaṃ sabbe, vasanti assame tadā.
356. “Pañcāhaṃ sannipatanti, ekaggā santavuttino;
Aññāññaṃ abhivādetvā, pakkamanti disāmukhā.
357. “Padumuttaro nāma jīno, sabbadhammāna pāragū;
Tamandhakāraṃ vidhanaṃ, uppajji tāvade jīno.
358. “Mama assamasāmantā, yakkho āsi mahiddhiko;
So me saṃsittha sambuddhaṃ, jalajuttamanāyakaṃ.
359. “Esa buddho samuppanno, padumuttaro mahāmuni;
Khippaṃ gantvāna sambuddhaṃ, payirūpāsa mārisa.
360. “Yakkhassa vacanaṃ sutvā, vippasannena cetasā;
Assamaṃ saṃsāmetvāna, nikkhamiṃ vipinā tadā.
361. “Ceḷeva ḍayhamānamhi, nikkhamitvāna assamā;
Ekarattim nivāsetvā [nivasitvā (sī.), nivāsenā (?)], upagacchiṃ vināyakaṃ.
362. “Padumuttaro lokavidū, āhutīnaṃ paṭiggaho;

Catusaccam pakāsento, desesi amataṃ padaṃ.

363. “Suphullaṃ padumaṃ gayha, upagantvā mahesino;
Pasannacitto sumano, buddhassa abhiropayim.
364. “Pūjayitvāna sambuddhaṃ, jalajuttamanāyakam;
Ekamsaṃ ajinaṃ katvā, santhaviṃ lokanāyakam.
365. “Yena ñāṇena sambuddho, vasatīha anāsavo;
Taṃ ñāṇaṃ kittayissāmi, suṇātha mama bhāsato.
366. ““Saṃsārasotaṃ chinditvā, tāresi sabbapāṇinaṃ;
Tava dhammaṃ suṇitvāna, taṇhāsotaṃ taranti te.
367. ““Tuvaṃ satthā ca ketu ca, dhajo yūpo ca pāṇinaṃ;
Parāyaṇo patitthā ca, dīpo ca dvipaduttama [dīpaduttama (sī. syā. pī.)].
368. ““Yāvatā gaṇino loke, satthavāhā pavuccare;
Tuvaṃ aggosi sabbaññu, tava antogadhāva te.
369. ““Tava ñāṇena sabbaññu, tāresi janataṃ bahum;
Tava dassanamāgamma, dukkhassantaṃ karissare.
370. ““Ye kecime gandhajātā, loke vāyanti cakkhuma;
Tava gandhasamo natthi, puññakkhette mahāmune’.
371. ““Tiracchānayoṇiṃ nirayaṃ, parimocesi [parimocesi (syā. ka.)] cakkhuma;
Asaṅkhatam padaṃ santaṃ, desesi [desehi (syā. ka.)] tvaṃ mahāmune’.
372. “Padumuttaro lokavidū, āhutīnaṃ paṭiggaho;
Bhikkhusaṅghe nisīditvā, imā gāthā abhāsatha.
373. ““Yo me ñāṇaṃ apūjesi, pasanno sehi pāṇibhi;
Tamaḥam kittayissāmi, suṇātha mama bhāsato.
374. ““Tiṃsakappasahassāni, devaloke ramissati;
Sahassakkhattuṃ rājā ca, cakkavattī bhavissati’.
375. “Suladdhalābhaṃ laddhomhi, tosayitvāna subbatam;
Sabbāsave pariññāya, viharāmi anāsavo.
376. “Kilesā jhāpitā mayhaṃ...pe... viharāmi anāsavo.
377. “Svāgataṃ vata me āsi...pe... kataṃ buddhassa sāsanam.
378. “Paṭisambhidā catasso...pe... kataṃ buddhassa sāsanam’.
- Itthaṃ sudam āyasmā udeno thero imā gāthāyo abhāsithāti.

Udenattherassāpadānaṃ dasamaṃ.

Metteyyavaggo ekacattālīsamo.

Tassuddānaṃ –

Metteyyo puṇṇako thero, mettagū dhotakopi ca;
Upasivo ca nando ca, hemako sattamo tahiṃ.

Todeyyo jatukaṇṇī ca, udeno ca mahāyaso;
Tīṇi gāthāsātānettha, asīti tīṇi cuttarim.

42. Bhaddālivaggo

1. Bhaddālittheraapadānaṃ

1. “Sumedho nāma sambuddho, aggo kāruṇiko muni;
Vivekakāmo lokaggo, himavantamupāgami.
2. “Ajjhogāhetvā himavaṃ, sumedho lokanāyako;
Pallaṅkaṃ ābhujitvāna, nisīdi purisuttamo.
3. “Samādhiṃ so samāpanno, sumedho lokanāyako;
Sattarattindivaṃ buddho, nisīdi purisuttamo.
4. “Khāribhāraṃ [khārikājaṃ (sī.)] gahetvāna, vanamajjhogahiṃ ahaṃ;
Tatthaddasāsiṃ sambuddhaṃ, oghatiṇṇamanāsavaṃ.
5. “Sammajjaniṃ gahetvāna, sammajjitvāna assamaṃ;
Catudaṇḍe ṭhapetvāna, akāsiṃ maṇḍapaṃ tadā.
6. “Sālapupphaṃ āharitvā, maṇḍapaṃ chādayiṃ ahaṃ;
Pasannacitto sumano, abhivandiṃ tathāgataṃ.
7. “Yaṃ vadanti sumedhoti, bhūripaṇṇaṃ sumedhasaṃ;
Bhikkhusaṅghe nisīditvā, imā gāthā abhāsatha.
8. “Buddhassa giramaññāya, sabbe devā samāgamuṃ;
Asaṃsayāṃ buddhaseṭṭho, dhammaṃ desetī cakkhumā.
9. “Sumedho nāma sambuddho, āhutīnaṃ paṭiggaho;
Devasaṅghe nisīditvā, imā gāthā abhāsatha.
10. “Yo me sattāhaṃ maṇḍapaṃ, dhārayī sālachāditaṃ;
Tamaṃ kittayissāmi, suṇātha mama bhāsato.
11. “Devabhūto manusso vā, hemavaṇṇo bhavissati;
Pahūtabhogo hutvāna, kāmabhogī bhavissati.
12. “Saṭṭhi nāgasahassāni, sabbālaṅkārahūsitā;
Suvaṇṇakacchā mātaṅgā, hemakappanavāsasā.
13. “Ārūlhā gāmaṇīyehi, tomarāṅkusapāṇibhi;
Sāyaṃ pāto [sāyapāto (pī.)] upaṭṭhānaṃ, āgamissantimaṃ naraṃ;

Tehi nāgehi parivuto, ramissati ayaṃ naro.

14. “‘Saṭṭhi assasahassāni, sabbālaṅkārahūsitā;
Ājānīyāva jātiyā, sindhavā sīghavāhino.
15. “‘Ārūḥhā gāmaṇīyehi, illiyācāpadhāribhi;
Parivāressantimaṃ niccaṃ, buddhapūjāyidaṃ phalaṃ.
16. “‘Saṭṭhi rathasahassāni, sabbālaṅkārahūsitā;
Dīpā athopi veyagghā, sannaddhā ussitaddhajā.
17. “‘Ārūḥhā gāmaṇīyehi, cāpahatthehi vammibhi;
Parivāressantimaṃ niccaṃ, buddhapūjāyidaṃ phalaṃ.
18. “‘Saṭṭhi gāmasahassāni, paripuṇṇāni sabbaso;
Pahūtadhanadhaññāni, susamiddhāni sabbaso;
Sadā pātubhavissanti, buddhapūjāyidaṃ phalaṃ.
19. “‘Hatthī assā rathā pattī, senā ca caturaṅginī;
Parivāressantimaṃ niccaṃ, buddhapūjāyidaṃ phalaṃ.
20. “‘Aṭṭhārase kappasate, devaloke ramissati;
Sahassakkhattuṃ rājā ca, cakkavattī bhavissati.
21. “‘Satānaṃ tīṇikkhattuñca, devarajjaṃ karissati;
Padesarajjaṃ vipulaṃ, gaṇanāto asaṅkhiyaṃ.
22. “‘Tīṃsakappasahassamhi, okkākakulasambhavo;
Gotamo nāma gottena, satthā loke bhavissati.
23. “‘Tassa dhammesu dāyādo, oraso dhammanimmitto;
Sabbāsava pariññāya, viharissatināsavo’.
24. “‘Tīṃsakappasahassamhi, addasaṃ lokanāyakaṃ;
Etthantaramupādāya, gavesiṃ amataṃ padaṃ.
25. “‘Lābhā mayhaṃ suladdhaṃ me, yamahaññāsi sāsanaṃ;
Tisso vijjā anuppattā, kataṃ buddhassa sāsanaṃ.
26. “‘Namo te purisājañña, namo te purisuttama;
Tava ñāṇaṃ pakittetvā, pattomhi acalaṃ padaṃ.
27. “‘Yaṃ yaṃ yonupapajjāmi, devattaṃ atha mānusaṃ;
Sabbattha sukhito homi, phalaṃ me ñāṇakittane.
28. “‘Idaṃ pacchimakāṃ mayhaṃ, carimo vattate bhavo;
Nāgo va bandhanaṃ chetvā, viharāmi anāsavo.
29. “‘Kilesā jhāpitā mayhaṃ, bhavā sabbe samūhatā;
Nāgo va bandhanaṃ chetvā, viharāmi anāsavo.
30. “‘Svāgataṃ vata me āsi, mama buddhassa santike;
Tisso vijjā anuppattā, kataṃ buddhassa sāsanaṃ.

31. “Paṭisambhidā catasso, vimokkhāpi ca aṭṭhime;
Chaḷabhiñṇā sacchikatā, kataṃ buddhassa sāsanaṃ”.

Itthaṃ sudaṃ āyasmā bhaddālitthero imā gāthāyo abhāsittḥāti.

Bhaddālittherassāpadānaṃ paṭhamam.

2. Ekachattiyattheraapadānaṃ

32. “Candabhāgānadītīre, assamo sukato mama;
Susuddhapulinākiṇṇo, pannasālā sumāpitā.
33. “Uttānakūlā nadikā, supatitthā manoramā;
Macchakacchapasampannā [... [sañchannā \(ka.\)](#)], susumāranisevitā.
34. “Acchā dīpī ca mayūrā, karavīkā ca sālīkā;
Kūjanti sabbadā ete, sobhayantā mamassamaṃ.
35. “Kokilā mañjubhāṇī ca, haṃsā ca madhurassarā;
Abhikūjanti te tattha, sobhayantā mamassamaṃ.
36. “Sīhā byagghā varāhā ca, accha [[vaka \(sī. pī.\)](#)], [bakā \(syā.\)](#), [vakā \(ka.\)](#)] kokataracchakā;
Giriduggamhi nādentī, sobhayantā mamassamaṃ.
37. “Eṇīmigā ca sarabhā, bheraṇḍā sūkarā bahū;
Giriduggamhi nādentī, sobhayantā mamassamaṃ.
38. “Uddālakā campakā ca, pāṭalī sinduvārakā;
Atimuttā asokā ca, sobhayanti mamassamaṃ [[pupphanti mama assame \(sī. pī.\)](#)].
39. “Aṅkolā yūthikā ceva, sattalī bimbijālikā;
Kaṇikārā ca pupphanti, sobhayantā mamassamaṃ [[kaṇikākaṇikārā ca, pupphanti mama assame \(sī. syā. pī.\)](#)].
40. “Nāgā sālā ca saḷalā, puṇḍarīkettha pupphitā;
Dibbagandhaṃ sampavantā, sobhayanti mamassamaṃ.
41. “Ajjunā asanā cettha, mahānāmā ca pupphitā;
Sālā ca kaṅgupupphā ca, sobhayanti mamassamaṃ.
42. “Ambā jambū ca tilakā, nimbā ca sālakalyāṇī;
Dibbagandhaṃ sampavantā, sobhayanti mamassamaṃ.
43. “Asokā ca kapiṭṭhā ca, girimālettha [[bhaginimālettha \(sī. pī.\)](#)], [bhaginimālā ca \(syā.\)](#)] pupphitā;
Dibbagandhaṃ sampavantā, sobhayanti mamassamaṃ.
44. “Kadambā kadalī ceva, isimuggā ca ropitā;
Dhuvam phalāni dhārentī, sobhayantā mamassamaṃ.
45. “Harītakā āmalakā, ambajambuvibhītakā;
Kolā bhallātakā billā, phalino mama assame.

46. “Avidūre pokkharāṇī, supatitthā manoramā;
Mandālakehi sañchannā, padumuppalakehi ca.
47. “Gabbhaṃ gaṇhanti padumā, aññe pupphanti kesarī;
Opattakaṇṇikā ceva, pupphanti mama assame.
48. “Pāṭhīnā pāvusā macchā, balajā muṅjarohitā;
Acchodakamhi vicaraṃ, sobhayanti mamassamaṃ.
49. “Nayitā ambagandhī ca, anukūle ca ketakā;
Dibbagandhaṃ sampavantā, sobhayanti mamassamaṃ.
50. “Madhu bhisamhā savati, khīrasappi muḷālibhi;
Dibbagandhaṃ sampavantā, sobhayanti mamassamaṃ.
51. “Pulinā sobhanā tattha, ākiṇṇā jalasevitā;
Opupphā pupphitā senti, sobhayantā mamassamaṃ.
52. “Jaṭābhārena bharitā, ajinuttaravāsanā;
Vākacīradharā sabbe, sobhayanti mamassamaṃ.
53. “Yugamattamapekkhantā, nipakā santavuttino;
Kāmabhoge anapekkhā, vasanti mama assame.
54. “Parūḷhakacchanakhalomā, paṅkadantā rajassirā;
Rajojalladharā sabbe, vasanti mama assame.
55. “Abhiññāpāramippattā, antalikkhacarā ca te;
Uggacchantā nabhaṃ ete, sobhayanti mamassamaṃ.
56. “Tehi sissehi parivuto, vasāmi vipine tadā;
Rattindivaṃ na jānāmi, sadā jhānasamappito.
57. “Bhagavā tamhi samaye, atthadassī mahāmuni;
Tamandhakāraṃ nāsento, uppajji lokanāyako.
58. “Atha aññataro sisso, āgacchi mama santikaṃ;
Mante ajjhetukāmo so, chaḷaṅgaṃ nāma lakkhaṇaṃ.
59. “Buddho loka samuppanno, atthadassī mahāmuni;
Catusaccaṃ pakāsento, deseti amataṃ padaṃ.
60. “Tuṭṭhahaṭṭho pamudīto, dhammantaragatāsayo;
Assamā abhinikkhamma, idaṃ vacanamabraviṃ.
61. ““Buddho loka samuppanno, dvattiṃsavaralakkhaṇo;
Etha sabbe gamissāma, sammāsambuddhasantikāṃ’.
62. “Ovādapaṭīkarā te, sadhamme pāramiṃ gatā;
Sādhūti sampatiṇṇiṃsu, uttamattagavesakā.
63. “Jaṭābhārabharitā te [[jaṭābhārena bharitā \(ka.\)](#)], ajinuttaravāsanā;

Uttamatthaṃ gavesantā, nikkhamiṃsu vanā tadā.

64. “Bhagavā tamhi samaye, atthadassī mahāyaso;
Catusaccaṃ pakāseno, deseti amataṃ padaṃ.
65. “Setacchattaṃ gahetvāna, buddhaseṭṭhassa dhārayiṃ;
Ekāhaṃ dhārayitvāna, buddhaseṭṭhaṃ avandahaṃ.
66. “Atthadassī tu bhagavā, lokajeṭṭho narāsabho;
Bhikkhusaṅghe nisīditvā, imā gāthā abhāsatha.
67. ““Yo me chattaṃ adhāresi, pasanno sehi pāṇibhi;
Tamaṃ kittayissāmi, suṇātha mama bhāsato.
68. ““Imassa jāyamānassa, devatte atha mānuse;
Dhāressati sadā chattaṃ, chattadānassidaṃ phalaṃ.
69. ““Sattasattatikappāni, devaloke ramissati;
Sahassakkhattuṃ rājā ca, cakkavattī bhavissati.
70. ““Sattasattatikkhattuṅca, devarajjaṃ karissati;
Padesarajjaṃ vipulaṃ, gaṇanāto asaṅkhiyaṃ.
71. ““Aṭṭhārāse kappasate, gotamo sakyapuṅgavo;
Tamandhakāraṃ nāsento, uppajjissati cakkhumā.
72. ““Tassa dhammesu dāyādo, oraso dhammanimmito;
Sabbāsava pariññāya, viharissatināsavo’.
73. “Yato ahaṃ kammamaṃ, chattaṃ buddhassa dhārayaṃ;
Etthantare na jānāmi, setacchattaṃ adhāritaṃ.
74. “Idaṃ pacchimaṃ mayhaṃ, carimo vattate bhavo;
Chattadhāraṇamajjāpi, vattate niccakālikaṃ.
75. “Aho me sukataṃ kammaṃ, atthadassissa tādino;
Sabbāsavā parikkhīṇā, natthi dāni punabbhavo.
76. “Kilesā jhāpitā mayhaṃ...pe... viharāmi anāsavo.
77. “Svāgataṃ vata me āsi...pe... kataṃ buddhassa sāsanaṃ.
78. “Paṭisambhidā catasso...pe... kataṃ buddhassa sāsanaṃ’’.
Itthaṃ sudaṃ āyasmā ekachattiyo thero imā gāthāyo abhāsithāti;

Ekachattiyattherassāpadānaṃ dutiyaṃ.

3. Tiṇasūlakachādaniyattheraapadānaṃ

79. “Jātiṃ jaraṅca maraṇaṃ, paccavekkhiṃ ahaṃ tadā;
Ekako abhinikkhamma, pabbajiṃ anagāriyaṃ.
80. “Caramānonupubbena, gaṅgātīraṃ upāgamiṃ;
Tatthaddasāsiṃ pathaviṃ, gaṅgātīre samunnataṃ.

81. “Assamaṃ tattha māpetvā, vasāmi assame ahaṃ;
Sukato caṅkamo mayhaṃ, nānādi jagaṇāyuto.
82. “Mamupenti ca vissathā, kūjanti ca manoharaṃ;
Ramamāno saha tehi, vasāmi assame ahaṃ.
83. “Mama assamasāmantā, migarājā catukkamo;
Āsayā abhinikkhamma, gajji so asanī viya.
84. “Nadite migarāje ca, hāso me udapajjatha;
Migarājaṃ gavesanto, addasaṃ lokanāyakaṃ.
85. “Disvānāhaṃ devadevaṃ, tissaṃ lokagganāyakaṃ;
Haṭṭho haṭṭhena cittena, pūjayiṃ nāgakesaraṃ.
86. “Uggacchantaṃva sūriyaṃ, sālārājaṃva pupphitaṃ;
Osadhiṃva virocantaṃ, santhaviṃ lokanāyakaṃ.
87. ““Tava ñāṇena sabbaññu, mocesiṃva sadevakaṃ;
Tavaṃ ārādhayitvāna, jātiyā parimuccare.
88. ““Adassanena sabbaññu, buddhānaṃ sabbadassinaṃ;
Patantivīcinirayaṃ, rāgādosehi ophuṭā [otthaṭā (syā.)].
89. ““Tava dassanamāgama, sabbaññu lokanāyaka;
Pamuccanti bhavā sabbā, phusanti amataṃ padaṃ.
90. ““Yadā buddhā cakkhumanto, uppajjanti pabhaṅkarā;
Kilese jhāpayitvāna, ālokaṃ dassayanti te’.
91. “Kittayitvāna sambuddhaṃ, tissaṃ lokagganāyakaṃ;
Haṭṭho haṭṭhena cittena, tiṇasūlaṃ apūjayiṃ.
92. “Mama saṅkappamaññāya, tisso lokagganāyako;
Sakāsane nisīditvā, imā gāthā abhāsatha.
93. ““Yo maṃ pupphehi chādesi, pasanno sehi pāṇibhi;
Tamaṃ kittayissāmi, suṇātha mama bhāsato.
94. ““Pañcavīsattikkhattuṃ so, devarajjaṃ karissati;
Pañcasattattikkhattuñca, cakkavattī bhavissati.
95. ““Padesarajjaṃ vipulaṃ, gaṇanāto asaṅkhiyaṃ;
Tassa kammanissandena [kammaṃ nissanda (sī. syā. pī.)], pupphānaṃ pūjanāya ca [so (syā. pī.)].
96. ““Sīsaṃhāto cayaṃ poso, pupphamākaṅkhate yadi [sāyaṃ pāto cayaṃ poso, pupphehi maṃ achādayi (syā.)];
Puññakammaṃ saṃyuttaṃ [saṃyutto (sī. syā. pī.)], purato pātubhavissati.
97. ““Yaṃ yaṃ icchati kāmehi, taṃ taṃ pātubhavissati;
Saṅkappaṃ paripūretvā, nibbāyissatināsavo’.

Aṭṭhārasamaṃ bhāṇavāraṃ.

98. “Kilese jhāpayitvāna, sampajāno patissato;
Ekāsane nisīditvā, arahattamaṃ puṇiṃ.

99. “Caṅkamanto nipajjanto, nisinno uda vā ṭhito;
Buddhaseṭṭhaṃ saritvāna, viharāmi ahaṃ sadā.

100. “Cīvare piṇḍapāte ca, paccaye sayanāsane;
Tattha me ūnatā natthi, buddhapūjāyidaṃ phalaṃ.

101. “So dāni patto amataṃ, santaṃ padamanuttaraṃ;
Sabbāsava pariññāya, viharāmi anāsavo.

102. “Dvenavute ito kappe, yaṃ pupphamabhipūjayiṃ;
Duggatiṃ nābhijānāmi, buddhapūjāyidaṃ phalaṃ.

103. “Kilesā jhāpitā mayhaṃ...pe... viharāmi anāsavo.

104. “Svāgataṃ vata me āsi...pe... kataṃ buddhassa sāsanaṃ.

105. “Paṭisambhidā catasso...pe... kataṃ buddhassa sāsanaṃ”.

Itthaṃ sudaṃ āyasmā tiṇasūlakachādaniyo [tiṇasūlikachādaniyo (ka.)] thero imā gāthāyo abhāsithāti.

Tiṇasūlakachādaniyattherassāpadānaṃ tatiyaṃ.

4. Madhumaṃsadāyakaṭṭharaapadānaṃ

106. “Nagare bandhumatiyā, sūkariko ahasahaṃ;
Ukkoṭaṃ randhayitvāna [ukkoṭakaṃ randhayitvā (sī. syā.)], madhumaṃsamhi
[madhusappimhi (pī.), madhuṃ maṃsamhi (ka.)] okiriṃ.

107. “Sannipātaṃ ahaṃ gantvā, ekaṃ pattaṃ gahasahaṃ;
Pūrayitvāna taṃ pattaṃ, bhikkhusaṅghassadāsahaṃ.

108. “Yottha therataro bhikkhu, niyyādesi mamaṃ tadā;
Iminā pattapūrena, labhassu vipulaṃ sukhaṃ.

109. “Duve sampattiyo bhutvā, sukkamūlena codito;
Pacchime vattamānamhi, kilese jhāpayissati.

110. “Tattha cittaṃ pasādetvā, tāvatimsamagacchahaṃ;
Tattha bhutvā pivitvā ca, labhāmi vipulaṃ sukhaṃ.

111. “Maṇḍape rukkhamūle vā, pubbakammaṃ anussariṃ;
Annapanābhivasso me, abhivassati tāvade.

112. “Idaṃ pacchimakamaṃ mayhaṃ, carimo vattate bhavo;
Idhāpi annapānaṃ me, vassate sabbakālikaṃ.

113. “Teneva madhudānena [maṃsadānena (sī. pī.)], sandhāvitvā bhava ahaṃ;
Sabbāsava pariññāya, viharāmi anāsavo.

114. “Ekanavutito kappe, yaṃ dānamadadiṃ tadā;
Duggatiṃ nābhijānāmi, madhudānassidaṃ phalaṃ.
115. “Kilesā jhāpitā mayhaṃ...pe... viharāmi anāsavo.
116. “Svāgataṃ vata me āsi...pe... kataṃ buddhassa sāsanaṃ.
117. “Paṭisambhidā catasso...pe... kataṃ buddhassa sāsanaṃ”.
- Itthaṃ sudamā āyasmā madhumaṃsadāyako thero imā gāthāyo abhāsithāti.

Madhumaṃsadāyakattherassāpadānaṃ catutthaṃ.

5. Nāgapallavattheraapadānaṃ

118. “Nagare bandhumatiyā, rājuyyāne vasāmahaṃ;
Mama assamasāmantā, nisīdi lokanāyako.
119. “Nāgapallavamādāya, buddhassa abhiropayim;
Pasannacitto sumano, sugataṃ abhivādayim.
120. “Ekanavutito kappe, yaṃ pallavamapūjayim;
Duggatiṃ nābhijānāmi, buddhapūjāyidaṃ phalaṃ.
121. “Kilesā jhāpitā mayhaṃ...pe... viharāmi anāsavo.
122. “Svāgataṃ vata me āsi...pe... kataṃ buddhassa sāsanaṃ.
123. “Paṭisambhidā catasso...pe... kataṃ buddhassa sāsanaṃ”.
- Itthaṃ sudamā āyasmā nāgapallavo thero imā gāthāyo abhāsithāti.

Nāgapallavattherassāpadānaṃ pañcamaṃ.

6. Ekadīpiyattheraapadānaṃ

124. “Parinibbute sugate, siddhatthe lokanāyake;
Sadevamānusā sabbe, pūjenti dvipaduttamaṃ.
125. “Āropite ca citake, siddhatthe lokanāyake;
Yathāsakena thāmena, citaṃ pūjenti satthuno.
126. “Avidūre citakassa, dīpaṃ ujjālayim ahaṃ;
Yāva udeti sūriyo, dīpaṃ me tāva ujjalī.
127. “Tena kamma sukatenā, cetanāpaṇidhīhi ca;
Jahitvā mānusaṃ dehaṃ, tāvatimsamagacchahaṃ.
128. “Tattha me sukataṃ byamaṃ, ekadīpīti nāyati;
Dīpasatasahassāni, byamhe pajjalare mama.
129. “Udayantova sūriyo, deho me jotate sadā;
Sappabhāhi sarīrassa, āloko hoti me sadā.
130. “Tirokuṭṭaṃ [tirokuḍḍaṃ (sī. syā. ka.)] tiroselam, samatiggayha [sabbatthapi evameva dissati]
pabbataṃ;
Samantā yojanasataṃ, passāmi cakkhunā ahaṃ.

131. “Sattasattatikkhattuñca, devaloke ramim aham;
Ekatimsatikkhattuñca, devarajjamakārayim.
132. “Aṭṭhavīsaticcikkhattuñca, cakkavattī ahosaham;
Padesarajjam vipulam, gaṇanāto asaṅkhiyam.
133. “Devalokā cavitvāna, nibbattim mātukucchiyam;
Mātukucchigatassāpi, akkhi me na nimīlati.
134. “Jātiyā catuvassoham, pabbajim anagāriyam;
Aḍḍhamāse asampatte, arahattamapāpuṇim.
135. “Dibbacakkhum visodhesim, bhavā sabbe samūhatā;
Sabbe kilesā sañchinnā, ekadīpassidaṃ phalam.
136. “Tirokuṭṭam tiroselam, pabbatañcāpi kevalam;
Samatikkamma [sabbatthapī evameva dissati] passāmi, ekadīpassidaṃ phalam.
137. “Visamā me samā honti, andhakāro na vijjati;
Nāham passāmi timiram, ekadīpassidaṃ phalam.
138. “Catunnavutito kappe, yaṃ dīpamadadiṃ tadā;
Duggatiṃ nābhijānāmi, ekadīpassidaṃ phalam.
139. “Kilesā jhāpitā mayham...pe... viharāmi anāsavo.
140. “Svāgataṃ vata me āsi...pe... kataṃ buddhassa sāsanaṃ.
141. “Paṭisambhidā catasso...pe... kataṃ buddhassa sāsanaṃ”.
Ittham sudaṃ āyasmā ekadīpiyo thero imā gāthāyo abhāsithāti.

Ekadīpiyattherassāpadānaṃ chaṭṭham.

7. Ucchaṅgapupphiyattheraapadānaṃ

142. “Nagare bandhumatiyā, ahosim mālika tadā;
Ucchaṅgaṃ pūrayitvāna, agamaṃ antarāpaṇaṃ.
143. “Bhagavā tamhi samaye, bhikkhusaṅghapurakkhato;
Mahatā ānubhāvena, niyyāti lokanāyako.
144. “Disvāna lokapajjotaṃ, vipassim lokatāraṇaṃ;
Pupphaṃ paggayha ucchaṅgā, buddhaseṭṭham apūjayim.
145. “Ekanavutito kappe, yaṃ pupphamabhipūjayim;
Duggatiṃ nābhijānāmi, buddhapūjāyidaṃ phalam.
146. “Kilesā jhāpitā mayham...pe... viharāmi anāsavo.
147. “Svāgataṃ vata me āsi...pe... kataṃ buddhassa sāsanaṃ.
148. “Paṭisambhidā catasso...pe... kataṃ buddhassa sāsanaṃ”.
Ittham sudaṃ āyasmā ucchaṅgapupphiyō thero imā gāthāyo abhāsithāti.

Ucchaṅgapupphiyattherassāpadānaṃ sattamaṃ.

8. Yāgudāyakattheraapadānaṃ

149. “Atithiṃ [atītaṃ (ka.)] me gahetvāna, agacchiṃ gāmakam tadā;
Sampunṇanadikam disvā, saṅghārāmaṃ upāgamiṃ.
150. “Ārañṇakā dhutadharā, jhāyino lūkhacīvarā;
Vivekābhiratā dhīrā, saṅghārāme vasanti te.
151. “Gati tesam upacchinnā, suvimuttāna tādinaṃ;
Piṇḍāya te na gacchanti, oruddhanaditāya hi [oruddhanadikāyatim (syā.)].
152. “Pasannacitto sumano, vedajāto katañjalī;
Taṇḍulam me gahetvāna, yāgudānaṃ adāsahaṃ.
153. “Pañcannaṃ yāguṃ datvāna, pasanno sehi pāṇibhi;
Sakakammābhiraddhohaṃ, tāvatimsamagacchahaṃ.
154. “Mañimayañca me byamhaṃ, nibbatti tidase gaṇe;
Nārīgaṇehi sahito, modāmi byamhamuttame.
155. “Tettiṃsakkhattuṃ devindo, devarajjamakārayiṃ;
Tiṃsakkhattuṃ cakkavattī, mahārajjamakārayiṃ.
156. “Padesarajjaṃ vipulaṃ, gaṇanāto asaṅkhiyaṃ;
Devaloke manusse vā, anubhotvā sayam [yasam (syā.)] ahaṃ.
157. “Pacchime bhava sampatte, pabbajiṃ anagāriyaṃ;
Saha oropite kese, sabbaṃ sampaṭivijjhahaṃ.
158. “Khayato vayato cāpi, sammasanto kaḷevaram;
Pure sikkhāpadādānā, arahattamaṃpūṇiṃ.
159. “Sudinnaṃ me dānavaram, vāñijjaṃ sampayojitaṃ;
Teneva yāgudānena, pattomhi acalaṃ padaṃ.
160. “Sokaṃ pariddavaṃ byādhiṃ, darathaṃ cittatāpanaṃ;
Nābhijānāmi uppannaṃ, yāgudānassidaṃ phalaṃ.
161. “Yāguṃ saṅghassa datvāna, puññakkhette anuttare;
Pañcānisamse anubhomi, aho yāgusuyiṭṭhatā.
162. “Abyādhitā rūpavatā, khippaṃ dhammanisantitā [nibujjhita (syā.)];
Lābhitā annapānassa, āyu pañcamakaṃ mama.
163. “Yo koci vedaṃ janayaṃ, saṅghe yāguṃ dadeyya so;
Imāni pañca ṭhānāni, paṭigaṇheyya paṇḍito.
164. “Karaṇīyaṃ kataṃ sabbaṃ, bhavā ugghāṭitā mayā;
Sabbāsavā parikkhīṇā, natthi dāni punabbhavo.
165. “So ahaṃ vicarissāmi, gāmā gāmaṃ purā puram;
Namassamāno sambuddhaṃ, dhammassa ca sudhammataṃ.

166. “Timsakappasahassamhi, yaṃ dānamadadiṃ tadā;
Duggatiṃ nābhijānāmi, yāgudānassidaṃ phalaṃ.
167. “Kilesā jhāpitā mayhaṃ...pe... viharāmi anāsavo.
168. “Svāgataṃ vata me āsi...pe... kataṃ buddhassa sāsanaṃ.
169. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā yāgudāyako thero imā gāthāyo abhāsittthāti.

Yāgudāyakattherassāpadānaṃ aṭṭhamam.

9. Patthodanadāyakattheraapadānaṃ

170. “Vanacārī pure āsiṃ, satataṃ vanakammiko;
Patthodanaṃ gahetvāna, kammantaṃ agamāsahaṃ.
171. “Tatthaddasāsiṃ sambuddhaṃ, sayambhuṃ aparājitaṃ;
Vanā piṇḍāya nikkhantaṃ, disvā cittaṃ pasādayiṃ.
172. “Parakammāyane [vayakammāyane (ka.)] yutto, puññañca me na vijjati;
Ayaṃ patthodano atthi, bhojayissāmaṃ [bhojayissāmi maṃ (syā.)] munīṃ.
173. “Patthodanaṃ gahetvāna, sayambhussa adāsahaṃ;
Mama nijjhāyamānassa, paribhuñji tadā muni.
174. “Tena kammena sukatenā, cetanāpaṇidhīhi ca;
Jahitvā mānusaṃ dehaṃ, tāvatimsamagacchahaṃ.
175. “Chattimsakkhattuṃ devindo, devarajjamakārayiṃ;
Tettimsakkhattuṃ rājā ca, cakkavattī ahasahaṃ.
176. “Padesarajjaṃ vipulaṃ, gaṇanāto asaṅkhiyaṃ;
Sukhito yasavā homi, patthodanassidaṃ phalaṃ.
177. “Bhavābhava saṃsaranto, labhāmi amitaṃ dhanaṃ;
Bhoge me ūnatā natthi, patthodanassidaṃ phalaṃ.
178. “Nadīsotapaṭibhāgā, bhogā nibbattare mama;
Parimetuṃ na sakkomi, patthodanassidaṃ phalaṃ.
179. “Imaṃ khāda imaṃ bhuñja, imamhi sayane saya;
Tenāhaṃ sukhito homi, patthodanassidaṃ phalaṃ.
180. “Catunnavutito kappe, yaṃ dānamadadiṃ tadā;
Duggatiṃ nābhijānāmi, patthodanassidaṃ phalaṃ.
181. “Kilesā jhāpitā mayhaṃ...pe... viharāmi anāsavo.
182. “Svāgataṃ vata me āsi...pe... kataṃ buddhassa sāsanaṃ.
183. “Paṭisambhidā catasso...pe... kataṃ buddhassa sāsanaṃ”.
Itthaṃ sudaṃ āyasmā patthodanadāyako thero imā gāthāyo abhāsittthāti.

Patthodanadāyakattherassāpadānaṃ navamaṃ.

10. Mañcadāyakattheraapadānaṃ

184. “Parinibbute kārūṇike, siddhatthe lokanāyake;
Vitthārike pāvacane, devamānusasakkate.
185. “Caṇḍālo āsahaṃ tattha, āsandipīṭhakārako;
Tena kammena jīvāmi, tena posemi dārake.
186. “Āsandim sukataṃ katvā, pasanno sehi pāṇibhi;
Sayamevupagantvāna, bhikkhusaṅghassadāsahaṃ.
187. “Tena kammena sukatenā, cetanāpaṇidhīhi ca;
Jahitvā mānusaṃ dehaṃ, tāvatimsamagacchahaṃ.
188. “Devalokagato santo, modāmi tidase gaṇe;
Sayanāni mahagghāni, nibbattanti yadicchakaṃ.
189. “Paññāsakkhattuṃ devindo, devarajjamakārayim;
Asītikkhattuṃ rājā ca, cakkavattī ahosahaṃ.
190. “Padesarajjaṃ vipulaṃ, gaṇanāto asaṅkhiyaṃ;
Sukhito yasavā homi, mañcadānassidaṃ phalaṃ.
191. “Devalokā cavitvāna, emi ce mānusaṃ bhavaṃ;
Mahārahā susayanā, sayameva bhavanti me.
192. “Ayaṃ pacchimako mayhaṃ, carimo vattate bhavo;
Ajjāpi sayane kāle [sayanakāle (syā.)], sayanaṃ upatiṭṭhati.
193. “Catunnavutito kappe, yaṃ dānamadadiṃ tadā;
Duggatiṃ nābhijānāmi, mañcadānassidaṃ phalaṃ.
194. “Kilesā jhāpitā mayhaṃ...pe... viharāmi anāsavo.
195. “Svāgataṃ vata me āsi...pe... kataṃ buddhassa sāsanaṃ.
196. “Paṭisambhidā catasso...pe... kataṃ buddhassa sāsanaṃ”’.
Itthaṃ sudaṃ āyasmā mañcadāyako thero imā gāthāyo

Abhāsithāti.

Mañcadāyakattherassāpadānaṃ dasamaṃ.

Bhaddālivaggo bācattālīsamō.

Tassuddānaṃ –

Bhaddālī ekachatto ca, tiṇasūlo ca maṃsado;
Nāgapallaviko dīpī, ucchaṅgi yāgudāyako.

Patthodanī mañcadado, gāthāyo gaṇitā ciha;
Dvesatāni ca gāthānaṃ, gāthā cekā taduttari.